

АЛЕКСАНДР ЛЬЮРОВ

**ЭН  
ВУНО-  
ДОЙ  
НАЙОС**





АЛЕКСАНДР ЛЫКUROB

**ЭН  
ВУНО-  
ДОИ  
НАЙОС**



ПОВЕСТЬЯС  
ВИСЬТЬЯС

## Лыюров А. А.

Л 88 Эн вунӧдӧй найӧс. Висьтъяс, повесть. Коми книжнӧй издательство. Сыктывкар, 1974.

Гражданскӧй войнасянь заводитӧмӧн да Великӧй Отечественнӧй война вуджӧмӧн Александр Лыюров вайӧдӧ мянӧс аслас геройяслӧн талунъя олӧмӧ, талунъя проблемаяс могӧдӧмӧдз. Талунъяас эм тшӧтш и сійӧ бурис, кодӧс сӧвмӧдӧсны-перйисны дедъясным да батьясным на, энӧ вунӧдӧй найӧс — быттьӧкӧ шуӧ аслас книгаӧн авторис да чуксалӧ книгаӧ пыртӧм образъясӧн водзмӧстчыны, не ланьтӧдчыны, не кольны олӧм визувсьыс бокӧ, пыр мунны водзӧ и водзӧ.

Тайӧ книгаӧдз Александр Лыюров лэдзліс нин вит книга — «Прӧстӧй йӧз». «Зарни княс», «Водзын любовь», «Лена», «Менам ёртъяс йылысь повесть», «Зарни княс» повестыс петавліс и рочмӧдӧмӧн.

«Эн вунӧдӧй найӧс» книгаӧ артмӧдӧсны квайт висьт да «Сьӧлӧмӧй менам тані» повесть. кӧні петкӧдлӧма талунъя сиктысь олӧм-вылӧмӧ, совхозса уджалысь войтырлысь тӧждысьӧмӧ, зільӧмӧ.

Л  $\frac{0733-033}{M128(03)-74}$  27—74 м.

С (коми)

© Коми книжнӧе издательство 1974 г.

## ПАРМАСА БАЛЛАДА

В и с ь т



Вөр керка куткырвидзис гырысь пуяс улын. Орччөн — тшамъя. Став сертиыс тёдчис, мый тані некод оз ов. Первой лым, коді сөмын на вевтис кынмөм мусө, некод абу вөрзёдлөма. Сөмын шувгёны лым туктаён төбсыйтөм на пемыд козъяс, паськыд сывъяса пожөмъяс. Сырмөны көдзыд вой төв улын веж паськөмсө шыбитөм кызъяс да пипуяс, найө оз нин вермыны нимкодясьны бужөд увті визувтысь неиджыд юө видзөдчиг: көдзыдыс мырддис налысь гожеся рөмпөштансө, дорис йиөн ва веркөс да кызсюрө шыблалис сы вылө лымсө.

Но сюсь син и татысь вермас казавны быдлунъя олөм. Вөр керкавесьтса ыджыд пожөм вож вылын юр вемсө жалиттөг тільсис-пессис сера сизь. Ылөдз паськалис нырнас таргөмлөн йөлөгаыс. Со тасянь неылын, коз пудорса лым вылын, важ кольяслөн колясьясыс. Наён нуръясьөма ур. Но сийөс казавны сьөкыд: удитөма нин вежны гожеся гөрд пасьсө. Кытөн-сюрө, быттьө еджыд пызан дөра вылө вышивайтөм крестъяс, тыдалісны лэбач кок туйяс. А көчъяс эз повны матыстчывны весиг вөр керка дорө, тыдалө, төдісны, мый сийө овтөм.

Сёр арся рудов лун катовтчис рытлань. Заводитіс өдйө рөмдыны. Быттьөкө улөдзджык өшйисны сьөдасьөм еджыд вурун кодь кымөръяс, ёнджыка куткыртчис вөр керка, өдва кутісны төдчыны бужөд йылын сырмысь кызъяслөн да пипуясслөн мыгөръяс, а сэсся вочасөн сорлассисны рөмыдыскөд.

Дзикөдз пемдөм бөрын нин лөня шувгысь пармаын кылісны бокөвөй шыяс. Мыйкө дзуртыштіс: өдва-өдва. Сэсся мөдысь, но гораджыка нин. Қоймөдысь,

нѣльѡдысь. И пыр матынджык да матынджык. Со пу-  
яс пѡвстѡ вошѡм, лымйѡн пудритыштѡм ордым вылын  
тыдовтчис нейджыд тупыль кодъ пон. Сійѡ кокныди-  
ка, тѣрмасьтѡг тюрис вѡр керка дорѡдз, исасигтыр  
кытшовтис стенъяс гѡгѡр, воліс тшамъя дорѡ. А дзур-  
тыштавлѡ, вѡлѡмкѡ, нарт сювъяс улын кос лым. Во-  
лысѡ доддьясьѡм ѣн морт меліа шыасис понйис дорѡ:

— Но, ставыс бур, Лыско?

Пон сувтыштліс, тѣрыба ѡвтыштис бѡжнас: да пѡ.  
Мортыс кыскис нартсѡ керка дорѡдз. Пѡрччис кѡч  
ку шапкасѡ. Чань бурысь кодъ юрсиыс шавгысис пель-  
помъяс вылѡдзис. Кузь да вына чуньяса кинас пырк-  
нитис бурысь вывсьыс пѡсьсѡ да шапкаасис бѡр.

Ѳдзѡс пыкѡд вылын лым тукта. Сідзкѡ, некод абу  
волѡма татчѡ матысса кадѡ. Перйис козьянысь чер,  
тышкыштис, медым шедіс муѡ кынмыштѡм помыс.  
Гурйив восьтис ѡдзѡссѡ. Керка пытшкысь ѡвтыштис  
дыр ѡвтѡм дукѡн, кѡдзыдѡн.

— Видза олан, батылѡн вѡчѡмторйѡй! Лѣдз шойч-  
чыны да шонтысьны,—вомгорулас шуис морт да  
воськовтис порог вомѡн. Керкаын вѡлі нѡшта нин пе-  
мыд. Но морт, быттьѡ нѣмыс овлѡма тані, велалѡм  
киѡн корсис гор дорысь пес, сюяліс найѡс пачѡ. Не-  
дыр мысти ырѡбтис сямѡд. Пемыдыс йѡршитчис гор  
сайѡ. Морт восьтис стенѡ вѡчѡм розь, кыті тшынсѡ  
кыскѡ ывлаѡ, нейджыд роскѡн чышкис пельѡсьясысь  
черань вез, джоджысь бус да ѣг. Недыр мысти нар  
вылын лои нин чорыд кѡра ныв лыс. Вевтчис сійѡс  
дѡра помѡн, лѡсьѡдыштис юрлѡс. Со тѣныд и вольпась.  
Коліс дасьтыны мыйкѡ нурьясьыштны.

Морт петіс ывлаѡ, кутіс разявны нарт вылѡ сѡвтѡм  
тубрас. Ачыс варовитис сѣні жѡ пукалысь понкѡд:

— Тѡрыт на вѡлім йѡз дінынѡсь, а талун со кык  
чѡм кост сайынѡсь. Но немтор, Лыско, пока тані жы-  
руйтам тѣа-меа, гудыр ваыс бѡр сѡдзас. А кок туйтѡ  
оз аддзыны. Лымъялѡ со. Сѣссия ѡд тайѡ вѡр керкасѡ  
некод оз тѡд, Яков дядь кындзи. Но ѡні сійѡ гортсянъ  
ылын. Тайѡ керкасѡ ми батькѡд тшуплім салдатѡ мун-  
тѡдз на, нѣль во сайын. Тѣ сѣки кычан на вѡлін. Руш-  
куыд гѡрдов, ваджикасян-ветлѡдлан. А ѡні со вежѡр-  
ыв вѡѡмыд. Тшыглы ог кулѡй, зверь-пѡткаыд тані  
ваѡн вайѡм лѡп мында. Война чѡжыс найѡс некод эз  
вѡрзьѡдлы.

Морт кыкис тубрассыс ыджыд дозмөр.

— Со тай, локтигмоз, кутшөмөс пезьдөдiм, тэа-меа-лы кык лун тырмас. Овмөдчам, кызкө-мыйкө, ен от-сөгөн. Совным да пызыным тай сөмын ичөт доз-йын-а... Но өд нэмнымөс танi ог на кутöй көкны. Дерт, öнi олөмыд, кыз поконики батьö шулывлiс, горт пөв вылын сулалөм кодь жö да. Со тай кодсюрөос быттьö дон көртөн дзижалiсны. Ок и олөм...

Тадзи варовитiс сiйö понйыскөд, нуръясянтор лө-сьөдiг. Гор ваймөм бөрын ыръялысь öгыръяс югөр улын заводитiс сөйны. Дозмөр шыд вөли чөскыд, аслыс и понйыслы тырмымөн.

— Тырт рушкүтö дзен-дзен! Аски, Лыско, ковмас крепыда додьясьлыны. Кытшовтам чөс туй, октысям. Лымсö весалам чөсьяс дорысь да, локтасны на доз-мөръясыд пуртикасьнытö. Дыша кө юн ов, лоас, Лыско, нянь и сов.

Идрасьөм да керка кытшовтөм бөрын морт пөрч-чысис да нюжөдчис ныв пу лыс вольпась вылө. Керкаын ымралө кос шонид. Шыч ни рач. Горводзса джджсö öдва югдөдыштöны чусалысь öгыръяс, кодъяс заводитiсны нин вевттьысьны руд пөим кеньөн. Лөсьыда шойччө мудзөм вир-яй. Кымынысь сiйö мөв-павлiс буретш та йылысь: воас гортас, каяс парма чуркйö, медым бурдөдны не сөмын туша вывсьыс дойяссö, но и асьыс ловсö, кодi эз этша доймав да вись и окопъясын, и австрийскöй пленын. Да, нель во сайö, ыли му-ватi ветлөм бөрын, воис портас. Ас киөн тшупөм вөр керка, муса парма, орччөн вежөра пон, пищаль, патронташ. А вот лолыс тай оз на жö вермы инасьны. Көть и шой кодьөдз мудзис, а син оз кунь-сьы. Вельшөрö шувгө-мойдö стенсайса парма, мелiалö асьыс мудзөм писö, кодысь сылөн, дерт жö, бырис гажыс. Морт кылö и гөгөрвоö сылысь зильөмсö, но ун öтарö пышйö.

Бөръя воясыс казътывсьöны. Нель во сайын том зонмөн на нуисны салдатö. Недыр служитiс Ярослав-лын. Сэсся веськалiс рытив-луныв фронт вылө, Гроховскöй полкö. 1916 вося гожöмын заводитчис ыджыд наступление. Фронтнас командуйтiс генерал Брусилов. Боевöй морт. Адзылiс ас синнас. Сэки нин том салдатлөн морөсас öшалiс георгиевскöй крест. Сетiсны сiйöс некымынысь разведкаö ветлөм бөрын.

Том зонмӱс кыпӱдӱсны унтерӱдз. Но наступайтны петӱм бӱрын некымын лун мысти ранитчис кокас да веськаліс австриякъяс киӱ. Оліс пленын. Быдсямаыс вӱвлӱ. Эз этша бертлы коссӱ, воліс сэтчӱдз, мый кӱтъ кӱин моз омляв, но кодкӱ ӱмӱй пуктас пыдди. Пыш-йыліс лагерысь, но кутӱсны. Нӱйтӱсны, тешитчисны. Ӗшӱдлісны весиг гезъясӱн крук йылӱ, лыясыс сӱмын крутша-кратшакылӱны. Но ловйӱн тай коли...

Сэсся кывсис, мый Россияын революция. Австриецъяс лоисны морт сямаӱсджык. Ыстӱсны уджавны ӱти озыр семьяӱ. Мыркис быдторсӱ, кытчӱдз эз вежны сійӱс австрийскӱй военнопленнӱйяскӱд. И со, таво ар воис гортас. Но эз удайтчы шойччыны: бара война. Печораын еджыдъяс, Эжваын гӱрдъяс. Ӗтарас и мӱдарас ас йӱз. Мун дай гӱгӱрво, мыйла виалӱны ӱта-мӱдсӱ мужикъяс...

А сиктын старшина пыдди кӱзйитис Пирстӱ Ӗльӱш, корысь-вотысь. Водзті вӱлыс век бӱжтӱм вӱвлӱ. Ӗти мӱс да некымын ыж кындзи овмӱсас ӱні на немтор абу. А челядыс зӱбня тыр, кизь кодӱсӱ. Сэсся со кутшӱмкӱ комбед. Партячейка. Нардом. Сьӱкыд вӱлі велавны первойсӱ. Нардомад частӱ ветлывліс. Нырщикаліс сӱні томиник учительша. Спектакляс петкӱдлӱны, кикимеритчӱны. Но не наӱдз вӱлі сэки: бать кувсьӱма кольӱм во. Доймӱма вӱралігас, абу и бурдлӱма. Мам шогысла ӱдва коксӱ кыскалӱ. Став овмӱсыс ыджыдджык чой пельпомъяс вылын. Колӱ вердны вӱла-мӱска, гӱрны-кӱдзны, вундыны-вартны. Война чӱж гӱрбсӱ эз веськӱдлы. А ӱд чойыс том на. Дерт жӱ, кок шонтысь йылысь, кӱнкӱ, мӱвпалӱ. Да кысь сійӱс босытан? Тшӱтшъяс пиысь ӱтияс усисны война вымын, мӱдъяс и ӱні воуйтӱны. Дырджык кӱ тадзи лӱ, сылы кокас ва сӱдзас. Оз нин мусукасьӱмӱдз ло. Сьӱлӱм чепӱльтмӱн лоис жаль чойыс. Ачыс сійӱ, верстьӱ зон, дзесис пармаӱ, овмӱссӱ бара коліс чойыс вылӱ. Мый вӱчан? (Коді мыжа таысь? Дерт жӱ, война. И мый сӱмын юкӱны мужикъясыс, олісны кӱ важ моз тӱлкӱн да ладӱн, некод эськӱ эз тшӱкты виавны ӱта-мӱдсӱ.

Волостнӱй военкоматын видлісны и сійӱс бара кыскыны лы-сьӱм изан тайӱ мельничас, но вӱзйысис на шойччыны, уджыштны гортын, вайӱдны пӱрадокӱ овмӱс. А сэсся пӱ вӱлисти тыдовтчас.

Но сэки нем виччысьтөг Печораысь петісны еджыдьяс. Куим лун сайын корисны нардомө, код весьтын öнi нетшкысис гөрд пыдди еджыд флаг. Тани мыйкө штаб модаа. Қильчө дорас часөвөй. Қизьöри-ник ус-тошка служивөй, шынельыс быттьö полöкалö вылын, кузь ныръяса камашияснас дзуртö-юждö лымсö.

Дежурнөй унтер нуöдiс неыджыд вежöсö, кöнi водзджык тöлкуйтлывліс аслас отсасысьясыскöд учительша, кызди да кор спектакасыны. Пызан сайын лажвидзис-пукаліс прапорщик погоньяса том морт. Дженьяда шырöм юрсиа. Нырыс карнан пом кодь — чангыля. Гөгрöс чужöмыс быттьö рач вылысь босьтöм блин — лöсталö. Ачыс кзынік жö, ловзьöм көлöб кодь.

Öшинь дорын пырысьлы мышкөн куритчис поручик. Кузь тушаа, косіник. Съод юрсисö сыналöма бөр-выв, френчыс да бриджиыс сы вылын быттьö вурыштöма. Тасмаыс да портупеяыс новлыштöма нин, оз дзуртны быд вөрзыштигөн, кызди прапорщиклөн. Став сертиыс тöдчис: поручик — кадрöвөй офицер. Но сійö весиг син бөжсö эз чөвтлы пырысь вылö, тыдалö, мыйкө интереснөйöс аддзис ывласьыс.

— Унтер-офицер Роман Гилев?— чилöстiс прапорщик.

Рöман сöмын ош моз тапикасыштіс места вылас.

— Чайтан, быдтiн поп кодь бурысьтö дай ми ог тöдöй,— бара чилöстiс прапорщик.— Кызди сулалан? Службатö вунöдiн? Ставсö казътыштан, аскисянь дод-дылам да...

Рöман татшöм прапортö унаöс аддзыліс, сылы весиг дыш вöлі сёрнитны погоньяса сöмын на пöжалöм тайö петуыскöд. Но бөръя кывьясыс ыркнитöдiсны сьölöмсö. Бара öмөй ковмас пасьтавны мустöм салдатскöй шынель? Көть мед мый, но сöмын не тайö. Раминика вочавидзис:

— Да. Военнопленнөй. Сöмын на вои. Весиг шойч-чыштны эг удит.

Прапорщик видзöдiс сы водзын гөра моз сулалысь Гилев вылö, невöляысь нимкодьясис вынйöра зонмөн.

А Рöман и ачыс тöдiс, мый сы туша-рожаөн позьö лоны любөй гвардейскöй ротаса правофлангөвөйөн. Вын-эбөсөн бать-мамыс абу жö öбидитлöмаöсь. Но öнi

сійо омөля муніс бравой унтер-офицер выло. Вылысас павкнитөма дукөс, көмалөма вөрөд ветлан тюни. Не-ыджыд съод усъяс увсянь сёрнитігас мыччысьлөны рысь кодь еджыд гырысь пиньяс. Вывлань шевкнитчыштөм сук синкымъяс увсянь дзоргөны сюсь, кадысь кадө наянөн лолысь синъяс.

— Микула Селянинович дай ставыс,— эз вермы кутчысыны прапорщик.— Доддялан кө, трөхдуймовка кыскас.

— Ме абу артиллерист. Стрелок,— вочавидзис Рөман.

— А мян и пушкаясыс абуось,— нюммуніс прапорщик.— Тэнө взводнойөн босьтам.

Сэки Рөманлы юрас воис мөвп, и пырысь-пыр жө кутчысис сэтчө, кызди вөйысь морт бедь помө.

— Эм закон: вөвлөм пленнойясөс салдатө пырсө оз позь босьтны, помнитсьө, налы сетсьө 6 төлысь...

— Со тэ кутшөм вөлөмыд,— наяна нюмдіс прапорщик. Сэсся сылөн чужөмыс вежсис. Синъясыс лосны көрт тув кодьось.— Он көсий отсавны Рөдина-лы съөкыд кадө?— зымнитіс розөвой кулакнас пызанө.— Ыстысян кутшөмкө законъяс выло. Кутан кө ыръянитны дудысь вөв моз, нижной чинөн лоан! Прөщайтчы гортсаясыдкөд, аски — казармаө. Эм приказ — нуөдны мобилизация.

Сэки вирснитіс-бергөдчис налань поручик. Мугов чужөмыс вежынтчыліс, лэчыд пурт кодь видзөдласа син весьтас кучикыс заводитіс нетшкысыны. Тыдалө, контузитчывлөма.

— Ме вөлі жө пленад, унтер Гилев,— лабутнөя шуис сійө.— Эг өтчыд ранитчыв. Но кызди аддзанныд, стройын. Позьө өмөй сулавны бокин тайө тышсьыс өні, верман кө новлөдлыны оружие? Мөвпыштлөй, унтер-офицер! Коді нө кутас весавны Россияөс большевикъясысь, ог кө ми — воинъяс?

Поручик сёрнитіс Гилевкөд быттьө ас кодьыс жө морткөд. Тайө шемөсмөдіс.

— Гашкө, локтан мян дінө ас вөляысь? Али... мөдарө видзөдан? Георгиевскөй кавалеръяс эмось и гөрдъяс пөвстын, весигтө офицеръяс... Изьва йылысь өти матросөс кутісны. Георгиевскөй кавалер. А Рөдинаөс дорйөм пыдди служитөма гөрд бандитъяслы. И көн сөмын сылөн сөвестысь? Изменщик...

Поручик матыстчис Гилев дорё, юрсё чатёртёмён видзёдліс Рёманлён синъясё. Таысь невёляысь босьтліс йирмөг. Поручиклён синъясыс вёліны дзикёдз ярмёмаось. Поручик кыпёдчыліс кок чуньяс вылас, лолыштис чёскыд табак да вина көрөн, кабыртис вёсньыдик чуньяса кос кулаксё, быттьо керыштис шуис:

— Либё миянкөд, либё накөд. Мөд туй абу. Бөрйы, унтер-офицер. А ті миянлы збылысь коланныд. Кыдз эн шу — опыт, смеллун, Отечестволы преданность. Тайё гырысь көзыръяс. Найос, асьныд гөгөрвоёй, ми кабырысь ог лэдзёй.

Да. Рёман төдіс тайё кос кабырыслысь вынсё. Поручик оз шутит. Оні абу сьөдз. Но кыв сетны Гилев эз көсйы. Сет тіянлы чуньтё, китё сапкасны.

— Но, сёрнитчим? Сета гуляйтны вежон. Эм кө мусаыд — гөтрась. Кёлысь вылад корлы жё,— помаліс сёрнисё поручик.— Бурысьтё эн вунөд тшөтшөдны. А өні, шагом марш!

И со, Рёман невестасё корсьөм да көлысь кежлө дасьтысьөм пыдди куйлө вольпась вылын да шармөм синъяснас видзөдө пемыдас. А поручикыс весьшөрө нимтё гөрдъяссё бандитъясөн. Мамыс да чойыс висьтавлісны, кутшөма найө отсасьөмаось гөльяслы, тшыглы кулөмысь мездөмаось. Няньөн, көм-паськөмөн отсалөмаось. Лоөма, дерт, лудікъяс кодьөдз польдчөм крепыд көзяевалысь кумъяссё, амбаръяссё да жытникъяссё ректыштны-а. Но өд найө таысь эз на гольмыны.

\* \* \*

Садьмис Рёман сөрөн. Ичөтик өшиньөд дзувъяліс лөзьюгыд. Керкаын онялө шоныд. Ньөти абу и кыскөма. Рёман, кыдз шуасны, эз эскы енлы ни лешаклы, но, век жё, чеччөм бөрас чөвтіс пернапас.

Павкнитис шабур, босьтис ведра, көш, чер да лэччис ёльса йирө йөрдантор писькөдны. Лым эз нин усь. Вильён мыськөм кодь вөрыс сулаліс шы ни төв. Весиг эз кыв сизьлөн торкөдчөмыс. Гөгөр — лөзов ур рөма парма. Асыввылын кыпөдчысь кыа серти позис чайтны, мый луныс лоө мича. Чөс туй лөсьөдігөн тайё и қолө. Рёманлөн кокниджык лон лов вылас, вуніс майшасьөмыс. Қиын триньөдчис-ворсіс чер. Вёсньы-

дик на, но крепыд йиторьяс зелькйомон лэбисны сы дорыш улысь. Здук мысти йордан лоис дась. Қошон шыблаліс сэтысь посни йи сора сөніксө, гумовтіс пу ведра тыр ва.

Чай юом бөрын мөдөдчис Лыскоыскөд төдса чөс туйөд. И пыр жө став майшасьомыс вуніс Рөманлөн. Төдса ягьяс да ёльяс дзикөдз пальөдісны сійөс. Дзоньталіс некымын чөс, этшаник на лымсө весаліс на дінысь, вевттьөдьяс вөчис. Гашкө, лэччыласны на дозмөрьяс?.. Мөдлаын чегьявліс пелысь розьяс, сна-сис — мед сьолаяс пырөны...

Кык лун чөж оліс сөмын кыйсьөм йылысь мөвпьясьөн. Зверыс да пөткаыс вөлі тырмымөн, өд бөрья кадө найөс некод эз полошуйтлы. Сэсся Рөман кутіс туявны урьясөс, весиг тшөтш өти тулан кыйис.

Коймөд луннас сійөс вөрө эз кут кыскыны. Быдтор кысыс усьө. И сьөлөмыс мыйкө ёнтө и ёнтө. Инас эз кут өшйыны. Төкөтьө нурьясьыштөм бөрын мөдіс гортлань, гашкө, кутшөмкө неминуча сәні лоис. И мыйөн лызясис, пыр и кокниджык лоис лов вылас. Сідзкө, правильнө вөчө. Онөдз сьөлөмыс сійөс эз на ылөд-лыв.

Вөралан керкасянь верст вит-ө-квaйт мунөм бөрын кыліс Лысколөн увтчөм. Кымөра лун да небыдика усьысь лым вөсна понлөн гөлөсыс кыліс эз гораа, а быттьө гуысь моз. И увтөмыс вөлі тешкодь. Тадзсө пон шыавлө төдса йөзөс аддзөм бөрын. Коді нө вермис веськавны та ылнаас?

Рөман содтіс воськовьяссө, лызыс мөдіс веськыда тювны, көть и ляпкыдик да көч гөн кодь небыдлымйыс паруситіс. Недыр мысти сійө аддзис шемөс-мөдан серпас. Весиг дум вылас усины пөрысь йөзлөн висьтьяс сы йылысь, кызди өтка вөралысьяс дінө мукөд дырйи вошйылөны морт өбликө пөртчөм мутияс. Тэрыба лыддис молитва, көть и кывьяссө шуаліс тышкас-мышкас. Нө такөдіс понлөн тьякйөдлөмыс. Лыскоөс он ылөд, сійө төдө лөк морттө. А сиктса учительница өблика тайө мутивөйсьыс Лыско эз пов, ни эз видзчысь. Одвакө сьлөн нель кока другыс лэдзас төдтөм мортлы меліавны асьсө. Лыско котөрөн локтіс көзяин дінас, долыда легөдыштіс көлач бөжнас, а синьясыс быттьөкө кевмысисны: «Со өд ку-тшөм притча суис. Мый сэсся вөчан?»

Рöман пыркнитчис, быттьö паляліс учительница кывъясысь.

— Мый сулалан? Лэччы гортад, сэки, гашкö, вöвтö и чойтö бергöдасны...

Рöман вежөрöдз пырсö эз во тайö кывъясылөн тöдчанлуныс: повзöдіс учительницалөн вежсьöмыс. Гöгрöсіник чужöмыс нюрсмунома, син гуранъясыс вöйöмаось, черल्याсыс чурвидзöны. Дженъидик, коска пасьыс некумынлаті косясьöма.

— А ті мый вöчанныд тані, Галина Николаевна?— друг артмис Гилевлөн. Сылы сьölöм чепöльтмөн лоис жаль тайö том нывбабаыс.— Тіянöс лэдзисны?

— Верман сдایتны властьяслы,— ярскöба вочавидзис учительница.— Тэ öд налы служитны лэччан, тэрмасян: срокыд со колис нин.

— Тэ кысь тöдан та йылысь?

— Мортыдлысь вомсö он тупкы. Сöмын тай сёрмин: вöвтö нуисны эсіё пон чукöрыс, лэччисны Усть-Сысољсклань, а чойтö ямщикөн...

Гилевлысь морöссö быттьö донöдöм көртөн дзижалісны. Вöвтöг нö кутшöм овмös? Рöзөрөнньö сöмын. Пырысь-пыр жö көсийс чепöсийны гортланьыс, медым бергöдны Каркосö, чойсö. Видзöдліс лым вылын пукалысь учительница вылö, сьölöмыс дзикöдз кутіс потны. Кытчö сійöс колян? Кынмас дзикöдз. Бөр лоö бергöдчыны...

И Гилев нуöдіс учительницаöс аслас вөр керкаö, көні, дерт, вöлі шоныд на...

Мыссьыштöм да сёйыштöм бöрын Галина Николаевна мортъяммыштіс. Весиг сыналіс да лöсьöдышталіс смоль сьöd, дженъидика шырöм юрсисö. Синъясыс сылөн сьödöсь жö, синкымъясыс и. Чужöмыс мугов. Быттьö чиган доддысь усьöма. Пась да шаль öшалісны тувйын. Дöмаса тюниыс косьмис гор весьтын. Пукаліс лабичын чөрös кежсьыс, шоныд ковта вылас шальсö павкнитöмөн. Öні сійö кажитчис дзик нывка жодьөн.

— Но, Роман Егорович, аттьö вердöм-удöмсьыд. Татшöмасö некор нин эг чöсмасьлы. Лэдз шойччыштын. Патератö сьöрсьыд он новлöдлы. Ветлöм-мунома морт, ачюд тöдан небось...

— Эн песöй кывтö,— вомаліс сійöс Рöман.— Ка-

дыс-зарни. Пёра юасьны-висьтасьны. Ті, Галина Николаевна, бож йылад некодос эн вайодой талань?

— Одвакө. Усьысь лымйыс ме дор сулалө. А мыні на гыжйысь случайнөя. Оні, дерт, тшын-бус корсьысьоны. Но та йылысь сёронджык. Оні ме, Рёман Егорович, неуна шойччышта. А туйдісны таланьсө чойыд да мамыд. Эн өмөй төд ассыд лызьтө?

И сэки сөмын Рёманлы усис дум вылас, мый учительницаос аддзөм бөрын сійос медводз чуймөдісны төдса лызьяс.

— Сюра кө тась, дерт, оз ло бур тиян семьялы, ачыл гөгөрвоан,— тешкодя серөктыштіс гөстя.— Ме тэ кыин. Полан кө...

— Миян рөдын йөз шог вылө нимкодясьысьяс эз вөвлыны,— торкис нылөс Гилев. Сійө висьталіс, мый аски рытнас воас бөр. Гөстяос велөдіс көзяитны. Сэсся шуис:

— Гажтөм кө, коля Лыскоос. Ті тай төдсаось жө...

— Тэ вотөдз частө волевліс школа дорө. Ичөтсьянь пон-каньтө радейта. Пемөсьясыд өд вежөрабсь, гөгөрвооны тайос.

— Но, а лишной оружие менам абу. Не кө артавны ош кыян шы...

Тадзикон найө янсөдчисны. Галина Николаевна весиг эз юав, кытчө мөдөдчис Рёман.

Рёман водзын вөлі уна верст кузя туй. Но сійө эз тэрмась, мешайтчисны мөвпьяс. Учительница збыльысь шуис: сюрас кө тайө ласичаыс еджыдыяс налькйө сы борд улысь, то Рёманлы, дерт, петкөдласны пуж. Но Рёман оні мыйлакө эз пов таысь. Час, сійө лэччылас гортас, бурджыка төдмалас чой йывсьыс, а сэсся и бөр ягө утыштас. Он өд коль учительшасө өтнассө. А гашкө, и чойсө тшөтш катөдас ягө? Воис нин кө карсьыс...

Рөмдандор нин Рёман гусьоникон матыстчис сикт дорө. Эрд вылө петтөдз сайөдчис козьяс сайө, көсийс татісянь төдмавны, мый нин вөчсьө сиктас.

Видзөдө: винтовкаа йөз кодъясөскө лэччөдөны ю дорө, кодлөн шөрыс абу на удитөма дзикөдзсө кыныны. Рёманлөн сувтліс вирыс. «Кодъясөскө лыйлыны нуөдөны! Абу-ө көмтөмөсь арестуйтөмаясыс? Ку-тшөм шудтөмьяс нө веськалісны налөн гыжйө?»

Пемыдөн нин, пывсянъяс сайті, горт дінас локтіс

Рёман. Муртса тувччис кильчѳ пос вылас, кызди ю дорын гымѳбтис залп.

«Мый вѳчсьѳ, мый вѳчсьѳ?— пессис мѳвпыс Рѳманлѳн.— Миян сиктѳдз войнайд локтис!..»

Мамыс бѳрдигтыр уськѳдчис пиыслы морѳс вылас.

— Рѳман, Рѳманушко, тѳ нѳ ловья на?.. Корсьны ѳд тѳнѳ волісны кырнышьясыс...

— Машаайд кѳні?— юалис Рѳман.

— Эз на волы, дитяѳй, эз на волы!.. Кызди Карконад мырдысьѳн нуѳдिसны...

Сѳссия мамыс висьталіс Рѳманлы, мый арестуйтѳмаѳсь комбедса юралысь ѳсип Егорѳс да нѳшта куим коммунистѳс. Став йѳз син водзын пѳшти пасьтѳгыс пѳрчѳдѳмаѳсь найѳс да, коньѳрьясѳс, нуѳдѳмаѳсь лыйлыны.

— Йи куд улын пѳ, шуѳны, налѳн местаыс...— бѳрдис мамыс.— Ок и кырнышьяс!.. Мед кѳть челядсьѳ жалитисны, сійѳ жѳ Егорыслысь.

Рѳман дыр эз кут овны гортас, сѳйыштис и бѳр петис туйѳ, пемыд войыс сылы кивыв вѳлі. А туйтѳ, вѳралысь мортыд, бура тѳдѳ...

И этійѳ морт виысьясыс кѳсийсны сійѳс, рѳч армияса унтер-офицерѳс, кыскыны асланыс кырныш чукѳрѳ?— ыпьяліс сьѳлѳмыс Рѳманлѳн.— Пѳльѳпи кодь прапорыс пѳ медьяна тешитчѳма йѳз вылас... Ок эськѳ, сюрлас кѳ сійѳ ѳні Рѳманлѳн кияс улѳ...

Асья лѳзалігѳн Рѳман бѳр воис вѳралан керкаѳ. Галина Николаевна да Лыско нимкодясисны помтѳг. Керкаын вѳлі шѳныд, сѳян-юан дась. Нар вылѳ лѳсьѳдѳма мѳд вольпась. Сѳрни-басни дыр эз йитчы. Учительница эз кѳсий кыскыны кывйѳдыс Рѳманѳс, кѳть и вѳлі телепит. Ужнайтѳм бѳрын Рѳман нюждчис нар вылѳ.

— А тиянѳс, Галина Николаевна, корсьѳны,— шуис сійѳ.— Мамѳ висьталіс: грѳзитчѳны пѳ сьѳвтѳ каттыны. ѳткымынлысь талун... стѳчджыка кѳ, тѳрыт каттисны нин... Прапорыс пѳ медьяна корсьѳ тиянѳс... Тыдалѳ, сылы тиян вѳсна сюрлѳма сов вылас. ѳг гѳгѳрво ѳтитѳр: кызди тѳ верминныд ловйѳн мынны сылѳн гыжьясысь?

— Унаѳнѳс лыйлісны?— повзьѳмѳн юалис учительша.

— Нѳльѳнѳс.

— Пежъяс...— том нывбаба кузя ышловзис, сэсся юалис:— Чойыд нө? Вöлыд да?

— Пон вомысь пирöгтö этша нин мырддян,— ышловзис Рöман.— Бöжтöм вöлөн ковмас гөрны-көдзны. Сійö эськө, шуам, мед да, сöмын тай Машай абу на гортын...

Вöли гөгөрвоана, мый гортас лэччылöм бöрын Гилев ёна вежсьöма. Веськодя моз сёрнитö весиг мужиклы медся донатор — вöv йылысь. Учительницалөн быдсөн шоналыштіс морöс улыс.

— А прапор йывсьыд, көсьян кө, висьтышта,— шуис сэсся Галина Николаевна.— Мед ставсö тöдін... Коркө ми ськөд öтлаын учителявлім. Сöмын мөд сиктын, Печораын. Сійö öд неважөн на погонасис. Озыр семьяысь. А тані бара аддзисим. Заводитліс ас дінас кыскыны. Öтлаын пö кутам коммунистьяслы паныд мунны. Ме öд абу партияса член, а сöмын активистка, сочувствуйтысь. Прапорщик лыддис менö ылавлöмаён, ыж чукöрысь вошöм баяён. А спектаксьöмöс менсьым весиг ошкис. Ош гуад пö кызкө колö гажөдчыны — кысь сылы, вый пиын туплясьысь көлөблы, гөгөрвоны мортöс, коді чорыда нин сувтöма тышлөн колана бокас... А öткымын ёртъясöй, буракö, чайтісны, мый ме повзи, бöрыньтчи. Но, кор тай прапорыс мездыліс менö арестуйтлöм бöрын. Гөгөрвоан, Рöман, тайö медся сьökыд наказание! Ёна и пöрысьми ме сійö лун-войнас, старукаөдз вои. Югдас да видзөдлы менам юрси вылö. Быдса пратьяс дзормөмаёсь... Сэки ме шуи пышйыны. Но кытчö? Ас йöz дорөдз некымын сё верст парма пыр. И кольччыны оз позь. Торйөн нин поп ёна лөгалис ме вылö: эг этша серавлөй найöс сцена вывсянь. Бөръя спектакляссö ачyd аддзывлін, Рöман...

— Збыль, Галина Николаевна, батюшкоыд тiянöс вичко амвон вывсянь пинялöма. Тшöктöма кутны да кык жель костö топөдөмөн шупөдны, пежгайöс моз...

— Сы киö кө сюра,— коса серөктыштіс учительница,— не сöмын кучикöс куляс. Кызнад он куж висьтавны, ни вөтөн он куж вöтавны, кызди казьнитас... А пышйöм йывсьыд öд, көнкө, ачyd тöдан нин. Чойыд тэнад школаын стөрöжикаавліс. Ми лöсявлім ськөд. Частö сёрнитлывлім тэ йылысь...

-- Мися, пленын олігөн вөлі юр пөлөй петавль-  
лө,— серөктыштис Гилев.

— Збыльысь. Ме тәді, кутшөм тә багатыр. А сәсся  
воин гортад... Век көрт беддя. Места вылад он өшйи,  
юрсиыд сөмын шавъялө. Анархист дай сөмын... Мый  
сійө анархистыс? Унатор көсьян төдны. Сёрөнджык.  
Но, а бандитъяс воөм бөрын вошин... Сәсся со чойыд  
и туйдис менө, кытчө дзесъывны. Важ вөр керкаө-  
дзыд кокниа вои. Олышти сәни, сәсся водзө куті пись-  
көдчыны. Лымйыс тыртөма нарт туйсө. Но ме, кызди  
велөдліс чойыд, муні matka серти век лунвылө. Со и  
ставыс. Верми пропадитны? Тә ног бурджык вөлі  
овны сиктын, виччысьны, кор начкасны ыжөс моз?

— Тешкодь,— дыр чөв олөм бөрын вочавидзис  
Гилев,— нывбабаяс заводитісны воюйтны. Збыльысь,  
тыдалө, му вежандыр воө.

— Правильнө. Йөзыс тышкасьоны мусө вильмө-  
дөм, олөмсө вежөм вөсна,— водзө нуөдіс Галина Ни-  
колаевна.— Тайөс вөчөны медся шань йөз, кодъяс-  
лысь синсө восьтіс Ленин... Накөд орччөн тышка-  
сьөм — тайө медся ыджыд шуд, Рөман. Мед на пөв-  
стысь унаөн пуктасны юрнысө, вермөм кокниа оз  
шед. Но воас кад, и на йылысь тэчасны сыланкывъ-  
яс, гижасны книгаяс... Но таөдз ылын на, уна вир на  
киссяс, Рөман. И тайө тышсьыс оз позь бокин лоны  
ни өти честнөй мортлы. Öнi быдөнлы, коді вермө кут-  
ны киас оружие, колө дорйыны революцияөн шедө-  
дөмторъяссө. На лыдын и нывбабаяслы. Медся страш-  
нөйтөрйөн лоө, вермасны кө тайө тышас прапорщикъ-  
яс, поручикъяс да найөс мыджысь мирөед-кулакъяс,  
купечьяс, поп-дяк.

Важөн кусіс сартаса би. Сап пемыдас нөжйөник  
намөдчис учительницалөн неуна чирөм гөлөсыс.  
И быд кыв бөрын Рөманлы эз ло лөсьыд, сылөн быт-  
тө сьөлөмыс дількмис ас вылас. Учительницалөн  
мөвпьясыс инмисны и сылы. Эз өмөй нө Гилев дзес-  
сьы вөрө тайө тышсьыс? Чойыс и то веськаліс вабер-  
гачас. Көнкө Каркокод кыскөны салдатъясөс Эжва  
кывтыд... Код төдас, воласны оз найө гортас. Но өд  
Рөман эз суйсы тышас полөм ради. Коркө колө и  
шойччыштны. Мед пурсьоны кодлы колө. Эз Рөман  
гудрав тайө роксө. Мед асьныс и паняласны.

А учительницалөн висьтыс кыссис водзө. Сійө вөлі

мойд кодъ жö. Рöманöс чуймöдiс Жанна д'Арклöн подвигыс, повтöмлуныс, роч декабрист гöтыръяслöн оласногыс да сямыс, революционеркаяслöн ассыныс олöмсö жалиттöмлуныс.

— Да, Рöман,— сэсся кывкöрталiс Галина Николаевна,— прав вöли поручикыд, кор тэныд шуöма: либö накöд, либö мянкöд, коймöд туй öнi честной мортлы абу. Дерт, сийö кö лыддьö асьсö мортöн.

Гилев чöв олiс, кöть и гөгөрвоис, код град йөрö шыблалö изъяссö Галина Николаевна.

Збыльысь, сюрас кö тайö пöткаыс сиктса богатей-яслы, дерт жö, ловъя вывсьыс гөнсö куштасны. И сöмын öнi быттьö кодкö кучкис сылы плешас. Рöман гөгөрвоис бөръя вöвлöмторлысь тöдчанлунсö. А лоис сыкöд со мый. Гортас гусьöн волiгöн, верст дас мунöм бöрын, паныдасис, öдва эскис синъясыслы, батюшко-кöд. Священник Митин вылын пöдрасник пыдди вöли дженьыдик пась, стежитöм гач. Юрсисö сюялöма пеля шапка улö. Отец Михаил тэрмасьтөг шалкис-локтiс лызьöн вөр кыскалан вöвлöм туй кузя. Рöман кöсийс кежны бокö,— попкöд паныдасьлöмыд буртор оз тунав,— но эз удит. А казялöм бöрад пышйыныд абу лöсьыд. Чолöмасисны. Батюшко чуймöмөн юалис:

— Тэ нö век на абу православной белöй воинство-ын? А ещö георгиевской кавалер. Бать-мамыд пöчитайтлiсны государь-батюшкоöс, всевышнейöс, а тэ, тыдалö, на туйысь кежöмыд. Лэдзлiсны вежон кежлö, шуан? А аслад нö сöвесьыд абу? Чöв олö? Оружие кузя тэнад ёртъясыд босьтiсны нин Визин, мунöны Вяткалань, регыд Мурашö воасны. А тэ дзебсясян на мыш сайö. Мый шуан, кор найö праздничной пызан сайö пуксясны? Кытчö синтö воштан? Великой смутасö сöмын биөн да крестöн позьö бырöдны.

— Кыйсьышта вот,— нурбыльтiс Гилев.— Гөтрасыны кöсья, а кöлысясьнысö öд сьöмтор колö...

Сэсся Гилев индiс батюшко мышку сайын öшалысь кавалерийской карабин вылö, серöктiс:

— Татшöм пищальнад öд, батюшко, кык кока зверьяс бöрся вöтлысьлöны.

Поплы, тыдалö, лоис яндзим, кежöдiс сёрнисö мöд-лаö:

— Дерзкой тэнад сёрниыд, пиукöй, дерзкой. И юрситö лэдзöмыд, быттьö сан кöсьян примитны.

— Пленын велалі. Шоныдджык: сэні өд көч ку шапкаяс тө ми воклы абу дасьтылөмаось.

— Но сійө, пиукөй, тэнад делө. Воинствоад шырасны. Пөлинө, Рөман, өдва эг вунөд, ылыс али матыс угоддьөяс ад олан?

— Батюшко,— серөктіс Гилев.— Көлө төдны вөралысьяслысь законъяссө. Найө оз радейтны кыв кыйөм ни на угоддьөясө бокөвөй ныр сүйөм. Венчайтан миянөс, матушкайдлы сьөд руч ку воротник вылас козьнала.

— Тэ вомысь да ен пельө, Рөманушко,— нюммунис поп.— Кыйсы бура, ен тэкөд.

Гилев дыр колльөдіс видзөдласнас ен туша-рожаа священникөс, коді муніс лызьнас любөй вөралысьысь эз омөльджыка, да мучитчөмөн мөвпаліс, мый сылы татысь колө. Но сідзи эз и вермы гөгөрвоны.

Сөмын учительницалөн өнія висьт бөрын быттө кодкө кучкис сылы плешас: кодлы поп окталіс лэчьяс, вөлөмкө, Рөман борд улын. Но висьтавны-ө та йылысь Галина Николаевналы? Оз ков. Этшаджык төждлуныс лөб.

И кызкө жаль лоис Рөманлы орчча вольпась вылын куйлысь нывбабаыс. Окота лоис меліалыштны сійөс, такөдны сылысь инас өшйивтөм сьөлөмсө. Орчча и эм. Сөмын нюжөд китө. Но Рөман эз лысьт вөчны тайөс. Дай омөля на төдіс нывбабаясө. Дерт, война вылө мунтөдз вөвліс войпукьясад, дурлывліс, ворслывліс, весиг колльөдчывліс. Но таысь ылөсө эз лысьт писькөдчывны. И өні, орччөн куйлысь нывбабалөн лов шыыс, юрсияслөн аслыспөлөс көрыс ньөжйөнникөн шонтісны вирсө, тэрыбджыка нөйтчөдісны сьөлөмсө. Шензынысө оз и ков: мыжа өмөй Рөман аслас том вир-яй ворсөмысь. Галина Николаевна узис крепыда. А Гилевлөн, көть и мудзис туй бөрад, синъясыс коль кодьөсь. Сөмын асьядорыс нин недыр кежлө сурсмунліс-унмовсьліс.

Асывнас ыджыд сөрни эз пансьыв: Гилев тэрмасис кытшовтны угоддьөяс. Но мөвпьясыс сьлөн вөліны ылынөсь кыйдөсысь. Тэрмасьөмөн видлаліс октасьяссө, эз и кежавлы бокө, көні увтчис Лыско. Водз мөдөдчис гортас. Весиг понйыс дивитөмөн видзөдлывліс сы вылө. Гилев ыстысис мөвпнас, мый кыйдөсыс эм чомйын, лишнөйсө некытчө воштыны. Но збы-

лысьсё сійёс кыскис вөр керкаё, көні көзяйкааліс сылөн кортём гөстяыс.

Галина Николаевна буретш катіс ёлысь ва. Сьёкыд пу ведраыс синёма сійёс пöшти муодзыс. Рёман босьтис сы кысь ведрасё да кокныдика пыртис керкаё. Сэні ставсё вöлі пелькөдöма. Гөгөр дзим-дзурк. Пызан вылын сулаліс сёян-юан. Төдчис нывбаба киподтуй.

— Ті тай прамöй көзяйка,— ошкыштіс Гилев.

— Крестьянскöй уджтö төда,— серöктіс Галина Николаевна.— Ачым эськө мешанка, но бать-мам му вöдитём помысь жö кынöмпöтсö перйылісны. А тэ, Рёман, бур морт. Сиктса ни öти мужик оз босьт нывбаба кысь ведратö: юрныс усьö яндзимысла.

— Галина Николаевна, а мыйла миян Михаил батышконым тiянöс радейтö кызди пон каньöс?— юаліс Гилев.

— Миян костті важөн нин сьöд кань котöртліс,— нюммуніс учительница.— Көсйылі вөтлыны сійёс школаысь, медым челядьлысь вежөрсё закон божийнас эз ёгöсьт. Но властьяс сувтісны сы дор. Сэксянь и воюйтам. Кывсянь со оружиеөдз воим. Коді кодöс сөмын песовтас-а...

— А кысь ті быдторсö төданныд?

— Олöмыс — школа. Мыйсюрö гимназияын кывлі. Сэсса Печораын олiгөн политссылнойяскөд төдмасьлі. А на пөвстын, Рёман, ок, юра йöз эмöсь.

Қолис некымын лун. И быд асыв Рёман жаляддза эновтліс асьыс сьöд пывсян кодь керкасö, коді öні кажитчис сылы югьдөн, гажаөн да кыпыдөн. Кутшөм этша, вөлөмкө, колö мортлы, медым лоны шудаөн. Быд пöрийö Рёман зілис воөдчыны бөрсö водзджык. Тайöс казяліс весиг Галина Николаевна.

— Чөс туйыд тэнад, тыдалö, öтарö дженьдаммö,— кызкө öтчид шуис сійö. А синмас мутияс чеччалöны. Гилевлөн став чужöмыс ышмуніс жарөн. Бур, мый пемыд вөр керкаын тайöс казявны сьöкыд. Здук мысти вочавидзис шуткаөн жö:

— Бур, мый сійö тані оз сотчы.

Галина Николаевна көть и эз вөв вөралысь, но бура нин төдіс Эжва йывса сёрнитанногсö. Гөгөрвоис и Рёман кывъяслысь гуся төдчанлунсö, дзёбөм мөвпсö.

— Спаситчин. Озгысыс тани абу да,— сероктис сийо.

Ворти кытшлалигон Роман здук кезло эз вунодлы Галина Николаевна йылысь, коди нем виччысьтог яр тов ныр моз пырис сылон лонь олөмө. Дерт, сийо велодчом морт. Оз-о омолътны кут? Дай некымын арон ыджыдджык. Но боръя помкаыс ньоти эз шогод Романос. Галина Николаевна дзик на ныв кодь. Незджыд моросьясыс вылынось. Кокчорьясыс зумыдось. Мудзломысла порысьмылом чужомыс некымын лунон томмис. Синьясыс лэчидось да вежораось, а мукод дырйыс и вильышось. И оласногыс сэтшом жо. Коть и учительница, а радейто серавны, шутитны, гажодчыны. Сонын тай смоль съод юрси пиас неважон мыччысьом кык дзор прать быттьокө порысьмыштөдисны сийос. Но мыйла лоис тадзи, Роман төдис ачыс. Тайо сонын кыпөдис учительницаос сы синьяс водзын. Они коть кытчө эз чөвтлы Роман ассьыс видзодлассө, быдлаысь адзис быттьокө Галина Николаевналысь обликсө. Кортөм гостялон, коди лоис донасыс донаон, съод бархат кодь синьясыс видзөдисны быдласянь: туганйывса тукта йывсянь и лымйон тырыштөм поноль увсянь, өмутса йордан ва веркөсянь и ёль модарса лымйон тыром бужодсянь; сылон нюмыс тыдалис шонди водзын дзирдышталысь лым чирйын и туланлон небыда лөсталысь гон пиын... Вермис кө Роман, эськө лолалис тайо нывбабаыскөд оти лов шыон, сетис ассьыс ыджыд сьолөмсө, вевтгис шоньд борд улас, медым сийо эз төдлы шог ни печаль, медым ыло вешйисны сы дорысь став төждлуныс, майшасьомыс да сьокыд думьясыс. Мый вочны? Гашкө нө, сөвтны став кыйдөссө нартө, лэччөдны сиктө да козынавны богатейяслы, кузь бурясыс поплы, медым сонын найо лэдзчысисны Галина Николаевнаысь? Позьо и тадзи. Мавтасыд өд быдонлы лөсялө. Овмөдчисны эськө сэки! Ок, думьяс, думьяс. А мый шуас ачыс Галина Николаевна?— Сэсся кватитчылис Гилев. Сийо өд эз на весиг казтыштлы та йылысь. Татшөм мөвпясыс вөлины лаз юрйив да голя костө веськалом тукта кодьось. Быттьо сылом лым веськавлис нылөдөм мышкө, мыйысь лөкысь кезйөдлис.

Тайо лунө Роман сөрмөдчис. Весиг Лыско вөли эв довөль, нимкодпырысь тюрөдис водзылас. Мый лоа-

ныс ло, а талун Рёман оз кут чөв овны. Қызди шуо Галина Николаевна, шуд тыштөг оз шед. Сэтшөм мөвпьясөн воськовтис өдзөс порог вомөн. И пыр жө шыбитчис синмас сы ордын олысь нывлөн вежсьөмыс. Сийө эз шмонит, чужөмыс зумыш, синъясыс лөсталисны көдзыда. Пызан сайө эз жө пуксы. Сөмын ки вылас юрсө мыджөмөн видзөдис, кызди азыма панясьө керкаса көзяин. Рёман чөвтлис видзөдлассө сы вылө и паньыс здук кезлө джөмдылис, шыдыс сөлькнитчис пызан вылө: Галина Николаевна синъясын вөліны мелілун, жалитөм, быттө мыйкө виччысьөм. Но сутш мысти сылөн синъясыс лоисны важ кодьыс көдзыдөсь. Кажитчис, тыдалө. Но век жө юалис, мый лоөма.

— Аски водз туйө. Ставыс дась. Көм-пась дөмли, шойччышти. Вын-эбөс тырмө. Лызь эм. Сөянтортө тэ, гашкө, сетыштан... Қытчө? Ас йөз дорө. Тырмас дзебсьясны. Карта эм. Компас сідз жө. Ог пропадит, небось.

— Гөрдьясыд уна сө верст сайынөсь. Еджыдьяс пө топөдоны найөс.

— Сювныс орө!— камөбтис пызанө ичөтик чорыд кулакнас Галина Николаевна.— Қолчак со видлис нин, но мый сылөн артмис! Оні, көнкө, Усть-Сы сольсксьыд бөр нин пышйөны бандитьясыд.

— Сідзкө, тиян йөзыд, Галина Николаевна, регыд и татчө воасны...

— Ми кодь отсасьысьяснад, дерт...

— А кызди отсавнысьө?

— Партизанскөй отряд колө котыртны!

— Мый он виччысь, сийөс и шуаньыд, Галина Николаевна. Код нө локтас отрядас, ставсө мобилизуйтисны да?

— Но өд ог жө кутөй сэсся век тані жуывидзны!— ыпнитис учительница.

Рёман крута кыпөдчис. Шеныштчөмысь стен щельө суйөм сартас би кусис.

— Галя,— первойысь таdzi шусис Гилевлөн,— ми абу челядь. Колө мөвпыштлыны. Кадыс мян абу пожйын. А оні ме тэнө некытчө ог лэдз... Тэ он төд, мый ме... ме...

Пемыдыс вөлі пузьөм сьөлөма Рёманлы кивыв. Сийө шымыртис Галина Николаевнаөс да босьтис мездорас. Виччысис быдтор: венласьөм, видчөм, но сө-

мын не сійос, мый лоис водзё. Учительница лөн вёс-  
ныдик да кузь чуньясыс пырисны Рёманлөн кузь юр-  
сияс пёвстё. Радысла горшодзяс кайом сьёлөмын  
сійо кыліс пёсь лов шыкөд тшөтш лөня вашнитом.

— Ой, Рёман, мый нё тэ...

Вөт нисьё вемөсё пөрисны лунис и войис. Мый-  
көд өткодявны тайё здукьяссө? Төв шөрын друг ып-  
нитом пөдтысь гожея жар часьяскөд али юса пёсь  
гыяс вывті кывтөмкөд, а гашкө, кос лыс чукөр сотөм-  
көд, кор бипур местаө оз коль весиг өти сэрапом кос  
пөим кындзи.

Поводдяыс вөлі мича. Қос көдзыд. Вөр дзирдаліс  
шонді улын өшкамөшкалөн став рөмъяснас, сійос  
быттё вевттьөмаөсь мича ризіөн.

Вунөдлытөм здукьяс бөрын төв кодьөдз кокнялөм  
тушасө Рёманлысь тэрыба төвзёдісны кокьясыс  
кысьяса лызь вымын. Весиг шоча йөткыштчывліс кой  
бедьнас.

Лун шөр бөрын Рёман матыстчис керкаланьыс.  
Со нин тыдовтчис лым шапкаыс. Регыд паныд усыкөд-  
час Лыско. Мыйкө тай нө оз тыдав. Пөварняас йөртіс  
Галяыс али мый? Мый нө тайё? Ошиньсө кодкө жул-  
льөма. Пөварняө пыран өдзөсыс дзир пөв вылас  
өшалө и...

Рёманлысь сьёлөмсө топөдісны быттё клециөн.  
Лолыс эз кут шедны. Көтөртө, а кокьясыс оз кыв-  
зысьны. Быттё вөтын.

Неылын керкасянь Лысколөн шой. Вирыс чукиөн  
кынмөма морөсас, пиньясыс эрсвидзөны. Тайё нин  
мый? Пөшти керка өдзөс дорас крукыльтчөма руд  
шынеля морт. Вирыс сывдөма лымсө, артмөма быт-  
тё воронка. Шыч ни рач. Пөварнясянь керка өдзөс-  
сө нетшыштөмаөсь дзирнас и весь. Пөрөдөм пызан  
дорын, жуглөм дозмук пөвстын, куйліс... Галя. Қиас  
шамыртөма нейджыд дамскөй пистолет... Гөгөр туп-  
лясьөны тыртөм гильзаяс.

Паськөмсө Галялысь косявлөмаөсь. Быд ногыс те-  
шитчөмаөсь сылөн зумыд вир-яй вымын. Бытшлөдлө-  
маөсь шыкьясөн, тыдалө, кулөм бөрас нин: вирыс  
абу нин прамөя петөма дойясыс. Но чужөмыс вөр-  
зёдтөм. Сөмын синьясыс восьсаөсь. Рёман копырт-  
чис Галя весьтө, топөдчис щөканас сылөн мугов чу-  
жөм бердө. Дыр оліс тадзи, пөшти лолавтөг. Видзөдіс

көсичаас артмөм ичөтик розь вылө, кытысь өні на сөдзтысис мыйкө вир модаа. Абу сетчөма ловйөн. Медбөръя патронсө кольөма аслыс. Но кысь сылы пистолетыс? Кужө кутны, вөлөмкө, пинь саяс кывсө. Весиг эз казтыштлы оружие йывсьыс.

Гилев сайксяліс дзикөдз. Быттьөкө Галялөн көдзыд чужөмыс дзикөдз вайөдіс сійөс ас паскалльө вылас.

Кытчө воштыны Галяөс?

Му — биаиз. Абу лөм ни зыр. Өти чернад гутө он кодйы. Дай Лыскоөс зверьяслы косявлыны оз позь кольны. Мед көть и кулөмаөс. Лыско салдат жө. Кувтөдзыс дорйөма асьыс көзяйкасө.

Рөман кытшовтіс матігөгөрсө. Вөралысь синмысь немтор он дзөб. Туялөмаөсь, пежъясыд. Кыйөдчөмаөсь, кор мунас Рөман. Вөлөмаөсь нельөн. Но өти тані туплясьө. Сідзкө, колисны куимөн. Көсийөмаөсь кепысьтөм киөн босьтны Галяөс. Но сылөн Галяыс абу гидысь петавтөм ыж кодь. Петкөдлөма асьыс сямсө.

Рөман пырис керкаас, корсис припас видзан куд. Тэрыба зарадитіс став патронъяссө өтка пулясьөн да гырысь картечөн. Пасьтасис шоныда. Мышкас чөвтис нейджыд ноптор. Медбөръяысь копыртчыліс сылы, коді вайис вөвлытөм шуд. Сэсся петіс, топыда пөдлаліс өдзөссө. Пыртіс пөварняө Лысколысь чорзбыны нин удитөм шойсө.

Керкалөн нельнан пельөсас чукөртіс кос лыс, сямөд да пес, из көртөн перйис би. Дыр видзөдіс, кызди вочасөн керка пельөсьясын өддзисны и өддзисны би-пурьяс. Со гожся урлөн бөж кодь кывьяс нюлыштисны кос нитш, а сэсся кутчысисны сирөд стенө... Тшынь сюръя кыпөдчис парма весьтө, кымыньтөм лөз блюд кодь енэжө. Рөман чышкыштіс кимөдзнас син дорьяссө, өшөдіс морөс вылас ружьесө, лызясис. Сьөлөмсө веськыда чишкаліс-сотіс белөйяс дінө лөглун. Найө дорйөны сиктса богатейясөс, кодьяс пыдзыртөны войтырыслысь став соксө, оз лэдзны лолыштны кыпыдджыка. Усины дум вылас Галина Николаевналөн кывьясыс: «Медся страшнөйыс лоө, вермасны кө тайө тышас прапорщикьяс, поручикьяс да найөс мыджысь мироед-кулакьяс, купечьяс, поп-дяк». Да. Мөд ног он и шу. Налөн киясыс нюжөдчисны нин со и сылөн, Гилевлөн, горш дорө. Нэм чөжыс тільсьөм-песьсьөм вөс-

на кадысь водз кувсис батысь. Өні со нуисны вөвсө. Рөгыд, тыдалө, и мөссө яй вылө начкасны. Виалісны сиктысь медбур йөзсө. Позьö өмөй водзö терпитны тайөс? Тырмас дзебсясьны йөз мыш сайын. Сылөн, Рөманлөн, эм вын-эбөс и сямлун. Эз на вунөд, кызди кутöны кырымын винтовка. Колө дзижавны донөдөм көртөн этійө прапорщик кодь кык кока зверьяссө.

«Ылөдз оз пышйыны. Но тэрмасьыштны лоө»,— аслыс шуыштіс сэсся Рөман. И зумыда воськовтіс водзö. Весиг вежсис сылөн восьласыс. Өні тайө эз нин вөв куш сөмын вөр-ва радейтысь, а вөлі фронтөвик. ассьыс могсө бура төдысь морт.

\* \* \*

Гожөмнас, кор нин Коми му вылын эз коль еджыд бандаяслөн дукыс, өти кыйсьысь кайис видзөдлыны ассьыс угоддьөссө. Аслас вөралан чөм дорысь ад-дзис шуштөм серпас. Өдзөссяньыс неылын куйлісны шынель торпыригъясөн вевттыштөм куим скелет, сі-мөм винтовкаяс. А тасянь воськов 50 сайын, неыджыд гуранын, нөшта өти. Сы дорын вөлі пищаль, тыртөм патроньяс. Сэні жö, сисымыны заводитөм дөра дөрөм лестук вылын югъяліс георгиевскөй крест.

## КУСЛЫТӨМ ОЛӨМ

Висьт



Парма шемөса видзөдіс ичөтик морт вылө, коді тэрыба восьлаліс ёль бокті. Гожся паськөмсө пөрччөм пипуяс да кызьяс, дзор тошка гырысь козьяс дорө жмитчөмөн, быттё корисны шонтыштны найөс, вежалісны, мый козьяслы да пожөмъяслы ёна шоньд-джык, өд найө некор оз торійөдчывны веж кышөдыс-көд.

А вот на костті восьлалысь ичөтик мортлы вөлі жар, көть и поводдяыс сулаліс көдзыд. Яла нитш ёна пужъялөмысла кынмөма. Гораа чарскис кокьяс улын,

чегъясис, дрöбитчис. Зонка разяліс шабурсые пуысь вöчöм кизьяссö. Тыдаліс чусыд сера дöра дөрöмыс, кодöс вöлі сюялöма дöраысь жö вурöм да лöзöн краситöм гач пöдпушка улö. Дьöгöдьöн мавтлытöм вöсна кирпич рöма ныръяса сапöгыс шалсйис тэрыба, эз пыдди пукты ни колодаяс, ни пөрöм пуяс, ни йизьöм вужьяс. Став сертиыс тöдчис — зонка тэрмасис. Потöм лэбъя картуз увсыс джуджыд плеш вылас лэччысь сьöд юрсиыс сибдöма читкыльöн-читкыльöн. Картузыс ыджыд. Не кö тешкодя чошнитчöм гырысь пельясыс, сійö эськö важöн нин усис ныр вылöдзыс. Зонкалысь пельпомсö ниртісны нейджыд ноплöн да пистонка ружьелöн волюсьясыс. Ружьелöн ложаыс öдва эз крукасьлы колодаясö, кöть эськö и зонка чинтіс нин сылысь волюссö.

Ёль чукльöдліс-мукльöдліс. Зонка восьлаліс ёль пурысь дорышöдыс, кöні бадь кустьяссö вежисны зумыда сулалысь козьяс да кызд пуяс. Частö лоис весьтасавлыны. Кытсюрö кенясьöм кымöм нюрыс эз лэптыв зонкалысь сьöктасö, и сійö пидзöсöдзыс вöйліс сім няйт пытшкö. Та бöрын восьлавны лоліс ещö на сьökыджык. Ёлыс, батыслöн висьталöм серти, петкөдас сійöс вөр керка дорö. Сэсянь неуна рытиввылын пармасö юковтö визирка. Сы кузя ковмас нöшта шалсйыны верст нелямын, а то и унджык.

Кымын верст нин сійö прöйдитіс? Öти вой узис ноддя дорын. А со луныс катовтчис нин рытьядор. Сідзкö, верст сизимдас-көкъямысдас мунöма нин.

Восьлавны ковмас поводнöя на. А кокъясыс и став тушаыс тырöма нин мудзöн, быттьö свинечöн. Вöлі кö эськö бур сёян-юан... А мешökын сöмын пуöм картупель, сов да кызъя ид нянь. Мамыс эськö пуктыліс жö косьтöм йöра яй тор. Но сійö тöрыт на бырис. Быттьö кыв кузяыс эз и мунлы.

А визирка вылö петтöдз верст кызыд эм на. Сэся верст нелямын визирка кузя и зурасян Нюмлöд юö. Кыпöдчан кузь гöра йылö и позяс шойччыштны. А сэся збодера пырны сиктö да висьтавыны, кодлы тшöктіс батыс, мыйла сійö локтіс татшöм лөк каднас сэтшöм ылісянь, парма пыр. Некутшöм туйтöг. Чöс туйясті, кыйсьысьяслöн да зверьяслöн пöшти тöдчытöм ордымъясті. А кымын ёль, шер, ю да кадъя нюр лоис вуджны! Восьлавны и восьлавны. Кöть и арся

луныд дженъыд, но пемыдсянь пемыддодзыд мудзыд  
о́кмö кыскымöн. Бөръявылыс о́два нин вешталан  
кокъясто. И пыр лунвыввлань, лунвывлань...

Енэжыс саль. Уло́дз о́шйöм о́дйö төвзысь руд кы-  
мөръяс о́два оз крукасьны туганъясö. Матка абу.  
Лунвывсö лоö корсьны коз пу ройяс, кодзувкот чу-  
көръяс да пожöм пуяслöн кырсь серти. Таö зонкаöс  
эз ков велöдны. Сйö во куим нин прöмышляйтис зве-  
рöс. Но сэни вöрыс төдса вöли. Аслас угоддьöяс.  
А тани пармаыс төдтöм.

Ковмас и таво прöмышляйтны. Гортын посни чой-  
вок, мам. Найöс колö вердны. Няныс бара оз тырмы  
тулысöдз. Картупель омöля быдмис и. Батьыс воис  
германскöй война вылысь чотысь кокöн, ылыс вөрö оз  
вермы мунны. Гашкö, матигögöрын чöс туясыштас-а.

Зонка, медым вунöдны мудзсö, зилис мөвпавны  
гортсаяс йылысь. Мый öни найö вöчöны? Мам, дерт,  
нирасьö либö зуасьö. Кöм-пасьыд öд колö. Лавкаас  
абу ситеч ни матерье, карасин ни истöг. Война. Со и  
сйöс тшöтш гартыштис еджыдъяс да гөрдъяскостса  
тайö тышыс.

А батьыс, дерт жö, мунис салдатъяс дорö, медым  
көть журигыштни налысь чöскыд табаксö. Еджыд  
салдатъяс пöвстын сылөн эм төдса, кодкөд найö Гер-  
манскöй фронт вылын служитлöмаöсь öти полкын,  
весиг öти ротаын. Рытйысьны волис на ордö. Гөститö-  
дис роч винаөн, чöскыд галетъясөн, яй консервөн. Дыр  
пукалисны сэки вöвлöм кык однополчанин. Казыты-  
лисны окопъяс, усьöм ёртъяснысö, атакаяс... Төлкуй-  
тисны война йылысь, а мыйöн помасис төлкуйтöмыс,  
зонка оз төд: чöскыд гөснечьяс сёйöм бöрын сйö чоры-  
да унмөвсис шоныд пöлатын.

Со нин заводитис рөмдыны. Тыдалö, вөр керкаөдз  
оз удит воны, бара ковмас ноддя дорын узыны. Бара  
лоö страшнö. Абу öд ас парма, бокöвöй. Катшыскөд  
эськö гажаджык вöли, но сйöс батьыс эз тшöкты  
босьтны. Манитчыны пö сöмын кутас. А делöыс оз  
терпит здук кежлö нюжмасьöм.

Сутки мысти, рытнас, рөмдигөн нин, зонка петис  
Нюмлöд ю вомөн вуджысь пос дорö. Сё ветымын  
верста вөлök колис бөрвылö. Парма помасис. Кутшö-  
ма мудзис сйö тайö куим суткинас. Эз öд восьлав  
шыльыд туй кузя. Пармаыд парма и эм. Вöли кө ещö

верст вит, то, пöжалуй, эз во сиктöдзыс. Лигышмунöм туша ырзöмөн корис шойчыштны. Быть лоис пуксьыны посбердса нейджыд сюръя вылö. А эз эськö ков вöчны тайöс. Сьöкыд лоö кыпöдчыны. Кыскис мешöксьыс медбöръя картупель, солалыштіс, корнас и весь гулькнитіс-нъылыштіс. И кынöмыс кутіс сюмавны нöшта ёнджыка.

Öні гортын, дерт, ужнайтöны. Картупель чугунысь руньгö-кайö чöскыд ру. Батьыс быдöнлы чегъялö ид няньысь нейджыд тор. Мамыс чöвтö чугунысь тасьтіö пöсь паренча либö капустаа, а колöкö, и тшака шыд. Тайö мöвпъяссьыс лоис нöшта делöджык, кынöмсö быттьö кутісны вундавны ныж пуртөн.

Кыпöдчис. Ньöжйöник заводитіс вештавны кокъяссö. А найö быттьö кын чуркаяс. Ньöжйöникөн жö вуджис пос вомөн. Нюмлöд ю кынмöма нин. Сöмын öтилаті, ёна визулінті, кöдзыдыс абу на вермöма дорны сійöс. Колö вöлі кыпöдчыны гöра йылö, кöні öдва нин тöдчис кузя нюжöдчöм сиктлөн мыгöрыс.

Но и кузь жö тайö кырйыс! Быд воськов сетсьö сьöкыда. Став суставъяс доймöны. Но сэні, кыр йылас, сійöс виччысьö шойччöг, шоньд пöлать, гөбöч выв, а гашкö, и небыд вольпась. А главнöйыс — сёян, нуръясьöм. Татшöм сьöкыд да кузь туй бöрын сійöс эз позь пöттöдзыс не вердны. Торйөн нин, кор висьталас, кодлы колö батьыслысь кывъяссö.

Метр бöрся метр зонка кыпöдчис кыр йывлань. Керка мыгöръяс вочасөн сылісны-сорлассисны кöдзыд пемыдас. Зонкалы сідз жö лоис ыркыд. Öні сійö эз тэрмась. Стöчджыка кö шуны, эз вермы тэрыба восьлавнысö. Кöдзыдыс сибöдчис пöсялөм яй дінö, босьтіс зывök йирмög.

Со и рынышъяс. Тöдчöны мыгöръясыс идзас стогъяслөн. Сиктыс дзик нин орччөн. Но некөн би ни ва. Шыч ни рач. Оз увтышт весиг пон. Шуштöм чöв-лөнъ. Зонкалөн друг доймымөн топавліс сьöлöмыс. Кытчö мунны, код ордö вöзйысьны? И сэки чöвсö быттьö поткöдіс лыйöм:

— Стой! Кто идет?

Гөлöсыс юрöбтіс рынышъяс дорсянь. Зонка вочавидзис, кыдзи велöдліс батьыс:

— Ылісянь. Ас йöз.

— Ноко, Жилин, прөверит!— тшөктисны рыныш дорын.

Кодкө вуджис потшөс прасла вомөн. Здук мысти зонка дорө матыстчис шынеля да ружьеа мужичөй.

— Кычан... Пищала нөшта,— шуис сийө комийон да содтис.— Кытчө мунан? Көкъямыс час бөрын уличаті ветлыны оз позь.

— Кытчө да кысянь — тэд не төдны,— ярскөба вочавидзис зонка.— Нуөд штабад, сэні висьтала.

— Вөлөмкө, и курччасьны сямман, кычипи,— ропкис-пинясис ружьеа мужичөй.— Штабө кө и штабө. Восьлав, а ружьетө вай татчө. Ме кө эськө вөлі бать местаад — тасмаөн велөдышти да...

Зонка збодермис. Регыд сийө чуймодас бөрвылас локтысь ружьеа партизансө. Сийө и мөвпыштнысө оз куж, кутшөм колана да дона юөръяс вайө зонка татчө. Восьлавсис кыпыда, збодера. Кытчө и вошис мудзыс? Регыд нин веськалас шоныдінө, сөйыштас да водас узыны. Ок и узыштас жө сийө!

Бөрө колисны керка бөрся керка. Мунісны сөрнит-төг.

Сэссия тыдовтчис ыджыд коромина, кодлөн быд өшиньысь сьвкйисны уличас би юөръяс. Тыдалө, штабыс тани и эм, гөгөрвоис зонка. Сідзи и вөлөма. Сийөс вайөдысь ружьеа дядьө мыйкө негораа висьталіс рочөн часөвөйлы, и найөс лэдзисны.

Воссис өдзөс. Чужөмө кучкис стеклөа лампалөн яр югөр. Зонка воськовтис порог вомөн да куньтыртис синьяссө. А кор восьтис найөс, шемөсмөмысла чуть эз усь кок йывсьыс. Лоис мыджсьыны пельпомнас стенө. Эз көйы эскыны. Гашкө, тайө вөт?

Пызан сайын телефонөн сөрнитис английскөй френч вьвтыыс портупеяясөн зэвтчөм, паськыд пельпомъяс вылас защитнөй рөма погонъяса офицер. Зонка сийөс куим лун сайын на аддзыліс асланыс сиктысь. Еджыд прапорщик. Овыс, буракө, Обрезков. Еджыд отрядса командирлөн, капитан Орловлөн, отсасьысь. Эз эскыссы да видзөдліс порог дорлань, көні сулаліс сийөс вайөдысьыс. Тайө, вөлөмкө, абу ружьеа мужичөй, гөрд партизан, а рыжөй усьяса, английскөй шынеля да кокардаа папахаа еджыд салдат. Зонкалөн пистонка ружьеыс коньөр моз сулаліс пельөсын.

Сьёлöмыс кутіс потны забеднöысла. Мудзöмысла ропмунöм чужöмтіыс аслас кöсйытöг гöгыльтчисны гырысь да гудыр синва войтъяс. Зонка бöрдіс шытöг, заводитіс сьувтчыны став вир-яйыс. Ставыс вошис весьшöрö. И мудзöм, и тшыг пыкöм, и кöдзыд пемыд войяс зумыш да повзьöдчысь пармаын коллялöм. Ордйöмаöсь. Найö öд, кöнкö, сыркöдісны, локтісны паськыд туй кузя вöв додьясын, а эз кыссыны сы моз нюръяс да егыръяс вомөн, налөн весиг эз кöтасьлыны кокъясыс. Ставыс вошис весьшöрö. Сідзкö, мыйысь ёна поліс батыс, еджыдъяс Удораысь петöмаöсь Эжваö сыысь водзджык. И тайö сиктас красноармеецъяс да гöрд партизанъяс абуöсь нин. Шогыс сэтшöм чорыда да нем жалиттöг парсаліс зонкалысь сьёлöмсö, мый сійö эз кыв немтор, кöть эськö прапорщик Обрезков некымынысь нин мыйкö юаліс сылысь.

Медбöрын зонка вежöрöдз воис, мый прапорщиклы окота тöдны, кытысь да кызди шуöны сійöс.

Но зонка оліс чöв, кадысь кадö сöмын сыркмунлісны пельпомъясыс.

— Шуöны Митрейөн,— друг кыліс зэв тöдса гөлöс.— А овыс Палкин, ваше благородие. Разыбысь тайö. Менам суседлөн пи. Сöмын вот мыйла воöма... Тані налөн абу рöдвуж, сват ни кум...

Зонка чуймöмөн видзöдліс сёрнитысь вылö. Прапорщик пызан дорын сулаліс погонъяс вылас унтер-офицер пасьяса, кырнышлөн кодь ныра, сьöд тошка да уска салдат. Кодакості сійö воöма? Синва вöснаыс зонка аддзис ру пыр моз. Косöдіс чужöмсö соснас. Сідзи и эм. Мироед Елим Васька. Кодлы сикт кодъыс вöйöма уджйöзö, кодлөн амбаръясыс ружтöны няньысь да яйысь. Этша тэнö, кöинöс, пыркöдлісны комбедчикъяс. Неважөн на гортас вöлі, Разыбын. А öні со еджыд доброволеч. Часлы, кор волам гортö, став овмöстö кöинлысь тшыныйв лэптам, косöдам водзöс.

— Батыс сылөн комбедчикъяс да сöветчикъяс гезйысь прать. Эз этша менсьым вирöс тшыкöдлы,— водзö висьталіс унтер Елим Васька.

— А мый нö эз мун краснöйясыскöд?— юаліс прапорщик.

— Германскöй вылын доймалöма. Емвалид,— вочавидзис Елим Васька да бергöдчис зонкалань:— Митрей, кызди нö воин сё ветымын верста вöлөксö?

Вөвныд тiян бөжтөм-а... Позьö эськө вөли батылды бурджык олысьöс грабитны, да öнi сёр нин. Дженьдöдам сы коддьöмлысь лапаяссö, ог кө сьылдзирнысö песовтöй.

Зонкаöс вайöдысь салдат висьталiс, кызди найö кутiсны сийöс.

— Сидзкө, «ас йöз» дiнö вөлөм локтö,— сералöмысла синва пырыс шуалис Обрезков, а Елим Васька содтiс:

— Сöмын тай эз сийö öбедня вылас веськав. Висьтав, Митрей, мый мөрла кыссин татчö?

Но зонка олис чöv. Сийö эз нин сыркьяв. Öбидасö зырис Елим Вась да Обрезков дiнö яр лөглун. Сийö немтор оз висьтав. Мед көть мый вöчасны. Сöмын чорыджыка курччис вом дорсö, топыджыка лэччысис стен бердö.

— Вомад ва кынмис али мый?— сьökыд воськовъясөн матыстчис зонкалань Елим Вась. Ыджыд лапана кыпöдыштiс зонкалысь юрсö.— Кывтö курччин? Разям, вожöдам. И...— сөсся друг бöрынтьчис, видзöдлiс Обрезков вылö:

— Господин прапорщик, синъяснас, вермас кө, көть сөяс мянöс. Палкин рöд. Батыслысь кок туйсö талялö. Оз весьшөрö шуны: коллыд пожөмсьыс ылö оз усь.

Обрезков чеччис пызан сайысь. Виль портупеаяс да тасма гораа дзуртыштiсны. Локтiс зонка дiнö, ратшмунтöдз нетшыштiс пельöдыс.

— Мыйла воин? Кодi ыстiс?

Видзöдлiс зонка синъясö, но мöдыс эз вешты видзöдлассö, сöмын малыштiс дойысла доналөм пельсö. Обрезков весиг падмыштiс:

— Кычан, а видзöдласыс кöинлөн нин. Кымын арöс?

Зонка пыдди вочавидзис Елим Васька:

— Таво дас нель тырис, господин прапорщик. Тасысь збыльысь рöзбойник быдмас. Öнi нин вөр-ватi келалö, быттьö карта саяс петавлö.

— Аддза,— кылöдiс гөлөссö прапорщик.— Дыр кутам виччысьны? Мыйла локтiн?

Зонка педзыштiс места вылас да бара лэдчысис стен бердö. Прапорщиклөн скөрмöмысла вежыньтчис неуна беринöсь чужöмыс, дженьыда шырөм юрсиыс

шөть моз чургөдчис отарө-мөдарө, вөнъыдик ёсь нырыс лёкысь көрсис, шома улльөв рөма син бугыльясыс лоисны көрт тув кодьось. Кыліс чужөмбанө гораа швачөбтөм. Зонкалөн пемдісны синъясыс, вошины вөрөгъяслөн чужөмъясыс, сөмын тыдаліс лампа би, коді мыйлакө лоис өшкамөшка кодьөн. Зонка гөгөрвоис, мый сійө куйлө джоджын. Зіліс кыпөдчыны. Но сапөг нырөн чужйөмысь дойыс юковтіс кынөм увсянь юр вемөдз, бара ставыс вөйис пемыдө. Паляліс пельсө зыраломысь. Юр вежөрөдз воис Обрезковлөн мустөм гөлөсыс:

— Мыйла воин? Коді ыстіс?

«Чошкөдөй пельястө,— мөвпыштіс скөрысь зонка,— сідзи и висьтала».

Сійө сетчис садьсө воштөм улө. Қор дугдіс зыравны пельяссө, ымөстіс да дзикөдз лигышмуніс-лөзьдіс джоджас.

Мыйла воис татчө? Коді сійөс ыстіс?

Митя зэв бура помнитө, кызди тувсов рөспута дырйи на сикт пыр петісны Эжваө гөрд полклөн медводдза отрядъяс. Сійө сиктсаяскөд колльөдіс найөс. Вежөрө, гашкө, нэм кежлө мөрччисны батыслөн шог кывьясыс:

— Шуштөм кад воө, пиук. Но немтор, шондісө не сайөдны сім съөд кымөръяслы...

Регыд мысти воисны еджыдъяс. И збыльысь оломыс лоис шуштөм. Найө тешитчисны гөрд партизанъяслөн да Советъяс дор сулалысьяслөн семьяяс вылын. Унаөс пуксьөдісны тюрьмаө. Но век жө батысө Митялысь эз вөрзөдлыны: вежавидзисны салдатысь, коді воштіс ассыс здоровьесө германскөй война дырйи. А синсө сы вылысь век жө эз вештывны.

Тшапмисны Епим Вась кодь озыр көзяинъяс. Весиг налөн челядыс тешитчисны гөрд партизанъяслөн да советскөй активистъяслөн семьяяс вылын. Но еджыдъяс водзө мыйлакө эз мунны. Тыдалө, эз тырмы вынныс. Сиктса олысьяс кывлісны, мый гөрд отрядъяс да партизанъяс сулалөны Эжваса некымын сиктын, мый налөн заставаыс весиг эм Эжваө нуан туй вылын. Кырнышъяс гыж улө веськалөм йөз виччысисны мездлун. Тадзикөн коліс гөжөм, пуксис ар.

Өти зумыш да көдзыд рытө сиктө воис еджыдъяслөн ыджыд отряд. Ставыс английскөй көм-пасяөсь,

бур винтовкаясабсь, некымын пулемётабсь. Тайбяс эз вöвны местной белогвардеецбяс кодьбсь. Тöдчис чорыд пöрадок, дисциплина. Тыдалö, вöвлöм фронтовикбяс.

Мöд луннас, рытнас нин, Митялөн батыс воис зэв жугыль. Öшöдiс важиник шынельсö да папахасö пу тувйö, чотликтiс пызандорса лабичö да пешис каллянсö. Пукалис кыв ни джын шутöг, кытчöдз эз быр табакыс.

Митялы вöли тешкодь, мый налөн гажа оласнога да серамбана батыныс татшöм кын мыр кодь.

— Мыйкö ужнайтыштан он?— пешабысь биа сарта-с лöсьöдiгмоз юалис мамыс.— Бара однополчанин дорад вöлин? Чöскыд дука табак тай куритан...

— Торйöдчöм водзвылын козьналис. Сэсся öд огö адзысьлöй.

— Мунöны али мый?

— Салдат öтилаын оз сулав, война. Сöмын тай ми воклы быть лöк куйлыны паччöр сэрöгын,— жаляддза ышловзис бать.— Дай ми на вермам сгöдитчыны. Öни öд быдлаын фронт. Ноко, мам, пуышт картупель. Видзöдлы, эм абу сёр вылад кöть öти ид нянь да кайлы вышка вылö, судзöд кос яйтор. Ноп лöсьöдыштам.

— Яйыс ки вомлöс джын ыжда и эм. Праздник кежлö вöли видза-а... Кытчöкö мöдöдчан али мый?

— Эн лöвт!— скöрмис бать.— Вöч, мый тшöктöны. А яйысла вышка вылас кыкөн кайлам.

Бать да мам вель дыр эз вöвны керкаын. Сэсся пырис мам. Чышгъян помнас чышкышталiс син дорсö. Матыстчис гöбöч вылын куйлысь Митя дiнö, нор гöлöсөн шуис:

— Ужнайтышт, пиук, да вод, аски ковмас водз чеччыны. Мöсным эськö сулалö да. Суседкалысь луннас неуна йöв водзöсавлi.

Митя чуймис: мöд пöв ужнайтны. Татшöмыс некор на эз вöвлы. Чой да вок узьöны нин. И сийö нин пöрччысис. Но век жö лоис лэччыны пызан сайö, пуксыны батькöд воча. Бать панялис пöжöм паренча ва, йöв дорö эз инмöдчыв, сёйис зумыша, пиыс вылö видзöдлытöг. Сылөн гырысь да ён чуньяса киясыс неуна тiралыштiсны, мукöд дырйиыс весиг паньыс солькьяссис. А мам морöс вылас кияссö сюркнялöмөн сула-

ліс пызан дорын да видзодіс ая-пиа вылө, сөмын кор-  
сюрө нориника шуышталіс:

— Сөй, пиук, сөй. Батьыдлы өд өтнаслы ужнай-  
нысө гажтөм.

Митялөн вытьыс пыр и бырис: гөгөрвоис, мыйкө  
лоөма. Но юавнысө эз лысьт. Позянатор кө, батьыс  
ачыс висьталас.

Нурьясьыштөм бөрын Митялы тшөктісны водны.  
А бать-мам дыр на ноксисны. Отиыс нырсө частө кыс-  
кышталіг пуис картофель, мөдыс ноксис ружьеөн, пу-  
ля-порокөн. Тайө шыяс улас и личкис унмыс Митяөс.

Кор чуксалісны сійөс, керкаын вөлі пемыд. Сөмын  
көтшассө югдөдісны ломтысьысь пачысь усъысь югөр-  
ясыс. Пызан вылын сулаліс сөян: төрытъя йөв кринча  
джын, нянь, паренча, сола тшак.

— Вай, Мить, нурьясьышт,— шыасис батьыс.—  
Сэк кості висьтала, мый ковмас вөчны водзө.

Пач вомысь усъысь югөръяс татчө воисны омөля.  
И Митя эз прамөя аддзы батьыслысь чужөмсө. Сөмын  
кыліс чорыд гөлөссө.

Вөлөмкө, еджыдъяслөн неважөн воөм өн отрядыс  
петө Эжваө, медым төдлытөг пусь-пась вөчны сэтысь  
гөрдъяслысь неыджыд вынъяссө.

«А ми ещө виччысям отсөг»,— мөвпыштіс Митя.

— Та йылысь,— водзө нуөдіс бать,— колө юөртны  
краснөйяслы. А кокъясөй, пиук, ачыд төдан, кутшө-  
мось менам. Непөштө парматі сө ветымын верст, кык  
керка кост вуджны сьөкыд. Надейтча тэ вылө. Оти-  
кө, вөрө он вош: кыйсьысь. Мөд-кө, сьөкыдлунъясысь  
он пов. А ас йөзлы отсыштны колө. Қод нө вөчас  
тайөс, ог кө тэа-меа. Вернө, пиук?

Митялөн нимкодъысла вошліс лов шыяс. Сійө эз  
повзы пармаысь ни кузь да сьөкыд туйысь. Мед сө-  
мын эськө батьыс эз веж асьыс мөвпъяссө. Сійө өд  
эз өтчыдысь кывлы разведчикъяслөн подвигыас йы-  
лысь висьтъяс.

А өні ачыс лоас разведчикөн. Сэсся сійөс босьтас-  
ны гөрдъяслөн отрядө. Син водзас сувтіс серпас:  
Разыб кузя отрядкөд өтлаын сабляөн яр вөв вылын  
төвзө Митя, а сыысь өтарө-мөдарө пышйөны садьсө  
воштытөдзыс повзөм еджыд бандитъяс.

— А мыйла та йылысь водзджык эн висьтав?

— Медым спокойнөя шойччыны кузь туй во-

дзын,— нюммуніс батыс.— Мир туй вылө эн пет: верман веськавны еджыдъяслы гыжъяс. Сэні шөйтөны налөн разведчикъяс. Қовмас мунны веськыда вөр пыр. Пыр лунвылө и лунвылө...

Мам колльөдіс сөмын порог дорөдз. Өні сійө эз нин бөрд. Пернапасалис. Сэсся друг топыда кутіс юрөдыс да оқыштіс. Митялөн весиг бергөдчыштіс юр вежөрыс, а сэсся сьөлөмыс бытгьө веськавлис меліа лайкъялысь гыяс вылө... Со кутшөм мамлөн оқыштөмыд. Сөмын өні Митя гөгөрвоис сылысь көрсө. Мам...

Митя, батысьыс яндысьтөг, бур, мый сійө бергөдчис кывтлань, регыдик кежлө топөдчыліс мамлөн небыд да шоныд морөс бердө. А мый вөчсис тайө здукас мам сьөлөмын?

Завор дорын батыс тапнитіс мышкас, шөпнитіс: — Кодкө кө паныдаяс сиктсаясысь, мунан лэчыяс октавны. Тадз колө, пиук. Немтор, эн өшөд ныртө, регыд аддзысям.

— Ме краснөйяскөд воа, бать...— сөмын кужис шуны Митя.

Өні, еджыдъяс штабса джоджын куйлігөн тайө серпасъясыс здукөн вирдыштісны сы вежөрын. Усис дум вылас ещө өтитор. Сылысь батысө гөрдъяс, тыдалө, кольлөмаөсь разведчик пыдди. Дерт жө. Мыйла нө либө...

И Митя син водзө сувтө вель серпас. Гожся вой. Чөскыд унсө сылысь пальөдісны кутшөмкө шыяс. Восьтіс синсө, видзөдліс гөбөч юр вывті. Пызан дорын батыскөд воча пукалөны кык мужичөй. Бокөвөйяс. Сёрнитөны оз татчөс йөз моз, но комиөн. Пызан вылын нянь, йөв кринча. Кузя шөпкөдчисны. Сэсся надзөник петісны посводзө. И самөй тешкодъыс, бать найөс петкөдіс ывлаас карта өдзөс пыр.

И сөмын өні Митя гөгөрвоис, кодъяс вөліны тайө йөзыс да кысянь волісны еджыдъяс гыж улын ойзысь грездө.

Пөрйөдлыны эськө эсію мустөм рожаясө. Висьтавны, мый муні вөравны, воши, а сэсся өдва ловйөн петі тайө сиктас. Не кө Епим Васька, колөкө и эскисны. А сійө ставсө төдө.

А колөкө тайө вөт, гашкө, сійө узыө гөбөч вылын? Но доналөм пельыс да чужйөмысь кынөмас вочасөн

лөнъыс дойыс висъталісны, мый тайо вемоссыс вемос. Чуть калькөдыштан син лапъясто и аддзан вөрөгъяслыс мустом чужомьяссө.

Кодкө койыштіс чужомас кодзыд ва. Быть лоис восьтыны синъяссө. Елим Васька кокъяссө таджгөдөмон сулаліс сы весьтын, кнас тыртөм кош. Босьтіс шошаодыс, сувтөдіс стен бердө.

— Кутан чөв овны?— быд кыв торйөдлөмон юаліс прапорщик.— Думайт этийо папироссө озтігкості. Чеченитчыны ог кутөй. Гөгөрвоин, небось. Миянлы некор ноксыны большевизмөн висьмом понъяслөн кычанъясөн.

— Понлы — пон и места, кызди шулывлөны бурйөзыс,— содтіс Елим Вась.

Прапорщик кыкис эзыс портсигарыс папирос, торкөдыштіс бумага мундштукнас вевтас, пөлыштіс сэтчө да пелька суйис вом көтшас. Сэсся копыртчис лампа стеклө весьтө да кутіс нөнявны папироссө. Митя эз вештыв Обрезков вылыс синъяссө. Со папирос помсыс мөдіс тшынтөр, сэсся сийө сьөдөдыштіс, и медбөрын сәні өзйис өмидз рөма би. Обрезков пуркнитіс вомсыс кузь тшын сюръя, петкөдліс ломалыс папироссө стен бердө йөжгыльтчөм зонкалы, быттьө көсийис шуны: «Ме дась, а тэ?» Митя сомын катлөдыштіс юрнас: «Көть мый вөчөй, ог висътав».

Найө бура гөгөрвоисны өта-мөднысө. Обрезков тэрыба босьтіс тувйө өшөдөм нагайка, код помө вөлі кыөма свинеч тор, но сідз, медым эз тыдав. Синсө вештывтөг кань кодь небыд воськовъясөн кыньсьөдіс матыстчис Митя дөрө. Мөдыс видзөдліс прапорщиклөн арышмунөм бугыльясас, тупкис чегъясьөм гыжь-яса вөсньыдик найтөсь чуньяса кинас гожьялөмысла сир тэлеб кодь чужөмсө... Обрезков ырыштчис. Сәки тэрыба уськөдчис ывлаө Митяөс татчө вайөдыс салдат. Обрезковлөн кыммис сынөдас кыпөдөм кыис:

— Радөвөй Жилин! Код тэныд разрешитіс мунны? Места вылад!

Ён туша-рожаа, паськыд усьяса олөма салдат надзөник бергөдчис да сувтіс важ местаас.

— Кызд сулалан? Ме коді тэныд лоа?!— горзіс прапорщик нагайкасө лөкыс лөтйиг.

— Виноват, господин прапорщик,— ярскөба шуис салдат.— Но ме эг велав челядькөд воюйтны...

— Тэ, Жилин, синтөм кутю,— горөдіс прапорщик.— Тайө краснөй шпион, разведчик. Мөдөдөмаөсь татчө мыйлакө. Тыдалө, юөртны миян наступайтөм йылысь. А тэ — челядь...

— И ыстис сийөс батысь,— кыв көрталіс Елим Вась.— Со коді главнөй шпионыс.

— Сідзкө, господин прапорщик, батысь и колө нажитны,— эз сетчы салдат.— Зэв лёк, оз кө кывзысь пиыс батыслысь. Ог вежав ме сэтшөм бать-мамлы.

— Вывті төлка лоин, Жилин,— сөдзөдіс кывъяссө пинь пырыс Обрезков.— Кывлас кө господин капитан та йылысь, ме думысь, тэныд вичмас сов вылад. Не кө тэнад наградаясыд, ме эськө эг видзөдлы мича рожа вылад.

Прапорщик шыбитіс нагайкась улөс вылө, видзөдіс мөд жырьө нуөдан өдзөс дорын сулалысь штабса писарь вылө. Кажитчис, бытьөкө сылөн синъясыс дивитөны прапорщикөс. Эз вермы кутчысьны, равөстис:

— Мый кыйялан? Спектакль аддзин? Марш места вылад, чернила лов. И тэ сідз жө, Жилин!

— Кывза, господин прапорщик!— радөвөй Жилин колснитис коклябөръяснас, крута бергөдчис да петис керкаысь, вошис мөд жырьө и писарь. Джодж кузя вель дыр ветлөдлөм бөрын Обрезков надзөникөн, но чорыда шуис:

— Оз мынны миян кабырысь и этийө коин пиылөн бать-мамыс. Қовмас юөртны сэтчөс властьяслы...

— Вернө,— радпырысь кайтыштіс Елим Вась.— Колө босьтчывны Палкин рөд дорө, а то уна лёктор на миянлы вермасны вөчны.

— Тэ, унтер, ланьт!— стрөга видзөдіс сы вылө прапорщик.— Нуөд тайө коинписө чижовкаө. Видзөд, мед оз уйкнит. Аски сыкөд нөшта сёрнитыштам.

— Кыдз позьө, ваше благородие,— радпырысь вочавидзис Елим Вась.— Мед видлас. Ас киөн певкни-та, оз и никөстлы.

Но Митяөс сэсса эз нин корлыны штабө.

...Вөлі көдзыд арся асыв. Усис небыдик лым. Лым чирьяс шытөг, бобувьяс моз, лэччисны кын му вылө, тубралісны сийөс еджыд ризіөн. Сиктын ставөн на узисны. Кор порувса овтөм керкаысь, коді сулаліс Шежамка юсянь неылын, петкөдісны куим мортөс: мужичөйөс, нывбабаөс да зонкаөс. Найөс кытшаліс-

ны штыка винтовкаяса нель салдат, кодъясысь өвтис вина дук. Көдзыд керкаын дыр пукалігөн гегдөм йоз педзисны места вылас.

— Регыд шоналад,— тешкодя серөктіс ыджыд тушаа ён салдат. Пемыдысла эз тыдав сылөн чужомыс, но Митя гөлөс сертиыс төдіс Елим Васьякөс. Дзугйө веськалөм бөрын моз нөйтчысь гулю кодъ сьөлөмсө зонкалысь быттө топөдлісны клещиён. Елим Васьяка кө тан — буртө немтор виччысыны.

— Кытчө нуөдад миянөс?— кынмөмысла сырмысь гөлөсөн юалис нывбаба.

— Лешуконскө,— тешитчөмөн вочавидзис кутшөмкө конвоир.— Сэні пө адын кодъ жар, райын кодъ югыд.

Елим Васьяка гораа серөктіс. Но мукөд конвоирьяслы, тыдалө, эз вөв серамөдз, көть эськө и поводнөя юөмаөсь.

Митя восьлаліс медводзын. Ывла вылө петөм бөрын быттө лоис шоньдджык. Вуніс и кынөм сьумалөмыс, и кынмөмыс. Нуөдасны кө Лешуконскөй тюрмаө, то сийө прөйдитас аслас чужан сикт пыр. Вермас адзывны бать-мамсө, төдсаяссө. А туй вылас позяс на и пышйыны, воөдчыны Яренскө, көні сулалөны гөрд отрядьяс. А сэсся... Сэсся Митя сян водзө бара сувтө төдса серпас: төвзьоны вөвьяс вылын гөрд звездаяса йөз, на юр весьтын синтө ёрмөн югьялөны сабляяс, медся водзын — Митя. А на вылө вылісянь нюмьялөмөн видзөдө мелі шонді.

Сикт помасис. Туйыс кежис веськыдывь, көні визувтис Эжваө йиөн дорөм неыджыд Шежамка ю. Да. Тайө абу Лешуконсклань туйыс.

Митя содтис воськовьяссө. Кыпөдіс чужөмсө енежлань, зілис кыйны кывнас лэбысь лым чирьяссө. И друг казяліс, кыдзи чуть югдыштис Шежамка юсайса вөр весьтыс. Заводитчө кыа. Сідзкө, регыд резыштасны шонділөн югөрьясыс да югдөдасны тайө куим мортыслысь куслытөм олөмө мунан туйсө,

## ФРОНТОВОЙ БЛОКНОТЫСЬ ШОЙЧИГОН



Шензьодана мича водз асыв. Август пом. Гожом-лөн мичлуныс лаймалё, кылыштё нин арлөн лов шы. Ывла вьв синлы тёдчытөг вежё рёмсё: сылөн нюдз-виж кышодас тыдовтчоны бисер кодь кельыд виж да гёрд чутъяс. Со кызды вылысь лэбзис кольк виж рёма кор да бергалігтыр усис узысь боецлөн плащ-палатка вылө, а вот эсійё гёрд рёмаыс оз на лөсьодчы усыны, дыр на шпорөдчас кокниджык төвру улын. А сынөдыс кутшөм! Енэжыс! Тайёс вермас гөгөрвоны морт, кодлы удайтчывліс узыны вöрын, водз арся восьса енэж улын. Но тайё мичыс вöлі веськодь узысь салдатъяслы, кодъяс сьöкыд марш бöрын шойччисны пу вожъяс улын.

Шондікөд тшөтш увтас местаясысь заводитіс кыпөдчыны черань вез кодь ру. Вочасөн сійё сукмис, төбис пуяс и кустъяс, кыссис вывтасінө, көні шойччисны салдатъяс. Став сертиыс төдчис, мый луныс лөөшондіа да жар. Плащ-палаткаяс да шынельяс улын өта-мөд дінас топөдчөм йөз пиысь садымис том боец. Виччысьөмөн, медым не садьмөдны ёртъяссө, чеччис, очсаліс. И сылөн пельыс кыліс горулын шорлысь тельгөм. И пыр жө окота лоис мыськыны ньылөмсө. Од найё төрыт сэтшөма мудзисны, мый унмовсисны весиг ужнайттөг. Боец тэрыба мөдіс шорлань, а корнин матыстчис сы дорө, друг джөмдіс виччысьтөмторсыс.

Неыджыд руд из вылын пукаліс ныв. Сылөн кокъясыс вöліны ваынөсь. Ныв видзөдчис неыджыд йирө зеркалөө моз да лөсьөдышталіс юрсияссө. Сійё пукаліс боецлань мышкөн. Но мыгөр сертиыс, челядьлөн кодь ичөтик кияс да лөсьыдик кокъяс серти позис чайтны, мый сылөн и чужөмыс сөстөм... Орччөн куйлысь гимнастёрка, защитной рёма юбка, салдатской пилотка серти вöлі гөгөрвоана, мый тайё нылыслөн профессияыс медся сьöкыдъясысь өти. Сөмын тайпельпом вылас шавмунөм рудов рёма сук юрсияс эзджык лөсяв салдат-фронтөвиклөн паськөмлы.

Ак кутшом мича юрсиыс! Сідзи и окота инмодчывны на дінө. Акань кодь тайө нылыслы өмөй эз сюр мөд места? Мыйла сійө орччөн йөзкөд, кодъяс восьлалөны юр усян туйті? Эз өмөй сюр тайө лөсьыдінник кокъяс вылас бурджык көмкот чорыд да ыджыд кирза сапөг кындзи? Өд татшөм нывъяслы местаыс рөднөй семьяын, мам дорын, ёртъяс дінын, а абу вөръясын да нюръясын. Дзик на челядь. Видзөд, кутшөм нем төждысьтөг бызөдчө кокъяснас ваын, кутшөм тешкодя видзөдчө ваө, велөдчысь моз лөсьөдлө юрсияссө. Тайө здукас, тыдалө, вуніс, мый сыкөд орччөн туфлияс пыдди гырысь сапөгъяс, шөвк чувки пыдди нямөдъяс. Код төдас, мый йылысь өні мөвпалө тайө нывкаыс, страналөн кутшөм пельөсын ветлөнысылөн мөвпъясыс. Да, тані он дыр пөж асья унтө, абу мамыдлөн небыд вольпасыс. Лоө чеччыны боецъясысь водз, а водны сёрджык. Мөд ног өд оз и вермы овны нывка либө нывбаба мужичөйяс пөвстын.

Том салдат эз лысьт весиг гораджыка лолыштны, медым не торкны нывкалысь мөвпъяссө. Бур, мый оз аддзы сійөс. А казялас кө? Быттьө кыйөдчөм лоө. Абу лөсьыд. Салдат көсийс нин здоровайтчыны ли шыасыны ли, но мыйлакө эз кывзысь кывйыс ни воыс. Со нывка неуна бергөдыштіс юрсө. Том боец эз ылав: чужөмыс сөстөм, весиг мича. Неыджыд ныр, вөснныдик чорыд вом доръяс. Неуна гожъялыштөма. Тайө вөчис чужөмсө верстьөджыкөн да ёна лөсяліс шавъялысь мича юрсиясыслы. Места вылас кыммөм том салдатөс мездісны ёртъясыс. Пуяс сайысь юрөбісны гора гөлөсьяс. Кодъяскө тэрыба локтісны талань. Нывка сайксяліс. Тэрыба чеччис, кватитіс моздорас көлуйсө да быттьө зверөн повзьөдөм көза вошис кустъяс да пуяс сайө.

## МЕЗДОМ СИКТЫН

Сотчисны вөр и нюр. Курыд руд тшын кыссис вутшъяс весьті. Кажитчис быттьөкө ставыс гөгөрбок кывтө. Друг тшын занавесыс вешйө, син водзын сотчөны гырысь гөлөвня кодь керъяс. Повзьөдчысь кодьөсь саөссьөм пачьяс, быттьө повзьөм турияс нюждөмны вывлань голя кодь трубаяссө. Тані вөлі сикт.

Тані овлісны йёз. На пиысь быдёнлөн вёлі коркё аслас тёждлун, аслас удж, водзё вылё аслас надея. А ёні тані сотчёмин. Лёнь. Ни ёти шы, не кё артавны гёлёвняяслысь гора трачкакылёмсё...

Сапёръяс тувъялёны сюръя. Сы вылын пёв. Гижёма Л. сикт. Сёмын тайё и кольёма коркё дзоридзавлысь сиктысь.

Сотчём кер помын пукалё нывбаба. Сылысь арлыдсё тёдмавны он вермы. Пергамент кодъ виж чужёмыс быттьё кынмёма. Чусмём синъясыс оз аддзыны немтор. Шог да лёглун пёдтёны сійёс. Но колё терпитны. Быть. Мортлөн сёлём абу из, оз пот.

Со сійё ньёжйёник заводитчис кыпёдчыны, быттьё поліс, мый эбостём кокъясыс кусыньтчасны. Боецъяс отсыштісны сылы. Со нывбаба мыджсис том салдат пельпомё, зумыда сувтіс кок йылас. Ньёжйёник кыпёдіс кисё, индіс, кодарлань рытъясын пужсьё шонді.

— Пиян, кыланьнд, пиян, эн лэдзёй миян му вылысь найёс ловйён. Эн лэдзёй! Мед налысь лы-сьёмсё кокаласны катша-ракаяс...

А сы дінті восьлалёны боецъяс сылань, кытчё индёны нывбабалён киясыс. Мунёны рытыывывлань. Зумыш чужёмьяс вылысь он аддзы синва. Салдат — сійё салдат.

...Сапёр пидзёс вылын пукалё ар 7—8 зонка. Киас съёд нянь тор да бусёссьём сакар. Сійё сёйигмозыс мыйкё тэрыба висьтавлё съёд уска сапёрлы, коді гадьёсь чорыд кияснас небыдика малалё зонкалысь важён нин шырлытёмысла да сынавтёмысла гынмём юрсияссё.

Орччён ичётджык нывка. Тыдалё, чойыс. Съодасьёмысла лёсталысь оръясьём платтьё пырыс тыдалё нэриник вир-яйыс. Сылён гырысь ва войт кодъ синъясыс шензьёмён видзёдёны горша сёйысь зонка вылё.

Мукёд сапёръяс вёзйёны нывкалы нянь, трофейной галетъяс, сукаръяс, съодасьём сакар торъяс, но нывка оз весиг видзёдлы налань. Сёмын нюшкё нырнас, да корсюрё ниртыштлё синьяссё няйт кулакнас.

— Тёданныд, мыйла сійё оз босьт?— шыасьё зонка.— Полё, мый бёрыннас кутад нёйтны. Сідзи фрицъяс вёчлісны. Первой сетасны нянь кусёк, а сясся бёр мырддясны. Либё нёйтасны. Шуасны, гусяліс пё. На пиысь ёти чужйыліс, мый ёдва сайксяліс.

— Зверьяс. Урөдьяс...

— Вернө, вернө, дядя. Сійө тiянөс, тыдалө, фашистьясөн чайтө.

Зонка чеччис уска сапөр пидзөс вылысь, матыстчис нывка дiнө:

— Валя. Тайө абу фрицьяс. Тайө дядясыс миян красноармеецьяс. Фрицьяслөн шынелыс турунвиж, а миян руд. Тэ сюсьджыка видзөдлы.

Зонкалөн гөлөсыс вөлі сэтшөм мелі да корана, мый нывка кутіс видзөдны боецьяс вылө, сылөн видзөдласыс котраліс быд боец вывті юрсяныс да кок улөдзис.

— Помнитан, Валя, ме тэныд висьтавлі,—водзө нуөдіс зонка,—мый локтасны миян руд шынельясаөсь, гөрд звездаясаөсь. Помнитан, ме рисуйтлі найөс бумага вылө? Миян пап татшөм жө, вот тайө красноармеецьяс кодыс. Звездаа, руд шынеля...

— А пап воас?—друг юалис нывка.—Сійө мем ваяс жө няньсө?

— Папаыд быть воас,—радпырысь шыасисны боецьяс,—сійө тэныд кампет да печенньө ваяс.

А уска сапөр друг бергөдчис йөзлань мышкөн...

— Папа тани?—индіс нывка туй кузя сьөкыда восьлалысь боецьяслөн колонна вылө.—Сійө звездаа?

— Воас, Валя, воас,—шыасисны бара боецьяс.—Сөмын сөрөнджык. А өні—на сөйышт. Ок өд чөскыд галетыс.

Нывка век на неуна полігтыр нюжөдіс кисө...

\* \* \*

Сөмын на эштис сьөкыд бой. Медбөрья праната потөмлөн шыыс разалис вөр-ваө. Лөнь. Матыстчис походной кухня. Быгалөмысла пөшти еджыд гимнастёркаа боецьяс босьтөны кытшө сійөс. Сэсся тыр пөртьясөн меститчөны коді кытчө кужө. Выть вылө некод оз норась. Зэвтчөм нервьяс личалөны, йөз вочасөн сайкалөны. Кылөны гажа гөлөсьяс, кутшөм-сюрө чужөмтьяс вывті котөртө нюм. Нурьясысыс боецьяс аддзөны тешкодь серпас. Пуджөм сосьяса кык здоровой фрицөс колльөдө тылө нэриник тушаа томиник боец. Дженьыда шырөм юрсисө вевттьөм

пых код пилоткаыс отаро лэччо ныр вылас. Штыка винтовкаыс ассыс кузджык. Волысалома пельпом вылас. Став сertiыс тодчо: сомын на пополнениеыс воом боец.

— Эй, Иван, гормодчанто босыт киад, а то пышьясны, лыйныд он удит,— городис кодко сейысыяс пыхьс.

Боец кывзысьомон босытис оружиесо кияс, штыксотшукодис борынджык восьлалысь фриц мышко. Модыс оддзодис воськовьяссот.

— Кыномыд сюмало, конко, нурьясь,— шыасис тождысьысь старшина.— Найос удитан на нуодныд.

— Менам портийс абу,— гажтома нурбыльтис конвоир.

— Пуксьы ме дорот.

Конвоир сейипмозыс сюся да стротга видзодлывлот пленнойяс вылот, кодьяс педзоны места вылас. Налон, тыдалот, сюмалот жот кыномыс. Синьясыс горша кодзалотны.

— Мый, Гитлер капут?— юалот старшина.

Оти пленнойяс радпырысь гогйодлот юрнас, модыс зумыша нылалот дуль васот.

— Жуглинныд Ленинград, и отни ковмас кирпичонкирпичон чукортны,— шуот старшина.— Кыномныд сюмалот?

Пленнойяс гогйодлотны юрнас. Старшина тшотктот поварлы вердны найос. Повар вайот порт тыр салот рок. Пленнойяс шемос видзодотны сы вылот. Сэссия отиыс босытот портсот, пуксьот вутш вылот, заводитот горша сейны, а модыс сулалот.

— А тэ мый он сей? Сэссия од татшотм волотгатот он адзылотй кисьотм карьястот стротитотгад,— сералотны боецьяс. Немец, тыдалот, гогорвоот. Мыйкот шуалот ас ногыс. Еврей сержант, кодот кужот на ног, висьталот ертьясыслы:

— Салдатлы пот оти дозийысь сейны офицеркод оз позь.

Боецьяс скотра видзодотны азыма лотпатитысь пленной офицер вылот, тшыг салдат вылот.

— Кыж синмад уна яндзим оз тот.

— А отглаын воюйтотны, оти смерть улын ветлисны.

Пленной салдатлы сетотны мод порт. Сийот юасьот офицерлысь, сэссия пуксьот неуна бокот да заводитот горша панясыны.

Ладожскöй ты лунывывладорса вөръяс да нюръяс. 1942 вося гожом. Неиджыд кушин. Гөгöрыс шпорöд-чöны асланыс коръяснас пипуяс. Кушин шöрас — «КВ» танк. Ыджыд, вынйöра. Сылөн шоналыштöм броняыс сцена пыдди. Сэсянь сьылöны, лыддьöны кывбуръяс Ленинградьс воом артистъяс. А машина гөгөр пукалöны танкистъяс, кывзöны найöс. Шоча овлö фронт вылад татшöм дивöйд. Уна луньяс чöж тышкасигөн, смертыкөд орччөн восьлалигөн боецъяс вунöдiсны нин, мый көнкө эмöсь йöз, кодъяс вермöны на сьывны, гажöдны йöзöс, кыпöдны чужöм вылö гажанюм. И нимкодь салдатлөн сьöлöм вылын: сiдзкö, эм на миян вын-эбöсным, сiдзкö, тырмас на сямным да удаллунным пасьвартны Ленинлысь карсö джаг петляөн шыртыштысь вөрөгöс. Аддзан, Ленинград эз вунöд найöс...

Матыстчö рыт. Передövöйладорын кутiсны швачкакывны-потласьны минаяс. Кузь öчередьясөн эргöны пулемётъяс. Заводитчö быд рытъя «зарядка». Но тайöс некод эз пукты пыдди: велалöма, быд луньятор. Боецъяс эз вештивны синьяссö танк вылысь, олöма-яджыклөн ыркмуни сьöлöмыс, топалiс дойысла, томджыкъяс ещö сюсьджыка чашкөдiсны пельяссö, эз вермыны дзевны шензьöмсö. Танк вылын сулалiс ардас вит-дас квайта ныв. Нэриник. Леторос кодь. Тöv кö пöльыштас — синсяс. Голяыс вöсньыдик, а княсыс быттьö сартасъяс. Кыдз сийö кутö морöс вылас сьöкыд аккордеонсö? Тайö нывкаыс кö вöлi бур бать-мам борд улын да эз тшыгъяв, дерт, эз вöv татшöм нэр да кельыд, эз эськö туша-рожа пырыс луньюгыдыс тыдав.

Танкистъяслысь мövпьяссö орöдiсны аккордеонлөн кыпид шыяс, а сэся юрöбтiс нывкалөн лэчид да мыла гөлöсыс. Сийö юралiс гораа, лада, йиджтысис йöз сьöлöмьясö. И эз эскыссы, мый тайö нылыслөн сэтшöм ён гөлöс. Танкистъяс вунöдiсны ставсö, найöс кытчöкө ас бөрсяыс чуксалiс нывлөн гөлöс, нуöдiс, корис, тшöктiс... Салдатъяс син водзö сувтiс серпас: öружие кузя ёртъясыс — морскöй пехотинецъяс, Калугаса да Костромаса кык зон венласьöны гундыр-

вөрөгкөд. И со на пиысь 6тис6 уськ6д6 кок йывсьыс  
снарядл6н торпыриг...

Сьыланкыв эз вермы не в6рз6дны сь6л6мъяс, 6д  
тай6 серпасыс в6ли т6дса быд боецлы.

Танк вылысь л6ччысь нывка6с кватитисны уна зу-  
мыд кияс.

— Кызди т6н6 шу6ны?

— Кутш6мджык 6ни Ленинград?

— К6ни бать-мамыд? Эм абу чой-вок?— бытть6  
пот6м меш6кысь анькытш киссисны юась6мъяс.

— Шу6ны Лена6н,— вочавидзис ныв.— Ленин-  
град доймал6ма, но важ кодъыс мича да горд6й. Ба-  
тть6с станок дорас виис бомба. Мам кулис тшыглы  
таво, тулысьявылыс. Ич6т вок6с эвакуируйтисны ко-  
ль6м ар кытч6к6.

— А т6н6 мыйла эз?

— Верми 6м6й ме кольны Ленинград?— стр6га  
юалис Лена. И боецъяслы быть лоис с6гласитчыны  
сык6д. Г6снечысь Лена 6ткажигчис.

— Ти фронт вылын6сь, а ми тылад кызк6 мыйк6  
олам нин... 6ни паек содтисны да асланым градъяс  
вымын урожай во6...

Некымын лун мысти танк6в6й бригада пырис тыш-  
л6н би6. Грозн6й машинаясл6н уна башняяс вылын  
тыдалисны еджыд краска6н гиж6м кык кыв: «Лена  
в6сна».

## ВОИСЯ Г6Л6С

Выль вося в6й. К6дзыдысла ывла6 к6ть нырт6 эн  
мыччы. А землянкаын жар. Бензин б6чкакысь в6ч6м  
пачл6н бокъясыс 6мидз р6ма6сь. Шутка радейтысь  
ефрейтор ноксь6 наръяс кост6 сувт6д6м 6лка дорын.  
6шл6 лыс лапъяс выл6 патронъяс, тырт6м тильзаяс,  
запалт6м гранатаяс. На костын бовъял6ны пу6м в6в  
й6 торъяс. (Неваж6н орчча батареякысь мина торпы-  
риг6н виис 6н мерин6с.)

Сержант киськал6 кружкакыс6 наркомовск6й с6  
грамм. Талун с6мын кий6 л6в кык-куим ыджыдджык.  
Праздник кузя т6ждысьысь старшина судз6д6ма. За-  
куска пыдди в6в й6.

— Татш6м 6лкат6 с6сся 6двак6 удайтчас жорк6  
аддзывны...

— Айда, ефрейтор!

— Матыстчалой, — коро ставнысо сержант. — Юам, медым Гитлерлон соп гаддыс потас...

— Медым Геббельслон лек кокыс музгыльтчас.

Серам. Гаж. Кодко заводито сывны, кодко везйо лыддыны мусуксяныс воом лоор. Сэки землянкао чепосйо ывлаын ветлоддысь патрульной:

— Эй ти, славяна, ныв сыло!

Боецьяс тшокмуноны. Здук мысти найо пасяось да маскхалатаось нин. Ыжьяс моз гузыгысоны ывлао. Голубой лым ывлын куйлоны пемыдлоз вуджорьяс. Пуяс да понольяс быттьо ризиясьомаось: лым чирьяс ворсодчоны толысь югорьяскод. И сэтшом лонь, сэтшом лонь... Весиг передовыйысь оз кыв ни оти лыйом шы. Збылысь мойдын кодь. Сэтчо жо быттьо небесаяныс кыло эзысь тельган кодь ныв голос. Сийо пыр матысмю и матысмю. Туй кузя дышеника рөдтис рөзвалля вөв. Додь нырас пукалис олома ездөвөй, а додь бөрас еджыд пася да пеля шапкаа медсанбатса сестра либө жо связь ротаса радистка. Но лыжи ывлын сулалысь боецьяслы сийо вөли мойдса Елена Прекраснаяон, ыло гортю кольом мусукон... Сылон эзысь голосыс покөритис налысь сьолөмгыассо, кыкис ас бөрсаяс. Мый дыра од нин тайо салдат паськома зоньясыс эз аддзывны нывьясто.

Вөв рөдтис, ездөвөй вугралис, ныв дзользис-сылис. И дерт, эз чайт, мый сийос кодко кывзо. Но та могысь колө сомын вөли бергоддыны юрсю вөр стенлань, пуяс костти вуджрасысь шитом еджыд мыгорьяслань. А ещю бурджык лон, кодко ко видлис обидитны сийос. Сэки эсько сьмысь ныв шемөсмис сысы, тыдавтом кутшом эскорт, вөлөмкө, кольөдө сийос.

## МЕД ОЗ КУТ ТӨДНЫ

Көдзыд төв. Взводө вайисны ыли тылысь воом подаркыас. Ставон чукөртчисны неыджыд ящикьяс гөгор. Взводса командирлы отсасысь старшой сержант видзчысьомон восьталис найос. Мыйыс сомын эз вөв тайо ящикьясас: вурун носкыас и кепысьяс, пуом колькьяс и кын шаньгаяс, чериняныас и еджыд сукар. Оти ящикысь гажа серам шы улө старшой сержант

кыскис весиг пшеничнӧй водка сулея. Ставсӧ юкисны вокъяс моз. Заводитчис пируйтӧм. И, дерт жӧ, на вӧсна тӧждысьысь мелі киа аньясӧс да нывъясӧс казь-тылӧм.

Но старшӧй сержант эз тӧд, кодлы сетны махорка тыра кӧшель. Сэтчӧ вӧлі шӧвк сунисӧн вышивайтӧма: «Боецлы, кодлӧн сьӧлӧмас абу полӧм». Старшӧй сержантлы отсӧг вылӧ воис вэводса медыджыд арлыда боец— Матвейч. Тшӧктис сетны кӧшельсӧ томиник боецлы, коді сӧмын талун на воис выль пополнение-кӧд.

— Мыйла?— чуймис старшӧй сержант.

— Миян сьӧлӧмъяс эз нин ӧтчыл повзъывны. А вот сьӧлӧн сьӧлӧмыс тайӧ чувствосӧ оз на тӧд и мед оз кут тӧдны.

Тӧлка Матвейчкӧд быдӧн сӧгласитчисны.

## МОРТ ОЗ СЕТЧЫ

В и с ь т



Морт вӧлі кулан выйын. Вочасӧн вӧрасъясые надзисны. Сьӧлӧн еджыд халата мыгӧрыс лым вылын кажитчис неыджыд мылькторйӧн. Гӧгӧр чӧла сулалисны лым туктаясӧн личкӧм пуяс. Енэжсянь на вылӧ кӧдзыда видзӧдисны читкырасысь синъяснас яр кодзувъяс, кодъяс заводитисны нин чусмыны. Сідзкӧ, асъядор. А сійӧс ранитис вой шӧр гӧгӧр. Сідзкӧ, сійӧ кыссьӧ некымын час чӧж. Коксыс, шуйга пидзӧссыс дойыс эз нин кыв. Сӧмын кодкӧ чорыд асыкӧн топӧдӧма сәті. Кокыс пидзӧс улысладорсянныс пӧрӧма йи-зьӧм пес чуркаӧ. Быттьӧ абу аслас, быттьӧ сійӧс кӧрталӧмаӧсь туша бердас. Вот эськӧ бергӧдчыштны да торйӧдны сійӧс, сәсся шыбитны лымйӧн тырӧм понӧльяс сайӧ. Сәки, дерт жӧ, эськӧ лоис кожнъыджык.

Но колӧ вӧрӧшитчыны, колӧ зэвтны вынъяс, кыссыны водзӧ этійӧ сьӧд кабель пӧлӧныс, коді петкӧдас сійӧс вӧла туй вылӧ, а сәсянь медсанбатӧдз абу нин вылын. Колӧ кыссыны, колӧ... Морт кыскӧ кынӧм улас

дзоньвидза коксö, нюжöдö водзлань кияссö да выныштчöмөн тойыштö тушасö водзö. Ещö öти воськов мында водзö, ещö матöджык медсанбатлань. Ещö шаг мында. Ещö...

Рытьявылыс налөн батальоныс писькöдчис тати жö. Мунисны сьöрсьөн-бöрсьөн. Тыдаліс сöмын водзын муньсылөн мышкыс. Оз позь вöлі кольччыны сыысь ни öти шаг. Тувччалісны пöшти öта-мöдлы кок туйö. Шуйгавылын и веськыдвылын, и водзын вöліны врагъяс. Тайö тöдчис ракетаяслөн югзьöм серти. Мунисны шыч ни рач. Зілісны не инмöдчыны ни пуясö, ни понöльясö, медым эз вузав киссьысь тукта. Сöмын кыліс аслад лов шыыд. А кöдзыдыс! Пуяс весиг трачкакылöны. Сьöлыштан, дулльыд вом дорад кынмö. Водзын мунисны найö — лыжнöй батальонса разведчикъяс. Писькöдісны туй. Пырисны пыр пыдöджык и пыдöджык «мешöкö». Асланыс йöзкöд батальонöс йитіс вöсныдык кабель, кодöс нюжöдісны связистъяс.

Сэтшöм нин пайыс лыжникъяслөн. Кöні сьöкыд, сэтчö и ыстöны, кöні дзескыд, сэтчö и суйöны найöс, кытөн вөрöг чорыда водзасьö, сэні и лоö налы йирны сылысь оборонасö.

1943-öд вося январь 12-öд лун, кор чорыд артподготовка бöрын Волховскöй фронтлөн войска мöдісны водзö, медым орöдны блокадалысь джаг гөрöдсö, лыжникъяс мунисны первой радъясын. Кор найö лызьяс вылын тэрыба да чёткöй боевöй пöрадокөн мöдісны исходнöй позицияяс вылö, артиллеристъяс, миномётчикъяс, танкистъяс нимкодъ видзöдласъясөн колльöдісны найöс.

— Лыжникъяс мöдісны, öні виччысь, фриц!

И кутшöм гордость чувствоөн тырлісны сэки еджыд халат да дженъыдик пась улын нöйтчысь сьöлöмъяс. Сэки на пиысь быдөн вöлі дась вöчны кутшöмкö подвиг. И найö вöчисны. Лыжникъясöс шыбитісны босьтны Кладбище нима места. Тешкодъ, мыйла сійöс нимтылöмаöсь тадзи. Сэні эз вöв ни öти крест, ни гу, не кö артавны чорыда поздысьöм фашистъясöс, кодъяс кузь кад чöжөн ёна крепаммöдöмаöсь ассыныс оборонасö, муошъяс моз дзикöдз пырöмаöсь муас.

Лыжникъяс водзвылын, тыдалö, Кладбищесö босьтны заводитлöма нин кутшöмкö полк, но таба-

кыс, кыз шуласны, дубалёма. Быдлаын тупляисны руд шинельяса да еджыд пасьяса шойяс. Ёнісян тайё местаыслы, пöжалуй, тешкодъ нимыс кутас ладмыны.

Эз кокниа писькөдчыны сэтчö и лыжникьяс. Найö матыстчисны нин вөрöглөн дзик сутуга потшöс дорö, но водзö юрнысö эз вермыны лэптыны. Враглөн огневоёй точкаяс личкисны найöс лымъя эрд бердö. Кор батальонса командир казяліс тайöс, чукöстис разведчикьясöс.

— Ноко, петкөдлам, кызди асланым му вывті ветлөдлөны пуляяслы копрасьтөг.

Ок и смел да удал жö вөлёма майор Кривошеев! Паськыд лымъя эрдөд шутылялөны пуляяс. Сэні и тані тімбыльтчөмөн куйлөны лыжникьяс, юрнысö дзебöны лымъяс. А на дінö, еджыд халат пöлаяссö разялөмөн, тэрыба восьлалö киас пистолета майор. Кодсюрöлы, лымйын куйлысьяс пиысь, ковмис видлыны сы сапөг нырлысь көрсö. Тыдалö, сійö эз нин вөв сэтшөм юмов. А майоркөд орччөн восьлаліс комиссар Рыбаков. Ичөтник тушаа, көлөб кодъ төгрöс чужöма, нюмъялысь синъяса. Сійö эз горзы ни некодöс эз ышöд, а сөмын нюмъяліс. И кодлөн синъясыс паныдасьлісны сы видзөдласкөд, сійö мортыс эз нин вермы куйлыны лымйын.

Тайö вөлі страшной атака. Лыжникьясöс эз кутны ни уна радөн везйөдлөм бытшласьысь сутуга потшöс, ни Брунолөн спираль, ни смерть йылысь сьылысь лөдзьяс, ни гранатаяслөн потласьöм. Боецьяс төв ныр моз воөдчисны траншеясөдз. Налы вөлі яндзим воны сэтчö сёрөнджык батальонса командирысь либö комиссарысь. Дерт, эз быдөнлы усь шудыс вöчны тайöс. Сы вылö и бой. Сэні өд оз мачасьны да сяръясьны...

Но, лои шойчыштöма. Көлö кыссьыны водзö. А то дзикөдз кынман. Морт бара заводитчö вөрöшитчыны, кыссьыны, син пöвнас кабель вылö видзөдлывліт. Мед эськө оз жö жежсьы сыысь, а то верман веськавны фашистьяс киö. Со тай найö кызди войсö ракетаяснас югдөдöны. Шуйгавылын и веськыдвылын. Метр сё — сё ветымын и эм. Но асьвнас налы петкөдласны пуж. Батальон öні куйлө на мышкын. Лөсьөдчöма.

Зэвтчөма пружина моз. Мыйьон кутас югыштны, вувзысысны. Позис эськө и войнас, но полөны, мый сорлаласны өта-мөднысө вөрөгкөд, винегрет вермас артыны. Ёрта-ёртөс дойдаласны, а то и ошыбкаон мөдар югыдө мөдөдасны.

Сөмын тай сылы эз везит. Разведчикьяскөд орчөн воис дзык фашистьяс ныр улөдз. Колис сөмын неуна котөртыштны да позис шамыртны вөрөглысь горшсө. Водалісны, саймовтчалісны, корсялісны аслыныс лөсяланаджык места. Куйлөны лым пытшкө пурскысьөмөн. А көдзыдыс сідзи и писькөдчө яй бердад. Торйөннин абу лөсьыд пөсявлөм бөрын, өдий көдзалан. Шонтысьыштны эськө, да вермасны казявны. Сэки норасьнытө некодлы лоө. Вевттясны миномётной залпөн, лы-сьөмтө он чукөрт.

Немецьяс сэтшөм матынөсь, мый кылө налөн ноксьөмыс. Кытөнкө матын, тыдалө, пулемётной точка. Кылө, кыдзи фашистской пулемётчик кыскө бөрвыв затвор рамасө да зельснитө-лэдзө бөр местаас. Медым мавтасыс эз кынмы. Сука, тыдалө, мавтөма оружиесө, а, гашкө, выльөс складысь сетісны. Со и видлалө. Мөд пулемётчик кадысь кадө сярөбтылө өчередь. Дженьыдикөс. Куим-нөль патрон. Опытной. Лыйсьө, быттьө нотаяс серти. Точка, тире, точка... Тире, точка, тире... Корсюрө сылөн пуляясыс живйөдлісны и лымйө дзебсьөм лыжникьяс юр весьтти. А сийө веськаліс зэв не лөсьыдинө, куст бокө. Колө эськө көть сайөдчыны кызджык пу сайө. Век тай юрид дона. Сөмын кыпөдчис, вөчис воськов-мөд, и на тэныд.

— Та-та, та-та-та...

Аслад пулялысь шысө некор он кыв. Тадзи лоис и өні. Быттьө кодкө сетыштіс зорйөн шуйга пидзөсас. Сийө бергөдчис өти кок йылас да тешкодя бускысис лымйө. Дой йывсьыс эз нин мөвпав, сөмын мед эськө не горөдны, не эрдөдны вөрөглы ёртьяссө. Вочасөн дойыс кутіс ылысмыны, лаймавны. Сы дінө кыссис ротаса командирөс вежысь лейтенант Тентюков. Видзөдліс ранасө. Пидзөс чөланыс вөлі гырдөсь, сэтысь ёна муніс вир.

— Тайө немтор,— шыасис ранитчөм морт,— көртам пакетөн, вирыс сувтас, пидзөсөй лоө важсьыс ён.

— Төпин, тадзи оз шогмы,— шыасис лейтенант,— пөсь йывсьыд тадзи сөмын кажитчө. А бөрынджык

пропадитны верман. Пидзёсад өд инмөма, а сэни сус-  
тав. Сэсса и асыадорыс тани зэв гажа лоо, некор лоо  
ноксыны тэкод. Мун пыр этайо кабель полоныс. Сийо  
петкодас туй выло, а сэти волаяс ветлоны, нуасны мед-  
санбатодз. Сөмын тэ, друго, тэрмась, а то пидзёсыд  
кынамс, пропадитан.

Сьокыд воли Төпинлы торйодчыны ёртьясыскөд,  
но немтор он воч. Лоис мододчыны. Ок и ёрис жо  
сийо асьсө. И мыйла колө воли кыпөдчыны местасьыс?  
Кутшөм лешакыс тойлис? Ачыс корсис пулясө.

Первойсө восьлалис збодера, неуна чотыштіс, сэс-  
ся лоис мыджсыны автомат выло. Кыліс, кыдзи  
ньюжйоник петис вирыс сапөг пытшкө. Тыдалө, веш-  
йис көртөдыс. Вочасөн сапөг гөленьыс тырис. Вирыс-  
көд тшөтш петис и вын-эбөсыс. А выль пакет эз вөв.  
Косьяліс маскхалат бөж дорсө, топыдджыка гартис  
рузумөн ранасө. Лои быттө кокниджык. Но тайо  
воли ылог. Кок юмөля кывзысис. Лои вештавны сийөс  
пиньяс мурч курччөмөн. Квайт төлысь сайын ранит-  
чыліс нин. Но сэки доймыліс пельпомыс. А өні со,  
рөкыд выло, инмис пидзөсас. Колө жо лоны тадзи.

Метр сө мунөм бөрын лоис бауасыны. Мед көть оз  
кежсы кабельсыс, коді сьөд змей моз котөртө то  
лым вывті, то кыпөдчывлө пуяс да понольяс выло.  
Тайо кабельыс йитис сийөс ёртьясыскөд, сетис сьөлөм.  
Гашкө, модасны сы полөн связистьяс, аддзасны, от-  
саласны. Но бурджык, дерт, надейтчыны ас вылад.  
Судзөдіс фляга, юыштіс спирт. Закуситис лымйөн.  
Лоис лөсьыдджык.

Ылын-ө нин бара туйөдзыс-а? Кор волас тайо ка-  
бельыслөн помыс. Колө өдйөджык кыссыны, а то  
көдзыдыс пөртас йи ёкмыльө. И сылы лоис зэв за-  
беднө, кор мөвпнас аддзис асьсыс кынамөм шойсө.  
Весиг петис синваыс; өд сийо сэтшөм на этша оліс  
вөлынөй свет вылас, сэтшөм этша аддзыліс, а мыйкө  
өмөй удитан вөчны дас өкмыс арөснад.

Бурджык та йылысь не мөвпавны.

Нөшта восьтылам фляга, нөшта вомысь бисө ку-  
сөдам лым ёкмыльөн. А смертыд быдсямаыс жо  
овлө. Воис дум вылас, кыдзи неважөн усис сылөн  
ёртыс. Курск карысь томиник зон, лыжнөй батальонса  
разведчик жо. Налөн батальоныс некымын лун сайын  
босьтіс фашистьяслысь өна укрепитөм сикт. Сэсса

найос лэдзисны шойччыны, а вой кежлас колисны разведчикъяслысь отделение, кодон командуйтис Тёпин, да станкөвөй пулемётлысь расчёт.

Войсö коллялисны лөня. Часөвөй да пулемётчикъяс кындзи жыкруйтисны блиндажын, көни овлөмаось фашистскөй офицеръяс. Пызан вылын сёян-юан, орча вежөсын кык судта наръяс. Овлөмаось нельөн. Мыйыс сөмын тани эз вөв! Стенын ошалысь зеркалө, ныв-бабаяслөн көм-пась, Германияö дасьтөм пöсылка... Югдандорыс окота лои юны. Лымнад горш оз весь-кав. А кор ваид абу, сэки быттё став сювъясыд на-рошнө сотчöны.

Вежсьөм часөвөй висьталис, мый шеылын эм юкмөс, кытысь немецъяс, тыдалө, босьтлөмаось васö. Но, рөкыд вылө, юкмөсыс вөлөма траншеясянь рытиввылын, кытчö советскөй салдатлөн кожыс эз на тувчыв.

Лоис мөдөдны öти мортöс. Мыйөн сийö петис траншеяысь, кытысянькө кутис увтчыны немецкөй пулемёт. Разведчиклөн синмыс сюсь. Вөлөмкө, миянсянь метр сё сайын немецкөй дзот.

— А мый, сержант ёрт,— шыасис Ларин.— Тупкам кө дзотыслысь вомсö? Сэки көть мыйта колö ю. Дай, гашкө, «язык» на сюрас.

— А видлам!

Нельөн мөдөдчисны блокируйтны дзот. А мукөд разведчикъясыс да пулемётчикъясыс заводитисны лыйлыны дзотлань, медым ылөдлыны фашистьясöс.

Тёпинлы ёртъясыскөд лоис поводнөя уйны лым-пити. Сөмын корсюрö кыпөдчывлис кок йылас кустъяс пөвстө веськалөм бöрын. А найос колльөдис лыйсян музыка. Пыр ылысмис и ылысмис «максимлөн» ёсь гөлөсыс. Но сы пыдди öтарö ёнмис фашистскөй пулемётлөн пон моз увтчöмыс. Лоис вöчны вель ыджыд кытшов, медым петны дзот бокö, кодарсянь эз вөв амбразураыс.

Тёпин кысситчөжыс мөвпалис, мыйла чөв олис тайö дзотыс тöрыт. Тыдалө, нарошнө. Виччысьöмаось, кор миян мөдасны водзö. Уна лөктор вермис вöчны сийö. Бур, мый батальон тöрыт эз писькөдчы водзö. А öни позьö сылысь горшсö кляпавны.

Дзот динö матыстчигөн ывлаыс лоис нин лөзьюгыд. Бура тыдалис амбразураысь биыс, кор лыйсис фашистскөй пулемётчик.

Ларин нетшыштіс соскөдыс Тёпинёс.

— Сержант ёрт, со дзотас мунё кысянькё траншея. Найё, дерт, кутасны пышйыны сәті. Гранатаястё эн шыблалой, кытчөдз ме ог во налөн тылө нуодыс окопас. Сәтысь, гашкё, кодёскё ловйён верма босьтны.

Тёпин немтор эз удит вочавидзны, кызди Ларин вошис кустьяс сайё. Дай юрас сәки жуисны мөд пө-лөс мөвпяс, кызди өдийджык воны дзот дорё. Со и медбөрья метрьяс. Позьё дасьтыны граната. На пысь первойыс эз веськав амбразураас, потіс лымйын. Дзотын, тыдалё, гөгөрвоисны опасностьсө: пулемёт-лөн стволыс кутіс бергөдчыны разведчикьяслань. Коді водзджык? Ләбисны ещө кык граната. И стөча. Йирк-нитіс взрыв. Амбразураысь ньөжйөнник писькөдчис лө-зоват тшын.

Разведчикьяс чукөрөн уськөдчисны дзотё пыра-нинлань, медым отсавны Ларинлы. Но эз тыдавыны ни окоп кузя пышйысь врагьяс, ни Ларин. Виччысигтыр матыстчисны дзот өдзёслань. Но сәні өшаліс сөмын көрт торпыригөн орьясьөм эшкын, а сыөдз воськов кык вотөдз куйліс вирөн ойдөм Ларин. Дзот пытшкын туплясисны фашистьяслөн вит шой.

Вөлөмкө, разведчикьяслөн гранатаяс потөмысь де-тонация вөсна взорвитчөмаөсь и немецкөй гранатаяс. Уна лыда көрт торпыриг чашвартас эшкын-өдзөссө да веськалас дзотдинса траншеяын сулалысь Ларинлы. Тадзи помасис ва вөсна тыш. Сөмын тай коньөр Ла-ринлы эз удайтчыв сійёс юыштнысө.

Интереснө, дыр-ө нин сійё кысьё? Ылын-ө ещө вөла туйөдзыс? Воөдчыны эськө өдийджык сәтчө...

И Тёпин заводитө бара сывьясьны, кысьыны. Ко-кыс өні эз нин доймы. Вирыс сөникасьөма сапөг гөле-няс. Тёпин эз весиг пыдди пукты сійёс. Кажитчис, мый өні сійё кысьё өдийджык. Но сідз сөмын кажит-чис. Видзөдлыны кө бокиянь, Тёпин вөлі неуна вөрө-шитчысь лым тукта кодь. Öні сылы лоис шоныдджык. Кутіс пөсявны доймөм кокыс, сәсся лядвейясыс. Со мелі шоныдыс воис нин морөсөдзыс.

И друг кучкис вежөрө: сійё кынмө, унмовсьө. Та-дзи пө овлө кынмыны заводитысь морткөд. Колө кыс-

сыны водзё, колё... Окота на волыны Коми муё, ад-  
дзывны муса Эжвасё, котравны дзоридзьяса видзьяс  
вывті. А та могысь колё воёдчыны туйёдз, кыті вет-  
лёны вёлаяс.

Да, шоньд. Часлы неуна шойччыштас. Быттё пач-  
чёрё кисьтём сю пытшкын. Ок и лёсьыд!

Друг кёнкё кыліс дзуртыштём ли кышкём шы.  
Ылын-ылын. Лёня-лёня. Со нёшта. Бара Тёпин не-  
тшыштчис мёвпнас водзё. Тыдалё, дзуртё лым туй  
кузя мунысь додь сювьяс улын. А, гашкё, тайё лызя  
морт. Матыстчё и матыстчё. Колёкё фашистьяс? Тайё  
дзикёдз пальёдё сійёс. Эбёстём кияснас чургёдё водз-  
лань автомат. Вермас лоны, мый и збыльысь найё.  
Фашистьяс ёд орчёнёсь. Мешёкыс, кытчё пырис ба-  
тальон, вывті векни.

Пуяс костын тыдовтчис еджыд мыгөр. Лызя...  
Веськыда сылань.

— Сулав! Коді локтё?— ас думсьыс горёдіс Тё-  
пин. А артмис вомгорулын шуёмысь не гораджыка.

Но лызя морт век жё кыліс, негораа шыасис рочён:  
— Коді тани?

Тёпин радысла лигышмуні да гегдём кисьыс лэ-  
дзис автоматсё. Сы весьтё копыртчисны еджыд ха-  
латьяса некымын морт. Видзчысьёмён бергёдісны, ви-  
дзёдлісны чужёмас.

— Паша Тёпин, ёртьяс,— шыасис водзын локты-  
сьыс.— Батальонса разведчик-герой. Одійджык  
спирт! Кодлён эм шоколад ли сакар? Ректёй ёти во-  
локушасё, ковмас Пашаёс петкёдны туйёдзыс. Да  
одійджык!

Сэсся сійё шыасис Тёпин дінё:

— Ми боепитание взводьсь. Ваям батальонлы  
минаяс. Ылын ещё сэгчёдз? Колё удитны югдытё-  
дзыс. Чорыда лёсыштёма тэнё. Но да немтор, ми ог  
эновтёй. Бурдан да кутан немечьясёс «кыскавны»...

Тёпинлысь мыйёнкё тёбисны жокьяссё, водтёдісны  
волокуша вылё.

— Шагом марш! Одійджык бөр,— кыліс команда.  
Тёпин зілис тёдмавны гёлёс сертиыс мортёс, но мый-  
лакё сідзи и эз вермы уськёдны дум вылас сылысь  
чужёмсё.

Сійё и збыльысь эз вёв омоль разведчикён. Мыйла

сӱмын сійӱ? Взводса став зонъяс молодецьсыс молодецьяс.

Бӱръя наступление водзын быть ковмис «язык». Дивизияса разведка ветліс кыкысь. Но вайӱдны эз вермы. Немтор он вӱч, овлӱ и сідз.

Сэки ыстісны найӱс, лыжнӱ батальонса разведчикъясӱс. Дасьтысыны лои дыр. Лун куим. Шуисны босьтны пленнӱӱс сэтсысь, кытысь оз виччысыны, кӱні фашистъясыс меунаӱнӱс. Тӱлысьтӱм войӱ вуджисны нейтральнӱ зона, вундалісны сутуга потшӱс, перьялісны минаяс. Вит морт, на лыдын и Тӱпин, пырисны зверь вомӱ. Ӳстальнӱ ӱртъясыс кольччисны неылӱ сутуга потшӱссянь, медым отсавны биӱн пленнӱӱс босьтысьяслы.

Вит ӱрт кыссисны ордым дорӱ, кыті ветліс войнас враглӱн патруль, кык морт. Тайӱ ордымыс вӱлі нюжӱдчӱма кык пулемӱтнӱ точка кыстын, кодъяс ӱтамӱдсяньыс сулалісны не сэтшӱм нин ылын. Со мыйла немецкӱ патрульнӱяс ӱнасӱ эз и повны.

Виччысыны лои дыр. Тыдалӱ, патрульнӱяс пыралісны шонтысьыштны либӱ гӱститыштны шнапсӱн озыр ӱртъяс дорас. А виччысигад ещӱ дыр кажитчӱ. Но сӱсся воисны кык ыджыд «гӱстьясыд». Кок шыясыс южмӱм туй кузяыд мунігад ылісянь вузалісны найӱс. Еджыд балахонаӱсь. Водзвылас автомата ӱн дядьӱ, бӱрвылас винтовкаа жебиник мужичӱй.

— Босьтам воддзасӱ,— шӱпнитіс взводнӱй,— сійӱ, тыдалӱ, командир.

Шоныдінысь петӱм патрульнӱяс йӱжгылясисны, зілісны тупкыны чужӱмъясӱ лӱчыд тӱлысь. Шоча и видзӱдлывлісны ӱтарӱ-мӱдарӱ. Ордымыс, тыдалӱ, бура тӱдса. Сӱсся ӱд быдӱн мӱвпалӱны, мый неминучаыд некор оз ло буретш ськӱд, а кодкӱдкӱ мӱдкӱд. Тайӱ отсаліс жӱ. Кор найӱ орччаасисны кусткӱд, кӱні куйлісны лыжникъяс, прикладӱн кучкӱм бӱрын жебиник салдатыс тутіс муӱ, весиг эз никӱстлы. Но мӱдыс вӱлӱма вывті ӱн. Сійӱ шамыртіс взводнӱӱс, кыкнанныс бускысысны лыжнӱ. Видлы тӱдмавны, кодлӱн кыясыс да кокъясыс. Кыкнанныс еджыд халатаӱсь, кыкнанныс сапӱгаӱсь...

Бур, мый тышкасысь немецыд вунӱдіс горӱдны. А сӱсся кляпталісны.

Враг казяліс лекторсӱ сэки, кор взвод воис нин

нейтральной му выло. Правда, оти разведчикос съо-  
кыда ранитисны.

Борас «сюрис» сов вылас и взводнойлы. Вөлөмкө, колөма босьтны жебиник тушаасө, унтер-офицерсө. А модыс вөлөма рядөвөй. А кутшөма лоис ноксыны сыкөд! Ок и лөгалис жө сы выло взводной! А штабса начальник ещө нарешнө дөзмөдө сийос:

— Лейтенант ерт, водзө выло, оз-кө төдчыны раз-  
личие знакъяс, колө вежливөя юавны, кодлөн «языкъ-  
яс» пиысь званиеыс ыджыджык.

А со и вөла туй. Сэтчө петөм бөрын пыр жө ты-  
довтчис рөзвала вөла. Пуклос вылын гьөрзөм син-  
кымъяса да усьяса олөма боец. Рөзвалаяс — съоқыда  
ранитчөм куим морт.

— Эй, дядьö,— шыасисны лыжникъяс,— ну мян-  
лысь медсанбатөдз.

Дядьö сувтөдис вөвсө:

— Менам доддыс тыр. Некытчө. Дай сийө абу  
мян полкысь. Лыжник, тыдалө. Асьныд и нуөй! Мем  
некутшөм приказ эз вөв.

Дядьö көсийс вөрзөдны вөвсө, но сийос кутисны  
дом поводөдыс. Лыжникъяс пиысь оти матыстчис  
ямщик дорө:

— Тэ, папаша, чөв ов, а то усьястө британ.

Сэсся шыөдчис Төпин дорө, кодос ертъясыс уди-  
тисны нин пуксьөдны рөзвальө:

— Паша, кутас кө ыръянитны этийө папашаыс —  
веськыда резьгы.

Тадзи и мөдөдчисны. Төпин автоматөн пидзөс вы-  
лас, ямщик плетьөн киас. Недыр мысти ямщик бер-  
гөдчис лыжниклань.

— Шыбит пушкатө. Ме өд абу зверь. Пиөй аслам  
лыжнөй батальонын жө. Шмонити, пиук...

И сэтшөм мелиа нюмдис. Эз вермы кутчысьны и  
Төпин.

# ЭН ВУНОДОЙ НАЙОС!

Висьт



Рөдиналөн нывбаба мыгөра скульптура кутө киас ыджыд венок да быттьөкө шога восьлалө Степан Ильичлы воча. Торйөн нин эскысис талы, кор видзөдласыс сылөн усылі арся еджгов енэжті төвзысь руд кымөръяс вылө. Шогсысь, но гордой чужөма Рөдина-нывбаба, сьөлөмтө вөрзөдысь музыка шы улө восьлаліс гуяслань, көні куйлісны кадысь водз олөмыскөд торйөдчөм сылөн пияныс да нывъясыс... Пельөдз воис экскурсоводлөн волнуйтчөмысла пөдөм гөлөсөн висьталөм:

— Гуяссө кодйисны бульдозеръясөн. Быдын дас тысяча морт. Дзедисны гортъястөг. Пукталісны өтамөдыскөд орччөн. Тіянсянь веськыдвылын — мирной йөз: нывбабаяс, челядь, рабочөйяс. Шуйгавылын — советской войнъяс...

Степан Ильич эз вермы кывзыны тайө висьтсө веськодя: өд вермис лоны сідз, мый и сылы сюри места тайө кладбище вылас. Кужис өмөй сійө чайтлыны, мый коркө воас татчө ас кокнас, кутас ветлөдлыны, пуктавыны дзоридзяс святөй гуяс вылө, көні куйлөны өружие кузя и сылөн коркөя ёргъясыс. Степан Ильич торйөдчис экскурсантъясысь, медым небзьөдыштны измөм сьөлөмсө, пуксис из скамья вылө, коді сулаліс гу дорын, кытчө вөлі дзедөмабсь 1942-өд воын усьөм да кулөм войнъясөс.

Дыр пукаліс нем думайттөг. Виччысис, кор небзьыштас сьөлөмыс. Сэсса вочасөн кутісны өдөлитны мөвпяс. Найө тай оз энөвтны мортөс весиг медся сьөкыд кадө.

Ленинградса уна сө тысяча олысь куйлөны со эсіё веж эшкын улас. Кывзыныс кулісны тшыгла. А өд не кө война, найө и талун на вермисны нимкодясьны арся еджгов енэжнас, парусьяс моз сәті кывтысь кымөръясөн, нимкодясьны гожөм серти чусмыштөм нин, но век на лышкыд шондйөн, пукавыны Степан Ильич моз скамья вылын, мөвпавны, сёрнитны, нюмъявыны. А вот война ставсө тайөс нетшыштис-мырддис налысь.

Дерт, оз вунӧдны найӧс. Со татысь йӧзыс оз и быравлы, и пӧшти быд морт кыын дзоридз. Но ӧд найӧс бурджык нетшкыны аслыд, апапны коддзӧдмӧн чӧскыд дуксӧ да кӧрсӧ либӧ козьявны кодлыкӧ, а не кывны аслад гу вылысь, кӧть сійӧс и пунктӧ тӧнӧ, вӧвлӧм мортӧс, пӧчитайтысь нывбаба, мужичӧй либӧ челядь. Со кутшӧм сійӧ, вокӧ, войнаыд. Пӧтлытӧм ад горш кодь. И ӧні на, уна вояс мысти, вӧчӧ ассыыс страшнӧй уджсӧ.

Степан Ильич син водзӧ сувтӧ мӧд, ӧна прӧстӧйджык кладбище, кӧні абуӧсь ни монументъяс, ни бетонӧн кышӧм туйяс, ни торжественнӧй да биа кывъя гижӧдъяс. Ӧта-мӧд бердас топӧдчӧм неыджыд эжмӧм мылькъяс, кодъясӧс гӧгӧртӧдӧма кӧрт потшӧсьясӧн. На пиысь ӧти гу вылын неыджыд обелиск, кытчӧ гижӧма: «Иван Варфоломеевич Виноградов. 1922—1967 вояс». Тайӧ гу дорас Степан Ильич воліс вӧйдӧрлун Зоя Васильевнакӧд — Иван Варфоломеевичлӧн гӧтыркӧд. Уна сӧрнитны вӧлі немтор. Найӧ куимнаныс — Степан Ильич, Зоя Васильевна да поконик Иван Варфоломеевич — жоркӧ ӧтлаын олигӧн сӧйлісны, кыз шуласны, эз этша сов. Пудтӧ, гашкӧ, и эз, а кило-мӧд-коймӧдтӧ лои бырӧдӧма.

Иван Варфоломеевич гу вылӧ пунктисны дзоридзьяс. Пукуштисны чӧв. Сӧсся Зоя Васильевна кыскис сумкасыс бутылка, сӧянтор да алюминийысь вӧчӧм кружка. Степан Ильич эз вермы кутны нюмсӧ.

— Ловъя на?

— А кызди нӧ?— вочавидзис Виноградова.— Иванлӧн весиг вещейӧй мешӧкыс эм. Зажигалка и... Позьӧ ӧмӧй шыблавны найӧс?

Степан Ильич сӧгласитчис, жалитыштіс, мый сылӧн фронтӧвӧй кӧлуйысь казтылӧм вылӧ немтор эз коль, не кӧ артыштни ӧти блокнот.

— Эсійӧ, кыз сьӧд картон коркааыс?— юалис Зоя Васильевна.— Кытчӧ тай вӧлі мыйсюрӧ пасъявлан?

— А тэ помнитан, Зоя?

— А кызди нӧ ог? Сыысь ӧд тэныд вермис сюрны прамӧякодь. Сэки, фронт вылад, эз тшӧктывны нуӧдны дневникъястӧ.

— Но и память тэнад, Зоя...

— Кутшӧмӧс ен да бать-мам сетлӧмаӧсь.

Виноградовъяскӧд Степан Ильич эз аддзысьлы

1947 восянь. Дерт, Ленинград пыр сійö прöйдитліс пöв-мöдысь, но на ордö жежавны эз удитлыв. Дай, веськыда кö шуны, эз лысьт найöс дöзмöдны, лыддис асьö мыжаөн.

А делöйс вöлі тадзи. Война помасьöм бöрын часть-ыс, кöні служитисны Иван Виноградов да Степан Кузиванов, сулаліс Карелияса нейджыд жаръясысь öтиын. Бөръя кадас гортö мунны лöсьöдчысь йöзлөн прамöй службаыс эз и вöв. Найöс весиг торйöдисны том салдатъясысь, кодъяслы колö вöлі на служитны ыргөн пöртъяслы моз.

Степан Кузиванов аслас Иван другыс моз жö эз вöв гортас война чöжыс. Тöдіс, мый бать-мам ловъя-öсь, ичöt чой-вок велöдчöны. Зэв окота вöлі аддзöд-лыны найöс. Но Виноградов сибдіс уль корöсь кор моз:

— Мунам Ленинградö. Менам аслам патера. Бать ни мам абуöсь: кувлісны тшыгылы, блокада дырйи. Специальность, шуан, абу? Велöдам. Кировскöй за-водын велöдасны вöчны дзужысь машина. Сэні, вокö, потомственнöй пролетарийяс. Менам дед путиловец, бать — сідз жö, а ми тэкöд лоам кировецъясөн. Ме войнаöдз во уджавлі нин. Слесаравлі. Вунöма мый-сюрö, но немтор, велöдасны.

Ок, и овмöдчам тэа-меа, Стёпка! Менам öд абу патера, а веськыд апартаментъяс! Садöвöй вылын, кар шöрас, гөгөрвоан он тэ? Кык комната, öтувъя кухня, кöні мунö война и мирнöй кадö, кузь коридор, кодöс тыртöмаöсь быдсяма ротаснас, а главнöйыс — öтувъя туалет, кодöс ковмас тэа-меалы старшина тшöктытöг нярскыны-мыськыны быд тöлысь öтчyd. Веськыд рай, а абу олöм! А тэ нöшта ерепенитчан! А сэсся гöтралам тэнö питирачка вылö, и лоан тэ ачyd питирак, кутан быдтыны питиракъясöс. Тайö тэныд абу гөрб вылад гансöс кыскалöмыд либö Ко-миад гөрбушөн кокасьöм-ытшкöмыд.

Мый лоаныс лоö. Гортыд öд оз пышйы. И Стёпка сөгласитчис питирак другыскöд.

И со найö Ленинградынöсь. Паськыд Садöвöй улича. Сеннöй площадь. Вит судта көрöмина керка. Сыкөд орччаыс, тыдалö, сотчылöма. Көть и дзоньта-лöмаöсь сійöс, но би да тшын туйыс бура на тöдчö.

— Миян дзонь,— гораа ышловзис Иван.— Слава богу: оз ковмы пырны йёзё.

Керкаса комендант, кызіник тушаа олёма нывбаба, дыр шензис кык салдат вылө:

— Варфоломей Никифорович Виноградовлөн патераысь ключ? Ме ордын. А ті кодъяс? Виноградов Иван? Өтка пыс сылөн? Висьтавлісны, нэриник лоторос кодь зонкаён мунлөмыд воюйтны, а өні со верстыё мужик, мышкыд — сыв пасьта. А тайё коді? Сійөс нө пропишитны жё ковмас? А, гашкө, оз сөглацитчы милиция?

— Этатшөм геройсө?!— пузис Виноградов.— Сылөн «За оборону Ленинграда» медаль эм. А законсө лыддылін? Татшөм медальяса геройясыслы медводз сетсьөны патераяс. Нылыд эм тіян? Локтам корасыны, виччысь. Гөтравны колө татшөм геройсө, өдйөджык, мед оз пышйы, а тэ шуасян, мый оз ков...

— Нылыдтө эськө эм, но сылы водзджык на верөс саяс,— нюмдіс комендант.

— Арлыдсө содтан. Өні өд Ленинградад метрикаясад пөрадокыд абу. Али ті абу Ленинградьсысь, комендант ёрт? Кыдзи нө шуөны?

— Месө Новгородьсы. Қоймөд во нин тані. А шуөны Марпидаён...

— Марфа посадница,— гөрөктіс Иван да шлапкис кинас Степанлы пельпомас сідз, мый мөдыс шатовмунліс.— Тьөщайд историческөй лоө, гөгөрвоан, нөш юр? Эн шогсы, мый көть сійө абу питирачка. Челядьыд питиракъясөн нин лоөны.

Сэссия кватитіс бөбмөм другсө сойбордөдыс да нуөдіс кильчөлань. Өдзөс дорын Иван дыр эз вермы веськавны ключнас томан розьё. Сэссия, кор нин востіс томансө, дыр эз тойышт өдзөссө. Өтувъя коридорын вөлі рөмыд, лампочка эз өзйы, тыдалө, видзтісны энергиясө. Сөмын көнкө водзын, кухняса плита вылын, сільгис-жаритчис картофупель, чөскыд дук быдлаө разөдіг. Степан оліс чөв, видзөдіс мышкыртчөм другыс вылө. Окота вөлі төдны, мый йылысь мөвпалө Ваня Виноградов квайт во бөрын тыртөм патера өдзөс порог дорын сулалігөн. Кузь да сьөкыд вөлі тайё туйыс... И со горт. Горт, көні чужліс, быдмыліс, дасьтыліс урокьяс, горт, коді эз вунлы квайт во чөж. Но кутшөм сійө өні? Другыс бөрся Степан эз пыр.

Вель дыр сулаліс, виччысис. Здукъяс кажитчисны часъясөн. Гашкө, бөр мунны гусьоник? Степанлөн өд гортыс эм жө.

Но сэки гурйыв воссис өдзөс:

— Мый сулалан! Али зарни ключ виччысян? Пыр вай, уджавны колө,—Виноградовлөн гөлөсыс петіс гуысь моз пыдысь. Сійө тэрыба бергөдчис да пырис жырйө. Кык вежөса патераын өти пызан, кык улөс да көрт крөвать кындзи немтор эз вөв. Пельөсын туплясисны көрт пач труба торпыригыяс. А пачсө асьсө, тыдалө, нуомаось. Быдлаын — и өшинь вылын, и пызан вылын, и джоджын пукаліс кыз бус. Эз позь некытчө инмөдчыны. Степан шөйөвошөмөн видзөд-львліс то өтарө-мөдарө, то другыс вылө, быттьө көс-йис юавны, мый жө пө өні вөчны. Но Иван дыр эз мөвпав, зыркнитіс-восьтіс өшинь рамаяс, кодъяс костысь гылалісны джоджө пакля пластъяс. Кержаө ыльөбтіс март төлысья чөскыд көра сынөд.

— Пөрччысылам коридорө,—важкодъыс лэчыд да збодер гөлөсөн шуис Виноградов.— А сэсся босьт-лам ветьөкъяс, быттьөкө старшина нарадитіс. Но старшинанас лоа ме.

Найө пөрччысигкості чукөрмисны нывбабаяс. Первой өти, мөд, коймөд... Петкөдчис и картофель жаритысь көзяйка. Важ олысьяс пөся кутчысьлісны Иванкөд. Дерт, эз вермыны овны и синъяс чышкавтөг, Виноградовлысь бать-мамсө казътывтөг.

— Эг вермөй, Иван Варфоломеевич, видзны найөс,— ышлолаліс олөма соседка.— Кыкнаннысө Пискаревскөй совхозө гуалім... Öні сэні кладбище...

А кор нывбабаяс гөгөрвоисны, мый кык друг лөсьөдчисны воуйтны няйткөд да бускөд, вөтлісны найөс. Здук мысти Виноградов патераын шляпъялісны нин көмтөм кокъясөн.

Джодж косьмөм бөрын заводитчис пир. Вежөсьяс-сө оз позь вөлі төдны. Сөстөм өшиньясөд пырысь шонді югөръяс ворсөдчисны краскаа джоджын, гөгөрдзим-дзурк. Ваялісны улөсьяс, джекъяс. Салдатскөй сөян-юан дінө өтлаасис орчча олысьяслөн вөлөгаыс. Весиг кухняын жаритчысь картофель.

— Ставсө ломтөмаось,—неуна гажмыштөм бөрын Иван индіс пельөсө тэчөм книгагяс вылө,— а вот бать найөс абу вөрзөдөма. Сэні металл кузя учебникъяс.

Згөдитчасны ассым другос велөдны. Қоді сійө сэтшөмыс? Коми АССР-ысь...

Иван чеччис улөс вылысь, таджгөдіс кузь кокъяссө, копыртчис пөшти джодждозыс да кутіс өвтчыны ыджыд кияснас. Нывбабаяс серам улын вель дыр вежнясьөм бөрын висьталіс:

— Тадзи сійө кокавлөма гөрбушөн войвывса видзьяс. Но өні кутас йирны көрт. Қыз шуасны, смычка, пролетарийлөн да крестьянинлөн. Ми сыкөд ловъя мөлөт да чарла, а звездасө плешын новлам, шапка вылын. Оти кывйөн кө, герб... Сідз ме сёрнита, Стёпка?

Иванкөд вензьяны вөлі весьшөрө. Регыд мысти нывбабаяс разөдчисны. Кык друг водісны книгаяс вылө вольсалөм шынель вылө, а мөднас вевттысисны.

Иван көсйис шойччыны төлысь кымын. Но коймөд луннас сійө воши. Воис сөмын рытнас. Мыжа морт моз нюммуніс, негораа шуис:

— Мудзи велаветөгьд. Уджалі заводын. Весиг важ мастер дорө веськалі. Қорисны, аски мунан мекөд. Тані, вокө, абу гөрбушнад кокасьөмыд... Ачыл аддзылан. Но ме өд төда: тэнө абу сөмын картупельөн вердлөмаөсь...

Тадзи Степан Кузиванов веськаліс странаын паськыда төдса Кировскөй заводө. Сөстөм вөр-ва дорө велалөм мортөс шемөсмөдісны биөн да жарөн ыпъялысь тайө стрөйбаясыс, гырысь машинаясыс. Велавтөгьд полис весиг воськовтны, кажитчис быдлаын кыйөдө нальк. Первойсө другыс пөшти новлөдліс Кузивановөс ки пөлөдыс. Завод петкөдлөм бөрын Виноградов паськыда нюмдіс:

— Но мый, лолыд, небось, бырлі! Гигант. Менам пөль и бать кувлісны тані. А өні найөс вежам ми.

Но эз тадзи мөвпав Степан, көть эськө сійөс индісны нин велөдчыны опытной слесарь дінө. Водзджыксө кө сійө эз гажтөмчыв, то, заводө воөм бөрын, кодкө быттьө клешиөн топөдіс сьөлөмсө да кутіс кыскыны Коми муө. Од сійө эз вөв сәні уна вояс чөж. Иванлы мый, сійө гортас. Таысь бурыс оз и төр. А Степан? Қазяліс другыслысь майшасьөмсө и Виноградов. Удж вылө мунтөдз сөйигөн Степан тасьтїө сөвтіс роксө куим мында. Мөдыс чуймис.

— Сёй ставсö: нырыд нин сöмын колис. Тадзтö Марфа посадничалысь нывтö он аддзыв. А мем окота тэнад свадьба вылын йöктыштны. Гөгөрвоан, нöш юр? А, гашкö, вокö, гортсьыд гажыд бырис? Босьтлы отпуск. Нёнясьыштан кукань моз, бöр воан.

Степан немтор эз шу. Мöдыс сёрнисö водзö эз жö нуöд.

Гашкö, эськö и Степан кольччис заводö, но друг воис Зоя. Буретш сійö нылыс, кодi налön частьын вöвлi санинструкторöн, а сэсся война бöрас Мурманск станция ресторанын буфетчицаöн. Степан öдва эскис синьясыслы. Сійö жö дженьыд рыжöй юрси. Паськыда шевкнитчöм кыз синкымьяс, вёськыд кузь ныр, вöсньыдик, пурт дорыш кодь вом дорьяс. Чужöмыс кузьмös жö. Синьясыс лэчыдöсь, сёрнитö ярскöба, тэрыба. Зоялön торйöн нин мичаöсь вöліны киясыс да кокьясыс, гөпрöсöсь, быттö неуна польдчыштöмаöсь, но небыдöсь да гырысьöсь. И статьис лада, ён, зумыд. Иванлы пöшти пельöдзыс. А көмалас кө джуджыд бöра туфли, то и öтыджда лöб. И вын-эбöснас Зояос енмыс да бать-мамыс абу öбидитлöмаöсь. Та йылысь Степан зэв бура тöдö.

Но мыйла сійö воис татчö? Öд Иван лөгасьліс сы вылö Мурманскын. Гортö мунигас весиг эз аддзöдчыв сыкөд. Ленинградын пö не татшöмьяс эмöсь. А, мөдарö кө, кыз нö он лөгась? Öд Зоя смешитіс асьыс мусуксö став гарнизон водзас.

Кор Прибалтикаысь налön частыс воис Мурманскö, вокзалын на Иван да Степан паньдасисны Зоякөд, кодös демобилизуйтисны пыр жö война помасьöм бöрас. Другьяс, дерт, чуймисны: öд Зоя вöлі фельдшер, сылön местаыс больничаян либö амбулаторияын. Но ныв сöмын нюмьяліс, а шуны немтор эз шу. Другьяс ёна нимкодясисны, торйöн нин Виноградов. Некодлы эз вöv гусяторйöн частьын служитігас сылön Зоякөд лöсялöмыс. Лöсявны найö кутісны и Мурманскын. И со öтчыд гарнизоннöй клубын концерт дырйи выступайтис бокысь воём иллюзионист. Сійö сетіс и гипнозлысь сеанс. Йöз терпитны вермытöг виччысисны тайö номерсö. Зоя пукаліс Иван да Степан костын. И со концерт нуöдысь юөртіс, мый öні лöб гипнозлön сеанс. Опытсö маэстро кутас нуöдны öти морткөд. Коді көсйö, мед кыпöдчö сцена вылö.

Зал чөв оліс: код тōдас, кыдзи вермас тешитны гипнотизер бур йōз водзас. Корисны мōдысь, но смел морт эз сюр. Сэки Виноградов чуть эз весьōпōр: сцена вылō кайис сьлōн Зояыс. А водзō лоис сэтшōмтор, мый Иванлы ковмис пышйыны залсьыс.

Сьōд паськōма гипнотизер пуксьōдїс Зояōс улōс вылō да манипуляцияс отсōгōн унмовськōдїс сийōс. Нывлōн юрыс лēталїс, ошйис пельпом вылас, синъясыс куньсисны, сэсся кылїс шкоргōм. Артист юōртїс, мый узыысь ныв висьталас асьыс став гусяторъяссō. И заводитїс юасыны:

— Кыдзи тїянōс шуōны?

— Зоя Васильевна...

— Кōнї уджалад?

— Буфетчицаала.

— Извинитōй, Зоя Васильевна, висьталōй, гашкō, кодōскō радейтад?

— Иван Виноградовōс!

— Кодї нō сийō?

— Сержант, каптер...

Зал веськыда куліс серамысла.

Кор садымōм бōрас Зоя воис местаас, сэнї Иваныс эз нин вōв. Та бōрын ныла-зонма костōд быттьō котōртїс сьōд кань. Нōшта паськаліс на костын потасыс, кор Зояыс висьталōма Иванлы, мый сийō ачыс нарошнō узьōм улō сетчōма, иллюзионистыс ēна корōма да. А водзвыв сērнитчōмаōсь найō вокзалса ресторанын.

И ещō нин пуис Виноградовлōн сьōлōмыс сы вōсна, мый сийōс, боевōй сержантōс, аслас пōдругаыс нимтїс каптерōн, кодї врагьясōс нōйтōм пыдди вōдитчō ротасōн.

Мурманскын найō эз миритчыны. И со Зоя сулалō кык друг водзын.

Виноградов эз и шензыы, быттьō виччысьōма. Сїдз жō и Кузиванов. Найō тōдїсны Зоялысь оласногсō.

Зоя пырис быттьō гортас. Кōть и кык друг чōв олісны, пōрччысис, ошліс паськōмсō, пуксис фанераысь вōчōм чемодан вылас (улōсыс кык и вōлі, зонъяс пукалісны на вылын).

— Пышйид? Чайтїд ог аддзы Ленинградтō?— тэрыба заводитїс Зоя.— Эновтї ставсō тїян вōсна. Абу

яндзимныд: эн весиг прөститчөй. Со и локті, гашкө, мися, огө аддзысьлөй да...

— А миян, Зоя Васильевна, смычка,— чуткис тайö кывъяссö радейтысь Виноградовлы Кузиванов.— Абу гөгөрвоана? Ме — крестьянин, Ваня — пролетарий... Ми — герб...

— А интеллигенциятөг өмөй позьö?— гораа серөктис Зоя.— Ме — медик, буфетчица. Сідзкө, ладмам.

— Тэ өд прөститчыны воин,— суюсис сёрниö Иван.— Сэссия буфетчицаыд абу интеллигент, а служащöй на сөмын. И, веськыда кө шуны, окота төдны, мыйла тэ пöрин буфетчицаас?

Зоя чеччыштис чемодан вылысь, матыстчис Иван дорö, кутис сійөс пель вужйөдыс, кылөдіс улөс вылысь, а ачыс пуксис сэтчө.

— Улөссö колö нывъяслы сетны, а тэ паськөдчөмыд рөзвалльö моз. Буфетчицаалігад карточкаяс серти сёян-юантö оз ков ньöбавны. Кынөмөй вөлі пөт, дай тиянлы, бөлбанъяслы, мыйсюрö вичмывліс. А збыльысь кө, ме эг прөщайтчыны лок. Вывті жö нин скөр паметя. Ме өд сэки Мурманскын сөмын шутиті, гөгөрвоан кө мыйкө.— И друг Зоя шыбитчис Иванлань, кутис сійөс кык пельөдыс да чуп окыштис.— А ме ещö тэнö кулөмысь мездылі... Төді кө эськө тайөс...

— Ме эг на көсйыв, эг мөвпав кувны. А тэ өд сөмын көсйылін Зоя...

— Кыдз тэ лысьтан, Вань? Кымын верст сэки котөрті...

Татшөмторйыс збыльысь вөлі. Синявино дорса öти тышын, 1942 вося арын, Иванөс дойдіс пуля, но ээна. Бой бөрас Степан колльөдыштис сійөс медсанбатö. Асланыс ротаö бөр воигөн зурасис Зоякөд, өдва и төдіс сійөс. Сөмын пызйö кок улас видзөдлытөг, нйайтыс резсьöма коскөдзыс, öти киас пилотка, мөдас санитарнөй сумка, сутуга кодь рыжөй юрсиыс сөмын шавъялө. Зоя эськө эз и казяв Степанөс, лоис сувтөдны.

Зоя гөгөрвотөг видзөдліс Степан вылө, сэссия топыда шымыртис сійөс:

— Ловъя?

— Сөмын гирснитис сойсö пуляыс...

— Позьö өмөй эскыны тиянлы? Колөкө сой пөвсөнин вундісны... Гашкө, сылы вир колө. Миян группа-

ыс օткодъ... И Зоя уськօдчис водзօ, сѣсса сувтовкер-ліс:

— Здук кежлօ корлісны санвзводօ, сѣк кості и лоօма пакօстыд. Дзик жօ нин ті челядь кодъօсь, оз позь син увсьыд воштывны, пыр и мыйкօ лоօ тіян-кօд.

— Зоя, война օд...— курыда нюммуніс Степан. Но мօдыс тօвзис нин водзօ.

Мօд луннас Иван да Зоя бօр воисны ротаօ. Санбатын нывлысь вирсօ босьтօмаօсь, но сьюօмаօсь сійօс мօд боецлы...

Зоя воօм бօрын Степанлы лоис ещօ сьօкыдджык, гортсьыд гажтօмчօмыс дзикօдз топօдіс сійօс. Татчօс сынօдыс весиг кажитчис сьօкыдօн, лօсявтօмօн. Шуйсны лэдзлыны Степанօс отпускօ, медым ветлас гортас. Вокзалын нин, вагонօ օртсօ пуксьօдігօн, Виноградов шуис:

— Мастер шуօ, тօлк пօ тѣысь лоօ. И патератօ кօсйисны сетны... Эк, жаль, эз артмы тѣысь питирак. Важ йօзыд ройօ оз увтны. Бать на шуліс: кор кык мужик костօ суйсяс кузь бօжа катша, прօщайтчы օртыдкօд...

— Зояыд абу мыжа,— вочавидзис Степан.— Тօлысь мысти виччысьօй.

— Чужан позйыд, дерт, мусаджык. Сьօлօм кылօ: ог нин аддзысьлօй...

Иван бытгѣօ ваօ видзօдօма. Сы ног и лоис.

Степан Ильич гортօ воօм бօрас регыд и гօтрасис, сѣсса лоис семья. Вօрзьօдчыны гортысь эз тырмы смеллуныс. А письмօяс Ленинград да Сыктывкар костын ветлісны пыр шочджыка и шочджыка. Сѣсса чикышьяс моз корсюрօ вольвлісны открыткаяс, медсясօ празникъяс водзвылын, а сѣсса и найօ эз лоны.

А таво Степан Ильичօс мօдօдісны велօдчыны Ленинградскօй высшօй партийнօй школабердса курсъяс вылօ. Налօн общежитиеыс вօлі Садօвօй улица вылын жօ. И кокъясыс асьныс нуисны вօвлօм другыслօн патераօ. Но сійօс эз нин су ловйօн. Зоя Васильевна оліс օтнас. Дай патераыс эз вօв важ кодъыс: сօстօм, югыд, гажа. Збыльысь ленинградскօй патера. И кօзьяйкаыс вежсьօма. Қызօма, пօрысьмօма. Сօмын синъясыс важкодъыс тѣрыбօсь.

— Патерасօ эськօ завод сетліс выльօс,— казты-

ліс Зоя Васильевна,— но Ваня эз вудж. Тані пö кув-  
лісны бать и мам. Мун дай сёрнит сьжкөд! Оні вöз-  
йöны выль оланін, но ме ог жö мун. Тані лöсьыд,  
велалöма. А пиöй шоча воylvлö гортö, вонас тöлыс  
кык-куим овлам öтлаын. Век морейн. Ылыс государ-  
ствоясö ветлö, штурман сійö мян.

Унатор йылысь варовитісны тайö рытнас Степан  
Ильич да Зоя Васильевна. И биа том дырыс бара  
прöйдитіс на синъяс водзті. Иванкөд Степан тöдмасис  
1942-өд вося арын. Ротаö, көні служитіс Кузиванов,  
воисны содтöд йöз. Олöмаяс и том, бойясын нин вöв-  
лөмъяс и сөмын на запаснöй полкыс. На пиын синмö  
шыбитчис том зон. Тушаыс кузь, гырыс лысера, но  
зэв кос кажитчис, потас кө кучикыс, то лыясыс гиль-  
голь киссясны. Быдөн видзөдісны сы вылö жаляддза.  
Стрөг старшина тшөктіс пöварлы сетны сөянсö кык  
мында. Мөдыс эз öткажитчы. Боец ас йывсьыс нем-  
тор эз висьтавлыв, но бöрынджык тöдмалісны, мый  
сійö вөлöма во чöж тшыгъялысь Ленинградын. Сійö  
веськаліс Степанкөд öти взводö, весигтö сійö отделе-  
ниеö, кодөн командуйтис Кузиванов. Занятиеяс дырйи  
Степан зілис омөльджыка, кыз шуöны салдатъяс,  
«гөнййтöдны» выль боецöс. Но мөдыс казяліс тайöс,  
дöзмис:

— Сержант ёрт, ме сета рапорт, медем вуджө-  
дісны мөд взводö.

— Мыйла?— шензис Кузиванов.

— Ог вермы терпитны, кор менö пуктöны коньöр  
пыдди.

Та бöрын Степан эз нин кут сійöс торйöдны му-  
көдъясысь. Да и Иван кутіс тöдчымөн öдйö яйсявны.  
Август тöлысся бойяс заводитчигөн сійö лоис прамöй  
багатыр кодь, көть пушка кыскавны доддяв. Сійö  
вөлі сюсь, вежөра, öружие тöдіс не сөмын ассыным,  
но и трофейнöйöс. Эз шöйöвошлы сьökыд кадö.  
А главнöйыс, сійö став сьөлөмсянныс ёрис врагöс.  
Öд Виноградов ас вывтис нуис блокадаса тöv, уна  
страшнöй серпасъяс аддзывліс. Иван вөлі Степанысь  
арөсөн ыджыджык, таөдз удитöма нин тышкасыны  
Ленинградскöй фронт вылын. Сэсся висьмис. И со  
госпитальсянь бара воис фронт вылö, Волхов юдорса  
вөръясö да нюръясö. Бойяслөн биын, öти шынель  
улын узылгөн, öти пöртйысь сөйитгөн найö бура тöд-

малісны օта-мօднысօ, лоисны другъясօн. А бօрынджык тօдмасисны и Зоякօд. Тайօ вօлі август помын. Асывнас частыс, кօні служитисны кык друг, зырис фашистъясօс верст кык, но рытланьыс ковмис бօрынытчыны — фашистъяслы воис ыджыд отсօг. А бօрынытчынытօ сьօкыдджык водзօ мунօм дорсыд: боецъяс вермасны шօйօвошны и асланыс мыш вылын вайօдны вօрօгօс выль позицияс вылօ. Вот тайօ бояс и петкօдліс асьсօ Виноградов.

Рота бօрынытчис, кутышитны врагօс колис сօмын Кузивановлօн отделение — сизим морт. Колօ вօлі кутчысьны места вылын кօть шонді лօччытօдз. Пемдօм бօрын фашистъяс некор эз зырсыывлыны. Немецъяс вермисны вот-вот петны выль атакаօ. Кузиванов օні на помнитօ тайօ рытсօ. Взрывъясօн чашйօм-парсалօм му, чегъясьօм да сотчօм пуяс, нюр веркօсын посни тьяс кодъ воронкаяс, кодъяс артмօмаօсь бомбаяс потласьօмысь, ляпкыдик окопъясօ йօжгыльтчօм некымын боец, кодъяслысь он вермы тօдмавны арлыд ни чужօм сер, сэтшօма найօ мазитчօмаօсь нюрса нюйтнас, сьօдасьօмаօсь порок тшынсьыс. И став тайօ шуштօм да сьօлօмтօ вօрзьօдан серпас вылас видзօдօ вօртаслань нин нօрօм шонді. Ещօ кօ час и пемдас. Боецъяс терпитны вермытօг вичысисны шонді лօччօмсօ, но сійօ нарошнօ эз тэрмась, быттьօ кօсйис видзօдлыны, мый лоас тані недыр мысти, быттьօ абу на бурмօма сьօлօмыс лунся шемօсмօдана да шуштօм серпасъясысь.

Кузиванов гօгօрвоис — налы не сувтօдны немецъяслысь водзօ мунысь гысօ. Гашкօ, сօмын удайтчас недыр кежлօ сайкօдны сійօс асланыс олօм донօн. А сэтшօм окота на вօлі налы, том зонъяслы, олыштны вօльнօй свет вылас. Сылысь мօвпъяссօ орօдіс Виноградов.

— Стօп, а Стօп... найօс колօ кыдзкօ шемօсмօдны, вօчны виччысьтօмтор.

И кык друг заводитисны шօпкօдчыны, быттьօ врагъяс вермисны кывны найօс.

— Но օд пулемѣтыс мяян օти,— эз сօгласитчы Кузиванов.

— Со эстօн туплясьօ трофейнօй, патронъяс эмօсь и... Чуть бօрвылысь аддзылі кык немецкօй ротнօй миномѣт. Эм мыйօн и лыйлыны. Бօрынытчигас, гадь-

яс, кольомаѡсь. А мянлы найо сгѡдитчасны. Вай мейм ещѡ кык боецѡс, Стѡпа, кѡсьян кѡ овны.

И Кузиванов сѡгласитчис: сийо эскис Виноградовлы аслыс моз жѡ.

Сержант да окопьясѡ кольом куим боец топалѡм сѡлѡмѡн видзѡдѡсны куым ѡртныс вылѡ, кодьяс вошисны неыджыд пуяс да кустьяс пѡвстѡ.

Недыр мысти окопьяс сайын да водзладорын кутѡсны потласьны минаяс да снаряжьяс, шырисны медбѡрья пуяслыс да кустьяслыс вожьясѡ, чирсѡсны найѡс.

А сѡсся пуксис чѡвлун. Кузиванов сѡмын путьмис мѡвпыштны: удитѡс эз воны урчитѡминѡ ѡртьясыскѡд Виноградов, кыдзи тыдовтчисны немецьяс. Найѡ быттьѡ мыччысисны му пытшысье. Тыдалѡ, матыстчѡмаѡсь артналѡт дырѡныс кыссьѡмѡн. Пыр жѡ лоис восьтыны би. Но уна-ѡ нѡ вермасны вѡчны ѡти ручнѡй пулемѡт да куим винтовка? Кытчѡ веськавлѡс «дегтеревлѡн» ѡчередь, сѡнѡ врагьяс водлѡсны, а мукѡдыс матыстчисны котѡрѡн да гырыся чеччалѡгырѡй. Торѡн нин зѡлис немецьяслѡн шуйга флангыс. Кузиванов дасьтѡс гранатаяс, видлѡс, местаас-ѡ пуртыс. Пѡлѡм ньѡти эз вѡв. Сѡмын морѡсын быттьѡ лѡи тыртѡм, и ещѡ усьлѡс дум вылас Виноградов, жаль вѡлѡ, мый весьшѡрѡ пропадитѡс.

Но друг лѡи шензьѡданатор. Немецьяслѡн шуйга фланг вылѡ быттьѡ пѡльыштѡс тѡв ныр. Пуджѡм сосьяса салдатьяс кокныдик корьяс моз кутѡсны тѡвзбыны эз мян окопьяслань, а веськыдывыв, кѡнѡ усьлѡг да чеччиг водзлань зырсисны налѡн ѡртьясныс. Бѡрынтчысьяс пиысь унаѡн усьлѡсны, но бѡрсѡ эз нин кыпѡдчывны. Сѡмын сѡки Кузиванов пельѡдз воис трофейнѡй пулемѡтлѡн увтчан гѡлѡсыс. Водзсянь да пѡшти мышсяньныс лыйсьысь пулемѡтьяс улѡ веськалѡм немецьяс водѡсны, кодсюрѡ петитчисны ракьяс моз. А сѡсся на пѡвстын кутѡсны потласьны минаяс. Тайѡ нин вѡлѡ вывтѡ. Би мешѡкѡ веськалѡм фашистьяс уськѡдчисны бѡрлань... А найѡс колльѡдѡсны пулемѡтьяслѡн эргѡм да потласысь минаясѡн кыпѡдѡм няйт сюрьяс.

Кузиванов долыда ышловзѡс, нюмьялѡсны окопьясысь мыччысьѡм боецьяслѡн чужѡмьяс. И сѡмын сѡки казялѡсны, мый шондыс лѡччѡма. Тайѡ рытнас

немецъяс эз нин суйсьывны. Пемдѳм бѳрас Виноградов ѳртъясыскѳд воис бѳр. Кокас Иванлы бара на швичкѳма пуля, но мортыс эз норасъ, вѳлі долыд.

— Трофейнѳй ѳружие тѳдѳмыд отсаліс,— сѳрнитіс Виноградов.— Местаыс сѳсся быттѳ миянлы и лѳсьѳдѳма, нейджыд окопъяс кустъяс пѳвстын. Чуть кѳ веськыдывыв сетчисны найѳ, лѳк лоис миянлы. А сѳсся аддзим налысь мышъяссѳ. Медся сьѳкыд вѳлі, кор найѳ котѳртісны миян дорті тїанлань... А сѳсся асьныд аддзылід, мый артмис.

Тайѳ бойсьыс быдѳнлы сетісны медальяс, а Виноградовлы «Красная звезда» орден.

Кымын татшѳм тышын вѳвліны кык друг! Найѳ вѳліны Ленинградлысь блокада кытш ѳрѳдысьяс лыдын, сѳсся тышкасисны Прибалтикаын, Востѳчнѳй Пруссияын. Боевѳй туйыс помасис Кенігсбергын. Бѳръя кадсѳ кык друг служитісны дивизионнѳй разведкаын, эз ѳтчыдысь ветлывны враг тылѳ, эз ѳтчыд видзѳдлыны смертылы синъяссѳ. И то накѳд ѳрчѳн, то неуна бѳрынджык восьлаліс санитарнѳй сумкаа Зоя. Колѳ жѳ лоны сідз, мый куим во чѳж куим ѳрт вѳліны ѳти частын. Дерт, эз ѳтчыд ранитчывлыны, сѳмын кокняча, асланыс медсанбатысь ылѳдз эз нулыны. Но, вѳлѳмкѳ, войнаыд и ѳнѳдз на абу ѳновтѳма асьыс страшнѳй уджсѳ. Сылѳн жертваѳн лоис и Иван Виноградов. Важ дойясыс мѳрчѳмаѳсь мортыды.

— Кызь куим во мысти суѳдіс сійѳс войнаыд,— шога сѳрнитіс Зоя Васильевна.— Коли дѳваѳн. Эз ѳмѳй сылы позъ ѳвны татшѳм лѳсьыд кадас...

...Степан Ильич пукаліс из скамья вылын. Эскурсовод да ѳртъясыс важѳн нин мунісны Пискаревскѳй кладбище вылысь, а сійѳ эз вермы кыпѳдчыны местасьыс.

Шога да торжественнѳй юргысь музыкакѳд юрас сорлассисны Зоя Васильевналѳн кывъясыс: «Эз ѳмѳй позъ сылы ѳвны татшѳм лѳсьыд кадас». Степан Ильичлѳн топаліс сьѳлѳмыс, медым кокньѳдны сѳтысь дойсѳ, вѳлі окота горѳдны веж эшкынѳн вевттѳм гуяс костті ветлысь йѳзлы:

— Эн вунѳдѳй найѳс!



Сё муса другө, видза олан! Эг эськө көсйы дöz-мөдчыны, да гажөй ёна бырис, окота лоис босьтчыны перө-ручка бердө. Быттьө тöрыт на и торйөдчим тэ-көд, а со нин мыйта кадыс кольөма.

Өнi, другө, аддзылан кө менө, он төд: сэтшөм стройнөй мыгөра лои. Чужөм вылын сөмын гырысь лыяса нырөй да паськыд черлыясөй колисны, не кө артавны пöнар кодь синъясөс. Өнi, небось, рожаад кирпичнад он нин сет. Ставнас нюрсмунис. Кулакнад кө зурган, лыясыс пиль-голь мунöны. А шензыныс немторла. Танi тэ вöсна старшина оз төждысь, аслыд лоө быд лун котравны лавкаө да карточка серти ньöб-ны 600 грамм нянь. Тöлысь кежлө нöшта сетöны не-уна вый да сакар, карточка серти жö. Со и колөкө поссяв. Өнi на казътывла асланым частьын олөмтö. Столөвöйын рушку дундытөдз сөвтан. Некор эг чайт-лы, мый ылыс тылын, миян Коми муын татшөм дзес-кыда олöны. А со öд война помасьөм бöрад мөдөд во нин мунö. Збылысь, бурджык вöлөма фронт вылад воюйтны тылад уджалөм дорысь. Сэни гөгөр ёртъяс, көм-пась да сөйөм-юөм вöсна төждысьö старшина.

Пöлинö, менсьым ошйысянтортö — бакенбардъяс-тö нывъяс сотисны. Полкса командир эз вермы шыр-ны, а танi районса нывъяс биөн чишкалисны. Он ве-рит? Мөвпыштла да öнi на серамöй петö. Пыри ме öтчыд луннас райзоса общöй отделö. Ывлаас мороз, а ме сапöга, салдатскöй еджыд пася, пеля шапкаа. Чужөмöй көвдум моз баниöма. Сөмын съөд бакен-бардьясöй чурвидзöны. (Найö öд война помасьөм бö-рад бөръя воясас модаынöсь вöлины. Чайта, эн на вунöд. Ачыд öд новлывлiн жö. Сөмын найö тэнад вö-лисны рыжöй нисьö кольквиж рöмаöсь.)

Но, а танi найöс абу новлывлöмаöсь. Со и эз ка-житчыны нывъяслы менам бакьясöй. Заводитисны дурöдны. Ме öтнам, а найö нель-ö-витөнöсь: бухгал-тер, счетовод, зоотехник, ме кодь жö ветфельдшер, Тамараөн шуöны, зэв ён. Сэсся налы курьер на отса-

сис дай. Тодан, кутшомось жоникьястом невестаясыд, кутисны да непосто ворзыны, весиг никостны эг вермы. Сотисны бакьясос, бур мый юрсисос да син лысьясос эз чишкавны. Скоров коть эн, сомын вак-вакон гизьоны-сералоны, синьясыс строгось, быттьо вейпанась. Сэсся Тамара и крапкис-шуис:

— Миян мусукьяс бакьястог пуктисны юрнисо воргкод тышын, а те воомыд да носта тшапитчан...

Зэв нелосьыд лонс быдонлы. Тшок лантисны ставон. Ме муні райзоысь ветамбулаторияо. Нывьяс колльодисны шойовошом синьясон. Ок и сурома жо борынджык Тамаралы сов вылас! Ми омой мыжаось, дона друго, мый эз ви миянос война дырйиыс, ми од эг дзедсясьлой йоз мыш сайо, воюитим ставныскод орчон. Эг отчюд ранитчыллой и... Кыдз шуасны, кодлон кутшом шуд...

Обидно, дерт, воли, да мый вочан. Он од тышкасны кут нывьясыскод. Сэтчо жо жалось найо: некод сайо верос саяд петныд, он ко артышт порысь довечьясос да инвалидьясос.

Вослала районной центр кузя ветеринарной амбулаториялань, юрын сокыд думьяс жодзоны. И сэки кыли:

— Ти лоанныд виль ветеринарной фельдшерыс?

Кыподі юрос. Мекод орчон сулало ыджыд воронной вов. Гыортон гоныс восна кажитчо серойон. Льюбсьыс ошойомаось кузь йи неньяс. Синмыс анчалон кодь тэрыб, озыштолэ турунвиж биясон. Збыльысь мойдса сивко-воронко кодь. Шоча адзывлан они татшом вовьястэ. Унджыкыслон лыясыс чурвидзоны, кын задьяось, а тайо места вылас сулавны оз вермы. Кора додьяс турун пиын пукалис кос пася да пеля шапкаа том морт, а гашко и мужичой. Гартчома шарфон да он и казав пырсэ, коді.

— Да, — шуа, — ме...

— Колэ ветлыны миян сиктэ. Тасянь верст сизим. Миян эм жо фельдшер, но ачыс вочныс немтор оз лысьт.

Дыр мовпавны некор. Миян уджным сэтшом. Лунын коть войын чукостасны, он откажит. Быть мун. Колэко висымис мос, коді тайо кадас вердліс эз оти семьяос. (Оти моссэ видзлісны кык либэ куим семья. Сідзи и шуоны: менам кык нень либэ оти нень.) Се-

рамыд петас. Оти кӱзяин оз вермы видзны быдса мӱс, а челядыдлы йӱлыд колӱ. Со и лоӱ ӱтувтчыны. Колхоз пиын вӱчавны бара нейджыд овмӱс-ячейкаяс.

Ветлим амбулаторияӱдз, босьтӱ колана кӱлуй тыра нейджыд чемодан и туйӱ.

Ямщик эз жалит вӱвсӱ. Недыр мысти сы вылысьсылӱс гыӱрыс, кутӱс кайны ру. Ме зӱли тӱдмавны, кутшӱм ускӱттӱӱ лоӱма на сиктгын.

Вӱлӱмкӱ, ӱти колхозница катӱдӱма лесопунктса вӱр лӱдзсысяслы турун, а гортас лӱччигас ӱна дойдӱма бур кыскасян вӱлӱс.

— А мыйысь нӱ няньнас вердад ассыныд вӱв доктортӱ?— юалӱ ме.

Вель дыр чӱв олӱм бӱрын ямщик вочавидзис:

— Татшӱм случайяс дырйиыс сийӱ зӱльӱ дзевсыны кустгяс пӱвстӱ. Мыйла? Видзӱдтӱ, абу смел сийӱ... Кӱсийӱ, медым кодкӱ босьтӱс кыв кутӱмсӱ ас гӱрб вылас. ӱтарсян кӱ, ускӱттӱӱас, кыз эн шу, эм мыжыс и турунсӱ вӱрас катысьлӱн. А мӱдарсян кӱ...

Но ямщик ассыыс мӱвпгьяссӱ эз помав. Думайт пӱ ачыд.

— Но, а мыйла тӱ либӱ энӱ вайӱдӱ районса главнӱй ветеринарнӱй врачӱс?— эг сетчы ме. Дай сӱрниттӱгыс вывтӱ нин кодзид вӱлӱ. Татшӱмасӱ эг кынмывлӱй суткиясӱн лым вылын куйлӱгӱн, кор вӱвлим передӱвӱйынӱс. Ачыд, другӱ, тӱдан. А ӱнӱ пукала кора доддын, кос турун пытшкын, но та вылӱ видзӱдтӱг кажитчӱ, мый тӱнад вирыд вочасӱн сӱникассӱ. Проклятӱ тӱлыс сӱдзи и мунӱ лы-вем пырид.

— Мунӱма пӱ ю сайӱ,— вочавидзис ямщик да на-яна кӱсӱйтчылыс ме вылӱ:— амбулаторияд сӱветуйтӱсны нулыны тӱянӱс.

Со и воим конюшня дорӱ. Идзас вылын куйлӱ мерин. Рыжӱй. ӱн. Мича. Сингьясас помтӱм дой. Видзӱдлӱ. Спаситны оз нин позь. Чегӱма веськыд водз кыс, пидзӱссыыс улӱджык. Сӱнӱ жӱ менам коллега — тайӱ сиктса ветфельдшер, сиктса начальство.

— Гашкӱ нӱ позяс на бурдӱдны районса амбулаторияд?— юалӱс вӱвсӱ дойдысь нывбаба-ямщик.

— Вӱвлысь чегӱм коксӱ абу на кардгьявлӱмаӱс,— скӱра вочавидзи ме.— Ковмас лечитны, гашкӱ, во кык, колхозныд рӱзӱритчас. Начкыны колӱ, мучитнысӱ нинӱмла.

Чукөрмөм йөз ышловзисны, быттьо шыбитисны пельпом вывсьыс ыджыд ноп.

Вөлөмкө, вөлыс доймөма сиктсаянь верст кык сайын. Сэсянь сийөс вайөмаөсь рөзваллын. Лоис ветлыны сэтчө, төдмасыны, кызди артмөма ставыс.

И со ми колхоз правлениеынөсь. Тани шоньд. Öйө десятилинейной лампа. Эн шензы, другө, тани мяян электричество да радио йывсьыд сөмын на мөвпалөны.

Öти пызан сайын колхозса председатель, мөд сайын счетовод, сийө жө партийной организацияса секретарь. Тан жө менам коллега — ветфельдшер, томник зонка, кодi сөмын на воөма техникумысь, вөлөс дойдысь нывбаба, но и, дерт жө, менө вайысь ямщик. Вөлөмкө, сийө демобилизуйтчөм матрос, вөвлөм зонка жө. Öни сиктас избачалө. Ставныслөн синъясыс сатшкысьөмаөсь ме чужөмө.

А вөвсө дойдысь нывбабалөн чужөм вылысь немтор оз позь лыддыны. Сөмын видзөдласас сийө жө дойыс, кодi вөли чегөм кока меринлөн синъясас.

— Но мый нө, гиж актсө,— шуи ме том фельдшерлы.— Ковмас өд пемөссө спишитны.

Коллега пуксис пызан сайө да мөдiс дзуртны перөөн. Öни быдөн видзөдiсны сы вылө, весиг некод эз куритчы. Тешкодь, но колхоз правлениеын сынөдыс вөли сөстөм. Тадзитө шоча овльвлө.

Медбөрын акт гижсис. Заводитим сийөс лыддыны. А кор менам коллега вонс «возложитны» кывйөдз, вөлөс дойдысь нывбаба кутiс шытөг бөрдны, парторглөн чужөмас чукуръясыс лоисны нөшта на джуджыдджыкөсь, председатель йөжгыльтчис, быттьо зiлис дзевны юрсө пельпомъяс костас, а менам ямщик, вөвлөм матрос, зывөка видзөдлiс ме вылө, быттьо көсйис шуны: «Ак тэ... А нөшта фронтөвик...»

Дона другө, тэ, дерт, немтор эн гөгөрво. Мыйла найө повзисны «возложитөм» кывсьыс? Шуам, кутшөмкө скөтник либө ямщик мыж вөсна кө кувсис либө лолi начкыны артельной пемөс, то сэки сылысь донсө суд пыр перйивлiсны мыжаыслысь.

А куканьясыд частө кулавлiсны, торйөн нин баляяс. Көрым оз тырмы, картаяс көдзидөсь. Мукөд дырйи, медым дорйыны асынысө, колхозъясөн веськөдлысьяс и «возложитлывлiсны» мынтысьны ускөттө-

сыыс весиг збылысысö мыжтöм мортлы. А тайö нывбабаыс, дерт, вöлі мыжа.

Лесопунктсыыс петас сёрөн нин. Оз лэччы гортас мича туйöдыс, а весьталас лежневка туйті. Пемыднад вöлыд оз казьяв, кокыс пырас кык плака костö дай чегö. Закон серти кö, колö перйыны вöв донсö тайö нывбабаыслысь. А сійö колхозас медбур уджалысь. Верöсыс усьöма фронт вылын. Нывбаба ки вылын нель челядь. Колö вердны-юктавны, көмöдны-пасьтöдны найöс. А ыджыд-ö нö колхозад война бöрад нажötкаыд. Сідз нин олöны тшыг нисьö пöt, идзас сора нянь сёйöны. А мынтысьны кö начкöм вöлысь ещö... Мөвпыштлы, другö, ачыд. Гөгөрвоин?

Со кор ме син водзö сувтіс районса прокурорлөн мыгöрыс. Мый вöчны? Öтарас — закон, мöдарас — сöвесть. И ог тöд татчöс йöзсö. Первойысь тайö колхозас.

Но тайö вöлі фронтöвиклөн гöтыр, кодöс гортас виччысисны батьтöм челядь.

И ме дыр думайттöг босьті коллега кийсь актсö да некымын пöв черкниті «возложитны» кывсö.

— Мый лоаныс ло. А ми вöчам тадзи, коллега.

Ставөн нимкодпырысь кырымалісны актсö. И менам ямщик, вöвлöм матрос, талунъя избач, крепыда, фронтöвöй ногөн, тапнитіс мен пельпомö. А вöлöс дойдысь нывбаба эз эскы аслас синьяслы, эз тöд: бöрдны али серавны.

И тöдан, другö, көть мед мый лоас, а öнісянь чувствуйта, мый ме быттöккö лои сöстöмджык.

Со и ставыс. Чолöм Ленинградлы! Коля тэнад фронтöвöй друг — Паша Оньков.

*Вадорыв сикт, 1947-öд во.*

# СЬӨЛӨМӨЙ МЕНАМ ТАНИ

Повесть



## КУЗНЕЧ ТЕРЕНЬ

Тi онö тöдöй Ыбвыв сикт? Ылөдз өд сийö нималö! Öти-кö, сэнi коркö вöвлi озыр колхоз, а öни совхоз. Овмöсыс воддза моз жö паськыда нималö. Мөд-кö, сэн кодь гырысь чойясыс Коми му кодсьыс оз сюрны. Шофёръяелысь сьөлөмсö Ыбвыв сиктлань матыстчигөн бурджык корсьны коклябöрсьыс. И оз весьшөрö налөн сьөлөмыс вошлы морöссьыс. Висьтала вöвлөмтор. Ыбвыв сиктö вотөдз эм нейджыд грезд. Карсянь локтигөн сэтчö лэччөдö зэв крут да кузь чой, а горулас шор вомөн — пос. Öтчыд төвнас чой йывсянь тюрысь öти автомашина пос вывсяньыс усьö шорас, весиг дзик выль перилöяссö пузь-пазь жугöдöма. Кузовас куйлысь вина яцикьяс бускысьöмаöсь лымйö. Шофёрсö нуöмаöсь сы ни садь. Висьталöны, став бутылкаясыс пö зюль-зельмунöмаöсь. Сöмын тай мыйлакö сэсянь, а тайö вөлöма важөн нин, грездыслы кöласьöма Гажа ним. Шуöны, буретш тайö лөмтор бöрас прездса олысьяс пиысь кодсюрö вежон чöж вөлöмаöсь «шома» юраöсь.

А кузнеч Терень йылысь энöй жö кывлöй? Син саяс тадзи сийöс шуöны, а паныдасигъясөн Терентий Евлампьевичөн. Овыс Икучев. Дерт, грездас, кöни олö Кузнеч Терень, пöшти ставыс Икучевъяс.

Терентий Евлампьевич олö буретш Гажа грездын, керкаыс сулалö шор бокин, дзик ю берегас. Ытwaыс воывлө град йөр потшöс дорөдзыс. Сэки суседканывбабаяс сьөлөм бурмытөдзыс больтикасьöны-мысьöны да жвачкöны-корöсясьöны Кузнеч Терень пывсянын. Майбыр, ваыд орчча да нöшта кутшöм! Кунва кодь, сöмын шонты. Быд тулыс Икучевлөн пывсяныс пөрлö нывбабаяслөн клубö. Кодöс сöмын оз дивитлыны да вöйплыны сэнi! Пывсяныс ыджыд, сöстөм, югыд. Абу горья, а пача. Йöзыд поводнöя төрö.

Абу кулитана и керкаыс, кöть нин сылы нелямын ар сайö. Зымвидзö-сулалö, квайт пельöса, гырысь

өшиньяса, вылын кильчө поска. Вевт вывсьыс черөн лөсьылөм тьөсьясыс быттьө абу на и вөрзылөмаось, а кыз пожөмьясыс тшупөм стenas сөт черөн — тринь чеччыштас, абу пу, а лы. Сөмын вылыссяньыс неуна воймыштөма-сьөдасьыштөма. Кужлөмаось, майбыр, важ йөз бөрйыны вөртө.

Өшинь улас некымын льөм пу, коз да кыз. Өти-өс на пиысь Терень садитлөма ачыс. Сийө пывсян бердас дзик. Со мыйла радейтө керкаса көзяин коллявны мойд кодь тувсов да гожея рытьяссө льөм куст улө лөсьөдөм лабич вылын. Пукалпмоз вөчө кутшөмкө кипом удж: шыльөдө чер пу, вөчө куран, лэбын пу, кеслө пила, а ачыс нимкодясьө юнас, мөдлапөвса вөр-ванас, кывзысьө ывла выв шыясө, морөс тырнас апалө чөскыд сынөдсө, кытчө сорлассьөма валөн дуб көр, пывсян гөгөр быдмысь сэтөрлөн, өмидзлөн да кышакылысь льөмлөн дукуыс. Долюд татшөм кадас Тереньлөн сьөлөм вылас, шойччө лунтырья уджысь лигышмунөм лы-сьөм, быттьө гор вылө ырөшөн коялөм пывсянын корөсясьөм бөрын.

Татшөм кадас сийөс бурджык эн вөрзөд. Терень абу лөк вома, а кыыс сьөкыд, велалөма ноксыны көрта көлуйөн, весиг паньсө босьтө кувалдаөс мөз.

Та йылысь Терень оз радейт сёрнитны, но мирыдлысь вомсө он тупкы. Гражданскөй война дырйи воас отпускө. Гөтырыс страпайтө, лөсьөдө дона да муса гөстылы сөян-юан. Потанын кага черьялө, а сөсся и бөрддзас.

— Парась, бурөд!— шуыштас дөзмөм бать.

Мам уськөдчылас потан дорө, кага чөвусьө. А пачас виччысьө нянь. Кага горөдас бара, но ещө гораджыка да нораджыка.

— Парась, бурөд шуёны!

Мам шыбласьө кык би костын: өтарас бөрдысь кага, мөдарас — пач. Сэки прамөя узытөм ни шойччышттөм Терень чеччыштас вольпась вылысь, кватитас ньөр. Өтчыд и инмөдчылас пиыс мышкө, а киподтуйыс кольө дыр кежлө: кагалөн кучикыс потө чунь пасьта.

Сэки Терень сетас ен водзын кыв: нэм чөжөн чуньөн не вөрзөдны челядсьө ни гөтырсө. И кывсө эз вуджлы. Сиктын оз помнитны тайө семьяысь зык ни шум.

Терень — крут оласнога мужик. Гортсаея сылысь кывсö эз лысьтлыны вуджны. Кывзысис и гöтырыс — пелькиник тушаа, тэрыб вöраса да быдтор кужысь кияса Парасковья. Та вöсна сійöс и донъявліс да пыдди пуктывліс верöсыс. Сöмын тай Парасковья йöз гöтыръяс моз челядь вылö эз вöв окоч. Козынавліс Тереньлы пиöс, кодлысь батыс потанас на поткөдліс кучиксö, да ёна сёрөн нин нылöс. Пиыс — Егор — усыліс Отечественнöй война вылын. Чунь гозъялөн колис ныв — Катя. Катя — Тереньлөн ваболь, саткöин.

Икучев эз радейтлы синмö шыбитчанторъяс. Керка пытшкын и ортсыын — ставсö вöчöма аслас киясөн. Прöстöя, но зумыда, нэм кежлö. Джодж плакаяс метр джын пасьтаöсь. Лабичьяс, бöра улöсьяс, диван, весиг горничаса ыджыд пызан, тöчитöм кожъяса этажерка, дозмук видзан шкап — ставыс вöліны көзяиныс кодьöсь жö стрөгöсь, зумыдöсь, быттьökö местасыс вөрзбөдны позьтöмöсь. Керкаын шпалер ни картинаяс. Стенъяссö да пöтөлөкъяссö сөстöма мыськöма. Кыпид, долыд. Быттьökö век на öвтö пожом сир дукөн.

Горничасö мичмөдöма ыджыд рөмпöштанөн, сэні жö Ильичлөн ыджыд портрет. Сэсса горничаын немтор абу. Но сы пыдди быдлаын — дзоридзьяс. Найö дзоридзалісны öшинь вылын, быдмисны шомöсьясын, öшөдчисны гырничьяссянь джодждз. Найöс радейтіс Катя, радейтіс и Парасковья. Водзджык Терень эськö и шуасьліс, мый няньыд сөйсяс натөг, но сэсса öвтыштіс кинас: бабаяслы öд кутшöмкö ылөг колö жö.

Но эз быд вельторкөд кокниа миритчы сійö. Кольöм война бöрас нин, кор йöзыс кутісны овны бурджыка, найö зілісны мичмөдны кызд вермисны ассьыныс оланінъяссö. Мөвпыштісны вельмөдыштны ассьыныс познысö и Икучев эня-ныла.

Öтчид субöта рытö Терень воис пывсянысь да вөдіс шойччыштны крöвать вылö. Тешкодь. Кодкö быттьö дөзмөдчис, кыліс, мый керкаас эм кутшöмкö ковтөмтор, коді öнөдз эз вöвлы. Мый нö эськö сэтшöмыс? Пызан аслас местаын, пöлать, гөбöч выв да пач — сідз жö. И друг быттьö сылы кымöсас кучкисны нöшкөн: горнича öшиньясын öшалісны донтöминик тюль занавесьяс. Тереньлөн мытшасис лолыс.

«Часлы ме пöрысь выживлы! Тöдi кö, мый лун югыдыс мешайтчö налы, öшиньяссö ичöтджыкöс пискöдi!»— Ньюжöдчылис нин занавескаяслань, но эновтчис. Жаль лои Катяыс. Дыр пукалис лабичын, мөвпалис, кыдзи косöдны водзöс.

Со эня-ныла ведраясөн да тазьясөн клюна-клёнакылиг воисны пывсянысь. Найö ветлöдлисны керкатi кок чунь йылас да наяна видзöдлывлисны гöбöч вылас кымыньöн куйлысь кöзяин вылö. Весьшöрö полисны эня-ныла: занавескаяс öшалисны местаын. Но тайö нö мый татшöмыс? Горнича пельöсын, медся тыдаланаинас, этажеркакöд орччөн öшалис съодасьöмысла хром кучик моз лöсталысь да сыри-леткиöдз росйисьöм важ шабур, кодöс кöзяиныс эз нин пасьтавлы водас. Но та вылö видзöдтöг, эня-ныла олисны чöv: эз гöдны, мый ещö вермас вöчны ырьянитысь кöзяиныс.

Аскинас Катя заводитлис босьтны горничаысь киссьöм да няйт шабурсö, но батыс стрöгысь шуис:

— Ме, нылук, эг мешайтчы, кор ти везйöдлid öшиньясö шондi югөр туййöдьястö. А тайö шабурыс менам — медся донатор. Сийö отсавлис најöвитны нянь кусöк, мыйөн мамыдкöд вердлим тэнö.

Уна тешкодьтор вермасны висьтавлны Кузнеч Терень йылысь Гажа грездса олысьяс. Шуöны, сийö пö морттö тöдмалö первой видзöдлас бöрын. Сиктын казтывлöны öти вöвлöмтор. Партиялөн райкомö воас выль секретарь. Коркö-некоркö сийö локтас тöдмасьны и Гажа грездса олысьяскöд. Кытшовтас колхозной овмös, волас скöt картаясö, керкаясö, весиг пыралас лавкаö да пекарняö. Пыралас, но немтор оз босьт. Ёна и шензясны нывбабаяс.

Война бöрад лишной машинаяс эз вöвны. Начальство ветлис-мунис вöлөн. Кодöс индины коллыны райкомса выль секретарös? Медым эськö не янавны начальство водзын. Став мирөн шуисны: мед ямцикалö Терень.

Икучев первойсö мода ради ышнясьыштiс, ыстысис кодзыд вылö, аслас арлыд вылö, а сэсся мунис доддьясны. Сёр рытын воис бөр. Колхоз правлениеын пукалысьяс веськыда силитчисны.

— Кутшöмджык нö выль секретарыд?

Икучев дыр нетшкис ус-тошсьыс йи нёньяс, чышкалис-косьтис тошсö. А йöз виччысисны вомсö калькö-

дөмөн. Терень пуксис лабичё, гаровтіс чигарка, өзтіс, заводитіс тшынасьны.

— Кыскас, ме думысь. Оз дуд...

— Ми огё мерин, а секретарь йылысь...

Терень сувтөдіс синъяессө:

— А ме көбылатө мортсьыд торйөдныд кужа на жө. Кыскас, мися, выль секретарыд районтө гурансьыд. Оз дуд воддза мозыд.

— Выль роскыд бура чышкө?— серөктіс кодкө.

— Морт сійө — выль секретарыд. Уна начальни-көс ме нэмөн новлөдлывлі, а татшөмыд шоча весьжав-лывліс. Воим гортас. Гегдөм бөрад сійө вермис уйк-нитны шоныдінө. Пасьтасьөма абу нин сэтшөм бура. А сійө варовитө, сиделка көв разьө, отсалө вөлөс сө-өдны. Сэсся пыртіс керкаас. Гөтырыс, учительша, ты-далө, шань нывбаба жө. Қисьтіс тасьтїө пөсь шыд, а секретарыд мыччис чашка вина. Мед пө шоныдджык лоө бөр мунігад. Збыльысь, өні на шонтө морөсөс, дерт, оз вина, а секретарлөн бур морттуйыс. Эз зы-вөкты прөстөй мужикөс, вердіс, юкталіс, за ручку колльөдіс. А кор ме пукси көшөваө, шуис: «А олан-ныд ті, Евлампиевич, онө нин бура. Колө мөвпышт-лыны, кызди өтувья вынөн төлкөнджык овмөдчыны. Война помасис. Кад нин вунөдны идзас сора нянь йывсьыд. Миян йөзлы вын сертиыс, медым пызан вы-лас руаліс пирөг-шаньга. Ме збыльысь шуа, Евлам-пиевич... Помнитлы».

Эз ылав Терень. Райкомса выль секретарлөн ту-налөмыс збыльмис. Но та йылысь бөрынджык.

Вөлі буретш тувсов рыт, кор ымралө шонид, кор муткыртысь юлөн паськыд морөс вывті быттөкө кыв-төны гөрдөдөм дора кымөрьяс, кор мөдлапөвса по-жөмьяс лэччысь шонді югөрьяс улын кажитчөны ыр-гөн истөг тувьяс кодьөн. Ныртө гильөдө тополяслөн да кызьяслөн өдва потөм кор дукуыс, кольөм вося турун пыр полігтыр мыччысьысь вежөдлөн юмов кө-рыс. Кысь позьө аддзыны татшөм кадас Тереньөс? Дерт жө, радейтана местаысь — пывсяндорса льөм куст дорысь, кодлөн вожьясыс өшіөмаөсь көзяин юр вesityө.

Пурт улысь гартчө да усьө муө стружка кодь вөс-ныдик чаг. Куран пиньяс, өти бөрся мөд, дзольяс

моз гылалёны чукөрө. Помасяс гора-көдза, заводит-час страда. Сэки куранъясыд оз лоны лишнойёсь. Тереньлы эз тшөктивны вөчны найёс. Тыдалё, кызди и быд во, посниторяяс йывсыд вунөдісны. Кватит-часны сөмын видз вылө петігөн, кутасны оксыны да аксыны. Вот сэки и ваяс Икучев контораё выль куран чукөр. Век на тадзи вөвлі. Мөд ног, өдвакө, лоө и өні. Мөвпалө Терень, нимкодьясьө ывла вылөн, лэчыд пурт улын кольчаясьө гартчө чаг. А неылын ва дорын пожъясьөны нывбабаяс. Нөшасьөм шыкөд сорлассьө сёрни. Быд кыв быттьө пуксьө Икучевлы вежөрас. Кузь рывывбыд пожъясясны нывбабаяс: абу этша ротас өкмөма төвбыдөн. Өні, майбыр, оз ков кунва ни уна майтөг: Сыктивлөн ваыс сідзи и вольскнитө-нуө няйтсө. Пожъясьөны тэрмасьтөг: уджалан лун помасьөма.

Пукалө Терень, а пельясыс сідзи и кылөны сиктса выльторяяс. Радио ни газет оз ков. Кузьма Егорлөн мөскыс висьмөма. А ветеринар поллитратөг, дерт жө, оз лечит.

«Көнөваллөн, тыдалө, петавлө юр пөлыс,— нюмъялө Терень.— Ок, и катшаяс жө! Синмас аслыс некод оз шу. Корасны кө скөт пельшөрөс, локтігкежлас ньөбөны поллитра. Асьныс тшыкөдісны морттө, а асьныс жө и вөйпөны. Но и катшаяс...»

Кузьма Мишка гөтырлы карын олысь писяньыс деньгатор воөма. Николай — прамөй морт. Чунь помсьыс зарни киссьө. Ок эськө татшөм писө кө Тереньлы! Вөліс өти да со усис бөръя война дырйиыс.

Августа эня-ныла бара пинясьөмаөсь, юрси на юрси пачесайтчөмаөсь. Весиг милиция волөма. Пукалө Терень, нюмъялө сикт кодъсьыс бөръя юөръяс кывзіг.

— Төдан, сваття,— кылө, шуис Макся Рая.— Митрей Өндрейялөн пө пиыс гортас локтө.

— Чөв? Сө дивө тай... Карас өд сійө начальника-ліс... Чөвтөмаөсь али мый?

— Ачыс пө, ас вөлясьыс локтө.

Терень чужөм вылысь бырис нюмыс. Весиг шыбитіс пуртсө.

— Сюра лешак!

Эз позь гөгөрвоны, коді сэтшөмыс: пуртыс али Митрей Өндрейяныслөн пиыс.

Недыр мысти Терень вöлі гортас. Скöрысь иидіс самöвар вылö:

— Абу на гöтов?

Гöтырыс чуймöмөн видзöдліс верöс вылас: лöдз али мый курчöма? Неважөн на вöлі морт кодь, а öні синкымъясыс öшйöмаöсь, кымöсыс зумыш, видзöдласыс быттьö лэчыд пурт дор. Парасковья шоча шульвліс вомвеж: тöдіс — скöралö кө, оз весьшöрö. Но öні эз вермы кутчысыны.

— Ачыд нö мый вылö? Мем со колö вольпась эжöдъяс ва дорö пожъявны лэччöдны.

— Катяыд нö мый?— мурöстіс Терень.— Кöні сійö?

— Клубö муніс,— повзъыштіс Парасковья, небыда нин юаліс:— Мый доис?

— Вадорса катшаясыс китшкасны. Лэччыв.

Парасковьялөн вуніс весиг пожъясьöмыс, уськөдчис самöвар дорö, кутіс тойлыны сійöс. А ачыс оз-оз дай гоннитлас-видзöдлас горничаян газетөн вевттысьöмөн пукалысь верöс вылас. Самöвар, рökыд вылö, нарошнö эз пузы, быттьö сэтчö лягуша пырöма. Терень шыбитіс газетсö, кулис коксыс сапöг пöвсö, вештыштіс гöтырсö.

— Грекö вöйтысьяс!— дözмис Парасковья.— Тöрыт на Катя мысыкасис...

А верöсыс кыв ни джын шутöг сапöг пöвнас öтарö пöльтіс самöварсö, кодлөн улыс розьяссьыс резісны пöим сора би киньяс, а сэсся öгырьяс.

— Кузнечатö али мый чайтан татысь?— скöрмис гöтырыс, но сапöгсö мырддыны эз жö лысьт, сöмын повзём курöг моз, бокъясас кияснас швачкөдіг, гöграліс верöс дінас. Сійö вöвлі öкуратнöйөн, дзим-дзуркөдз пелькөдöм керка джоджті эз воськовтлы весиг сапöгөн. А талун вежöмаöсь. Став пачводз дорсö нин тыртіс пöимөн да шомөн.

Медбöрын руөн сьöласьысь самöвар сувтіс пызан вылö. Терень юис чашка бöрся чашка, быттьö пытшкөсыс сотчис самöвар трубаса öгырьяс моз жö. Ньылöдöмысла кötасис дөрöмыс, но сійö эз мөвпав пызан сайысь чеччöм йылысь. Керкаын кыліс сöмын часілөн точкөмыс да көзяинлөн ырскөмыс. Пöлинö, пач вом дорас мукөд дырсяысь гораджыка клёнöдчис дозмукөн көзяйка.

Терень гогорвоис, мый готырыс косодд водзос, но вולי не таодз. Зумыш видзодлассо корсюрё човтліс ошинь пырыс тыдалысь сусед керка выло. Митрей Ондrejaн ордын вולי чов-лонь. Ошинь улас эжасо лук-йис неыджыд порсь.

«А гашкё, оз виччысыны да, — мовпыштис Терень. — Вадорса катшаясыдлы од эскыныто оз век позь. Кодлы нё окота министерствотё вежны няйт сикт выло, коть и сэни чужлин. Сорём, тыдало».

Терень косьис нин бурасыны да чукостны готырсо пызан сайо, но сэки воссис суседлон кильчо одзосыс да мыччысис ачыс козяиныс — Митрей Ондrejaн.

Ондrejaн — пелькиник тушаа мужик. Гожьявтомысла лозоват чужом вылас ус ни тош. Бритчо быд лун. Чукуръясыс ёнасё оз на тодчыны, коть нин петис квайтымынысь. Сомын шочиник юрсиясыс эзысьмомаось.

Оласногыс збодер, ветлодло тэрыба, том морт моз. Мешайтчышто ранитчылём кокыс — чотё. Мунигас став тушанас лайкьяло веськыдыв. Та вёсна оти пельпомыс кажитчо улынджык модсьыс.

Митрей Ондrejaн лэччис кильчо поскод, лабутнёя модис заворлань. Сэсса друг вирскөбтис, быттьо лядвееяс бытшкисны шылаон: аддзис, тыдало, эжа лук-йис порсьо.

— Чирукьяс! — чилөстис вёсни голөснас Ондrejaн. — Бара абу йортөмаось! Ставсё горас, некысь турунтё ытшкыштны лоо.

Сійо тэрыба матыстчис да резина пома крука бедьнас ожгис-кучкис мыжтом пемөслы кос вомоныс. Модыс виччысьтөмысла ляпмунли да сэтшөма рикөстис, мый Тереньлон чунавлісны пельясыс. А здук мысти чай чашкасё лоис пуктыны пызан выло: шытом серамысь сырмисны пельпомъяс, кияс. Сосед дворын заводитчис збыльысь спектакль. Доймөмысла да повзёмысла весьөпорём порсь риксигтыр уськөдчис пышйыны. Дерт, сійо кө вермис видзөдлыны вывлань, то ас водзсьыс аддзис козяинсё да бергөдчис модаро. Но од коньор порсь некор оз аддзыв енежсё. Буретш та вёсна торпеда моз төвзъысь розөвөй яй ёкмыль зурасис Митрей Ондrejaнлы дзоньвидза кокас. Тараныс вולי сэтшөм, мый Ондrejaн шняпкысис муо: чотысь кокыд омоль мыджөд. Порсьлон риксом, козяин-

лөн чилзём шемөсмөдiсны гортсаяссө. Отияс лякысны өшиньясө, мөдъяс ускьөдчисны отсавны.

— Чирукъяс! — вувзысис Öндреян гөтыр вылас. — Көнөсь бугыльясыд? Вайөй чер! Кутөй порсьсө! Пыр жө керала юрсө. Тайкө мөд кокөс калечитас. Көни черыс, шуоны!

Кодсюрө вешйисны ылөджык, медым эз сюрны крука бедь улө, пыльсьялисны-сералисны, а Öпрөсинья гөтырыс — гырысь лы сера ыджыд тушаа баба — пес чипас дорысь вайис колун.

— На, керав! Степа воипкежлө котлет вөчам.

Гөтырыслөн лөнъ гөлөсыс — ушат ва. Öндреян виньдылис здук кежлө, сэсся бедьнас грөзитчиг ещө ёся чилөстис:

— Чии-и-ирук тэд, ёма! Катлет ковмөма! А эсийө, чирукъяс, эня-пия онө көсийө жөритны! Бур йөзыс порсьсө сёр арөдз видзөны, дас пудйөдз быдтөны. А ти начкөй куим төлысьяөс... Рөзөритөй, чирукъяс! Иирөй менсьым кок сөнөс. Öщөпекавны эськө тэнө пыьдкөд...

Митрей Öндреян өвтыштис кинас, чотигтыр мөдiс магазинлань.

Но Тереньлөн серамыс эз нин пет. Вөлөмкө, вадорса катшаясыд абу весьшөрө китшкөмаөсь, суседлөн пиыс — Степаныс збыльысь локтө. Эз өд весьшөрө Öндреян мун магазинө. Тыдалө, курыдтор көсийө ньөбыштны карса гөсть воипкежлө. Терень пуктис ректытөм чай чашкасө да сьөкыда кыпөдчис пызан сайысь.

## МИТРЕЙ ÖНДРЕЯН

Андреян Дмитриевич Тюрнин, а сиктса ног — Митрей Öндреян — счетоводавлis колхозын, а совхоз котыртөм бөрын лоис отделениеса бухгалтерөн. Сиктын пыдди пуктана морт. Не кө артавны Кузнеч Тереньөс. Теренькөд найө важысянь нин оз вермыны видзөдны өта-мөд вылас. Митрей Öндреянлөн став чужөмыс юрси вужъясөдзыс ыпмунлис-гөрдөдлис, көр дум вылас усис, мый Икучев аддзылис, кыдзи сийөс ускөдiс кок йывсьыс порсьыс, кывлис гөтырыскөд зычитөмсө. Колө жө лоны тадзи. Терень синмысь немтор он дзев: горнича стенас нарошнө писькөдiс выль өшинь, медым

аддзыны, мый вöчсьö Митрей Öндрейн öшинь улын. А мöдарö кö, Öндрейн и ачыс таысь мыжа. Гражданскöй война помасьöм бöрын Терень бöрийс выль керка улас тайö гажа местасö, аслас батыслөн важ керкаыскöд орччөн. Шуйс стрöйтчыны и Öндрейн. Но кытчö? Сикт помö, вöрыскöд дзик орччөн? Кузнеч Терень кутас овны рай кодь гажа местаын, ю дорын, а сийö мöдас вердны ассьыс семьясö вöрса да нюрса номьяслы? Oz ло тадз. Öндрейн корис керка местасö Теренькöд орччөн. Мöвпнас кöсийс парскыны сийöс. Висьтавлим нин, мый Терень кыпöдiс керкасö важ моз, зумыда, кыдзи стрöйтчывлöмаось батьясыс да пöльясыс. Эз тадзи вöч Öндрейн. Вайис карысь проект. Кытсюрö вежлалiс. Вöчис ас ногыс. Туй вылö видзöдö куим öшинь. Сэсся лэптiс мöд судта. Керкаыс быттьö лоис зэв джуджыд да векныдык рыныш. Вевт улас чардак вöчис. Куим судта керка. Мöд судтаас балкон кöсийс лöсьöдны. Кык кер, кодьяс вылö колö вöли вольсавны балкон джоджсö, öни на чурвидзöны-видзöдöны воча сулалысь керка вылö. Öти кывийөн кö, Öндрейнлөн керкаыс орччаяссьыс ёна торьялiс, синтö вежис и помавтöм балконыс. Сийöс весиг дыр колльöдлiсны синнаныс ветлысь-мунысьяс да сиктö первойысь воём йöз. Ёсь кывьяс важөн лöсьöдiсны выль пöслöвича: «Вошöмторыйд сюрö сэки, кор Митрей Öндрейн аслас балкон вылас чай юны пуксяс». Ок и дöзмывлö тайö кывьяссö кывлöм бöрын Öндрейн. Гашкö нö öни вöчны балконсö, либö пилитны чурвидзысь керьяссö? Но эз вöч ни сийöс, ни тайöс. Öтн кывийөн кö, Öндрейн чорыда ньöрьялiс асьсö: öнöдз бура оз тöд, мый вöчсьö чардакас, кöни олöны нывьясыс. Чотысь кокнад сьöкыд весиг кыпöдчывны вылыс судтаса горничаöдз. Поссö крутöс вöчсьöма и. Прöступитчан кö, лысьöмтö верман чегьявны. Гöтырыс, Öпрöсинья, частö чуткывлö: «Аслыд смерть корсян посьяса керка лэптiн. Мир смек».

— Чирук тэд!— чилзывлiс сэки вöсныдык ёсь гөлöснас Öндрейн,— проект серти стрöйтöма. Вот тьöскөн кыша, балкон вöча, красита, мед суседöй завидысла потö.

— Майбыр жö нин Парасковьялы,— ышлолалiс Öпрöсинья,— дөрöм мыг кежсьыд позьö скöттö сёöдны. А миян öти мучитчöм: кöмасьтöгыд он видзöдлы

скөттө. Весиг асмогасынды лоо котөртны йөр вомөн.

— Сы мыйта тэ кодь пемыд бабаясыд и гөгөрвооны культурасө!— горзис воча Ондrejaн.— Ветлы каро либө лесопунктө, быдөнлөн торья карта, сарай да туалет. Сөмын миян сусед коддьомьяс оз гөгөрвооны тайөс. Кысь нө налы төдны культурасө? Тэнө эськө, чирукөс, өтлаөдлыны сыхкөд, прамөй рака гозья лоид...

— Бур вевт улад быдөн олас. Со тай Парасковья красуйтчө нэм чөжыс. Он кывлы шум ни зык,— эз сетчы гөтырыс.— А ми олөм жө олам. Чеччам зыкөн, водам — сідз жө. Съөд войнас сөмын и лөньялам... Коркө коть сикт кузяыс мекөд орччөн прөйдитлин эн? Юрид усьө. Мыйла сөмын бать-мамөй сетлөмаөсь тэ сайө?

— Бур ай-мамлөн и челядыс бурөсь,— дзыкөдз пузылыс Ондrejaн.— А тайөс тиян семья йылысь он шу. Ме весиг эг коравлы тэнө, чирукөс, ачyd сьылі вылө шыбитчин.

— Ме? Кын коска дыш гурдей вылө?— пузылыс Опрөсинья.— Вешйи син водзысь, а то гормөдчанала, мөд коктө калечита! Вунөдін, кызди ме бөрся вөтлысьлин? Сусед коравліс, да эг мун и...

Та бөрын Ондrejaн петавліс мөд жырийө либө ывлаө, медым лаймаліс-лөнис гөтырыслөн пуысь скөрлуныс. А рытнас найө пукавлісны өти самөвар сайын, быттьө немтор абу и вөвлөма.

И ставыс тайө артмывліс Кузнеч Тереньөс паркыны зільөм вөсна. Со и өні Ондrejaн вөсьлаліс лавкаө сусед йывсьыс мөвпьясөн. Ок и чорыд морт! Кымын во коліс сэсянь, мыйта ва визувтіс, а Терень оз вермы прөститны Ондrejaнлысь томруөн вөчлөм мыжсө. Дай колө на мөвпыштлыны, збылысьсө мыжыс эм али абу Ондrejaнлөн. Қадыс өд сэжи кутшөм вөвлі. Не миян коддьомьясөс сэтшөма дзенгыліс-кучкыліс ыджыд шыбельө, мый бөрсө кок йылас эз нин вермыны сувтнысө. Оз өд весьшөрө шуны, мый лөк мортыдлы честьө он во. Мыйла эськө, Тереньыслы өнөдз шыблавны Ондrejaнөс изйөн. Абу кө нин тыр мывкыда-а?

Сэтчө и пиыс — Степаныс карад эз инась. Мый кольөма татчө? Быдтіс, вердіс-удіс, көмөдіс-пасьтөдіс, академиясын велөдіс. Оз пукавсьы министерствоын, кысьсө татчө, сиктө. Онія том йөзтө велөдөмыд ловпу

нюкыльтём кодъ жё. Часлы, чируклы, воас да, Онд-  
реян петкөдлас на пуж. А курыдтортё, коть и лишнёй  
рөскод, быть босьт. Абу өд пыравтём керка. Питё  
видлысьяс лоёны. Опрёсиньялөн ставсё жаритёма и  
пражитёма. Чөскыд сёян дукуы со татчөдз нырад  
чапкё.

Магазин дорё воигён нин паныдасис Катякөд, Куз-  
неч Тереньлөн өтка нывкөд. Катя ылісянь на здоро-  
вайтчис. Но Ондреян скөр йывсьыд вунөдіс вочавидз-  
нысё, сөмын лөгысь мөвпыштис: «Кузь кока тури.  
Нэмсё вуй пиын туплясис. Төлкыс тай эськё эз жё  
ло да. Велөдчис, а клубса начальникысь вылөджык  
эз во. Тыртём юрөн кө чужсьылёма, бөрыннад вежөр-  
тё он сюй. Тыдалё, турныд төдө нин Степан воём  
йывсьыд. Сылы кузь кокъяснад ылысь тыдалё. Со  
тай — кызди дзирнясьё да вежнясьё, быттьё быд лы  
торъя дзир вылын».

Збыльысьсё Катя эз дзирнясь ни вежнясь. Тэр-  
масьтөг тшолксьөдіс-муніс джуджыд бөра туфлияс-  
нас моски кузя гортланыс. Веськыда кө шуны, Онд-  
реян эз өтчыдысь нимкодьясьлы суседлөн өтка нылөн.  
Катя — шань оласнога, кывзысьысь, пыдди пуктё  
олёма йөзөс, оз ышнясь, йөз дінө сибалысь. Туша да  
рожаыс абу жё кулитана. Ыджыд, ён. Чужөмыс сөс-  
тём и. Гортгөгөрсә уджтё вөчө жё. Оз усь кисьыс  
коса ни куран. Тайёс Ондреян төдө. Сусед синмысь  
немтор он дзед! Но Терень вылө лөгалём вөсна сійё  
өнөдз зільліс аддзыны Катялысь сөмын тырмытём-  
торьяссё. И көть мед кутшөма эз зіль, сьөд чутъяс-  
сё нывлысь аддзис вывті этша. Бур монь кодлыкё  
лоас. Сөмын тай верөс саяс оз тэрмась. Арлыдыс абу  
нин том, дай корасьысьыс эз нин өти вөв. Жаль, ты-  
далё, рөдимөй позсьыс лэбзыныс. А гашкё Терень да  
Парасковья асыныс кодөскө пыртны мөвпалёны? Сю-  
расны и татшөмъясыд: суседлөн кумъясыс да жыт-  
никъясыс абу тыртёмөсь. Тырмас, майбыр, том гозъя-  
лы нянь и сов, сөмын жыкруйт ов. Катяёс торйөн нин  
мичмөдісны паськыд синкымъяс, кузь син лысьяс да  
смоль сьөд юрсыыс, кодөс ныв новліс дженьыда, пөш-  
ти зонъяс моз. А оласногыс мамыслөн кодъ жё шань.  
Сөмын тай велөдчөмнассылөн эз ло ставыс сідзи,  
кызди көсийс. Среднёй школа помаліс шөркодя. Кык  
во чөж заводитліс пырны институтъясё, но эз вермы.

Сэссия өвтыштис кинас да мунис велөдчыны культурно-просветительной училищеё. Оні со сиктса клубын. Ачыс заведующой, хударук, баянист, а кор ковмас, и библиотекаын на ноксьывлө. Мамыс талы вөлі вывті рад. Ныв лоис гортын, син улын. Төдчис, мый батыс мөвпалө сідз жө. Сөмын сылы эджык во сёлөм вылас нылыслөн уджыс, корсюрө шульвліс:

— Том олөмыд катшалөн майөг йылө пуксьылөм дыра жө. Оні тэд, Катерина, лөсьыд. А пөрысьман да клубад оз кут чеччавсьыны.

— А мый вылө нө верөсыс?— шуткайн вочавидзліс нылыс.— Чайтад, век лоа тіян борд улын?

— Видзөд со, рөднөй дитяыд лишнөй нин лөма,— суйсьыліс сёрниө Парасковья.— Ок, Терень, Терень, кор бара тэнад из сёлөмыд небзьылас...

Терень водзө эз вензьыв, зільліс саймовтчыны эняныла син улысь. Колө шуны, мый бөръя воясө сійө вежсис, эз нин бунтуйтлы ёнасө эня-нылалы воча, кодъяс зілісны ас ногныс мичмөдны керка пытшкөсө. Ас вөчөм лабичьяс, пызанъяс, улөсьяс вочасөн кутісны вежны мебельной мастерскойын вөчөм көлуйөн. Ас кыөм джодж дөраяс колісны сөмын посводзө да кильчө помө. Пыді жырийын, көні оліс Катя, джоджын пласътвидзис-куйліс ыджыд ковөр. Катялөн вежөсыс өні омөля торъяліс жарса мортлөн оланінысь. И Терень ачыс вөлі рад талы, көть и некор эз ошкыв эня-нылалысь зільөмсө, но и эз пыксъыв, корлісны көсьөм вьльтор лөсьөдөм вылө.

— Деньгаыс өд абу дзебасын,— веськодя шульвліс көзяин.

А эня-нылалы тайө и коліс. Катялысь вежөссө вьль ног лөсьөдөм бөрын ыджыд горничаө воис зеркалөа шкап. Но Терень бытьө эз казяв сійөс. Важ мозыс сувтлывліс тускмөм стеклөа ыджыд рөмпөштан водзө, код вылын өшаліс вышивайтөм кузьчышъян. Но кор эз вөвны гортын эня-ныла, сэки шыш моз матыстчывліс шкап өдзөсын лөсталысь ыджыд вьль зеркалө дорө, дыр видзөдіс аслас дзормыны заводитөм уска-тошка чужөм вылө, нимкодя ышлолавліс:

— Да, добра лөсьөдысьыд — морт, а сійөс видзны да донъявны кужысь — кык пөв морт. Эк, пөрысьлуныд тай со оз юась, кор сылы вонысө. Оні кө эськө вьльысь аддзысьлыны том дыркөд...

А мыйон кывліс посводзысь нывбабаяслысь небы-  
дик кок шыяс, тэрыба вешйывліс зеркалоа шкап до-  
рысь. Со и они лоис вочны тадзи жё: кильчө пос по-  
мын быттьө кутіс тотшкөдны-локны көза. Тайө Катя.

— Мам?

Батьыс вештіс ныр увсьыс газет, вочавидзис:

— Абу өмөй мөс лысьтан кад? Регыд воас. Гажыд  
бырис нин. Кадыд тэнад век пожийн: самөварыд  
көдзалис.

— Некор, тять, некор,— нюммунис Катя.— Заво-  
дитчас көдза, дасьтам концерт. Кутам ветлөдлыны  
бригадаясти...

— Гырйын ва тойны кутад,— броткыштіс батьыс.—  
Бурджык эськө лоис, гөр юрө кө кутчысид. Век нин  
немас — дөмас...

— Тять, тэ век на важ мозыд мөвпалан,— аслас  
вежөссянь вочавидзис нылыс.— Они өд оз сөмын нянь  
кусөк шедөдөм йылысь мөвпав мортыд... Они со мый  
шуоны: долыда овсьө — зіля уджавсьө.

— Ти коддьөмтө они көш ваад он пөдты,— эз сет-  
чы Терень.— Велөдчинныд. Кывтө оз ков, майбырөй,  
корсьны зепсьыд. Но, ме думысь, главнөйыс век на  
вөвлі и лоас — нянь.

Мукөд дырйи кө, гашкө, и Катя вензыны на ку-  
тіс. Но талун сійө быттьө мыйкө воштөма. Ноксис  
аслас вежөсын, петалис кильчө вылө, кылө, пыралис  
кумө.

— Төрытъя лунсө али мый корсян?— дөзмис ба-  
тьыс.— Чайыд, мися, көдзали.

Но Катялы, тыдалө, вөлі не чай юөмөдз. Со чот-  
ликтіс-локтіс лавкаысь Митрей Ондреян. Одва сійө  
удитіс пырны гортас, сусед завор дорө сувтіс брезент  
вевта легкөвөй машина, кытысь тэрыба петіс ыджыд  
тушаа, сажень пасьта пельпомьяса том морт. Сійө  
вөлі руд костюма, зеркалө моз лөсталысь виж ботин-  
киа, лым еджыд дөрөма. Рыжөй рөма кузь юрсиясыс  
шавъялісны. Неуна гөрба кузь ныр, вом дорьясыс  
кызөсь, быттьө неуна польдчыштөмаөсь, кымөсыс  
джуджыд, кутшөм овлө вежөра, мывкыд-йөзлөн.

«Багатыр,— невөляысь мөвпыштіс Терень. И быт-  
тьө кодкө нёныштіс морөспань увсө.— Печораса вир.  
Мам рөдас. Абу яндзим татшөм пиыдкөд сикт кузя  
прөйдитны».

Но сэж жö усис дум вылас, мый тайö Митрей Öн-  
дриянлөн пи. И сьölöмыс кöдзалис, мөвпъясыс веж-  
сисны: «Эн видзöд чужöм вылö, видзöд сямьыс вылö.  
Эз öд весьшөрö лок карсьыд. Тыдалö, батыс кодь  
жö ерепенитчысь да кокни руа. Со и эз ладмы, лоис  
татчö воны. Куйöд пиад луасьöмыд öд абу на перö-  
ручкаөн вöдитчöмыд да мукöдöс кесйöдлöмыд. Ви-  
дзöдлам, мый тэысь артмас».

Қор Степан, суседлөн пиыс, кисö инмöдлытöг чеч-  
чыштис завор вомөн да босьтис шофёр киысь чемо-  
данъяссö, сöмын сэжи воссис Митрей Öндрейанлөн  
кильчö öдзöсыс, кытысь чепöсийсны Степанлөн кык  
ичötджык чойыс да öшйисны сылы сьылиас. Дина да  
Тина вöлины вокыс кодьöсь жö ёнöсь, еджыдöсь, быт-  
тö шобдi пызысь пöжалöм кöвдумъяс. Найö чужлö-  
маöсь двöйниөн. Велöдчисны öкмысöд классын. Қык-  
нанныс öткодь ситеч платтьöаöсь, гөрд сандалиаöсь.  
Нывъяс бөрсаяс, пöжсьысь курөг моз клуксиг, уськөд-  
чис кильчö вывсянь и Öпрöсинья. Водз дöранас синъ-  
яссö чышкалиг матыстчис да топöдчис пиыслы морöс  
бердас, а мöдыс гырысь да ён кияснас видзчысьöмөн  
малалис мамыслысь рыжöй рöма жö жебмыны заво-  
дитöм юрсисö.

«Быттö дас во абу аддзысьлöмаöсь,— мөвпыштис  
Терень.— Қольöм гожöм на гортас волис-а... Дивö,  
Öндрейан ачыс стынысь лöсыштöм чаг кодь, а челя-  
дыс чурки-буди...». Сэжи сьлөн друг ёвкмуни сьölö-  
мыс: машинаысь петöм бöрын Степан эз весиг чöвтлы  
видзöдлассö Терень керка вылö, а мыйөн воис кильчö  
дорас, быттö сувтовкерлис да кöсöйтчылис сусед  
öшиньяслань. Быдсөн пузыылис Терень, но öд таысь  
том мортöс он вомав. Йöзыс серамыв лэптасны. Сö-  
мын сэжи казялис, мый горница шöрын йöv тыра пö-  
дөнчаөн киас сулалö гöтырыс да сы моз жö видзöдö,  
мый вöчсьö суседъяс öшинь улын. Сöмын некөн эз  
тыдав Қатя. Сылы, тыдалö, Степанлөн воöмыс вöли  
веськодь.

— Цирк али спектак аддзин?— мурöстис гöтыр  
вылас Терень.— Пöдөнчаад лёльö чужö.

Но Парасковья мунис сысьясыны век жö сöмын  
сэжи, кор сусед пилөн, Степанлөн, мышкыс саялис  
кильчö öдзöс сайö,

А тайё кадö Митрей Öндрейнлөн вылыс судтаын горничашöрса ыджыд пызан чегис сёян-юанысь. Чöс-мась, мыйта лолыд лэптас. Öпрöсинья нималис сиктын бур пуысь-пöжасысьöн. Сылөн пачад няньыд эз удзмыв ни эз сотчыв. А кызди нö он старайтчы пи воигкежлö. Сöмын сёян-юан дуксыс да кöрсыс пöтан. Степан мыссиг да вежсиг кості гортсаяс мерайтисны гöснечьяс. Дина — чулки, Тина — кöсынжа, мамыс — платтьö дöра. Сöмын Öндрейн пукалис öшинь дорын да корсюрö кöсöйтчывлис ичöтик пызан вылын куйлысь нейлонöвöй дөрöм вылö, но киас эз на босьтлы.

Сэж кості воис видлыны гöстьöс и воча керкаын олысь Илья Мальцев, бригадир, олöма жö нин мужичöй. Сійö видлалис нейлон. Он гөгөрво, ошкис али кулитис сійöс:

— Олём жö пуксис. Важөн тайöс и вöтавныд эг кужлöй. Оз нин ков, майбыр, шабдi ни пыш быдтыны. Нефтьысь артмö дөрöмыд. Интереснö, мый лоö, пась-талан кö сійöс да төвся морозьяс дырйи сулалыштан посводзад.

— Сійöс öд, Илья дядь, новлöны пинжак да пальто улын,— гөгөрвоöдис Степан.— Химияыд, Илья дядь, чудесаяс вöчö. Регыд гөрны ни кöдзны оз кут ковны, химия отсөгөн вöчасны нянь и чери пöк...

— Донъясьтöг, Öндрейнович, мöдлапöлас эн вудж,— серöктис бригадир.— Нянь-совтö, ме думысь, сöмын земля-мати сетны вермö.

— А нефтьыс нö кытысь? Му вый öд сійö.

— Тi вокыслы öд, мый дурнö, сійö и пöгешнö,— скöрысь шыасис батыс.— Клевер — нэмыс вöвлi медбур турунөн, а öнi мöдисны бырöдны сійöс... Вежöра морт öмöй вермас вöчны тадзи. Тэ, гашкö, и нöшта писькöс — йöзсö нефтьөн мöдан вердны-юктавны. Кытчö нö сэжи ми воксö, крестьянинсö, воштасны?

— Кодöс пенсия вылö, бать, а кодöс и музейö,— сералис Степан батыслөн кодь жö руд синьяссö чикрöдлiг.— Тi ассыныд пайнытö вöчид нин. А клевер да тимофеевка вöснаыд нö мыйла тэнад кынöмыд висьö? Мöд делö, шуам, Илья дядь, а тэнад дебет да кредитыдлы веськодь, кöть мый мед быдмö му вылад.

— Веськодь!— румжа-мöд юём бöрын гажмыштöм Öндрейн сувтöдис синсö пиыс вылö.— Чирук! Мышкуö

коть небыдїнад кучкы — ѳтлао инмѳ. Бырѳдам ко клеверсѳ, мыйта убыткасѳ босьтам. Тайѳс бухгалтерыд первой аддзѳ.

— Да...— ышловзис тшѳтш и Мальцев,— абу окота пызан сайын казътывныс, но быть: выль культураяс писъыд кодсюрѳ уналы задъяс йикиѳн пырис.

Писъыс гажыс бырѳм мамлѳн нюокрасис съѳлѳмыс. Сийѳ и видзѳд — ая-пиа венѳ воасны; раминика шуыштіс:

— Оз ѳмѳй позь бур ног сѳрнитны? Во чѳж эг аддзысьлѳй, а мыйѳн пырис гортѳ, тшетшйысьны кутід.

Степан паськыда нюоммуніс, меліа инмѳдчыліс мамыслѳн киясѳ, кодъяс вѳліны эз сылѳн кодъ сѳстѳмѳсь да еджыдѳсь, но сѳтшѳм жѳ гырысьѳсь да ѳнѳсь.

— Ѳні ме, мам, пыр лоа гортын. Регыд на и дѳзманныд.

— Нѳшта мый?— заводитіс чышкавны синъяссѳ Ѳпрѳсинья.— Кылан, бать, мый шуѳ? Да кызди нѳ вермис татшѳм мѳвпыс воны тѳныд, Степанушко, юрад? Ов да ов. Патераыд абу ичѳт. Бур ногѳн ставѳн тѳрам. Весиг гѳтырыд и...

— Қок пѳлѳн на воськовті порог вомѳн,— гулыда серѳктіс Степан,— а ті нин гѳтравны. Қолѳкѳ, и невестасѳ бѳрйид?

— Сюрас, майбыр, сийѳ добраыд,— суйыштіс Мальцев.

— Учительшаяс эмѳсь, врачъяс и,— содтіс Ѳпрѳсинья,— тѳлкаѳсь, вежѳраѳсь. Қѳть талун корась...

— Ѳдвакѳ найѳ видзѳдласны ме вылѳ,— зѳв збыльысь шуис Степан.— Бать и то скѳралѳ аслас туйтѳм пи вылас: кар вежис сикт вылѳ. Сідзи, бать?

Митрей Ѳндреян неуна чуймис, мый пиыс тѳдмаліс сылысь гуся мѳвпъяссѳ, но эз зіль дзебны дѳзмѳмсѳ, коть и пызан сайын пукаліс бокѳвѳй морт Илья.

— А мый коть и сідз,— сѳмын шуыштіс сийѳ.

— Помѳдз нин вайѳд мѳвптѳ, бать,— водзѳ нуѳдіс сералігтыр Степан,— быдті, велѳді академиясын, пѳсьѳс эг жалит, а тѳ весиг министерствоын эн ло шогманаѳн... Татшѳмѳсь тѳнад мѳвпъясыд, бать?

— Чирук тѳд!— чилѳстіс Ѳндреян, кодлѳн ѳбидасы ылькнитіс тырѳм бѳчкаысь ва моз.— Вай вежсьылам местанад, мый эськѳ тѳ, пиук, кутан сьывны. Ме

өд тэнад кутшөмкө да бать жө... Мый тэ эн аддзыв сиктсьыс? Өні бать-мамыс повзьөдлөны кывзысьтөм челядьөс совхозса уджөн, а тэ ачыл корсян сійөс. Та бөрын тэнө өдвакө кодкө шуас прөсужөн. Мувывса полөкалө, со тэ коді, пиук!

Бригадир Илья зілис лаймөдны дөзмөм Өндрея-нөс, заводитліс кежөдны сёрнисө бокө:

— Директорөн мөдөдісны, Өндреянович?

— Босьт улөджык.

— Главнөй агрономөн?

— Полөкалөястө сэтчө оз индыны.

— Отделениеса управляющөй?

— Илья дядь, тэ өмөй аддзылін, медем көнкө отделениеөн веськөдліс йөй морт? Ме — радөвөй агро-ном. Кута вөдитны кормөвөй культураяс...

— Радөвөй?..— чеччыштіс местасьыс Өндреян, кватитіс крука бедьсө. Чужөмас шыбитчис став вирыс. Сійө лоис лөзовгөрд рөмаөн, сөнъясыс польдчисны. Вот-вот потасны.

— Велөді, быдті... Со кузнеч Тереньлөн көть ны-лыс клубса начальникөн лоис, а тэ — радөвөй. Көть му пырыс мун!..— чилзіс Өндреян да зілис кыпөдны бедьсө пызан весьтө. Но сійөс кутіс Мальцев.

— Бать, мый нө тэкөд бласлө кристос лоис?— кев-мысис Өпрөсинья.— Тадзи сёрнитны аслад пиыдкөд йөз дырйи? А мыйла мыжмис Катаяс? Ті Теренькөд йирсьөй, а миянөс эн вөрзьөдөй.

Сэсса тай кыдзи вувзысяс Өндреян вылө:

— Төкаритін! Синмыд омөльлөн кодь лоис, он ад-дзы, коді тэ водзын пукалө. Оз на ков вөтлөм, Степа-нушкоыд аддзас местасө: шонді югыдыд паськыд...

И Өпрөсинья заводитіс действующитны. Сійө вөлі ёна ыджыдджык Өндреянысь, ыджыд тушаа, кыз да ён, сой вына нывбаба. Өндреян эськө и кватитчис, но вөлі сёр: гөтырыс нетшыштіс крука бедьсө, мыськовтіс-кучкис верөсыслы мышку кузяыс. Сэсса ылөдз шыби-тіс сійөс, а чужъясьысь көзяинөс аканьөс моз топөдіс морөс бердас да петкөдіс мөд жырийө.

— Чирукъяс! Ставыд өтвыв,— чилзіс Өндреян.— Ме петкөдла тіянлы пуж... Чирукъяс...

Өдзөс крапкыссис-пөдлассис. Чөйяс пыльснитісны-сёрөктісны, но Степан стрөга видзөдліе на вылө. Тайө

вөлі тырмымөн, медым найо чепөсйисны пызан сыйысь.

— Эджык артмы сідз, кызди колө,— ышловзис Мальцев да мыжа морт моз видзөдліс Степан вылө. А модыс сөмын нюммуни:

— Он өмөй төд сійөс, Илья дядь? Здук-мөд мысти шөвк кодь лоө. Дерт, өбиднө батылы, но өд сійө, Илья дядь, оз төд менсым мөвпьясөс.

## СТЕПАНЛӨН МӨВПЬАС

Тувсов войяс югыдөсь. Пужсы кильчө вылад да көть лыддысь. Ёна и гажа татшөм кадас сиктын. Том йөз кө төвнас жмитчөны клубө, коді сулалө гөра чурк йылын, пөшти дзик сикт шөрас, то өні найөс сэтчө он кыскы. Отияс йөктөны клуб дорө вөчөм площадка вылын, көні ворсө баянист либө радиола, мөдьяс волейболасьөны, коймөдьяс лэчөны джуджыд нөрыс йылө, код улын шлывгө-визувтө паськыд ота ю, а мөдар берегас лөзалө пом ни дор шылыкнитчөм парма.

Степан, ужнайтөм бөрын, көть и вөлі мудзөма, петіс пальөдчыштны. Ывлаас ыркыд на, лоис павкнитны пельпом вылас пинжак. Унджык керкаясын мудз йөз узисны нин. Сынөдын гыөн ветлісны клуб дорын ворсысь радиолалөн шыясыс. То ылыстчыласны, то матыстчыласны. Степанлы эз ло окота кайны клуб дорө: кажитчис, быттьө став сиктыс нин төдө батыслөн кампужитчөм йылысь, вермасны серамвыв лэптыны. Тани өд абу карад олөмыд, йөзсыд немтор он дзеб. Он на куж думыштны, а йөзыс төдөны нин.

Дерт, батыслы өбиднө. Но вермис өмөй вөчны Степан не сьөлөм тшөктөм сертиыс. Дай батыс ачыс мыжа жө. Эз өмөй сійө сэтшөм мичаа висьтавлы чужан мулөн да вөр-валөн озырлун йылысь, сьлөн мичлун йылысь? Бөрынджык Степан ачыс кутіс кывны тайөс, кор школаын велөдчигөн на мөдіс шөйтны пицальөн парматі либө кыйис чери. Прөмыс, дерт, прамөй эз сюрлы, утка гоз кө вайлас гортас и шань. Дай Степан ачыс эз зільлы виавны вөр-ваын олысьясөс, кийс эз кыпты на вылө. А сиктса войтырлысь уджсө сійө радейтліс ичөтсянныс, Позьө өмөй вунөдны арся

лөнъ рѣтъяс. Шондѣыс нѣрѣ вѣр пуяс йѣвлань, оз нин сот, а сѣмын малалѣ шонѣднѣс. Мудзѣм вѣвъяс сѣкыда кыскѣны лобогрѣйка, а Степан куранѣн лѣдзалѣ и лѣдзалѣ машина площадка вылысь ид либѣ зѣр чукѣръяс, кодъясѣс гора гѣлѣса нывъяс да лабутнѣй бабаяс йѣнавлѣны кольтаясѣ.

Нѣшта некымын кытш, и му вундыссис. Степан кѣзѣин моз чеччѣ пуклѣс вылысь, нюмъялѣ:

— Талун кежлѣ шабаш!

Мудзѣм йѣасъясъяс атъѣалѣмѣн видзѣдлѣны томиник Степан вылѣ, вашъялѣны, гожъялѣмысла сир тѣлѣѣб кодъ чужѣмъяс выланѣс едждѣдѣны сѣмын пиньясыс.

Степан тѣрмасътѣг, верстъѣ мужик моз, вѣсьлалѣ бортѣ, сиктлань, нѣылѣ мунѣм бѣрын бергѣдчылѣ, горѣдѣ кольтаясѣсѣ порсъясѣ тѣчысь йѣасъясъяслы:

— Аски эн сѣрмѣй! Додъясѣм водз.

Степан кылѣ асъѣ кѣзѣинѣн. И гортѣс ужнайтѣгѣн сѣдз жѣ. Сѣйѣ сѣйѣ аслѣс кыясѣн идралѣм нянь. И бѣтѣмамыслѣ зѣль пѣыс воѣ сѣѣлѣм вылас. Степан гѣгѣрвоѣ тайѣс сы сертѣ, кутшѣм видзѣдласъяс чѣвтлывлѣ сы вылѣ бѣтыс, кыдзи пызан сайын тѣждысьѣ сы вѣсна мамыс.

А верман ѣмѣй висътавны сѣйѣ кыпѣдлун да гажлун йѣылысь, кодѣ век овлѣ страда кадѣ, турун пуктѣгѣн да силосуйтчигѣн. Абу удж, а праздник. Сынѣдѣыс кутшѣм! Лолыштан и пѣтан. А рѣтнас воан гортѣд мудзѣмысла да долыдысла бытъѣ сур юѣм бѣрын.

А кутшѣма радѣйтѣс Степан вѣвъясѣс. Сѣки колхоз на вѣлѣ. Кызвын уджсѣ вѣчлѣсны каркоюс да рыжкоюс. И Степанлысь пѣмѣсъяс бура кыззысьлѣсны. Налѣн бригадаас вѣвлѣ кык арѣса кодзтѣм уж. Сѣйѣс додъявны некод эз смелмѣдчыв. Парпонь дай сѣмын. Гуляйтѣ да жѣритѣсѣйѣ. Бурысьыс шырлѣтѣмысла кок улѣдзыс, зад вылыс кѣрымсялѣмысла вожалѣма, гѣныс лѣсталѣ. Синъясъыс матыстчысь морт вылѣ кодзлалѣны бѣа ѣгыръяс моз, сѣйѣ и видзѣд, медым эз сѣт-курччы амысь кодъ гырысь да ѣсь пиньяонас. Додъявны тайѣ вѣвсѣ некод эз лысьтлы, а Степан пѣкѣритѣс сѣйѣс. Дерт, конюк отсѣгѣн жѣ-а... Ноксисны бѣдса вежон. Первойсѣ, кор уж сьылѣѣ шыбитѣсны петля, сѣйѣ, йѣйыд, тѣкѣтъѣ эз джагав, куимысь ли нѣлысьыс усълѣс пѣдзѣс вылас. Конюк тшѣктѣ нин вѣлѣ

эновтчыны: вузалам пö чигангьяслы, таысь пö тöлкыд оз ло. Но Степан эз лэччысь. Воюйтис кузь бурься ужкöд. Кыкнанныс мудзлісны сідз, мый көть места вывсьыс оз вөрзыны, сöмын видзöдöны öта-мöд вылас. Уж скöра, лöга, а Степан — көзяин моз чорыда, но меліа. И век жö морт вермис. Вежон мысти Степан доддяліс ужöс. Но та бöрын на сійö тöлысь кыккуим некодöс эз пуктыв пыдди Степанöс кындзи. Доддясигөн нывбабаяс частö на чукöстлывлісны том Тюрнинöс.

— Бур и зоотехник лоас тэысь, Степа,— частö шулывлісны йöзыс. Но Тюрнин лоис агрономöн. Та йылысь некодлы эз висьтавлы водзвыв. Весиг школаын кор гижисны «Кодөн көсьян лоны» сочинение, дзебис ассьыс көсьöмсö, гижис, мый велöдчас инженерö.

Сельскохозяйственнöй институт помалöм бöрын во уджаліс Министерствоын. Сэні кызвыныс олöма специалистгьяс. Вöвлöмаöсь опытнöйöсь, делöсö тöдысьясөн. Но вочасөн пöрöмаöсь канцеляристгьясö. Дерт, абу жö ставыс сэтшöмöсь. Но пöшти унджыкыс. Пукалöны креслöясас шашаритчöмөн, медым сöмын местасö оз мырддыны. Тадзи кажитчис Степанлы. Унаысь вензьывліс ёртгьясыскöд, весиг отделса заведующöйкöд. Том агроном эз öтчыд кыпöдлы сёрни колхозгьясö, совхозгьясö, матöджык йöз дорö мунöм йылысь, медым позис уджавны творческöя. Но окотытьяс эз вöвны. Ставсö бергöдлісны шмонитöмö. И сэки отделса зав чуткис Степанлы:

— Тыртöм мельнича моз изан. Пель нин съöдмис. Петкöдлы пример. Öні тайö модаын. Гашкö и тэ бöрся вöтчысьяс лöбны.

Тайö эз вермы не парскыны Степанöс. Вöзйысис сійö рöднöй районö. Сыкöд тшöтш эновтисны отдел нöшта кык специалист.

Но вöлі ещö öти помка, көть и та йылысь олісны чöв. Йöз корсисны выль туйяс, медым öдйöджык кыпöдны видз-му овмöс, медым вöчны унджык йöв, вый, яй. Тайö могсö он вермы пöртны олöмö, оз кө ло лöсьöдöма тырмымөн көрым. Оз öд весьшөрö шуны йöз пöвстын, мый мöскыдлөн йöлыс вомас. А буретш вомас някляланторсö и колö лöсьöдны му вöдитысьяслы öтувгья вынгьясөн.

Бөръя кадö чорыда босътчисны тайö делöас. И вывтi бур. Сöмын тай öткымынъяс вунöдисны, мый матысса идзасыд бурджык ылысса турунысь. Виль кормöвöй культураяс, кодъяс войвывса муяс вылын сетасны озыр урожайяс, дерт, колöны. И найöс колö вöдитны. Таысь бур кындзи немтор оз ло. Но мыйла нö кодзöны сэтшöм культураяс, кодъяс йылысь тани некор эз кывлыны, кодъяс эз быдмывны не сöмын республикаса войвыв да шöр, но и лунвыв районъясын. Мыйла кедзовтны сэтшöм культураяс, кодъяс важысянь овмöдчисны татчöс муяс вылö, пöрисны сэтчöс кöзяинъясö. Татшöм культураяслысь кодзаяс чинтöм да бырöдöм сöмын жебмодас кöрым базасö.

Кыптывлiс сёрни отделын и та йылысь. Но опытнöй специалистъяслөн вомас сэки быттьö кынмывлiс ва. А заведующöй шульвлiс:

— Ветлы опытнöй полеö, кöни уджалöны миян учёнöйяс.

— Учёнöй быдтö лунвывса культурасö некымын дас квадратнöй метр вылын,— вензьылiс Степан.— А совхозын сийöс ковмас кодзны уна дас гектар вылö. Вот сэтчö и колöны опытнöй да делöсö тöдысь специалистъяс. Сэки эськö виль культураясыд öдйöджык паськалiсны, кутiсны сетны озыр урожайяс да лоисны татчöс кöзяеваясөн. Абу öмöй гөгөрвоана тайö? Весиг тешкодь кывзыны, кор тi пинясьöмөн да видчöмөн тшöктад совхозъяслы вöдитны татшöм культураяссö, а асьныд сöветъяс кындзи практическöй отсöгсö он сетö. Сэсся мыйлакö онö кодзöй зöр, аныкытш? Найöс нэм вöдитлiсны тани... Ярлыкысь полад али мый? А зернövöйяс? Комбикорм ваяд, а нянь он вöдитöй.

— Мунан районö, заводит вöчны ас ногыд,— серавлiс отделса заведующöй.— Сöмын эн чепöсийы пырысьтöм-пыр, а то верман пуö люкасыны, доймыны. А ярлыксыд, зонмö, век жö виччысь. Öшöдасны кö сийöс тэныд, ме паяд ог пыр, кöть и пыдди пукта тэнö да гөгөрвоа мөвпъястö. Прöст кадад зэвтлы плешсыд кучиксö, думайтышт. А дзикöдз кö вöйны кутан, а тайö вермас лоны тэнад оласногөн, горöд, кöть кутшöмкö потш пом мыччам.

Да, Степан эз вермы тшöктыны йöзлы вöчны сийöс, мый эз волы сьölöм вылас. Эз вермы видны мортöс вöчтöм мыжысь. А кызди сэсся уджалан Мини-

стерствоад? Со и лоис янсодчыны Сыктывкаркөд. Мунигас Степан ёртъясыскөд сетисны кыв — кутасны уджавны сөвесьть тшөктөм серти.

Но, вөлөмкө, тайёс вөчны абу кокни. Совхозса директор, партия райкомса вөвлөм секретарь Иван Николаевич Турьев, кабинетас эз вөв өтнас. Сэни пукалис и главнөй агроном Селиверст Никитич Патов. Иван Николаевич шөркодь тушаа, кызиник, лөсталысь кушюра, ар ветымына морт. Кокъясыс дженьыдөсь. Ветлөдлө тэрыба, тюръялө быттьө ртуль войт. Киясыс кызиникөсь, небыдөсь, чуньясыс дженьыдикөсь. Здоровайтчигас кисө сюйө тэнад кабырө зырийёс моз, оз и топөдышт. Быттьөкө тайёс вөчнысө колө сөмын сыкөд киясысылы. Руд гача, вышивайтөм юрийыла плотно дөрөма. Сосьяссө пуджөма. Кокас — боквылас таялөм бөра брезент тюпель, кодлысь рөмсө сьөкыд гөгөрвоны.

Селиверст Никитич, косиник, вертляв мужик. Мугов. Смоль сьөд юрсиясыс быдмөны пөшти синкымъяс дорсяныыс. Та вөсна кымөсыс кажитчө ляпкыдикөн. Видзөдласыс сюсь, быттьө корсьө тэнсьыд кутшөмкө тырмытөмторъяс. Кабырыс чорыд да ён, көть и чуньясыс вөснийөсь, косөсь. Сы вылын лада пукалысь сьөд гимнастёрка, сэтшөм жө гач, кодөс сюялөма ляпкыд гөлөня кучик сапөг пытшкө.

— Пуксьөй, висътасьөй, Степан Андреевич, — заводитис директор. — Ми буретш төлкуйтим вын-эбөс тырмытөм йылысь, а со тэныд — отсөг, да нөшта кутшөм. Министерствоса специалист! Тайё, Никитич, збылысь козин. Онї көть тэа-меа кокниджыка лолыштам.

И друг Иван Николаевич мудера читкыртис еджыд лысьяса синсө да юалис:

— Диссертация көсьяд гижны?

Степанёс тайё неуна шөйөвоштитис. Эз воны сьөлөм вылас и директорлөн первой кывъясыс. Абу серьёзной сёрни.

— Водз на сёрнитны та йылысь.

Турьев весиг чеччыштлис места вылас:

— Стөча шуөма. Миян совхозысь лыдпасъяс да фактъяс оз на шогмыны, медым найё веськалисны научнөй трудө. Ми сөмын на Никитичкөд пуджим сосъяснымөс, медым коркө лоины татшөм лыдпасъяссыс.

Чайтам, мый и ті отсалад, Степан Андреянович. Ме абу аграрник. Никитич — практик. Правда, заочнӧя помаліс техникум. Век корӧ мездыны главнӧй агрономысь. А мортыс абу. Кӧть сэсса мый вӧч... Степан Андреянович, гашкӧ, ті пуксяд сы креслӧӧ? Вот тайӧ мӧвп! Мый шуан, Никитич? А?

Степанлы лоис зэв немкӧ. Весиг гӧрдӧдыштис. Тайӧ ловъя гӧтыр дырйи корасьӧм кодъ жӧ. Кӧсйис нин шуны, но терпитис.

— Ме ӧд абу челядь, Иван Николаевич.— Степанлӧн гӧлӧсыс забеднӧысла мӧдіс весиг дрӧжжитны.— Тіян совхозад туйыс оз на помась...

— Вот тэныд и на. Йӧрш дай ставыс. Кылан, Никитич, «Крокодил» журналын моз жӧ и артмӧ. Воліс том специалист, эз сетны газа да водопровода квартира, бӧр усйысис. Сӧмын бӧжсӧ аддзылісны.

— Ме пышйыны ог лӧсьӧдчы, но...

— Ме ӧмӧй тіян йылысь сӧрнита?— быттьӧкӧ чуймис Турьев.— Ме жӧ журнал йылысь. А квартирайд, Степан Андреянович, миян и збыльысь абу. Қовмас кутшӧмкӧ пӧчӧ ордӧ овмӧдчыны. А ватӧ кыскавны карнанӧн. Слабог, пельпомъяс вылад норасьны оз позь. Быдтылӧма-пӧлявлӧма кодкӧ.

Оланінъяснад дзескыд. Ме — директор, райкомса вӧвлӧм секретарь, а пукала дзирнясьысь улӧс вылын. Гӧтыр ӧтарӧ сакӧ-пинялӧ: быд лун лоӧ коньӧрлы ема сунисӧн котравны ме бӧрся да дӧмлыны стулӧн орыӧдлӧм гачӧс. А Никитичлӧн и кабинетыс абу. Став специалистъясыс ӧтлаын гудрасьӧны. Со тэныд и творческой обстановка.

Кутшӧмджык театр, позьӧ тӧдны паськӧм пӧрччанінын на. А совхозтӧ, ме думысь, контораӧ пырӧм бӧрын. Лоасны и миян дорожкаяс да ковӧръяса кабинетъяс. А ӧні быть на ов вӧньтӧ зӧлӧдыштӧмӧн. Первой стрӧйтам специалистъяслы керка, а сэсса и...

— Степан Андреяновичлы оланін оз ков,— вӧлисти шыасис главнӧй агроном.— Сійӧ орчча сиктысь. Вит верст и эм. Тайӧ ӧд отделениеса бухгалтер Андреян Дмитриевич Тюрнинлӧн пи.

Турьев чеччыштис улӧс вывсьыс сідз, быттьӧ кодкӧ бытшкис шылаӧн, а ичӧтик вомыс лоис «о» буква кодъ.

— Но-о... А ме чайті... Тюрнин төлка да вежора специалист. Не сөмын бухгалтер, но и вермас экономистос вежны. Видзөдлам өні сылөн быдтаслысь киподтуйсө. А тэ, Никитич, сэтшөм жө: позис өд соскөд кыскыштны либө кок лапа вылө тальччыны.

Кыкнанныс гажаа серөктисны.

— Прөстит, Андреянович,— сэсся шуис Турьев.— Ми вокыс өд мукөд дырйиыс сконъяслам жө. Аски шойччы. Сэсся удж вылө. Гортад мунан менам машинаөн. Да... А век жө кутшөм тэнад, кыз шуасны, узкөй специальноетьыд? Кормөвөй культураяс? Буретш татшөм мортыс и эз вөв. Но, Никитич, өні миян выль кормөвөйясыд мөдасны муяс вылад стенөн кайны.

— А менам на вылө аслам видзөдлас,— друг артмис Степанлөн. Казяліс мый лишнөй шусис, но петөм кывтө он кут. Директорлөн чужөм вывті быттьө котөртис вуджөр. Раминика вочавидзис:

— Олөмыс петкөдлас. Но тшуп нырад: көрым колө. И та вөсна медводз кыв кутны кутас Степан Андреянович.

Степан кутшөмакө төдіс главнөй агрономос. Совхоз котыртсътөдз Патөв агрономавліс орчча озыр колхозын. Сійө нимавліс сэки төлка специалистөн. Степанлы зэв эз вөв лөсыд сысянь: позьө өмөй ошйысыны первой лунсянь. Збыльысь, челядь ру. Но Селиверст Никитич быттьө эз казяв тайөс.

Степан юрын жуисны мөвпъяс. Эз и казявлы, кызди кокъясыс вайөдісны вадорса чурк йылө, кысянь ылөдз тыдаліс гөгөрбок. Кодкө важөн нин вөчлөма татчө скамья. Унаөн мөвпнас аттьөавлісны төдтөм мортөс бур вөчөмысь. Татшөм мөвпъясөн жө пуксис сы вылө Тюрнин. Пеляс өні на шыалісны Патөвлөн кывъяс, кодъясөс сійө шуис контораысь кильчө вылө петөм бөрын нин.

— Директор — төлка мужик. Татчө вотөдз секретаравліс орчча районын. Крестьянин пи. Мутө төдө. Радейтө пөрадок, дисциплина. Вылісянь шуөм кыв — сылы закон. Тадзи тшөктө уджавны и мукөдлы. Мөвпыштлы ачыд.

Степанлы вөлі телепит төлкуйтыштны Патөвкөд ещө на. Мыйсюрө стөчмөдны, медым төдны став серпассө. Но первой аддзысьөмсянь эз лысьт.

Лоис ыркыд. Ва веркөсысь кизьөр черань вез моз заводитіс кыпөдчыны ру. Том йөз эз нин вөвны. Найө разөдчалісны гортас.

Кад и Степанлы. Мөдлапөвса видзьяс вылө, көні сійө челядь дырйи на кыскавліс юръяс, куртліс машинаөн, сэсся ытшкывліс, видзөдлассө чөвтлөм да долыда ышловзьөм бөрын, кыпөдчис. Со и воис гортас, бара син водзын муса местаяс, кодъяс сылы донасыс-донаось. И быттьө кокъясыс зумыдджыка мөдісны талвявны мусө.

Сиктса уличаөдз воөм бөрын бергөдчис гортланьыс. Водзвылын тотшсьөдіс ыджыд тушаа, дженьыда шырөм сьөд юрсиа ныв. Руд костюмыс лөсьыда пукаліс сы вылын. Паськөм улас төдчис нывлөн зумьд да лада вир-яйыс. Степан пыр жө төдіс сійөс да чукөстіс:

— Суседка! Тшапмин?

Катя бергөдчис да кутіс виччысьны. Здравойтчисны. Быттьө төрыт на аддзысьлөмаось.

— Суседыс дыр кежлө?— юаліс ныв.

— Кытчөдз он вөтлөй. Öні кысянь? Муса скамья вылын шойччи. Чужан вөр-ваөн нимкодяси, сьөлөм дойөс бурдөді. Тадз, буракө, гижөны поэтъяс.

— Öні поэзия йылысь жө мөвпалан?

— Мотоцикл йылысь. Ковмас удж вылө ветлыны вит верст сайөдз. А машина абу зеп серти. Дерт, и мотоцикл вылас оз тырмы. Тыдалө, ковмас водзөсавлыны тэнсьыд велосипедтө, Катя.

— Кыззы, Степ! Менам эм неуна сьөмыс. Тыртчам, сэки, колөкө, и тырмас мотоцикл вылад.

— Суседьяслөн öти көшель оз овлы, Катя. А сэсся, мый шуас тэнад батыд? Зорйөн вөтлас сиктсьыс...

— Таысь өтдор төлка юрад мөвпгьяс абубсь?

— Эм, Катя... Ме эг прөста во татчө. Пуксяс лун, кор Митрей Öндреянлөн пиыс — Степаныс аслас гөтырыскөд кутас юны чай батыс киясөн стрөитлөм керкаса балкон вылын.

Степан сэтшөма гөрөктіс-серөктіс, мый керкаысь, код дорын найө сулалісны, воссис өшинь, тыдовтчыліс кутшөмкө пөчөлөн лув-лявмунөм дзор пратьяса юрыс да вөйпөмөн катласьыштіс. Но Катялы мыйлакө эз во сьөлөм вылас зонлөн серамыс. Невөляысь мөвпыштіс: «Но, сідзкө, сусед регыд ваяс ассьыс пөв-

сö карысь. Бара ковмас свадьба вылын ворсны... Татшöм зонъясыд, дерт, сиктын олысь нывъяс вылад оз видзöдлыны. Дай дыр-ö нöшта олас ачыс тани? Оз-ö бöр шутёвт карас». Татшöм мөвпъяссыс нывлөн чужöмыс жугылымыштліс. Тайöс, тыдалö, казяліс и Степан, юалис:

— Мыйкö лоис али мый, Катя?

Кывъяссö вöлі шуöма сэтшöм шоныда, сэтшöм тöждысьöмөн, мый ныв чуймыштöмөн видзöдліс зон вылö, сэсса лэдзис синъяссö увлань. А морöс пышкас кутіс гöглысьны кутшöмкö шоньд ёкмыль.

Бур, мый вöлі узыöны Кузнеч Терень да Митрей Öндрейн, а то эськö кутшöма петавліс налөн юр пöлыс.

### **АБУ СТАВЫС ЧЕРИ, КОДІ ВАЫН ОЛÖ**

Степан садымис водз, кöть и сёрөн водіс тöрыт Катякöд варовитöм бöрын. Виль местаад тай дыр оз узьсы. Карын кö вöлі, небось, көкъямыс часöдз туплясис вольпасын-а. Но узис крепыда, весиг немтор эз вöтась.

Сарай джодж улын кылö ышлолаліс да рөмидзтіс мөс, орчча вежöсын руксышталіс порсь, шурашаракылісны ыжъяс. Ывлаын петук ыджыдаліс курөгъяс вылын. А тани, сарайын, турун вылö павкнитöм вон вылын, куйлынысö вöлі вывті лöсьыд, ыркыд, номьяс абу на удитöмаöсь петны. Кöть эн и чеччы. Кузнеч Тереньлөн öшинювса пуын сыліс сквореч. Сылысь гөлөссö Степан тöдö челядь дырсянь. Сійö эськö вöчавліс жö лэбач позъястö, но мыйлакö сэтчö пышкайяс да сырчикъяс кындзи некод эз овмөдчыв. Та вöсна Степан весиг вежавліс суседыслы.

Тöрыт батыс ышмыштіс, но та вылö видзöдтөг Степанлөн сёлöм вылас вöлі долыд, юрын югыд, кокниа лолавсис. Шуис вежны карса олан серсö. Сиктын агрономлы колö кыпöдчыны вольпассыд шондікөд тшöтш. Агрономлы оз позь вунöдны важ йöзлысь кывъяссö: гожöм заптö, а тöv дзимлялö. Медым тöлын овсис долыда, таын эм пай и агрономлөн. Сідзкö, тырмас лоны карса интеллигентөн, а стöчджыка кö — служащöйөн,

Недыр мысти Степан, тренируйтчан костюма да тшайпода тяпиа, пессис нин турник вылын, кодос вочлис школаын велодчигон на. Сомын тай сийо быттьо неуна ляпкалышторма. Сэсса пыралис керкаас, босьтис кузьчышьян да котортис Сыктыв дорю.

Пызан сайын пукалгон батыс эз вов торыгья кодь кыв-вора. Тыдалю, майшасис, вולי яндзим. Синсö эз лэптыв гортсаяс вылю. Кор сейсис яя шыд, вюлисти видзодлис Степан вылю, юалис:

— Гашкю, покмелитчан?

— Эг велап, бать,— вочавидзис пиыс.

— Правильно вочан. Асылын веськодчысь — рытын психбольничаян лечитчысь. Нам оли да асылын чашка вина вом дорю эг босьтлив.

Мамыс кутис серавны, пыльамунисны и Дина да Тина.

— Дженъыд жо тэнад паметъыд, Ондреян дай свет Митреевич. Мед коть ме дырйи эн ылдчы. Вунодин, кыдзи мянын, Печораад...

— Чирук тэд! А кодй мыжа таысь, кодй вולי мырдон покмелитгодо асывнас? Вунодин? Чов олан? Ладинеч вולי, а ти вошом мортгдз вочинныд...

— Сэтшомъястю совхозса директоръясыд оз ошкыны,— медым бара эз пансы зык, зилис мод вожо кеждны сёрнисю Степан.— А тэню толка бухгалтерон шуис. Тэ вылын по и отделениеыс кутсью.

— Они мый шуан, чирук?— сувтодис синсö готыр вылас Ондреян.— Пельтом Петырон али мый лоин? Кывлин бур йозыслысь кывъяссю? Покмелитчыны радейтсыясыды бур бухгалтерыд оз артмы. Нель класс помавлй сомын... Степан моз ко институтъястю помавлй, колөкю, важон нин карын вולי, а тэ, чирук, меню алкашон лыддян?

— Тырмас, бать, серам петкодлыны,— небыда шуис готырыс.— Оз нин позь сэсса шмонитыштны...

Ондреян пыр жо лаймалис Опрösиньялон мелй видзодласысь, бергодчис пиыслань:

— Степ, кормовй култураяснад ноксигон верман чорыда сконъясыны. Толкуйт йозыскод. Найю омольторйю оз велодны. Омольджыка кывзысь сэтшомъяслысь, кодъяс кывтоны ва визув либю синюны тов нылыд. Сэсса колю мовпыштлыны и нянь водитюм йылысь. Нянь, аныкытш, зор век вовлины первой кодза-

өн. Сэтысь позыё вöчны вына көрым. Сэки оз ковмы сійöс вайны боковысь, кыдзи артмö öнi. Продукцияыд-лөн доныс чинас и. Мөвпыштлы...

— А тi, куш кокаяс,—видзöдлiс сійö нывъяс вылас,—лэдзöй пальöдчыны Серöдтö ывлаö, көть и вежöдыс абу. Да медым керкаын вöлi дзим-дзурк.

Индöдъяс сетöм бöрын, көть и вöлi ёна на водз, Öндреян мунiс удж вылö. Паныдасысьяс ылiсянь на чолöмасылiсны сыжöд. Тюрнин лэптыштлывлiс важ модаа шляпасö. Öндреян вöлi инас öшйывтöм, лэчыд олас сяма морт. Но быдөн тöдiсны, мый сiйö кывзысис гöтырыслысь. А ставыс сы вöсна, мый радейтлiс сiйöс. Заводитчис тайö уна вояс сайын, кор Öндреяны сöмын на тырис дас сизим арöс.

Сiйö воас тöлыс сувтiс водз. Пашляк лыйсьöмысь войнас палявлiс ун. Көдздöдiс сiдз, мый сьöлыштан, да дуллыыд муöдзыс вотöдз кынмö. Том йöз водз разöдчавлiсны войпукысь. Йöз морöсьяс вылö личкис шог: көнкö ылын мунiс война. Пöрнöй мужикъяс, верстыö зонъяс воюйтiсны отечество да батюшко царь вöсна, кисьтiсны вир, калечитчисны, а то и пуктылiсны юрсö. Öндреян друглы, Терентийлы, сöмын на тырис дас квайт, а вöлi нин верстыö зон кодь. Овсис сьöкыда. И вот кык друг — Öндреян да Терень — шуисны ветлыны нажöвитчыны Эжва катыдö да Печораö. Ышöдiс суседныс, Наста Öльöксей — барышник. Тайö вöлi зэв писькöс вежöра мужичöй. Семья ыджыдöс эз лöсьöдлы. Гожöмнас нокяс му-видз вылын, а мыйөн пукяс тövся туй, Эжва йывтi мунö Печораö, Изьваö. Вузасыö посни тöварөн, барышничайтö. Печораысь петкөдö некымын бур вöv, вузалö найöс баражö кык донөн. Но Öльöксей сiдз и эз озырмыв. Оз весьшөрö шуны: кокниа сетчас, лышкыда и лэччас. Печораысь петöм бöрын чорыда гуляйтлiс. Эновтчылiс гажöдчöмысь сöмын зептыс вöснялöм бöрын. А арнас бара петлiс туйö.

Ветлывлiс сiйö Печораö и бөръя воясö. Дерт, ыджыд барышъяс эз сюрлыны: война война и эм. Но кынöмыд пöтлiс кокныдджыка сортовка дорын мырсьöм серти. Вичмывлiс мыйсюрö и семьялы.

Зонъяс сöгласитчисны. Асьнысö лыддисны көзяинъясөн: батьяс воюйтiсны, а гырысь зонъяс мамъяслысь öлөдöмсö эз пыдди пуктыны. Дай зэв нин окота вöлi

видзодлыны вольной светсö. Öндрейн да Терень öтувтчисны: Икучевлөн вöв, сбруя, а Тюрнинлөн — рöзваль.

Эжва йылын посни төварөн вузасигөн кык друг гөгөрвоисны, мый Наста Öльöксей бөбийдлө найöс, шуисны торйөдчыны сысы. Торйөн вузасигмоз и воисны Печораөдз.

Помөсдинын найö кывлісны, мый большевикъяс босьтөмаөсь власть, вöтлөмаөсь временной правительствöс. Но зонъяс этша мый гөгөрвоисны.

Кык друг мөдөдчисны водзö да, төдісны кө эськө, мый виччысьö найöс, дерт, бергөдчисны гортас. Печораса олысыяс торъялісны Эжваса йөзысь. Сёрниис мөд и. Стрөйбаясыс ғырысьсөсь. Уна керкаяс кык судтаөсь. Вежсис и сөян-юан. Төдчис, мый тані гортын серти вөр-ваыс озырджык. Весигтө вөвьясыс вөліны өнджыкөсь, ғырысь лысаөсь, кузуджык жокъясаөсь. Буретш татшөмъясөс и петкөдлывліс Эжваө барышник Öльөш.

— Вот эськө миянлы татшөмъяссө,— нимкодя шулывліс Öндрейн.

— Рөзваль вылад али мый вежан?— лаймөдліс другыслысь горш мөвпъяссө Терень.— И сійö регыд киссяс.

Öндрейн бөръя кадө вежсис. Сиктъясын сулалігөн ветлывліс рытйысьны, мукөд дырйи воывліс сөмын асьядорыс. Терень терпитіс, сөмын син бөжнас видзөдлывліс другыс вылө. А кор өтчюд казяліс, мый Öндрейнысь өвтө самөкур дукөн, шуис:

— Рөзөритны көсьян? Ассым пайөс вай.

Öндрейн эськө и заводитліс куражитчыны, но Терень сідз шамьртіс шошаөдыс, мый мөдыс кычипи моз никөстіс. Та бөрын найö быд лун юклісны најөткасө.

Асывнас, сөйигөн, Öндрейн тешкодя видзөдліс другыс вылө да шуис:

— Мый олөм и олан? Көть мед юртө пальөдны кытчөкө петалін. Быдторйысь кө повны, не и овны. Öні и миянлы жыруйтнысө. Қыз шуасны, пөтөсь и кодөсь, дай зепным абу дзик куш. А Кузьбожев купечсыд немтор тіравны: выль пөрадокъяс пө лооны. Төлка йөз шуоны, мый регыд пө малысь кузь зепьясө гугөдасны. Ставным пө өткодьөсь лоам.

— Йөз эмбурнад он озырмы,— вочавидзис Те-

рень.— Сөрөмсө быдөнлысь эн кывзы. Пасьтась, колө сөвтчыны.

Вөлөмкө, збыльсь му вылад дзескыд. Печора-матушкакыд пө ыджыд, а вот кык друг век жө зура-сисны Наста Ольөксейкөд. Найө воисны Печора ю-бокса өтик ыджыд сиктө. Узымөдчисны шөркөдя олысь крестьянин ордө. Туй йөзөс вердिसны и юкталисны. А кор воисны сёрниө, көзяин, ар квайтымына ён мужик, шуис:

— Тиян землякныд коймөд сутки нин тани гуляйтө.

— Барышник Ольөш?— пөшти өтпырйө артмис другъяслөн.

— Гашкө, и сідз. А мян сійөс Эжваса чиганөн нимтөны. Овмөдчис зэв томиник дөва ордө. Кольөм тулыс верөс сайө мунис, дас квайт арөсыс эз на и вөв-а. Төлысь мысти верөссө война вылө нуисны, а аръявылыс и усис. Эз и төдлы прамөйджыка гозъя кост олөмлысь көрсө. Öти берегсьыс тойыштчис, да мөдас эз во. Со и Эжваса чиган петкөдлө петук моз сорсъяссө, да Öпрөсиньяыд мян крепыд оласнога. Сэсся и бать-мамыс орчча олөны, син увсьыс оз веш-тывны. Немтор оз пузы тиян барышникыдлөн, көть эськө и Öпрөсинья гөгөр сьөдбөж моз жөдзө.

— Терень, ми өд абу көч рөдысьөсь,— друг шуис Öндреян,— мый повныс. Оз на өд сөй мянөс. Ветлам, видзөдлам, кызди гуляйтө сійө.

Терень эськө и эз көсйы, но кутис дивитны весиг көзяинныс. Ас морттө пө он көсйы аддзөдлыны. Гашкө пө, тиянысь яндысьыштас да лэдзчысяс том дөвасьыс, асьыс семьясө дум вылас уськөдас. Кор көзяин вайөдис кык другөс Наста Ольөксей патераө, сәни кар-тиасисны некымын морт. Пызан сайын, шөр местаын, пукалис Ольөксей, коді пыр жө чеччис да пөся чолө-масис аслас вөвлөм компаньонъяскөд. Пуксьөдис пы-зан сайө. Кисьталис чашкаясө самөкур. Терень эз ю. Сійөс Ольөксей ёнасө эз и невөлит. Барышник мудера синмасис Öндреянкөд, и найө кыкнанныс дзибыртисны самөкурсө чашка пыдөсөдзыс. Мудзөм Öндреян регыд гажмис. Дай частө-ө сійө юлывліс? Позис өмөй сы-лысь гырк пытшкөссө өткөдявны Барышник Ольөш-лөн лудитөм кузь туискөд?

Пансис сёрни-басни. Найө кыкнанныс та кузя эз сетчыны өта-мөдыслы. А Терень пукалис лабич помын

да видзодіс кӱзьяйка вылӱ. Немтор он шу, мича и  
статя. Кутшӱм нӱ тайӱ дӱва? Шоч нылӱс татшӱмтӱ  
аддзылан. И паськӱмыс кутшӱм! Атласнӱй шушун.  
Юрас мичаысь-мича кокошник. Краля дай ставыс.  
Кокни вежӱраяслы ӱдйӱ поэӱ воштыны садьсӱ.

Терень заводитліс нуӱдны гортас другсӱ, медым  
сйӱ эз картіась. Но мӱдыслы тайӱ эз кажитчы. Тор-  
йӱн нин кӱзьяйкалысь тешкодъ нюм казьялӱм бӱрын.

— Весась тась! Тэ меным бать али ыджыд вок!  
Чирук! Ачым кӱзьяиныс! Мый колӱ, сйӱс и вӱча,—  
горзіс гажмӱм ӱндреян. Терень сьӱлыштліс да муніс  
патераас.

А асывнас воис ӱндреян, век на гажа, но йӱй кодъ  
синьяса. Корис удждыны деньга, но Терень эз сет.  
Сйӱ петіс доддьясны. Сы бӱрся ӱндреян, кутчысис  
рӱзваля доддья:

— Ог сет: менам. Мун верзьямӱн.

Тайӱ нин вӱлі вывтӱ. Терень шыбитіс другыслы  
кок улас сылысь вӱжжисӱ и мегырсӱ. Ньӱбис кӱзьяин-  
лысь пу додъ. Доддьясис. Кучкис Карколы плетьӱн.  
Нырвизьсӱ веськӱдіс Печора катыд — гортлань. ӱн-  
дреян весиг эз вӱрзьядчыв, сідзи и сулаліс аслас рӱз-  
валь дорас, кӱні куйлісны мича мегыр, кучик вӱжжи  
да посни тӱвар тыра неыджыд сундук. Та вылын и  
помасис налӱн другасьямыс.

ӱндреян кӱ эз вӱв гажа, дерт, эз вӱч тадзи, кыв-  
зысис другыслысь. Сэки ӱд Тюрнин пыдди уджаліс  
самӱкур.

Сйӱ бӱр руныгис-муніс том дӱва ӱпрӱсинья ордӱ,  
кӱні войбыд найӱ картіасисны Наста ӱльӱксейкӱд.  
ӱльӱксей юис чай. ӱпрӱсинья ноксис пач вом дорын,  
жаляддза видзӱдліс нӱйтӱм петук моз керкаӱ пырысь  
зон вылӱ. ӱндреян висьталіс, мый Терень энӱвтіс сй-  
йӱс. Мый ворссьям деньгасӱ сйӱ ӱні оз вермы сетны,  
оз кӱ вузав рӱзвальсӱ да неуна кольыштӱм тӱварсӱ.

Наста ӱльӱксей прӱститіс ӱндреянӱс. Коркӱ пӱ  
мынтысян. Лӱсьӱдчис да муніс водзӱ. Олышт пӱ тані,  
а гортӱ бӱр мунігӱн, вӱвьяс петкӱдігӱн, тӱнӱ босьта.

Тадзи найӱ торйӱдчисны. Колис вель дыр кад.  
ӱндреян век оліс ӱпрӱсинья ордын. — Сылӱн керкаыс  
вӱлі пелькиник, лӱсьыдніник, куим вежӱса. Оліс ӱтнас,  
а орчча керкаас вӱліны бать-мамыс, семьяыс. ӱндре-

янлөн бырис деньга, кодос босытліс рөзваль да остаткі төварсө вузалөмысь. Көть рушкүтө тувйө өшөд.

Матыстчис тулыс, а Наста Ольоксей эз во. Тыдалө, Изыва пыр петіс Эжваө либө жө згинитіс-вошис лы ни ку. Но куш киөн, корысь мешөкөн гортө мунны вөлі юръяндзим. Бур, мездіс Öпрөсинья. Волостной правлениеө пө колө висьмөм писарлы отсасьысь. А Öндрейн прамота төдіс, вежөрсө эз радейтлы йөзлысь удждыны ни. Инасис. Кокниджыка ышловзис. А сэсся и дзикөдз гажмис, вашъявны кутіс. Недыр мысти сиктса войтыр эз нин нимтыны сійөс Эжваса няйт гач пөдпушкаөн, а ыдждөдлісны ним-вичнас. Сэсся вежсис олан ладыс и Öндрейн да Öпрөсинья костын. Первойсө зон эз лысыт прамөйджыка видзөдлыны джуджыд морөса, статья да том көзяйка вылө, а сэсся вочасөн велаліс. Сьөлөмыс кутіс кыссыны сы дорө. А том дөваылдөн сійө өд абу жө изйысь. Мый көть и зонмыс бокөвөй да абу ыджыд тушаа, зато писькөс, сюсь, оз пов некутшөм уджысь. Дай оласногыс абу рам, вермас сулавны не сөмын ас вөснаыс, но и дорйыны, ковмас кө, Öпрөсиньяөс. А дөватө өд сиктад вермас кедзовтны да омөльтны быдөн, кодлы абу дыш.

Вот тадзикөн на костын пансис мусукасьөм. Первойсө би кинь, сэсся неыджыд бипур, а бөрынджык кутіс ыръявны сирөд мыръяс моз. Найө зілісны ассыныс шудсө дзевны йөзысь, но верман өмөй вөчны тайөс. Öпрөсинья рушкүасис. И көсьян көть он, Öндрейнлы лоис гөтрасьны.

А сэсся заводитчис гражданскөй война. Эз ло некутшөм спокой. То еджыдъяс, то гөрдъяс. Он и төд, код дорыс сүвтны. Дай Öндрейнлы ёнасө чечавны эз лэдз Öпрөсинья. Индывліс пиыс вылө, шулывліс:

— Пукав правлениеын либө сөветын да гиж, а мукөд делөясө эн сүитчы. Грамотной мортыд быдөнлы колө.

Тадзи вөлі 1919 воөдз. Но Троицко-Печорскын кулакъяслөн мятеж бөрын босытисны белөй армияө и Öндрейнөс. Öндрейн некор эз зілылы петкөдлыны ассьө, сійө гөгөрвоис и водзвыв кыліс, мый еджыдъяслөн олөмыс овсьөма. Вуджны гөрдъясладорө стрөкаыс эз жө сюрлыв, зэв нин сюся видзөдісны на бөрся унтерьяс да офицерьяс. Служитігчөж эз лыйлыв вин-

товкасыыс. А кор мөдөдүсү Печорасын Аныбө, весь-  
каліс пленө. Да колө жө лоны сідз, мый сюрис бу-  
ретш вөвлөм другыс, Тереньлы, коді доброволечаліс  
Гөрд Армияын. Ёна и повзьяліс Ондреян, но сэсся  
сайкаліс...

Война помасьём бөрын олыштіс гортас, ветліс  
семьяысла — Опрөсиньяла да пыысла Печораө. Пер-  
войсө гөтырыслы эз кажитчы тані, а сэсся велаліс.  
Муса мортыдкөд да пыидкөд пө и сьод вөрын горни-  
чаын кодь гажа. Но эз жө дыр удайтчы нимкодьясыны  
первой пинаныс: нуисны фронт вылө, усис. Бур, мый  
лоис Степан, чужисны нывьяс.

Кор воис Терень армияыс, найө сідзи и колисны  
вөрөгьясөн, Ондреян мөдіс другасыны мукөд том му-  
жичөйяскөд. Уджаліс финансөвөй агентөн, секрета-  
равліс сельсөветын. А Терень дорчис батыслөн куз-  
нечаын. Став сикткодьясө могмөдліс. Сэки өд көрта  
көлуйнад дзескыд вөлі. Тереньлөн Парасковья нэмыс  
эз лысытлы вуджны верөсыслыс кывсө, Опрөсинья-  
көд он өткодьяв.

Но Парасковья ёна гөрдитчис тайөн. Воасны сёр-  
ниө бабаяс, пыр и казытыштлас:

— Төлкыд да сямыд кө эм, оз бара, майбыр, ков  
мичлун: орча керкаса зон и босьтас ас саяс.

Та вылө бабаяслы вочавиджны немтор: Парас-  
ковья прав. Сійө вөвлі Тереньлөн пөшти суседка.

А Икучев висьтавлывліс аслас жөникасьём да му-  
сукасьём йывсьыс кык кывйөн:

— Первой варті, а сэсся и венеч улө. Бонзьём  
идзас вылад чөскыдджыка узьсьө.

Кор Опрөсинья кутіс тойлыны стрөитчыны, Он-  
дреян нарошнө корис местасө коркөя другыскөд орч-  
чөн. Вежышта пө синсө. Тюрнин бура төдіс асьыс  
вөвлөм другсө: чорыд оласнога, көть и оз вөч неку-  
тшөм пакөсть. Сэки Терень, медым не адзыны сусе-  
дыслыс мустөм рожасө, кык усадьба костө вөчис  
тьөскыс стын кодь джуджыд забор. Но Ондреян эз  
жө сөгчы. Кыпөдіс неыджыд, но кык судта керка.  
Вылыс судтасын пө Тереньлөн йөрыс век лоө син  
водзын.

Икучевөс нулісны и бөрья война вылө. Служитіс  
эскө көнкө көрт туй вылын, но гортас воис зэв тша-  
пөн. Победитель. Морөсас медаль өшөдөма. Ок, ад-

дзывлінныд кӧ эськӧ ті, кутшӧм видзӧдласъяс чӧвтліс сэки Икучев кык судта керка вылӧ, кӧні оліс «тылӧвӧй крыса» Тюрнин.

Но и Ондrejaн эз вӧв небыд нямӧдӧн, кызди ми тӧдам. Морӧс вылас сідз жӧ югъяліс медаль. Сӧмын тылын бура уджалӧмысь. Сійӧ петук моз сорсъяссӧ вылӧ лэптӧмӧн тшапа видзӧдлывліс мӧдӧд судтаса ӧшиньсянь аслас йӧрас ноксьысь вӧвлӧм друг вылас.

Война бӧрас кыкнаннысӧ бӧрйисны сельсӧветӧ депутатъясӧн. Сиктса йӧз пыдди пунктисны найӧс, нюмъялӧмӧн видзӧдісны другъяслӧн лӧгалӧм вылӧ. Но емӧй видз, медым кодкӧ налы казтыштіс та йылысь. Қор помасисны бӧрйысьӧмъяс, тыдовтчис, мый кузнеч Терень вӧсна гӧлӧсуйтӧмаӧсь ставӧн, а вот ӧти бюллетень, кытчӧ вӧлі гижӧма Митрей Ондrejaнлысь нимсӧ, кодкӧ сідзи няркӧдӧма, мый весиг бумагаыс косясьӧма. Сиктад ӧд немтор он дзед, кывсис.

Қор тайӧ воис Икучев пельӧдз, сылы лоис зэв дӧсаднӧ: кузнечлысь сьӧкыд китӧ быдӧн тӧдасны. Оз вӧлі ков киритнысӧ бумага ортӧдзис. А мӧдарӧ кӧ, мед тӧдӧны: контраӧс нинӧмла бӧрйыны сельсӧветӧ. И сэк жӧ сылӧн первойысь вӧрзыштіс сьӧлӧмыс: мыйла эз кирит сійӧс Тюрнин. Ӧд та йылысь эськӧ некод эз тӧдлы. Но, тыдалӧ, Ондrejaн век на кокни руа, заводитіс кодкӧдкӧ варгыны, и весиг лӧглуноӧ вунӧдіс.

Икучев чайтіс, мый сусед семья вылӧ кӧдзыда видзӧдӧны и Парасковья да Катя. Но тайӧ эз вӧв сідз. Парасковья да Опрӧсинья частӧ весиг водзӧсасьлісны ӧта-мӧдыслысь. Дерт, сӧмын сідзи, медым эз казав Терень. А Катя велӧдіс Динаӧс да Тинаӧс сьывны самодеятельной кружокын. Кык чойтӧг эз прӧйдитлыв ни ӧти концерт, найӧ лӧсьыда ливкйӧдлісны коми и роч сыланкывъяс, а Катя отсасис баянӧн либӧ аккордеонӧн. Найӧ вӧліны пӧдругаяс кодьӧсь. Ондrejaн ставсӧ тайӧс тӧдіс зэв бура, эз суйлы нырсӧ том йӧзлӧн делӧясӧ.

Қонтораӧ воӧм бӧрын Тюрнин первой восьтіс ӧшиньсӧ да тӧлӧдіс вежӧссӧ. Сійӧ эз терпит табак тын дук. Том дырйыс эськӧ и заводитліс куритчыны, но Опрӧсиньякӧд тӧдмасьӧм бӧрын лоис чӧвтны: вӧвлӧм староверкалӧн рӧдас некод абу тынасьлӧма.

А тайо каднас Степан да механизаторъяслон бригадир Илья Мальцев восьлалисны муяс дорти. Съолөм вылас агрономлон вөли долыд. И ачыс эз гөгөрво мыйысь. Гашкө, чужан местаяс аддзөм бөрын, а колөкө и радейтана удж бердө босьтчөм вөсна.

— Торйөн ыджыд места бригадаын сетам кормөвөй культураяслы,— висьтавліс Илья.— Совхоз — кар бердын. Медсясө вөчам йөв, яй, вөдитам картупель да овощи. Қольөм во, ачыд төдан, гожөмыс вөлі лөк. Урожайөн ошйысьны эз позь. Мездисны видзвывса турун, көдзөм клевер, тимофеевка...

— Сідз, сідз,— сюся видзөдліс бригадир вылө Степан.— А таво, кызд думайтан?

— А мый миянлы юрнымөс жуглыны? Сы вылө начальство эм. Налы пө вышка вывсяньыс ылөдзджык тыдалө.

Буретш восьлалисны зэв паськыд му пөлон, көні быдмис клевер. Степанлы лоис нөшта нин нимкодь. Омөль кө лоө гожөмыс, то тайо муяс бара на мездас. Сійө көсийс юавны, кымын гектар тани. Но бригадир торкис мөвпьяссө.

— Аски заводитам тайо мусө пуркөдны-гөрны,— бытьтө нарөшнө гажая шуис Илья.

Степан весиг джөмдіс, тешкодя шуис:

— Татшөм шуткаястө ог радейт...

— Шутка?— сувтөдіс синсө Илья.— Директор тшөктіс. Татчө индөма көдзны выль кормөвөй культураяс.

— Сійө бур. Выхь культураяс лыдас эмөсь сэтшөмьяс, кодьяс урожайсө сетөны ыджыдөс. Но өд найөс позьө көдзны мукөдлаө. Шуам, Миш муө либө Поя йөрө...

— Сэні выль культураяс жө лоөны. А өстальной муяссө торйөдөма картупель да овощи улө.

Степан индіс сикт горулын тыдалысь лунө бана муяс вылө, юалис:

— А Кара Мылькьяс, медся бур участкас мый көдзад?

— Водзджык сэні нянь вөдитлім. Помнитан, сө пудйөн гектар вылысь босьтлім. Весиг выставкаяс вылын вөвлім. А өні сійөс дугдім вөдитнысө,— журыда нюмдіс бригадир да сьөвзис кок улас.— Қольөм во өти кормөвөй культура көдзим, сизим пөсь кисьтім,

куйодсö мыйта сюйим, а пöльзаыс этша лоис: первой-сö быдмыштіс, а сэсса быттö урсалöмабсь, виждіс, сідзи и чахнитіс. Рөзөрөннö. Көдзим кө сэтчö зөр либö аныкытш, мыйта көрым воис, а то муыс весьшөрö пропадитіс сöмын. А таво кутшөм на лоас гожöмыс, лешакыс төдö... Мыйла эськө, Öндрейнович, не көдзны сэтчö нянь? Стена кодь быдмас. Асланым сильнöй көрым лоö.

Том Тюрнинлы усис дум вылас Кара Мылькыйн вундөм. Рудзöгыс збыльысь вөр кодь вöлі, öдва вермисны идравны машинаөн. Сійö зэв бура гөгөрвоис бригадир Мальцевöс, да и ассыс батысь, кодьяс нэм чөжыс вөдитлісны тайö муяс вылас нянь, велалісны сы дорö, став вирнас и вемнас радейтісны сійöс, а öні со лоö вөдитны сöмын турун. Дерт, забеднö налы. Öд, збыльысь, вөдитны кө тайö бур муяс вылас зернөвöй-яс, то сильнöй көрым оз ков вайны божысь. Лоас и асланыс комбинируйтөм көрым. Няньсыд век позьö вöчны сійöс. Колö сёрнитлыны та йылысь начальствокөд, вермасны отсыштны. Лоас кө асланым сильнöй көрым, сэки и йöлыс да яйыс лоö донтөмджык. Сэсса Степан юаліс, мый мөвпалö та йылысь бригадир, мый эськө шуасны механизаторьяс, йöзыс.

— Кытчö юр, сэтчö и бөж, ачyd төдан.

— Управляющöй либö агроном кө вай вöйтчас, тэ, Илья, сы бөрся?..

— Серавнытö, Öндрейнович, лөсыд. Ме жö висьтавлі нин: няньысь көрымыд век артмас.

Пуксисны мудорса ыджыд из вылө, дыр шпуткисны-куритчисны. Быдөнлөн вöліны аслас мөвпьяс.

Мальцев Илья тані чужліс и быдмыліс, нэмыс уджавліс колхозын, сэсса совхозын. Төдö муяслысь быд вершөк. Эз öд öтчyd путкылявлы найöс. Төдö, кутшөм олан серыс быд му торлөн, мый вермө сійö сетны, кутшөм удобрениеяс радейтö. Сылы муыс вöлі ловьятор кодь, кодкөд позьö төлкуйтны, сөветуйтчыны. Сöмын сэки му вермас тэнö лышкыда козьнавны. А бөрья кадö кодсюрö оз көсйыны гөгөрвоны тайöс. Зільоны сöмын пычыктыны сылысь, а оз төдны, вермас оз сійö сетны коранторсö.

Илья көсöйтчыліс да сук синкымьяс увсяньыс видзөдліс том агроном чужөмө. Тыдалö, и тайö сэтшөм жö лоö. Тіянлы öд медтыкө командуйтны, петкөдлы-

ны ассыныд властьо. Волісны, олыштисны, лэбзисны шоныдінө, а тэ, Илья Мальцев, колян татчө изөрмөм му вылө, медым и водзө путкылявны сійөс.

— Вот мый, Илья,— папирос помсө кусөдөм бөрын ышловзис Степан,— клевер — сійө озырлун. Эн лысьт вөрзбодны: ме кыв кута. Колөкө, акт гижам. А көрым вылад Кара Мылькъяд көдзны ковмас. Няньясөн вөдитчыны сёр нин, дай асланым көйдысыс абу. Мөд во видзөдлам, мый вөчны. Чайта, асьным кө кутам босьтны сильнөй көрым, таысь мянөс оз нөйтны.

— Тэ вомысь да ен пельө, Ондrejaнөвич,— бригадирлөн гырысь чукира чужөмыс шыляліс долыд нюмысь.— А кабалаыд оз ков, эска...

— И нөшта,— водзө нуөдіс агроном:— Кара Мылькйө көдзам подсолнух, сійө быдмө бура, а сідз жө борщевик да мукөд культурааяс...

— Сідзкө, клеверсө?..— рад лов шысө кутны зілиг нөшта өтчыд юаліс бригадир.

— Коль. Эн вөрзбөд ни өти гектар. Көдз зөр сора аныкытш да тимофеевка. Найө оз конъявны мянөс. Сёрнитчим?

— Дерт жө, дерт жө, Ондrejaнөвич,— нюмдіс бригадир да мөвпыштіс, мый том Тюрнин, тыдалө, төдө төлксө му вөдитөмлысь, оз изөрмөд сійөс. И найө топыда шамыртлісны өта-мөдныслысь кабыръяссө.

Муяс кытшовтөм бөрын Степан тэрыба шавксьөдіс отделение конторалань, а юрас жуисны сьөкыд мөвпъяс. Сійө мукөддырся моз эз казаявлы ни гажа тувсов асывсө, ни сөстөм енэжсянь мышсө меліа шонтысь шондісө, ни горувса юлысь лөзалысь эрдсө. Сылысь сьөлөмсө вөрзбөдіс эз сөмын выль культурааяс төлктөг көдзөм, но и йөзлөн оласногыс. Сійө жө Мальцев Ильяыс. Од гөгөрвоө бура, мый оз позь көдзны лунвылысь вайөм быд культура, оз позь кедзөвтны татчө вужъясьөм нин быдмөгъяс, а эз кө сёрнит сыкөд агроном, ачыс жө и гөрис эськө клевер мусө.

Ас костас сёрнитөны, а збыль вылас немтор оз вөчны. Сэтшөм жө и батыс: сөмын кужө ропкыны, а юрсө кыпөдны оз лысьт. Колө вөлі кытшовтны мукөд отделенияясөд, төдмасьны сэтчөс делөясөн, спаситны клевер көдзаяс, эз на кө заводитны найөс гөрны. Од көрым вөсна кыв кутны медводз ковмас сылы — Степанлы.

Степан шавксьодіс сапõга кокнас гораа колскõдиг-тыр моски кузя, телогрейка жизьяссõ разялõма, юрас лõз берет. Клуб весьтти мунигõн аддзис Катяõс, кодлõн киас вõліны кисточкаяс да краскаяс. Сийõ варовитіс карса моз пасьтасьõм томиник нывбабакõд, тыдалõ, врачкõд либõ учительницакõд. Катя вõлі тõрытья руд костюма, еджыд жовтаа, гõгрõс кок черьяссõ зэвтõм кузь гõленя сапõгьяса. Съõд юрси да синкымьяс вõснаыс неуна кузьмõс чужõмыс кажитчис кельыдõн. Қызкодь да зэлыд вом дорьясыс, кодьяс костысь тыдалісны гырысь мича пиньяс, пõшти эз пõдласьлыны, то нюмьялісны, то мыйкõ висьталісны. Кузь мича чуньясыс ворсõдчисны кисточкаясõн.

Степанлõн пыр жõ вежисны мõвпьясыс, виччысьтõг ыпмуніс радлун. Тадзи овлõ морткõд, кор сийõ пемыд да букыш козья пармаõд дыр писькõдчõм бõрын друг веськалõ шондї югõрьясõн да синтõ ёрысь дзоридзьясõн тырõм неыджыд кушинõ. Сылõн невõляысь петõ гажа нюм. Тадзи лоис и Степанкõд. И сэк жõ сийõ гõгõрвоис, мыйла вõлі сылы асывсянныс долыд. Од тõрыт сийõ аддзыліс Катяõс, колльõдчыштіс да варовитіс ськõд. Со, вõлõмкõ, мыйла Степанлы асывсянныс нимкодь. И õні морõсас ыпнитіс тайõ чувствоыс, кõtь эськõ здук-мõд сайын на вõлі не нимкодьясьõмõдз.

Тюрнин здоровайтчис нывьяскõд, сувтовкерис. Вõлõмкõ, суседкакõд сёрнитысьыс учительница. Катя тõдмõдіс найõс. Школаса биолог — Тамара Николаевна — пыр жõ кутіс норасыны отделениеса управляющõй вылõ, коді оз тõждысь школаса производственной бригада вõсна, оз сет налы колана техника.

— Кольõм во ми вõдитім кормõвõй культураяссõ сõмын кык гектар вылын, а таво кõсьям витõс. Та ыджда мутõ ки помсьыд дõзьюритны лõõ сьõкыд.

Степанлы тайõ воис сьõлõм вылас. Кõсийысис отсавны. А сэсса шуис:

— Тамара Николаевна, бур эськõ вõлі, ті кõ асланыд участокын кутінныд нуõдны опытьяс. Быд кормõвõй культуралы — торья участок, асьыс стрõг агрофон. Колõ тõдмавны, кутшõм культураяс лоасны медся перспективнõйõсь мяян условиеясын. Таысь эськõ ми тїянлы висьталім ыджыд аттьõ. А техника-

өн отсалам. Сетам «Беларусь» и прицепно́й машина-  
яс. Механизаторъяс, чайта, аддзыясны.

— Миян быд мөд зонпосни — механизатор, — нюм-  
дис Тамара Николаевна. — Гырысьджык класъясса  
велөдчысыя трактор и автомашина велөдоны. Школа  
помалөм бөрын унаөн пырөны уджавны мастерско́й-  
ясо, гаражө, фермаясо. Но, эн дивитөй, ме тэрмаяс:  
быдөнлөн аслас шог да печаль.

— А тэ, суседка, кызди отсаян ас сиктса йөзид-  
лы кыпөдны видз-му овмөссө? — юалис Катялысь Сте-  
пан, кор найө колисны өтнаныс.

— Ме өд мөд ведомствоысь, Степан Андреяно-  
вич, — вочавидзис ныв. — Регыд воасны прөверайтны.  
Со и лөсьөдчыштны көсья. — Катя мычөдліс кисточ-  
каяс да краскаяс. — Гашкө, отсыштан?

— Омөлик ме маляр, Катя.

— А вот миян культура отделын да министерст-  
воын лыддьөны, мый ставыс маляр сайын. Он гөгөр-  
во? Эм кө уличаын плакат либө лозунг, төждысьны  
оз ков: лоас капуста и морков.

— Тэ и поэтесса вөлөмыд...

— Пуксыыв ме местаө, пач тэчны и кора додыяс  
вөчны велалан. Да... Оз кө шпорөдчы призывъясөн  
төв — не аддыны сиктлы ни яй, ни йөв. Со и муна  
вөчны найөс. Ме — тані главнөй «продукция сеты-  
сыс», Степан Андреянович.

— Ок, лөсьыд жө тэкөд орччөн сулавны, — быттьө  
шуткаөн ышловзис зон, но артмис сымөн зэв збы-  
лысь. Ачыс гөрдөдыштіс быдөн, мый, дерт, эз позь  
дзевны Катялөн сюсь синъясысь.

— А тэ он пов, мый татшөм кывъяссыд вермас  
кодкө тэнө велөдыштны дорын узылыны?

— Окота төдмасыны сыкөд, өти сайын эськө пет-  
көдлі ва и кос көлеса, — Степан петкөдліс ыж юр  
кодь жулаксо.

— Тэ, Степан, видзчысь, — наяна вашнитіс зонлы  
ныв. — Сійө өд спортсмен, школаса физрук. Быдсяма  
приёмъяссө төдө. Сэки выль балкон вылад гөтыртө  
чайнад юктавтөм лөб.

Кыкнанныс серөктісны. Степанлы лоис нимкодь,  
мый Катя абу вунөдома сылысь төрытыя шмонитөм-  
со, и сійө, мый лоаныс ло, тадзи жө вочавидзис:

— Бур, имитас кө вөтөй. Төдан, коді усыкөдчыліс

меным вөтө? Екатерина Терентьевна Икучева. Пука-  
лө быттьо балкон вылын и гудралө чашкаысь чайсö  
рисуйтчан кисточкаөн.

Ныв, дерт, эз виччысь татшöмторсö, весиг неуна  
шöйöвошліс. Эз ло лöсьыд и Степанлы. А Катя öдйö  
бергöдіс серамö жö:

— Мый пö аддзылан уzigад, век мöдарö лоö. Та-  
лун вöтөн отделса начальство ошкис. Весиг палявлі  
нимкодйöйла. А асывнас мамö сетіс насынь воём па-  
кет, көні видöмаöсь омöль нагляднöй агитацияысь,  
ыршасьöмаöсь мыждыны. Сюркняв тайöс пеляд, сусе-  
дöй. Со сваттясыс казяліоны нин мянöс,— индіс ныв  
неылын варовитысь кык пöчö вылö.— Он кө көсйы,  
мед гортсаяс петшöралісны, öдйöджык разöдчам.

— И менам кадыс, шуны кө, абу жö,— вочавидзис  
Тюрнин.— Талун колö на некымын бригадаö да зве-  
ноясö воыны. А сёрнинымöс, ме думысь, позьö водзö  
нуодны рытнас. Быттьö көсьян кө ачыд...

— Тайö мый? Официальной свидание...

— Мед, колöкö, лоас сідз.

— А кад, места?

— Öта-мöд дінö чепсасысьсь сьölöмьяс век аддзас-  
ны сійöс и тайöс,— зэв збыльысь шуис Тюрнин.  
И сылы лоис зэв шоныд морöсас, мый суседка эз во-  
мав сійöс аслас ёсь кывнас. Сідзкö, сылы тайö абу жö  
веськодь.

Клуб дорысь Тюрнин муніс нимкодясигтыр. Но  
век жö сылы эз на эскыссы, мый талы помканас  
лоис суседка, сійö Катяыс, кодöс Степан öнöдз пыдди  
эз пуктыв, вöлі вывті ёна велалöма тайö морт дінас.  
Суседка суседка и эм. Катя вöлі некымын арöсөн  
ичötджык. Öтлаын пöшти эз ворслыны. Школаын  
Степан ноксьывліс аслас тшötшьяяскöд. Институтын  
велöдчигөн некор жö эз мөвпавлы Катя йылысь. Го-  
жöмнас, каникулъяс дырйи, дерт, аддзывліс. Весиг  
видз вылын öтлаын уджавлывлісны, но зон некор эз  
сатшкывлы асьыс видзöдлассö суседлөн ныв вылö.  
И сöмын төрыт быттьö воссис Степанлөн синмыс: ад-  
дзис кисьмөм мича дзоридз, коді водзджык вöлі веж  
турун пövстын нэриник да кельыд.

Отделение контора öшинь улын сулаліс няйтөн  
резсьом газик. Тыдалö, кодкö воёма совхозысь, сідз-  
кö, сыкöд öтлаың позяс кытшовтны мукöд отделение-

ясод. Некемынысь воськовтөмөн сійө кайис кильчө поскөд да пырис контораё. Сэни некод эз вөв. Мөд жырыын, көні пукалісны бухгалтерьяс, кылісны гөлөсьяс. Степан пырис сэтчө.

Батыслөн пызан дорын пукаліс слөн кодь кыз дядьö. Пасьтасьöма абу сиктса моз. Лөсталысь ботинкияс, векныдик гач, гырысь сера плащ увсьяс тыдаліс руд пиджак. Нейлонөвөй дөрöма, галстук пыдди кутшөмкө югъялысь шнур. Турунвиж шляпаыс пидзөс вылас. Пельпом вылас öшаліс нейджд кучик сумка, тыдалö, магнитофон либө фотоапарат. Юрсиыс шочмөма нин, көть чужөм сертиыс быттьö абу на оломa морт. Степан пельөдз воисны сөмын бөрья кывъясыс.

— Сідзкө, Андреян Дмитриевич, немтор он вермөй висьтавыны?

Степанлөн батыс топөдыштліс пельпомъяссö, видзөдліс пырысь пиыс вылө, нюмъөвтіс:

— Ми, бухгалтерьяс, частö шульывлам: кольк кыш пиысь эн на лыдды чипанпиянтö. Ме тiяны немтор ог вермы висьтавыны. Управляющöй абу: муніс Сельхозтехникаö. Да. Со тай воис, кодөс корсянныд. Төдмасьöй: агроном Тюрнин, а тайö республиканскöй радиоысь корреспондент Санин ёрт. Вот и төлкуйтöй.

— Ме виль морт на,— висьталіс корреспондентлы том Тюрнин.— Сөмын на төдмасы овмөсөн. Ветлам орчча отделениеö, сэтчөдз верст вит-квайт. Попуттьö и менö нулан.

Санин радпырысь көсйысис, висьталіс, мый төдö сэтчөс управляющöйöс, коді эз нин öтчыд юксьыв аслас опытөн радио пыр. Машинаын норасис Степан бать вылө:

— Ок, и наян. Ставсö төдö, но немтор оз висьтав. Тыдалö, консерватор: оз радейт виль кормовöй культураестö. Настоящöй «травопольщик»... А ме төда, мый тайö отделениеас таво виль быдмөгъяслысь көдзяссö паськөдöны некемын пөв. Управляющöйыс — прогрессивнöй морт. Жаль, эг аддзысьлөй сыкөд да. Ставсö эськө висьталіс. Кутшөма манитчам, а миян аски передача, материалыс колö. Гашкө, вевъялам на...

Муяс, көні йөзыс да механизаторьяс разөдісны куйөд, помасисны. Машина мөдіс чечавны омөлик

вөр туйтї, кōні гуран бōрся гуран, тѣпкан бōрся тѣпкан. Он небось ѣна сѣрнит, сїйō и видзōд, мед кывїйд оз курччысь.

— А кутшōмōсь тїян планъясыд, Степан Андреянович?— бергōдчис агрономлань шофѣркōд орччōн пукалысь Санин. Сэсся ѣрччыштїс да содтїс.— Но и туйяс жō...

Корреспондент эз вермы пукавны сѣрниттōг, но век жō сылы лоис ѓвсыны, повзис, мый вермас лоны немōйōн. А Степанлы тайō и колїс, сїйō мōвпнас атъōалїс туйсō да шофѣрсō, кодї нуōдїс машинасō сїдз, быттьō кōсїис чирсны лы-сьōмсō сѣнї пукалысьяс-лысь.

Медбōрын воисны орчча отделениелōн муяс. Сѣнї тыдалїс трактор, а туй вылын сулалїс корреспондентлōн кодь жō газик. Вōлōмкō, управляющōйлōн. Санин веськыда югзис, мый сїйōс эз ковмы дыр корсьны. Но машинаысь петōм бōрын пыр жō юалїс Тюрнинлысь:

— Тї, Степан Андреянович, сїдзи и немтор эн висьталōй асланыд планъяс йылысь. Том специалист. Веськōдлад совхозын медся главнōй юкōннас. Но ми бергōдчылам на тайō сѣрниас.

Санин лōсьōдыштїс магнитофонсō, ыджыд да ѣн туша вылас вїдзōдтōг, кокниа тривксōдїс трактор дорын сулалысь управляющōй дорō. Сїйōс Степан тōдїс. Никанор Михайлович Чучин — настōящōй крестьянин. Бōръя кадас колхозын вōлї вежлывтōм председателълōн, а совхоз котыртōм бōрын — отделениеса управляющōй. Велōдчис заочнōя техникумын. Мортыс писькōс, вежōра, век мыйкō вōчис выльōс. Сїйō районын медводз сувтōдїс гидротаранъяс, пыртїс картаясō ва, механизируйтїс найōс. Лōсьōдїс картофел сортируйтанин. Торїлōн уна Чучин вōчис град выв пуктасьяслысь да картофелылысь урожайсō кыпōдōм мogyсь. Татчōс овощеводъяслысь велōдчыны воливлїсны эз сōмын асланыс районысь, но и республикаысь.

Никанор Михайлович водзмōстчōм серти заводитїсны вōчны культурнōй пōскōтинаяс, паськōдны да вынсьōдны видзьяс, кōдзны сэтчō турун кōйдыс. Да верман ѓмōй висьтавлыны ставсō, мый вōчис, нѣмсō сиктын олїгōн, му вōсна сьōлōмнас висьысь тайō мортыс.

Чучин другасьліс Степан батькөд — Митрей Ондреянкөд. Найо гөститчылісны и быдтор. И өні на оз вунөдлыны өта-мөднысө. Чучин вөлі Тюрнин кодь жө нейджыд тушаа, кокъясыс дженъыдөсь да чождьсө. Сьылыс быттьө абу. Паськыд кымөса, русыд юрсиа. Чужөм вывсьыс нюмыс оз и куслы. Тюрнин моз жө оз новлы ус ни тош, век сөстөма бритчөма. Руд костюма, сапөга, рыжөй кучик тужуркаа да картуза.

Никанор Михайлович ылісянь на казяліс Степанөс, вөрзбөдчис воча. Найо пөся видзаасисны. Чучин, вөлөмкө, төдса и Санинкөд. Видзөдліс сы кокъяс вылө, дивитөмөн катлөдлыштис юрнас:

— Клубө локтін?

Корреспондент быдсөн гөрдөдыштис.

— Орчча управляющөйсө чайті суны контора-сьыс,— висьталіс сійө.— А сөсся со лоис тіян дорө, Никанор Михайлович, локны... Важ друг, мездад пикө воөм мортөс. Пөгиб: абу кө передачаын көдза йылыс материал, главнөй редактор оз и лэдз сійөс эфирө. Төвбыд мучитчим. А өні ещө нин, асьныд гөгөрвоад... Аски передача, а мян вель культураяс йылыс кадрыс абу. Көть кык кыв висьтыштөй, Никанор Михайлович.

— Дерт, лоө,— быттьө шензьөмөн шевкнитис дженъыдик кияссө Чучин,— а то критикуйтны кутад.

Санин тэрыба лөсьөдіс аппаратсө, бөсьтис кнас микрофон да горөдіс трактористлы, медым сійө заводитис моторсө. Здук мысти трактор кутис буткөдчыны. Санин гора, быттьө трибуна вывсянь, заводитис:

— Ми нуөдам репортаж веськыда муяс вывсянь, кытчө петөмаөсь нин механизаторьяс. Ті кылад шумсө тракторлыс, код руль сайын пукалө овмөсса знатнөй механизатор...

Санин джөмдыштлис да видзөдліс Чучин вылө, коді быттьө водзвыв виччысьөма тайөс.

— Николай Чукичев.

— Николай Чукичев,— водзө нуөдіс Санин.— Сійө лөсьөдчө вөчны первой бөрөзда участокын, кытчө лоө пуктөма вель кормөвөй культураяс. Таво совхозса тайө передөвөй отделениеын көсйөны содтыны налыс площадьсө некымын пөв, мый сетас позяялун өнмөдны көрым база. Вель быдмөгьяс — сійө йөв, яй да вый мян условиясын. Оз өд весьшөрө шуны, мый

мӱслӱн йӱлыс вомас. Тайӱс бура гӱгӱрвоӱ совхозса ветеран, передӱвоӱ отделениеса управляющӱй Никанор Михайлович Чучин. Та йылысь сийӱ висьталас ачыс.

Степан неуна шензьӱмӱн видзӱдӱс тайӱ серпас вылас, но суйсыны вежавидзис. А Чучин сӱк костӱ сяр-гис-висьтавлӱс, мый найӱ шуисны бырӱдны клевер да тимофеевка, мый пӱшти став муяс вылын кутасны быдмыны выль кормӱвоӱ культураяс. Никанор Михайлович чуксалӱс районас став механизаторъясӱс, специалистъясӱс артыштны кольӱм вося ӱшыбкаяс, не лӱдзны ӱнӱ найӱс, а му вылын вӱдитны сӱмын сӱтшӱм культураяс, кодъяс выгӱднӱйӱс тайӱ либӱ сийӱ овмӱслы, петкӱдлӱсны нин асьнысӱ да водзӱ вылӱ кутасны сетны ыджыд пӱльза.

Санин сувтӱдӱс аппаратсӱ, корис ас дорас трактористсӱ, шуис микрофонӱ:

— А ӱнӱ ми здук кежлӱ сувтӱдӱм знатнӱй механизатор Николай Чукичевлысь агрегатсӱ, корим висьтыштны аслас планъяс йылысь. Кымын центнерӱн быд гектар вылысь чайтад таво босьтны веж массасӱ, Николай?

Сьӱдасьӱм чужӱма, ыджыд тушаа трактористкӱд, кодӱ ӱна мунӱс сирӱд вужля вылӱ, сӱрнийс вӱлӱ кеня кокысь вый пычкӱм кодъ жӱ. Сийӱ кольяс моз шармӱдӱс синсӱ, вӱсьтӱс вомсӱ, но сӱтысь эз пет ни ӱти шы.

— Висьтав. Уна-ӱ?

— Уна-ӱ... Код тӱдас...

— А кольӱм во уна босьтлӱд? Кутшӱм лӱӱ агрофоныс таво тӱян?

Тракторист сулалӱс мыр моз. Сӱки управляющӱй наяна видзӱдлӱс сы вылӱ, тапнитӱс пельпомас:

— Технологическӱй карта йывсьыд вунӱдӱн али мый?

Дыр ноксьӱм бӱрын корреспондент да управляющӱй век жӱ перӱисны Николай Чукичевлысь некымын кыв.

Сӱсся Санин выключитӱс аппаратсӱ, нимкодя горӱдӱс:

— Вот тайӱ репортаж, часлы кывзыштам. А тӱ, Николай, эн маитчы: операторъяс миян ставсӱ шылӱдасны-мольӱдасны. Некутшӱм мыкталӱм оз кут тӱдчыны.

Кассета мөдарө гартөм бөрын тэрыба пуктис наушникъяссө пеляс. Вочасөн Санинлөн чужөмыс вежсис, быгалис, льобъясыс лёталисны, кузь нырыс дзикөдз өшйис.

— Кутшөм репортаж пропадитис!— бөрдан гөлөсөн ымөстис сийө.— Кутшөм репортаж... Трактор шумыс ставсө венө.

Кывзисны быдөн. Да. Мотор буткөм пыр өдва-өдва кылисны сёрнитысьяслөн гөлөсьяс.

— Николай,— шуис Санин трактористлы,— нуөд татысь агрегаттө ылөджык, мед мотор шыыс өдва татчөдз кылис.

— Тайө абу агрегат, а куйөд кыскалан телега,— баткөбтис Чукичев.— Дай тракторыс му вылас оз на лыб.

— Чөрт ськөд!— равөстис дөзмөм корреспондент.— Кусөд мотортө. Мед оз мешайтчы. Тайө вөли быттьө репетиция, а өни заводитчө премьеры. А куйөд телегатө ме агрегатсьыд торйөдны верма жө. Ог нин өти во ноксы ти коддьөмыскөд. Сэсся өд, мөдарө кө, трактор дорө йитөм быд прицелной орудие позьө шуны агрегатөн. Ошыбкаыс оз ло. Радиоад, чайтан, лапкор пеля йөз али мый пукалөны.

Степан нюмъялөмөн видзөдис тайө серпас вылас, а кор помасис плёнка вылө репортажсө выльысь гижөмыс, шуис:

— Сөмын радио пырыд сетны тайөс нөрөвитыштөй: колөкө, аски-аскомысь гөрнысө оз на заводитны.

— Сетам, кор заводитам гөрны. Но лоө өд тай водзвыв ставсө босьтны. Быдөнлөн аслас страда... И гөгөрвоа, мый сийө сэтшөмыс. Чужли сиктын, гөрысь бөрся нидзув чукөртли. Сэсся велөдчи да ворсли сцена вылын колхозникъяслысь рольяс. А өни со торйөдчи театркөд, корреспондентала. Адье!

— Да, ти, Санин ёрт, збыльысь артист.

Но мөдыс тривксөдис нин аслас машиналань, весиг эз жалит лөсталысь штиблетъяссө, кодъяс улысь резсысь няйтгыс гырысь запятаясөн пуксялис гач кокас да плащ бөж дорас.

— Найө и отсаласны кыпөдны видз-му овмөстө,— курыда нюмдис управляющөй.— Вай, другө, ветлам ме ордө, өбедайтм. Тшыг кынөм вылад пө бур

мөвпъяс юрад оз воны. Пөлөвинаой талун страпайтис сэтшөм черинянь, кывтө ньылыштан.

Қор найо пуксисны машинао, Степан веськыда юалис:

— Никанор Михайлович, сідзкө, решитін бырөдны клевертө?

Чучин видзөдліс агроном вылө, быттьө первоыйсы аддзис сійөс. Тыдалө, гөгөрвоис сылысь мөвпъяссө, чужөмыс ойдіс нюмөн.

— Эн өмөй кывлы менсьым сёрнисө? Ме чуксали радио пыр вөдитны сэтшөм культураяс,— бөръя кывъяссө Чучин төдчөдіс гөлөснас,— кодъяс выгөднөйөсь миян овмөсьяслы, петкөдлісны нин асьнысө да водзө вылө кутасны сетны ыджыд пөльза. Гөгөрвоин? Збыль өмөй чайтан, мый кута керавны ув, код вылын пукала? И анькытш сора зөр ог бырөд. Видзөдлам нөшга өтчыд, мый артмас. Мөвпала и зернөвөйяс көдзөм йылысь...

— А Саниныд нө мый шуис? Бырөдад пө уна вося турунъяс да.

— Кодлы тэ эскан: корреспондент кывъяслы али управляющөйлы. Андреянович, мукөд дырйи святөй лөжыс правдаысь бурджык. Видзчыся, медем кадысь водз эз пинявны кутны.

— Менам батылы сэтшөм нимсө тэнад Санин другыд сетис нин,— вочавидзис Степан да висьталіс, мый вөлі, қор найо локтисны корреспондент машинаөн татчө. Но та вылө видзөдтөг, том Тюрнинлы вөлі долыд сысысь, мый орччөн пукалө сюсь да вежөра морт, коді мөвпалө сы моз жө.

## ВЫЛЬ ТӨЖДЛУНЪЯС

Икучевлөн кузнечаыс сулаліс отделениеса гаражкөд орччөн. Овмөслы коланторъяс дорөм кындзи сійө мөгмөдліс и механизаторъяслысь корөмсө. Дерт, сложнөй детальяс эз дорлы, а шылльө-мыльбөтө вөчлывліс. Механизаторъяс частө пыравлывлісны сы дорө. Та вөсна Терень төдіс быдтор, мый вөчсьө совхозын.

Со и тайө асыв сы дорө кежис бригадир Мальцев Илья. Кык неыджыд скөба дорипкості сійө куритчис, сьөкыда ышлолаліс. Терень эськө и эз радейтлы кыв-

над изны, но век жö юалис, мыйла бригадир талун абу гажа да долыд.

— Видлöй, Терентий Евлампьевич, овны кык би костын, öдвакö, кыпыд лöö.

Бригадир висьталис, мый отделениеса выль управляющöй — Чуманов — тшöктис гөрны став клевер, кöдзны сы пыдди выль культураяс. А агроном Тюрнин эз лэдз вөрзöдны сийöс. Механизаторьясöс ыстис гөрны мöдлаö. Стрöга öлöдис, медым некод эз лысьт матыстчыны уна вося турунъяс дорö. Тöрыт локтис управляющöй, кутис йирöмөн-йирны найöс кывзысьтöмысь. Механизаторьяс, дерт, ыстысисны Тюрнин вылö.

— Сьöлöмыд нö немтор оз висьтав?— юалис Икучев.

Мальцев нёнялис папироссö помöдзыс, шыбитис сийöс ывлаö. Вöлисти вочавидзис:

— Ме думысь, том агрономыд прав. Ми гөгөрвоим тайöс. Бырöдам клевер, тимофеевка, а на пыдди пуктам тöдтöм культура, кодi войвылын некод эз вöвлы. Лунвылын сийö, дерт, колöкö, бура быдмис, а тани...

— Сидзкö, Тюрнинлысь и кывзысьöй...

— А управляющöйыс öд абу жö мыжа. Сылы сетöма план. Сы мындатö кöдз мальва, сы мындатö свеклö, подсолнух. Оз кö тырт плансö, сийöс и мянöс гөн паныд сыналасны.

— Сыналöмсьыд оз ков повны,— шуис Терень,— медтыкö кöрымыс лоис-а... Тюрнин тай со оз пов, небось.

— Ок и йөрш,— серöктис Мальцев.— Аддзылин кö тöрыт найöс, Терентий Евлампьевич, му вылысь... Ми быттö кык би костö веськалим. Чуманов тшöктö öти-тор, а Тюрнин оз лэдз. Öтиыс таркöдö морöсас, мый сылөн план. А мöдыс горзö наука, практика да опыт йылысь. Воисны матьöдз. Сэссия Чуманов тövзис машинаөн директор дорö, а Тюрнин вожасис мотоцикл вылас да мöдарö. Батьыс кодь жö чорыд. Митрей Öндрейяны тай кöть юр вылас майöг ёсьты, век асьыс тöдö-а.

— Бадь вужйысь мöд пу оз пет,— кывкөрталис Терень.— Кодi кодöс сöмын кусыньтас-а?

Икучев эз вермы шензыны ас вылас. Первойсö, кор кывлис том Тюрнин локтöм йылысь, став сиктыс быттö пемдылис. И веськыда кö шуны, веж петöм

вѳсна. Сылѳн Егорушкоыс пуктѳс юрсѳ фронт вылын, а Митрей Ѳндреянлѳн Степаныс жыруйтѳ-олѳ, нѳшта начальникалѳ дай. (Татшѳм здукъясас Терень вунѳд-лис, мый и Тюрнинлѳн первой пиыс, кодѳ чужлис 1918 воын, усьлис бѳръя война вылас жѳ). Но кор гѳгѳр-воис, мый Степанлы абу кокныд кыскыны ассьыс нѳбсѳ, мый сѳйѳ збой, абу полысь дай тѳдѳ ассьыс уджсѳ, сылѳн мѳвпъясыс кутѳсны вежсьыны. Торѳйѳннин воис сьѳлѳм вылас, мый том Тюрнин оз радейт сылѳн Катя моз дыр куйлыны вольпасьын. Чечѳ Теренькѳд тшѳтш, котралѳ керка гѳгѳрыс, пессѳ турник вылын, а сѳсся кватитас кузьчышьян и ва дорѳ. Тереньлы звѳз помсянныс ставыс тыдалѳ. Локтас берегѳ, пѳрччыяс да морѳссѳ кѳтѳдышттѳг ни немтор бузгысяс юѳ. Быттьѳ вошлѳ ваас. Тереньлѳн весиг топавлѳ сьѳлѳмыс: запреки, войтѳв кѳ кыскас кыткѳ, пропадитас. Кѳть и Митрей Ѳндреянлѳн пи, но ѳд морт жѳ. Кытчѳ сѳмын батыс видзѳдѳ, Ѳпрѳсьыс быттьѳ немтор оз аддзы ни. Терень кѳ эськѳ — велѳдѳс.

Кор Степан локтѳ ва дорысь, Терень босьтчѳ кутшѳмкѳ удж бердѳ, бергѳдчѳ сылань мышкѳн, но и балябѳжнас кылѳ том Тюрнинлысь неуна наян видзѳд-лассѳ, аддзѳ тешкодь нюмсѳ. Но тайѳ жѳ здукас Терень вошлис сарай пытшкѳ, мед колѳкѳ видзаасьѳ стынкѳд да джуджыд заборкѳд.

Бѳръя кадѳ Икучевлы кутѳс кажитчыны, мый сылѳн сьѳлѳмыс омѳля заводитѳс кывзысьны вежѳрыслысь. Вежѳрыс тшѳктѳм вылѳ видзѳдтѳг, сьѳлѳмыс эз кѳсйы лѳгавны том Тюрнин вылѳ. Но татшѳм здукъясас Икучев ыстысьлис пѳрысьлун матысмѳм вылѳ. Оз ѳд весышѳрѳ шуны: выжыв морт пѳ да челядь ѳткодьѳсь. Со и нимкодьясьѳ сылѳн сьѳлѳмыс томлун вылѳ.

Казялис Терень и ещѳ ѳтитор. Мѳд пѳлѳсджык лоис сылѳн Катяыс. Синмѳ шыбитчанаыс абу, но батысь тайѳс он дзеб. Водзджык чечѳ, мичаджыка пасьтасьѳ, дырджык бергалѳ рѳмпѳштан дорын. Весиг душитчыны заводитѳс. Водзджык тайѳ эз вѳвлы. А кор гортын, синсѳ частѳджык чѳвтлывлѳ Митрей Ѳндреянлѳн пѳслѳвича кодь керка вылас. Гашкѳ, тасысь мыжаыс том Тюрнин жѳ да. Али нѳ вежѳгтысь мортлы моз сѳмын кажитчѳ. Лѳѳ стрѳжитыштны мамсѳ, мед сюсьджыка видзѳдѳ Катяыс бѳрся. А то ѳнѳя

том йӱз бaть-мaмлысь кӱсйӱмъястӱ оз зӱв пыдди пуктыны.

Пажын бӱрын нин кузнечaӱ котӱрӱн мoз вoлӱс управлaющӱй Чуманoв. Тaйӱ вӱлӱ том мужик нa. Пaсьтaсис мичaа, вeсиг тшaпa. Унa кизьясa кучик курткaа. Гырысь сeрa гaчa, лӱстaлысь гӱлeньясa сaпӱгa. Пытш кoдъ тӱрыб вӱрaсьясa, кoсӱник, нeйджыд тушaа. Рудoв синьясыс тӱрыбӱсь, нeйджыд ӱсь ныр-сӱ быттӱ сь вылӱ и лӱсьӱдӱмa, мeдым быдлaӱ сoй-сьывны. Сӱрнитӱс тӱрыбa, кывьясыс пeчлaсисны ӱшинь стeклӱӱ инмaлысь кaтшaшылдӱс мoз. Тeрeнь унaӱс нa пийсь ӱз и вeрмыв гӱгӱрвoны. Нимтӱсны управлaющӱйӱс ӱвнaс. A нывбaбaяс ыдждӱдлӱсны сӱйӱс «пӱчӱ чуманӱн». Тeрeньлӱн кывийсь ӱз бeргӱдчы шуны управлaющӱйлысь нимсӱ. Рудoльф. Сeтлӱмaӱсь жӱ ним. Сь вӱснa и Тeрeнь ӱз ыдждӱдлы управлaющӱйӱс нeкыдзи. ӱз ӱнaсӱ рaдeйтны Рудoльф Мaтвeвич Чуманoвӱс мeдcясӱ сӱйӱн, мый быд субӱтa сӱйӱ тӱвзис кaрын oлысь сeмья дӱнaс. Мыйлa ӱськӱ сӱйӱс нe вуджӱдны тaтчӱ. Пaтeрaыд, мaйбыр, сюрaс. Тыдaлӱ, оз ӱнa вись кынӱмыс тaтчӱс дeлӱяс вӱснa. A чeмoдaн вылaд пукaлысь мoрт дoрaд ӱмӱй кoдӱскӱ кыскaс сьӱлӱмыс? Вo джын сaйӱ нин тaнӱ, a нeкoдкӱд нa ӱз тӱдмaсь, мoрт oрдӱ ӱз пырaвлы. Мыйӱн тoпӱдлaсны бӱжсӱ ӱдзӱс кoстӱ, нeбoсь, ӱдийӱ тaтысь ӱсыйсь. Сиктcя йӱз пӱвстьсь кызвыныс мӱвпaлӱсны тaдзи. A Икучeв ӱд ӱз жӱ мӱдлaысь вӱв.

Co и ӱнӱ кузнeч быттӱ ӱз кaзьяв управлaющӱйӱс. Нoксис гӱрнa дoрын.

— Здрaвствуйтe, Тeрeнтий Eвлaмпьeвич, — гoрaа шыaсис Чуманoв дa кутӱс видлaвны дoрaнтoръяс, нo сӱдзи, мeдым нe нaйтӱсьтны гырысь сeрa гaчсӱ. Икучeв сӱмын дoвкнитлӱс пaшкыр юрснa юрнaс: кoлӱ кӱ пӱ, мeд лoаc сӱдз.

— Тeрeнтий Eвлaмпьeвич, вoдзӱ нуӱдӱс Чуманoв, Икучeв пaськыд мышкӱ видзӱдӱг, — срoчнӱй зaкaз кoлӱ вӱчны: мeрнӱй прoвoлoкa, кӱрт бeдьяс, мeдым пoзис крeпитны сyтyгaсӱ му вылaс...

— Тeлeпoн aли мый кӱсьян нyoжӱдны? — ӱз вeрмы чӱв ӱвны Икучeв, кӱтъ ӱськӱ тӱдӱс, мыйлa кoлӱны тaтшӱмтoръясыс.

— A сӱйӱ нин aбу тeнaд мoг, — стрӱгa ӱлӱдӱс Чуманoв. — Тeлeфoн ли, тeлeгрaф ли...

— Начальство оидлы, дерт, ылысьджык тыдало. Важон Кара Мылькса муяс вылад быдмывліс няньыд сё пудья. А оні ті коддьомыс сійос тыртём мөскос моз видзад. Кольом во, кыз шуисны, рок ни пок эз сетлы.

— Лёк, кор уна тодоны да быдонос велодоны,— наяна шуис Чуманов.— Тэнад могыс оти — корт куснявны...

Икучев пузис. Гораа сьовзис кузнечалон няйт джоджо да первойыс букыша видзодліс управляющой выло. Но модыс быттьо тайос эз и казавлы, водзо нуодіс:

— Вывті нин ёна волясо быдонлы сетісны. Водзджык ко эсько, кывныто томан сайын кутід...

— А тэ видлы кортвомавны йозсо, гашко, артмас,— дожныштіс Икучев.— Сомын ті вок коддьомыслон кыс дженьыд.

— Мый но ми нодкывъясон сёрнитам, Терентий Евлампьевич,— модаро кеждіс сёрнисо Чуманов.— Нянь да нянь долянныд... А миянлы колоны кормової культурыяс. Натог йольыд да яйыд оз ло. Совхозсо од специализируйтёма. А кольом во ті агротехникасо дзугломьдось. Кыс но сесся бура быдмасны кормовоїясыд. Коми филиаллон участокын, небось, урожайыс воёма. Ас синмон адзылі. Дай ученоїяс омой сомын? Асывнас кывзін радиосо? Миян совхозыс орчча отделениеса управляющой Чучиныд мый висьталіс? Артыштої по кольом вося ошыбкаясто да водитой сомын выгодной, гырыс урожайяс сетыс кормової культурыяс...

Чуманов шензьомон ланьтіс да модіс видзодны тешкодя шпынныалыс Терень выло.

— Чучиныд мудер мужик,— шуис Терень.— Сійос коло кужны гогорвонито. Советуйтіс правильно. А миян муяс вылын медся бура век на быдмылісны клевер, тимофеевка, зор, анькытш... И нянь. Нянь. А сыыс быдсяма корым позьо вочны. Эн вунодой: вөвтө коло вөтлыны зорйон, а оз зорйон. А ті мый вочад? Рудзог озим силос выло бытгад — и ставыс. А сэк жо комбикорм ваяд бокусь. Тайо омой оз донсьод яйто да выито?

— Оні вөвъясыд бензин да масло жоритоны,— вочавидзис Чуманов.— А зор бырөдысьясыд сомын

калбас вылө шогмёны.— Сэссия вель дыр мысти сод-  
тіс:— Бур, мый көрт куснялан, а то эськё тэныд  
важён нин кутшөмкё ним өшөдісны.

— Менё выльысь пыртны оз ков. Нимсё христиан-  
скөйөс поп сетліс. Дай абу лёкөс, кутшөмөс новлөны  
кодсюрө. И ньөти ме абу көрт куснялысь, а крестья-  
нин. Нэм чөж вердчылі му помысь. Сійө эз кедзовт-  
лыв менө, кызди өні өткымын «вежөра» йөзөс...

Чуманов эз гөгөрво, а гашкө, эз көсйи гөгөрвоны  
кузнечлысь бытшкасьөмсө. Сійө матыстчис Икучев  
дорө, пунктис нейджыд еджыд кисө кузнечлөн ён пель-  
пом вылө.

— Тэнө, Терентий Евлампьевич, шуөны сиктлөн  
сөвествөн. Йөзыс кывзысьөны, лыддьөны авторите-  
төн. Ме көсья юавны со мый...

Управляющөй босьтіс киас нейджыд мөлөт, тро-  
ньөдыштис накөвальняө, музыкант моз кывзыштис ра-  
залысь шыяссө.

— Терентий Евлампьевич, а мыйла оз пөчитайт-  
ны менө? Тюрнин со сөмын на воис, а сійөс пыдди  
нин пунктөны. Гашкө, местнөй да сы вөсна? А? Ме  
өмөй мыжа, бокөвөй морт кө?

Управляющөй гөлөсын вөлі и шог, и кутшөмкө  
полөм, и мыйкө водзысь виччысьөм. Тереньөс тайө  
шемөсмөдіс. Сійө первөйысь видзөдліс Чуманов синъя-  
сө. Управляющөй эз вешты видзөдлассө, коді вөлі  
коньөр мортлөн кодь жө. И чужөм сертиыс төдчис,  
кызди пессьө сьөлөмыс.

— Заказтө ме вөча,— лабутнөя вочавидзис Ику-  
чев.

— Ме, Терентий Евлампьевич, виччыся ог сійөс,—  
неуна сырмысь гөлөсөн лөня шуис Чуманов. Икучев  
гөгөрвоис, мый тайө мортыслы, тыдалө, сьөкыд, мый  
сылөн оломыс абу сэтшөм, кутшөмөн кажитчө йөзыс-  
лы. И кузнечлөн өнөдз веськодь сьөлөмын чужис сы  
водзын сулалысь жебиник мортөс жалитөм.

— Тэ, Матвеич, Рудольф,— друг артмис сылөн,—  
рытнас кежав мянө. Гөтыр черинянь пөжаліс...

Управляющөйлөн синьясыс быттьө ловзыьштисны,  
Сійө швыркнитчис-бергөдчис, котөрөн моз мөдіс сикт-  
лань. «Оз өд весьшөрө шуны: пуд сов өтлаын сөйтөг  
мортөс эн вөйп ни эн ошкы»,— сөмын кужис мөв-  
мыштны Терень.

Степан Тюрнинлөн, көть и казтылісны сійос кузнеч Терень да Чуманов, юр пöлыс эз петаवлы. Эз думайт сы йылысь, пöчитайтöны-ö сійос сиктса олысьяс. Выль мотоциклөн агроном журъяліс совхозса отделениесöд, бригадаясöд, көсийс ставсö аддзывны аслас синъяснас. Оз весьшөрö шуны, мый тувсов лун во вердö. Мыйкө кө оз артмы, кыткө кө дзугсяс, то арнас тайö быть тыдовтчас. Колö вöлі, медым механизаторъяс да рабочöйяс уджалісны агротехнической правилöяс серти. А найö быд культуралөн аслыспöлöссь. Быдлаö коліс видзöдлыны. Мый дзевнысö, механизаторъяс пöвстын паныдасьлісны и сэтшöм йöз, кодъяс эз зэв артасьны правилöяснад, медтыкө öдйöджык көдзны. Торійөн нин лоис ноксьыны выль кормöвöй культураясөн. Степан тöдіс, мый на пиысь оз быдөн сетны веж массалысь бур урожай, но сійö век жö зіліс вöчны ставсö, медым сөвестыыс лоис сөстöм, медым арнас вермис шуны: «Мöд во тайö культураяслы му вылын местаыс оз ло». Степанлөн висис сьöлöмыс, кор аддзис, мый кызвын бригадаясын бырöдöны клевер, а на пыдди көдзöны сöмын öти вося культураяс. Немтор он вöч: план. Управляющöйясöс да бригадиръясöс мыжавны таысь оз вöлі позь. Колö прамöйджыка шашаритчывны совхозса директоркөд либö главнöй агрономкөд. Найö öмöй оз гөгөрвоны? Мыйла бырöдны уна восяяссö? А öд найö вермисны сетны зэв уна көрым, дай мусö озырмөдісны...

Көдза лунъясö Степан вунөдіс унатор йылысь. Кадыс эз тырмы: ветліс бригадаясь бригадаö, звеноысь звеноö. Выль том агрономöс тöдісны нин быд сиктын да грездын. Тöдісны и сылысь неуна крут оласногсö, чорыд кывъяссö, му пырыс аддзысь ёсь видзöдлассö. Агроном эз яндысь вöчöдны уджсö выль пöв. А тайö абу кивыв и аслыс механизаторлы. Йöзсяньыс яндзим, дай зептад кучкө. Быть лоö вöчны бур йöзыс моз жö.

Степан воывліс гортас сёрөн, пыртліс мотоциклсö йöрас, шыбитліс няйт да бусöсь комбинезонсö, котöртліс ю дорö, пöттöдзыс купайтчыліс көдзыд ваын. Выть вылө, майбыр, эз норасьлы. Мый пуктасны ныр улас — шузьöм шыд көть культöм картофель — ставсö урвар сёяс. Мамыс жаладдза видзөдіс пиыслөн

гожъялөмысла съодасьом да нюремунөм банъяса чужөм вылө, довкиодліс юрнас:

— Чань вөв, пиө, яра босьтчылө, а сэсся дудө.

— Арыс петкодлас, мам, коді мунө дудан туй кузьяс.

— Тешкодь. Управляющөйным морт ордө оз правлы, быттьө керкаяснымөс ош гөнөн тшынөдөма. А өні быд рыт миян сусед ордын. Вөччас да сөмын тривксьөдө. Öні на сәні. Мый и төлкуйтөны... Кузнич Тереньлысь кывтө колө клещиөн кыскыны-а.

Öпрөсинья наяна видзөдліс горша сөйысь пиыс вылө, мудера шуис:

— Корасьны кө нин көсьө-а. Мый сэсся? Гөтыртөгыд абу жө кивыв. Катьяс эськө и абу на эндан выйын да...

Степанлы быттьө кодкө бытшкис морөспань улас. Зільджыка мөдіс панясыны. Бөрья луньясас сийө дзикөдз вунөдліс суседка йылысь. Луннас шердйысьөветлө муяс вывті, рытнас воө гортас шой кодьөдз мездөмөн. Вежяс, сөяс и — сарайө узьны, непөштө ветлыны клубө либө ныв-зонлөн йөктанінө. Газетьяс йылысь вунөдіс и.

Татшөм рытъясысь өтиө на өшинь улө сувтіс машина. Директорлөн. Шофөр висьталіс, мый пыр жө сийөс корөны контораө.

— Öзйис али мый кыткө?— ёрчыштіс Степан.— Сөйныд весиг оз сетны прамөйджыка...

— Тыдалө, директор пытшкын пөжар,— серөктіс шофөр,— инас оз өшйы. Синсьыс би петө, вомсьыс — тшын. Ок, скөр...

Степан тэрыба пасьтасис. Ылөсас гөгөрвоис, мыйла корөны. И век жө эз көсьыссьы эскыны.

— Тэ, чирук, ёнасө эн майшась,— шуыштіс Митрей Öндреян пиыслысь неуна вежсьөм чужөмсө казялөм бөрын.— Öтка мортыд и килльөн пөтас. Сэсся и бедьыд кык пома — кодарыс кодлы инмас.

Степан аттьөалан синъясөн видзөдліс батыс вылө, тэрыба петіс гортсьыс. Совхоз контораөдз сийө эз восьтлыв вомсө. Та вөсна вит километра вөлөк кажитчис кузьөн. Степан шуис не сетчыны: эскис аслас правдалы. Мый лоаныс ло, а сийө вөчас ас ногыс. Дай мыйла сөмын ас ногыс? Оз өмөй сы моз жө мөвпавны прамөй крестьяниньяс, кодьяс бура төдісны да

радейтисны му? Кыдзи нӧ поэѳ клевертӧг, тимофеев-катӧг? Ӗд найӧ ӧнӧдз вӧвлины овмӧслӧн озырлунӧн. А выль культураяс пиысь кодсюрӧ сӧмын ылӧг.

Директор кабинетын пукаліс главнӧй агроном Патов, ноксис сводкаясӧн. А ачыс Турьев тюръяліс-ветлӧдліс пельӧсысь-пельӧсӧ. Скӧрлуныс, тыдалӧ, мыйтакӧ пакталӧма нин. Иван Николаевич зыралыштіс лӧсталысь куш юрсӧ, здоровайтчис да корис пуксыны Тюрнинӧс. Сэсся лӧчысис аслас пызансайса креслӧӧ, дыр видзӧдіс том агроном вылӧ, быттьӧ первойысь аддзис.

— Мда-а...— сэсся нюжӧдіс сійӧ.— Со, вӧлӧмкӧ, кутшӧм, Селиверст Никитич, мянӧс колошиӧ пуксьӧдысьыд. А ӧд быттьӧ прамӧй морт. Кывйыс да делӧыс, вӧлӧмкӧ, сылӧн лӧбын моз вожалӧ.

Степан эз вермы терпитны, дӧзмӧмӧн вочавидзис:

— Ме эг лок татчӧ нӧдкывъяс тӧдмавны: кадыс дона. А уджсӧ сӧмын на панӧма. Ӗдвакӧ сэсь поэѳ кутшӧмкӧ вож казьявны.

— Тадзтӧ, Селиверст Никитич, бергӧдчис директор Патовлань,— бурджык, ме думысь, Тюрнинлы и заводитлынысӧ эз ков.

Тайӧ модаыс, кор Турьев сӧрнитіс Степан пыдди главнӧй агрономкӧд, том Тюрнинлы эз во сьӧлӧм вылас.

— Да, да, дона Степан Андреянович,— бергӧдчис агрономлань Турьев,— эз и ков заводитны. Висьталӧй, ноко, коді тані кыв кутӧ совхоз вӧсна? Пельпомтӧ топӧдланьыд? Сідзкӧ, век жӧ гӧгӧрвоан. Мыйла эн лӧдз гӧрны клеверсӧ? Кыдзи ті лысьтиньыд? Ӗні клевер местаӧ быдлаын пуктӧны выль кормӧвӧй культураяс. Гӧгӧрвоид? Ті нӧ наукалы, учӧнӧйяслы паньыд?— Директор чеччис да мӧдіс тӧрыба ветлӧдлыны кабинетӧд, сэсся тран сувтіс Тюрнин водзӧ, суйис кияссӧ паськыд гач зепъясас да мӧдіс катласьны то коклябӧр, то кок чунь йылас.

— Аски жӧ гӧрӧй! Ме ог терпит некутшӧм партизанщина!

— Тайӧ «партизанщинаас», Иван Николаевич, менӧ велӧдісны сӧветскӧй институтын. А сәні тӧлк вылас ми коддьӧмсӧ пуксьӧдӧны оз жӧ кутшӧмкӧ пач тӧчысьяс либӧ стеклӧ пукталысьяс...

— Давай, Степан Андреянович, петкӧдлы меным,

пöрысь дураклы, печниклөн да стекольщиклөн быд-таслы, гажсö,— директор бара кутіс педзны пельö-сысь пельöсö.

— А мян филиалса öткымын учёнöйяслөн татшöм рекомендациясыс,— водзö нуöдіс ассыс мөвпсö Тюрнин,— шусьö наукасö практикасы торйöдöмөн. Сійö учёнöйис, кодлысь ті, Иван Николаевич, кывзы-сяд, воліс эз мян совхозö? Эз. А төдö-ö сійö татчöс условияссьö? Оз. Сійö ноксьö быдмөгъяснад дас либö кызь квадратнöй метр пасьта участокын, кöні усло-виеясыс теплицаын кодьöсь. А мян сёрниис муно уна дас гектаръяс йылысь, öтувъя скöтлы зумыд кö-рым база йылысь. И тані некыдзи оз позь уна вося турунъястöг. Мөдарö, ме думысь, мян условиясын, Иван Николаевич, колö вöдитны кызд позьö унджык турун. Чукöртны сылысь кöйдыссьö, кöдзны видзьяс да пöскöтинаяс вылö, вынсьöдны найöс. Сэки кöрымыд лöö тырмымөн. Колö кызд позьö бурджыка котыртны турун кöйдыс вöдитöм.

Директор сувтіс пызан дорас да кутіс шемöса ви-дзöдны том агроном вылö. Эновтчис сводкаясысь да веськөдіс төлка синъяссö Тюрнин вылö и Патов.

Пуксис чöв-лөнъ, сöмын кыліс директорлөн сьöкы-да пошкöмыс.

— Мда-а,— сэсса нюжöдіс сійö,— вот тэныд, Ни-китич, и козин. Мян борд улö поздысис эз сійö, коді колö.

— Иван Николаевич,— паськыд синкымъяс весьт-сыс неыджыд кымöссö малаліг шыасис Патов,— вай помöдз кывзам Тюрнинöс. Кутшöм сылөн планъясыс? А ярлыктö öшöдны некор абу сёр.

— А ме ог и пов,— июммуніс Степан.— Воас кад, да татшöм йöзыслы ті асьныд кутад копрасьны, вись-тавны аттьö. А мөвпъяс менам татшöмөсь, Селиверст Никитич... Чуманов отделениеысь уна вося турунъяс не вөрзьöдны. Виль культураяс улö муыс, майбыр, тырмас на. Видзöдлам, мый артмас. Мукöд отделе-ниеясын клеверсö гөрöны нин.

— А коді мөдас кыв кутны тайö «Чумановскöй опытнойö поле» вöснаыс?— юалис директор.— Ме тай ог кöсйы пудъявны ассьым юрöс-а...

— Сöмын ме, Иван Николаевич,— кыпöдчис жö улöс вывсьыс Тюрнин, быттьö кöсйис пасйыны тайö

здукыслысь тӱдчанлунсӱ.— Менам керка ни карта, пон ни кань... Сэссия и томлун, ичӱт опыт. Эм ставыс, мый колӱ дорйысигӱн...

— Быдтор эм сылӱн, Никитич,— гӱрд лыс моз дзаж ӱзйис Турьев да мӱдӱс жӱдзны джодж кузя.— Сӱмын абу ӱтитор — вежӱр. Гӱгӱрвоан, мый тӱкӱд сӱки ковмас вӱчны? Вӱтлыны удж вывсыд, мед и дукыд эз вӱв. А ме жалита батытӱ. Кутшӱмджык лӱо сылы? А? Та йылысь мӱвпыштлӱнныд, Степан Андреянович? Со кӱнӱ козиныс! Тӱ ӱд, буракӱ, коммунист? Ковмас тайӱ делӱсӱ вайӱдны и райкомӱдз. Кыдз чайтан, Никитич, ковмас? Ковмас. Сӱнӱ тӱкӱд сӱрнитасны, кыдзи колӱ, а оз кутны ворсны. Директорлысь не кывзысьны!

Турьев бара тангысис-сувтӱс Тюрнин водзӱ, кыпӱдӱс небыдик яя чуньсӱ аслас ныр водзас:

— Клевер да тимофеевка — гӱрны. Ставыс! И некутшӱм партизанщина, кӱть тӱ и абу пач тӱчысьлӱн да стеклӱ пукталысьлӱн быдтас.

— Иван Николаевич,— сӱки шыасис Патов.— А миян муясывывса делӱясыд ылӱдз нималӱны. Меным тӱдса писатель ветлӱма Москваӱ совещание вылӱ. И тӱданныд, мыйла медся ӱна сералӱмаӱсь сӱнӱ? Кор Кировса писатель висьталӱма, мый налӱн войывывса суседьяс — комияс пӱ заводитӱсны быдтыны... кукуруза. Оз эскыны, Иван Николаевич.

Директор чӱв усис. Пуксис креслӱас да дыр видзӱдӱс аслас первой отсасысь вылӱ, кодӱ зӱв збыльысь луасис бумага чукӱрын.

— Тенад анекдотьяс вӱсна кӱть гортӱ эн ветлы, Никитич,— кывкӱрталӱс Турьев.— Бур йӱзыс важӱннин телевизор водзын пукалӱны, а ме нокся партизаньяскӱд.

Сэссия директор бергӱдчис Тюрнинлань:

— А тӱян мӱвпныд, Степан Андреянович, видзяс да пӱскӱтинаяс вылад турун кӱдзӱм йывсыд, ме думысь, бур. Турун кӱйдыс бокысь судзӱдны сӱӱкыд. Та вылӱ колӱ ышӱдны челядӱс, кыдзи вӱчӱ аслас отделениеас Чучин. Сэссия кад нин мӱвпыштлыны и культурнӱй пӱскӱтинаяс йылысь. Мелиораторьясӱс виччысьны ог кутӱй. Заводитам асьным, лишӱдам техника, йӱзӱс. Тайӱс первой кутам вӱчны Чумановскӱй

отделениены. А «опытной полет» сэтгысь, нощта отчод тодчода, медым вөлі бырөдома.

— Тайё приказ?

— Да.

Тюрнин съёкыда кыпөдчис местасыс. Сылөн пельпомьясыс весиг лигышмунисны. Чужомыс здукөн пөрысьмис, лоис рудов рөма.

## ВИЧЧЫСЪТӨМ ГӨСТЬ

Кузнеч Терень эз көсйы вичмөдны аслас сёлөмыс весиг ичөтик пельөс, кытчө эськө вермис писькөдчыны суседлысь писө — Степанөс пөчитайтөм. Но олөмыс синис мөдарө. Том Тюрнинлөн нимыс век пасыкыджыка кывсис бур боксянь. Сыысь полыштісны нин механизаторъяс, бригадиръяс, звеньевөйяс. Весиг ачыс отделениеса управляющөй Чуманов. Та йылысь Икучев төдіс бура. Од Рудольф Матвеевич өні корсюрө рытъяснас пыравліс сы ордө, и найө дыр варовитлісны. Кузнечаын аддзысьлөм бөрын Чуманов сійө рытас эз лок. Терень, дерт, ёнасө эз и шогсы: этшаджык төждлун. А сэсся и вунөдіс тайө сёрни йывсыс. Көдза луньясө кузнечлы уджыд, майбыр, тырмө. Оні Терень мудзөм бөрад весиг шоча петавліс пывсяндорса льөм пу дорө, аслас радейтана местаө.

Отчод рытнас семья лөсьөдчис пуксыны самөвар дорө. Көдкө, кылө, вуджис завор вомөн. Парасковья весиг чуймис: аддзис Чумановөс.

— Загреки, Катя, коді кежис миянө... Терень, видзөдлы...

— Абу од пыравтөм керка,— ружөктіс көзяин.— Катя, петав кумө сола чериняньла.

Карсаяс моз Чуманов тотшкөдчыштіс өдзөсө. Терень восьтіс сійөс гурйыв:

— Лок, лок. Кокыд кузь: самөвар пызан вылын.

Чуманов гажаа видзаасис. Ас морт моз пөрччис болонья плащсө, өшөдіс тувйө. Талун сійө вөлі мича сьөд костюма, еджыд дөрөма, галстука. Ботинкиясыс лөсталісны зеркалө моз. Төдчис, мый өкуратной морт.

— Йөзыскөд бурджыка төдмасыны мөді тиянсянь,— нюммунис управляющөй да кытшовтіс видзөдласнас горнича пытшкөс, чөвтіс синсө и Катя вежөсө нүөдысь өдзөс вылө.

Пызан сайын сійö вöлі ас морт кодъ жö. Сёйис-юис ёна тшöктытöг. Ошкис кöзаяйкалысь киподтуйсö, мыйöн дзикöдз небзöдiс Парасковьялысь сьöлöмсö. Эз вунöд и Катя йылысь.

— Терентий Евлампьевич, ме, дерт, абу на тшык-сьöм морт, но грека: мудз бöрын ог öткажитчы и румкаысь. Тi, Терентий Евлампьевич, тыдалö, мöвпа-лад ме моз жö,—управляющöй индiс пызан вылын сулалысь сулея вылö.—Сöмын пола Екатерина Терентьевнаысь: мед эськö эг веськалöй светöвöй газетö, кодъясöс петкöдлывлöны клубын, кино водзвылын.

— Мый вöчöма ас кадö да нормаöн, сыысь повны немтор,—шуис стопкаяс тырталiг Терень.—Катялöн мöд мог — ошкыны зiль йöзöс. Не пьянникъясöдз сылы...

— Да. Колö шуны, мый миян сиктын нагляднöй агитация абу омöль,—ошкыштiс Катяöс управляющöй.—Быдласянь видзöдöны выль кормöвöй культу-раяс, веськыда горзöны, медым ми радейтiм найöс, тöждысим на вöсна.

— Оз быдөн тi моз мöвпавны, Рудольф Матвее-вич,—вочавидзис Катя.—Кодi? Миян сусед, напри-мер. Тюрнин Степан. Öтчюд видiс весиг. Быдтор пö колö вöчны юрөн да мераöн. Ошкöм пыдди видiс. Му-кöдтор йывсьыс пö вунöдöмыд. А районын миянлысь уджнымöс кызди донъялöны? Сэни оз видзöдны миян сусед коддьöмъяс вылö. Сэни чайтöны, мый абуöсь кö керка стенъясын плакатъяс, призывъяс, транспарантъ-яс, то и урожайыд оз во. Тешкодъ, но тадзи.

— Тшöтш жö гөрöны,—серöктiс стопка бöрын ва-ровмöм Терень.

— Нагляднöй агитацияысь пöльзаыс ыджыд,—кывкöрталiс Чуманов.—Таысь аттьö тiянлы, Екате-рина Терентьевна. Но нöшта бур лоис, тi кö асьныд частöджык воывлiд механизаторъяс дорö веськыда му вылас. Найö öд мудзöны жö. Пуксисны шойччышт-ны, а тi налы — концерт.

— Сьöкыд гөгөрвоны тiянöс, Рудольф Матвее-вич,—вочавидзис Катя.—Концерт... А кодi дасьтас сiйöс? Помнитанныд, кызди пинялинныд менö, кор апрель тöлысын кöсйим ветлыны грездысь грездö агитбригадаöн? Сьылысьяс да йöктысьясыс дояркаяс, механизаторъяс. А тi, Рудольф Матвеевич, эн лэдзöй

найос: öни пö не гажöдчöмöдз, колö пö лöсьöдчыны кöдза кежлö. Вöли тадзи?

— Мыжа, Екатерина Терентьевна, сетча, — кыпöдiс кияссö вывлань Чуманов. — Сэки ме омöля на тöдi делöяссö. Дай шуны кö веськыда, öни на менö позьö кокниа лыкöдны-ылöдлыны, Давыдовöс моз жö. Дерт, ми öшъяснад ог гөрöй. Но, пöжалуй, трактор да öш пыпшкöстö öтмоза тöда. Стöчджыка кö...

Чуманов джöмдылис. Тыдалö, мöвпалис, висьтавны-ö водзö. Oz-ö кутны серавны сы вылын. Торйöннин яндысис Икучевысь. А сэсса, тыдалö, шуис аслыс: мый лоаныс — ло.

— Екатерина Терентьевна, тi специалист. Помалид училище, тöданныд асьыныд уджнытö. А кутшöма ме вежала тiян суседлы — Степан Тюрнинлы. Сюсь специалист. Сийöс некод оз вермы кöмöдны... А вот менö...

Терень дзыкöдз шемöсмис. Код нö кутас эскыны сылы, управляющöйлы, мöдас кö асьö кулитны? А Чуманов — управляющöй. Кыдз шуласны, вермас пуксьыны ен туйö, кöть эськö йöзыс оз мöвпавны тадзи. А тайö асьö вöйпны заводитiс. Видзöдлам, мый лöö водзö. Икучев выльысь заводитiс кисьтавны стопкаясö вина, но Чуманов öлöдiс сийöс:

— Ме öд öнтай шмонитышти, Терентий Евлампьевич, öти стопка кындзи ог юлывлы, дай то ёна муздöм либö кынмöм бöрын.

— Некод оз мырдöнав, — ружöктiс Икучев. — А меным сулеяыд — ном курчöм.

— Быттьö збыльысь пьянник, — суйсис сёрниö Парасковья. — Тайö бутылкаыс майсяньнин шкапын.

Терень сiдз видзöдлiс гöтыр вылас, мый мöдыс тэрыба чеччис да петiс кухняö.

«Икучев кабыр улö кö веськалан, он зэв чеччав, — мöвпыштiс Чуманов, но немтор эз шу. — Видзöдласьыс полöны. Уна, небось, оз сёрнит ми вок коддьöм моз. Кыдзи видзöдö та вылö нылыс?»

Но Катя эз пыдди пукты лöмторсö. Тöдчис, мый сийö ёнасö оз пов батьсьыс. И збыльысь, ныв наяна видзöдлiс Чуманов вылö да юалис:

— А тiянöс, Рудольф Матвеевич, лыкöднысö сiдзкö позьö?

— Быдөнлысö эськö ог жö сетчы да, — нюммунис

Чуманов.— Но видз-му овмөсад төлкөсө төдә этша на. Помавлі партийной школа, уджалі заводын, парт-оргалі. Заводыд абу колхоз либө совхоз. Сәні оз ченитчыны, кызди тәні...

— Миян өд корсюрө юртөм петук коддьомъястө наждакавлөны жө,— серөктыштис Терень.— И петшө-рыд сиктад тырмө. Кушенчаась, вөч корөсь дай пыв-сьөд кодөс колө. Йөзыс сөмын аттьобаласны тәнө, Матвеевич. А то кодсюрө дзикөдз вельмисны. Луд вылө первойысь веськалөм чаньяс кодьөсь.

— Вывтi крутасө оз жө позь, Терентий Евлампье-вич,— вочавидзис Чуманов.— Сидз нин йөзыс букыша видзөдөны. Сәсся өд кодсюрөөс кө топөдан либө вөт-лан, кодкөд уджавнысө кутан? Том йөз абуөсь. Тәнад Катяыд трактор вылад оз пуксы. Вочасөн ставыс ладмас. Дерт, бур войтыр отсөгөн. Ме чайта, воас кад, кор совхозад йөзыс мөдасны вөзийысьны. А ми огө на быдөнөс кутөй сибөдны.

— Да-а...— ружтыштис ньылөмсө чышкалігмоз Те-рень, коді кисьтис самөварысь квайтөд либө сизимөд чашка.— Сэтчөдз уна ва на визувтас.

— Сиктө колөны сөмын сэтшөмъяс,— өзйис Чума-нов,— кодъяс радейтөны сийөс, төдөны да гөгөрвоөны мусө. Со тиян суседныд, том Тюрнин. Ог весьшөрө вежав сылы. Ме думысь, вежөра, төлка... Көть и ув-гылам, төкөтьө тышкө ог волөй, но ог кулит сийөс. Чайта, мый правдаыс сьлөн, көть и ме регыд на тәні.

— Мыйла либө он вөч сы моз?— шензьыштис Те-рень.

— Приказ!— Чуманов пөшти кевмысьөмөн ви-дзөдліс Икучев вылө.— Директор тшөктө сидз, а Тюр-нин этадз. Кодлысь и кывзысьны. Эг нин этша вир тшыкөдөй та вөсна.

— Коді миян му вылын донатор, а коді и тьөт-пом ныв,— кывкөрталіс Икучев.— Гөгөрвоны колө.

— Ме жө шуи: приказ, мися, Терентий Евлампье-вич.— Чуманов, тыдалө, казяліс, мый лишной вомсө паськөдіс, тшөкмуніс-ланьтис.

Ая-ныла чөв жө олісны. Мыйсюрө лои гөгөрвоана и налы. Вөлөмкө, абу нин сэтшөм шыбитана управ-ляющөйыс. Чуманов бергөдіс сёрнисө мөдлаө.

— А карад меным быть лоө ветлыны: сәні гөтыр, пи... Сөрөн гөтраси. Тшөтшъяяслөн пияныс жөникъяс,

а менам коймөд классо на котралө.— Чумановлөн дрөгмунышти гөлөсыс, быттьо васөд руөн вевтгысисны синъясыс, весиг ёсь нырыс шога көрсьыштис. Ньюжөдіс кисө стопкалань. Клопнитіс-юис, весиг стеклө дорышыс пиньясас эз инмыв.

— Быть лоө ветлыны, Евлампьевич, быть. Кытчөдз пиөс ог босьт ас дорө...

Катялы телепит вөлі юавны, мыйла сөмын писө. А гөгырсө карас коляс али мый? Гашкө, сійө и ачыс оз көсйы локны сиктас? Тадзи жө мөвпаліс и Кузнеч Терень. Но нырсө эз суй йөз йөрө. Не местаө шуөм кыв пө пуртысь на ёна дойдө. А Рудольф Матвеевичлөн, тыдалө, гортса олөмыс вылыссяныыс мича, а пытшкөссяныыс... Да, быд мортлөн кыткө-мыйкө оз судзсы.

Чуманов, тыдалө, гөгөрвоис жө ая-нылалысь мөвпъяссө. Но ньөти эз каитчы: шөгтө өд он век томан сайын видз, коркө и эрдө петас.

— Сикттө ме радейта,— быттьо аслас мөвпъяс вылө гораа вочавидзис Чуманов.— И ог пышйы некытчө, көть кодсюрө гаралөны нин та йылысь, Терентий Евлампьевич. А сямыд да төдөмлунъясыд ас саяд. Екатерина Терентьевна отсыштас и. Библиотекаад видз-му овмөс йывсыйд литератураыс тырмө. Весиг заочникъяслы отсалөны. Но и ме лоа заочникөн.

Чуманов аттьөаліс ставнысө да мөдөдчис патераас. Оти өдзөс сайын петіс и Катя, кодлы колө вөлі мунны клубө. Сідзикөн өтлаын и ылыстчисны найө Кузнеч Терень керка дорысь. И эз кужны мөвпыштылыны, мый суседка Öпрөсиньяысь кындзи найөс колльөдөны орчча керкаяссянь быдтор казялысь уна синъяс.

Та бөрын прөст рытъясө Чуманов частө мөдіс кежавлыны Икучевъясө. Пукавлісны самөвар дорын, варовитісны. Төдчис, мый управляющөйлы патераас гажтөм. Оліс сійө өтка пөчө ордын, бобыль моз. Некытчө вөлі инавны сьөлөмсө, и со аддзис места. Но вывті дырсө эз пукавлы, медым не дөзмөдны көзьяинөс да көзьяйкаөс. Öд налы колө вөлі сьөкыд удж бөрын и шөйчыштыны. Бөрынджык кутіс пыравлыны рытйысьны и бригадир Мальцев Илья. Чумановлы тайө вөлі кивыв жө: бригадир вомысь механизаторъяс пельө, а сөсся татчөс сөрни-басныыс воас отделениеса

быд мортөдз. Тайё отсалас өдйөджык мынтөдчыны сы вылө букыша видзөдөмысь, регыдджык лоны ас мортөн. Сэки и йёзыс мөдасны пуктыны пыддиджык, кывзысыны.

Өти рытө Икучев вөлі өтнас. Локтіс Чуманов. Найё пуксисны телевизор водзө: петкөдлісны футбол.

— Менам синмөй быттьө кутіс вощыны тиянын рытйысигъясөн, Терентий Евлампьевич,— шуыштіс управляющөй.— Унатор куті выль ног аддзыны да гөгөрвоны. Оз весьшөрө, вөлөмкө, шуны: кымын юр, сымын и төлк.

— Сөмын, Матвеевич, төлкыд тшак ва на, он кө куж пөльзуйтчыны сійөн.

— Öні ме асык вылад бура видзөдөмөн нин тувча, мед эськө омөльджыка доймыны,— серөктіс Чуманов.

— Ме өд нөдкывъястө, Матвеевич, ог зэв гөгөрво,— вочавидзис Икучев.

— Öдвакө тэ вежөртө суседыдлысь водзөсавлан,— вак-вакөн серөктіс управляющөй. Сэсса нин збыльысь содтіс:— Көдза кад помасьө, а клевертө да тимофеевкатө сідзи и эг гөрөй. Тюрнин эз сет. Механизаторъяс быттьө пельтөмөсь и. Менсым тшөктөмөс оз и кывны. И нянь көдзим. Дерт, эг уна, а гектар дас-мөд лоө. Төв кежлө лоас асланым вына көрым. Ог төд, мый вөчас менө директор, кор казялас татшөмтортө. Сійө өд надөйтчө сөмын вайөм концентрат вылө. Первойсө Тюрнинкөд өна вензьевлім, норасьлі директорлы. Корлісны Тюрнинтө. Стружитыштөмаөсь. Гашкө, мися, лөнныштас. Воис — синсыс би петө, но меным кыв ни джын, весиг кисө эз мыччы. А ставсө вөчөдіс ас ногыс. Эз бара видзөдлы некод вылө. А ме сэсса сьөвзи жө. Арыс петкөдлас. Главнөйыс, нянь и анькытш лоас. И водзө вылө, ме думысь, ковмас паськөдны налысь көдзаяссө.

— Ме сідз жө чайта, Матвеевич,— ышловзис Икучев.

— Мый лоаныс ло, а öні төлкуйтны та йылысь сёр нин. Миянлысь муяснымөс быттьө кодкө джуджыд заборөн кытшовтөма да директор оз аддзы сэтчө пыран воротасө. Эз на кежавлы. Правда, Патов, главнөй агрономным, лункосмөсөн воывлө. Гажыс бырө меысь буракө.

Чумановлы син улас уси Катя вежӱсса пызан вылын сулалысь аккордеон. Тэрыба чивкнитліс, босьтіс да заводитіс ворсны. Терень кусӱдіс телевизор. Керка пытшкӱс тырис сьӱлӱмтӱ вӱрзӱдысь лӱнь да мича шыясӱн. Терень водзын пукаліс збыльысь музыкант. Сы чайтӱм серти, управляющӱй ворсіс Катяысь эз омӱльджыка. Икучев кывзіс лов шысӱ кутӱмӱн. Со тэныд и управляющӱй! Бара выльтор.

А Чумановлӱн мӱвпъясыс вӱліны тасянь ылынӱс. Син водзас сувтіс пиыслӱн еджыд юрсиыс, кельыдлӱс синъясыс, гажтӱмчысь видзӱдласыс. Весыкыда кутіс нюкыртны сьӱлӱмсӱ. А кутшӱм эськӱ вӱлі лӱсьыд, вайны кӱ сійӱс татчӱ. Но мамыс оз сет. И ачыс оз лок. Кӱть пӱ юрӱс орӱд — ог. Либӱ пӱ ме, либӱ — сикт. Ковмас кӱ пӱ и юксям. Ок, Юля, Юля... Абу весьшӱрӱ важӱн шулӱмаӱс: ті коддӱӱмыслӱн пӱ юрсиыс кузь, да мывкыдыс дженьыд. Вӱлін кӱ эськӱ Икучевлӱн гӱтырӱн, ӱна эн щӱтъясь. ӱдйӱ велӱдіс дорын узылыны. А ӱні ті, нывбабаяс, век правӱс, кӱть эськӱ и частӱджык овлӱ мӱдарӱ. Кымын тӱлка мужичӱй нин вошисны олан туй вывсыс тӱян вӱсна. А таысь, небось, нывбабаясӱс некод оз мыжды. Кыв кутӱ сӱмын мужичӱй. А правильнӱ-ӱ тайӱ?

Но менӱ, Юля, тэныд не вӱйтны няйт гуранӱ. Сідзкӱ, тэ некор и эн радейтлы, мунӱн ме сайӱ сӱмын сы ради, медым эновтны сикт да поздысьны карӱ, кӱні позьӱ гажӱдчыны, овны вӱльнӱйджыка да кокниа. Со, вӱлӱмкӱ, тэ кутшӱм. Не кӱ пиӱй, ме эськӱ эг дыр ноксы тӱкӱд да...

Татшӱм мӱвпъясысь Чуманов дзикӱдз дзугыльмис. Топӱдіс аккордеонсӱ, пунктіс бӱр местаас. Вель дыр пукалісны чӱв. Сэссия Икучев шуыштіс:

— Мый друг гажтӱмчин, Матвеевич, быттьӱ мусӱвасӱ вузалӱмыд, а донсӱ вунӱдӱмыд босьтны.

Чуманов неуна шӱйӱвошлі. Позьӱ ӱмӱй висытавны юрын жӱдзысь свинеч кодь сьӱкыд мӱвпъяс йылысь. Серамвыв лӱптасны сиктад. Кӱсйис гажаа нюмъӱвтны, но паръясыс сӱмын коньӱръяс моз неуна вежыньтчылісны.

Мездіс кытыськӱ воӱм Катя, коді, вӱлӱмкӱ, кывзӱма сылысь ворсӱмсӱ.

— Рудольф Матвеевич, ті жӱ талант. Пырысь-пыр

клубо, репетиция выло. Немтор тыртөм патераад рыт-рыт зунясыны.

Чуманов немтор эз шу. Кыв шутөг мөдiс Катякөд. Терень жаляддза колльөдiс управляющöйöс синъяс-нас.

Сиктад йөзсьыд немтор он дзеб. Регыд мысти тьоткаяс шөпкөдчисны нин, мый управляющöй оз весьшөрө нирт Кузнеч Тереньлысь өдзөс дзирсө. А Катяыс, Катяыс! Лы пырыс вемыс тыдалө, сэтшөм мича да ён, а ветлөдлө мужиккөд, кодлөн гөтырыс ловъя дай пи эм. А быттьөкө прамöй бать-мамлөн! Икучевъяслөн семьяын та йылысь медводз кывлiс Парасковья. Шөпкөдiс суседкаыс, Öпрөсинья, лавкаысь локтигөн. Öпрөсинья да Парасковья некор эз лөгавлыны мужижъясыс моз. Весиг пывсьывлiсны öтлаын суседкаяс ордын.

— Мед көть эськө Терень пельөдз оз во татшөм срамыд, Öпрөсиньюшка,— шемөсмис Парасковья.— Сёяс сийö мянөс, эня-нылаөс. Вот прекиды... Кодi сөмын кужис мөвпыштны та йылысь, Öпрөсиньюшка? Катялы нө зонмыс али мый оз сюр, көсьяс кө быттьө...

— Зонмыдла ылөдз Катяыдлы оз и ковмы ветлыны,— кызкө тешкодья вочавидзис суседкаыс.— А тэ век жө, Парась, нывтө чирышт. Он өд төд, мый öнiя том йөзлөн дум вылад. Мед эськө этатшөм нылөс эз жө рыжöй «чуманыд» тшыкөд...

— Эн тунав нинөм абусө,— скөрмис Икучева.— Тыпу! Тэ вомысь да лөканьö. Кыдзи сөмын тэнад кывйыд бергөдчө-а.

— Ме өд бурөс жө көсья, Парасся,— нюмдiс Тюрина.— Кутшөмкө өд век жө суседъяс. Ас йөз кодьöсь ми, быттьө рөдняяс. А Андреян да Терень йөйталөм вылад немтор видзөдны. Ме чайта да налы регыд бурасыны жө ковмас.

И Öпрөсинья зэв наяна видзөдлiс суседка вылө, но мөдыс немтор эз гөгөрво, сөмын шуыштiс, мед пө ен сетас, да тэрыба кежис гортас.

Парасковья инас эз öшйы: мам сьөлөмыд өд абу көчамач. Но эскис Катялы, төдiс, мый сылөн нылыс оз ышты управляющöй вылө, оз кө жаляддза сконьясь. Сылөн сьөлөмыс небыд, мамыслөн кодь жө. Медся ёна полiс верөссьыс. Мый тон лөб, кор сийö кывлас

та йылысь. А мирыдлысь вомтö он тупкы. Воас тайö сёрниис и Терень пельöдз.

Луннас, кор Катя воис клубысь, а батыс эз на во пажнайтны, Парасковья висьталіс нылыслы суседка-көд сёрни да аслас шог йылысь.

Катя нюмъялігтыр, видзöдліс мамыс вылö, сыв-йыштіс ён кияснас Парасковьялысь жебиник тушасö да топöдіс аслас зумыд да джуджыд морöс бердö, окыштіс сылысь чужöмбансö.

— Мамук, эн шогсьы. Тэнад нылыд абу нин сэтшöм йöй.

— Медъя, медъя, Катюш,— нимкодъ синвасö чышкыштіс мам.— Такöдін сьölөмс... Батьсьыд пола. Ок и петкөдлас сійö тэа-меалы грöз.

— Чайтан, эскас сійö? Ме думысь, оз,— кывкөрталіс нылыс.— Вай, мам, та йылысь сэсся ог сёрнитöй. Восьшөрö кыв песöм.

Но верöсыс, тыдалö, немтор на абу кывлöма, а гашкö и, пыдди оз пукты бабаяслысь сөрөмсö. Оз öд весьшөрö сійö найöс зывöка нимты катшаясөн. Терень пыр вöлі важыскодь. Эз чиршöдлы эня-нылаöс, эз вöв зумыш, синъясыс пажайсь. Важ мозыс волывліс рытъяснас управляющöй, а рытйысьöм бöрын Катякөд мунліс клубö. Некемын лун мысти Парасковьялөн весиг дугдіс майшасыны-висыны сьölөмыс. Но он тай вөлөм төд, корджык шогыд суас.

Субöта рытö Терень воис удж вылысь скөр. Чужöмыс сьöд кымөр кодъ, синъясыс койöны гым-чард. Воськолыс сьökыд — кытчö тувчас, турун оз быдмы. Бырöма и кыв-ворыс. Тайöс пыр жö казялісны эня-ныла. Найö тэрыба пузьöдісны самöвар, корсисны пызан вылö сёян-юан. Көзяин вежсиг да мыссигкості ставыс лоис дась. Пукалісны чöла. Видзöдісны асланыс чашкаясö. Сöмын Терень ырскис-паняліс яя шыд. «Гашкö, мыйкö удж вылас лоис да?— такöдіс асьö Парасковья, коді нэм чöжыс эз лысьтлы шуны верöсыллы воча ни öти кыв, а сöмын пон моз кывзысис сылысь да видзöдіс синъяснас.— Мый сöмын и лоö, кывліс кө». Пукаліс шыр моз, эз лысьт весиг вөрзöдчывны. Тереньöс аддзöм бöрын бырис вытыс, но век жö неуна сырмысь кос чуныяснас кутіс чай чашка, быттьö юис жö.

— Пывсяныд, тять, тѳпитчис,— чѳв-лѳньсѳ торкис Катя.— Дѳрѳм-гачтѳ да корѳсътѳ нуи нин. Кѳджасѳсь. Юртѳ мыскыны кунва вѳчи. Гор вылас, ведраын.

Ѳшинь увтѳ шурѳдѳс-мунѳс брезент вевта легкѳвѳй машина. Управляющѳй Чуманов лѳччис карѳ, семьяис дорас. Терень вештѳс тыртѳм тасътѳсѳ, чышкыштѳс уссѳ да кодзлыштѳс синнас машина вылѳ, мурѳстѳс:

— Этѳйѳ мортыслѳн мед сѳсся миянын весиг кок пѳлыс эз вѳв.

Терень казялѳс ныв чужѳм вылысь нюм, веськыда равѳстѳс:

— Сы сайѳ тѳнѳ сетѳм дорысь ме бурджык аслам вѳрѳгкѳд рѳднитча.— Икучев индѳс сарѳгѳсь да кѳрт сѳмѳн сѳѳдасѳм чуньнас Тюрнинъяслѳн керкалань, тыдалѳ, ас думсыс кѳсѳйс повзѳѳдны эня-нылаѳс. Но Катя сѳмын гажая серѳктѳс да батыслы чай кисътѳг-моз шуис:

— Ми эськѳ эгѳй жѳ пыксьѳй... Мед олас дыр виччысяна мир!

Икучев гѳгѳрвоис, мый нылыс кыйис сѳйѳс налыкѳйѳ. Повзис, медым эськѳ эня-ныла эз казявны сылысь гуся мѳвпъяссѳ. Чѳвтѳс кодзлалысь синъяссѳ гѳтыр вылас, мурѳстѳс:

— Тѳ тѳѳтка али мам? Ме али мый кута видзѳдны ныв бѳрсяыд? Кывлѳн, мый шуис, а? Али пеляд нитш сюялѳсны?

Парасковья эз тѳд, мый вочавидзны, шуис юрас воѳм первой кывъяссѳ:

— Тѳ эськѳ этшаджык сѳйин, а то тыр кыгѳмнад пывсьынытѳ бара он вермы...

Тереньлѳн калькалѳс вомыс, быттѳ кѳсѳ шыбитѳм черилѳн. Сѳйѳ чуймѳмысла дыр пукалѳс лигышмунѳмѳн, эз тѳд, мый вѳчны. Збылысь, му вежандыр: гѳтырыслы веськодъ сылѳн майшасѳѳмыс. Колѳ пуксьѳдны кыкнаннысѳ асланыс местаѳ. Терень камѳбтѳс пызанѳ сѳдз, мый чеччыштлѳсны вывлань чашкаяс, паньяс, вилкаяс.

— Тѳ, Катюша, он кѳ тѳлѳд юрсьыд татшѳм мѳвпъястѳ, босьта вѳжжи...

— Совхозад вѳвъясыс абуйѳсь, кысь нѳ вѳжжисѳ корсян?

Икучев бара чуймис. Талун кѳ каститчѳ-а... Сѳрнитчѳмаѳсь али мый эня-ныла? Оз-ѳ нин кѳсѳыны

сійёс смежвыв лэптыны? Чай ютөг чеччис, воськовтис кухнялань. Порог дорас нин сьёкыда сувтовкерис, бергөдчис эня-нылалань.

— А Тюрнинкөд, вөрөгкөд, непөштө рөднитчыны, весиг өти пызан сайё ог пужсьы... Сы вөсна и пенсия вылө ог пет, көть важөн нин позьё... Кытчөдз Тюрнин оз эновт щөткнасьёмсө, и ме ог вешйы кузнечаысь... Вот тадз... Лолөй пегас, а ог сетчы.

Катя чөла видзөдліс батыс вылө, быттьө көсийс шуны: «Эн тэрмась, олөмыс петкөдлас на тэныд гаж».

Да. Төдіс кө эськө Кузнеч Терень, мый водзө лоө. А талы отсалісны буретш сэтшөм сваттяяс, кодьяс радейтөны вөйпны йөзөс, кодьяслөн и войыс оз узьсьы, оз кө вөчны тайёс. Сиктын сёрни паськаліс и паськаліс. Унаён дивитөмөн катлөдлісны юрнысө Катякөд либө Чумановкөд паныдасьлөм бөрын. А сваттяяс жарсө өтарө лөдсалісны. Заводитчысь пөжарлөн биыс чорыда чишкыштіс сьөлөмсө том Тюрнинлысь, коді регыд мысти ставыслы талы пуктіс пом, быттьөкө бузгис-кисьтіс пельса ва яра ыпьялысь бипур вылө.

Гөра-көдза кадө Степан төвзис-лэбаліс аслас мотоцикл вылын отделениеысь отделениеө, бригадаысь бригадаө. Быдлаө коліс син да син. Көдза вочасөн топаліс, но сьөлөм майшасьөмысь эз дугдыв. Совхозса директоркөд бөрья сёрни бөрын сы морөсын быттьө төрөщитіс и төрөщитіс кутшөмкө мыль. Турьев частө жө воывліс отделенияесө, муяс вылө, фермаясө, но том Тюрнинкөд паныдасьны эз зільы. Сійө быттьө вунөдіс сёрни йывсьыс, клеверлысь көдзаяс бырөдны тшөктөм йылысь. Клевер пуритіс-быдмис Чуманов отделенияеса муяс вылын. Но век жө неуна політтыр Степан виччысис, мыйөн помасьяс директоркөд шырөнканьөн ворсөмыс. Кадыс петкөдлас, кызд шуис главнөй агроном. Сьөлөм сетіс и орчча отделенияеса управляющөй Чучин. Никанор Михайлович, батыслөн другыс, сідз жө эз бырөд уна вося турунлысь көдзаяс, көть и көдзис выль культураяс. А директор да совхозса главнөй агроном мыйлакө чөв жө олісны, көть газетьясын да радио пыр өтарө видісны «травопольщикьясөс». Вочасөн сьөлөм такаліс. Од оз этшаысь овлы сідз, мый гымалас-чардалас, а сэсся бушколыс да ён зэрыс, көть и сійөс виччысян, мунас бөкті.

Но бөрья кадө том Тюрнинлысь сьөлөмсө мөдіс

нюкыртны мѡд сикас шог, кодї ёна сьѡкыджык сыысь, мый йылысь мунїс сёрниыс водзынджык. А стѡчджыка кѡ шуны, сваттяслѡн сёрни, мамыслѡн гѡгѡрвоана тешкодъ видзѡдласъяс, батыслѡн корсюрѡ наяна нюмъялѡмыс. Став сертиыс тѡдчис: бать-мам зїлісны тѡдчѡдны, мый Степанлѡн рынышыс вермас сотчыны.

Ѳтчыд рытнас, кор Степанлѡн сёрѡн нин ужнайтис, мамыс кайтыштїс:

— Морт ѡбликсѡ воштыны кутїн, пиук. Кѡть мед рытїысьны петалан.

— Пѡжалуй, сїдзи и вѡча,— вѡча нюмъявтїс Степан.— Талун ме кодсюрѡлысь кляптала вѡмсѡ: став пель нин сьѡдмѡдїсны. Муна клубѡ да гѡтрася...

— Важѡн кад,— серѡктыштїс Ѳпрѡсинья.— Ме эськѡ кутшѡма видзи тїянлысь челядѡтѡ. Сѡмын вот ог гѡгѡрво, кодї сэтшѡм шуда нылыс. Окота тѡдны.

— Эн мудерит, мам,— наяна вѡчавидзис пиыс.— Тѡдан сїйѡс. Суседка. Кытчѡкѡ ѡд бѡкѡ ог мун.

Мамыс кѡкниа ышловзис, бытѡ шыбитїс пельпом вывсьыс ыджыд нѡб, а батыс таркѡдыштїс чуньнас пызан дорышѡ: тѡ пѡ, пиук, бїѡн эн ворс, ѡмѡля на тѡдан миянлысь суседнымѡс.

— Оз пѡ кѡсїы рѡдвужасьны миянкѡд,— шуыштїс Ѳпрѡсинья.

— А тѡ тайѡс кытысь босьтїн?— чїлѡстїс ыджыд Тюрнин.— Чирук! Катша али мый бѡж вылас вайис?

— Катша не катша, а мирыдлысь вѡмсѡ он тупкы,— ышловзис мѡдыс.— Вѡжжиѡн нин грѡзитчѡма. А сьлѡн кывїыд биа из кодъ жѡ.

Бѡръя кывъясыс нѡшта нин ёна парскисны Степанлысь сьѡлѡмсѡ. Зеркалѡ водзын галстуксѡ да юрсисѡ лѡсьѡдыштѡм бѡрын тѡрыба петїс гортсьыс, мѡдїс шалсїыны-вѡсылавны клублань.

Рытыс вѡлї шоныд да гажа, но Степан бытѡ эз казаяв тайѡс. Сїйѡ мѡвпалїс, кыдзи бурджыка сёрнитчыны Катякѡд. А мый ныв лѡѡ сѡглас, кыліс сьѡлѡмнас. А друг кѡ оз кѡсїы, серам вылѡ лѡптас. Ѳд казътывлїс жѡ коркѡ кутшѡмкѡ физрукѡс. А Чумановѡс, кѡть и йѡзыс сёрнитїсны та йылысь, сїйѡ эз пукты пыдди. Видзѡдлас ѡмѡй Катя гѡтыра да челядя мужик вылѡ? И век жѡ сьѡлѡмыс бытѡ улыштїс.

Клуб ѡшинь улын волейболасисны томиник зонь-

яс да нывъяс, тыдало, велодчысьяс на. А восьса ошиньясысь кыліс да мылаа разаліс сьылём, баянён ворсём. Тыдало, муніс репетиция. Фойейн ни оти морт. Занавесалём ошиньяса рёмыд залё сылысь пырёмсё некод эз и казяв. Зонъяс, нывъяс да весиг олёма йёз мегырён сулалісны сцена вылын, код шёрын пукаліс баяна Чуманов, да синсё эз вештывлы Катялён дирижируйтесь кияс вылысь. Катя сулаліс хорлань чужёмён. Степан аддзис сёмын сылысь сьод туфлиа, зумыд черъяса кокъяссё, руд костюмсё да шавъялысь сьод юрсисё.

Нинём он шу, хор сыліс бура. Тыдало, дыр нин да унаысь репетируйтлёмаось. Уна сикас гёлёсьяс ладмисны ота-мёдыскөд, юралісны мылаа, кыпйөдлісны сьолөмтө, пыртісны морёсад кутшөмкө пөслун... Со вөлём кутшөм Катяыс. Қоркө өмөй кодкө лысьтліс мөвпыштлыны татшөм хор котыртөм йылысь? Сьывлісны, дерт, и тані. Свадьбаяс, праздникъяс дырйи, видз вылысь гортлань локтігөн, равзылісны и код йёз... Но тадзи сьывны? Тайё хорсё көть өні Сыктывкарё концерт вылө лэччөд. А өд откымынён оз пыдди пуктыны культпросветработниклысь уджсё, кедзөвтөны найөс, весиг серавлөны: дась нянь сёйысьяс пө. А өд мыйта вир колө тшыкөдны, медым кыскыны репетиция вылө йёзөс. Удж бөрын и сідз нин этша прөст кадыс, торйөн нин тулыс-арын. Колө идрасыны горт гөгөр. Мөдъяслы колө велөдчыны, коймөдъясө рытнад виччысьө мусук. А со этиё сылысьясы ставсё эновтөмаось. Тыдало, радейтөны Катяөс. А Чумановыс кутшөм! Вөччөма, быттьө збыльысь артист. Но ворсны кужө. А, гашкө, найө Катякөд кыссьөны ота-мөд дорас, кызди тайё овлө искусство радейтөсьяслөн? Тайё мөвпсыс Степанлөн мышкыс весиг көдзавліс. Көсйис нин бөр петны залесыс. Но сійөс казяліс Чуманов, гажаа нюмдіс, өвтыштис еджыд манжета кинас, быттьө көсйис шуны: пукышт, ме пырысь-пыр. Сьыланкыв помасьём бөрын видзөдліс залө и Катя. Сійө, тыдало, сэтшөма шемөсмис Степанөс татысь аддзөм бөрын, мый немтор эз куж шунысө. Катя лэдзис йёзөс гортас, талун кежлө пө тырмас, да матыстчис Чумановкөд Тюрнин дорө.

— Аски, Рудольф Матвеевич, збыльысь, шондіыс рытывывысянь мыччас дон плешсө, Степан Андряно-

вич абу яндысьома пырны татчö, культура храмö,— шуис ныв.

— Тайö храмтö колö дзоньтавны, а то пötөлöкыс гримгыяс. Оз ло искусство ни öти радейтысь.

— Буретш сийöн и кыски татчö Рудольф Матвеевичöс. Öнi воинныд тi. Вайöда ещö совхозса директорöс, парткомса секретарöс, игнала татчö, видзöдлам, тырмас оз тiян, начальстволöн, смеллуныд овны көть öти вой. Сы бöрын, гашкö, и кодкö отсыштас мянлы, коньöрьяслы.

— А, ме думысь, бурджык стрöитны выльöс,— шуис Чуманов.— Тайö рöзвальсö дзоньталöм дорысь сьöмыс этшаджык мунас.

— А тi, Степан Андреянович, көсьяд пудъявны юрнытö?— юалис Тюрнинлысь Катя.— Сöмын страхуйтчöй клубад узны локтöм водзвылын.

Куимнанныс серöктисны. Эз и тöдлыны, кызди воисны Чуманов патера дорö. Катя корис сийöс гуляйтыштны на, лолалыштны сöстöм сынöдöн. Но мöдыс ыстысис, мый сийö пöрысь нин, мед öтлаын накöд рытйысьнысö.

— Рудольф Матвеевич, тi ми коддьöмсö гоз-мöдöс на верманныд дзормöдны,— серöктис Катя да мöдöдчис ва дорлань. Степан кокниа ышловзис Чумановкөд торйöдчöм бöрын, босьтис Катяöс сойбордйöдыс. Сьöлöм вылас лои долыд да кокни, кокъясыс асьныс и мунисны, сöмын эз зильны ордйыны ни кольччыны ныв восьласысь. Сийö гусьöник чөвтлывлис видзöдлассö Катялöн мугов чужöм, джуджыд кымöс, нейджыд вом доръяс, сьод юрси вылас да пинялис асьсö, мыйла öнöдз эз аддзыл кадсö нывкөд вот тадзикöн ветлыштöм могысь.

Кызди заводитны? Мыйсянь? Мед эськö эз жö Катя öбидитчы: сийö öд неуна томджык, вермас серам пыдди пуктыны Степанлысь мөвпъяссö. Тюрнин кужлис и сёрнитны, и эз вöв полысь рöдысь, но мыйлакö öнi эз аддзы ни öти кыв. Весиг яндзим лоис. Мый мөвпыштас Катя? Со пö кутшöм сирöd мыр, аслас куйöд да тракторъяс кындзи немтор оз тöд. Но суседкаыс сылöн, вөлөмкö, ньöти оз та йылысь мөвпав.

— А тi, Степан Андреянович, вөлөмкö, индивидуалист. Мыйла? Помнитад, кор первойысь аддзысим, ме

вөйылы уджйөзөн мотоцикл вылад денга? А видзөда да, ті журъяланнды нин. Но, мися, и морт...

— Предокъяс, Катя, отсалісны. Тадзи, буракө, ассыныс бать-мамсө ыдждөдлөны өнія том йөз... Сэссия өд бара жө: ныв водзын голь туйө пуксыны абу лөсыд. Медбөрря гачтө вузав, а нылөс мороженөйөн гөститөд.

— Ме эськө өні горш кынмытөдз сөйи,— ышловзис ныв.— Эг видзөдлы, мый көть и жөникөй гачтөм, да он тай татысь мороженөйсө босыт.

Тюрнинлы лои кокниджык. Сійө и водзө мөдіс сөрнитны шуткаөн моз:

— А ме өд, суседка, тьөстө регыд вая... Балкон кута вөчны. Кутшөм лөсыд сәні чайтө дунгыны татшөм рыгыснад. И первой кора тіянөс...

— О-о,— гажаа горөбтіс Катя да сюся видзөдліс Тюрнин вылө, коді көть и шмонитіс, но чужөмыс вөлі весиг неуна бытьтө повзөма да шөйөвошөма.— Ме эськө радпырысь...

Но Катялөн гөлөсыс дрөгнитіс жө. Найө кыкнанныс бура гөгөрвоисны тайө сөрниислысь дзөбөм төдчанлунсө.

— Дерг жө, менам бать-мам, тіянөс, суседка, радейтөны...

— Төда,— өдва кывмөн шуис ныв да содтіс:— Чөйясыд и... Сөмын вот...

Найө пуксисны вадорса скамья вылө. Степан топөдчыштіс нывлань, казтыштіс:

— Быд заводитөмтор пө колө вайөдны помөдз, шулөмаөсь коркө гырысь йөз.

— А ме помала жө асыым мөвлөс. Ме көсйи шуны: сөмын вот радейтө оз чай юны вөйысысысьсө балкон стрөитысысь?

Степан весиг шөйөвошліс. Шутка тайө али абу? Мый вочавидзны? Өні позьө дзугны ставсө өти кывйөн, өти вөрзөдчөмөн, оз кө ло сійөс вөчөма ас кадө да кужөмөн. А Катя веськодя видзөдіс ю веркөс вылө, бытьтө эз и шу немтор.

— Катюш,— зон топөдыштіс нывлысь кияссө, кодөс мөдыс эз мезды,— аски жө локта корасыны.

Степанлөн гөлөсыс вөлі сэтшөм, мый ныв весиг повзис, сійө тэрыба нетшыштіс кисө зон кабырысь да чеччис.

— Степан Андреянович, сөмын тайос вöчны оз ков.

— Ни öнi, ни некор?— жельдöдiс Тюрнин.

— Олöмыс медбур лекарство. А öнi, ме думысь, водз на. Йöзыс серавны кутасны.

— Ми öд, Катюш, öтлаын быдмим...

— Кыдзкö ставыс нин зэв прöстöя артмö.

— Тайö и бур. Мöд ног эськö, Катюш, ме некор эг вермы ни эг лысьт висьтавны та йылысь,— дорйысис Степан.— Ме öд абу артист, а му вöдитысь.

— Ме ог жö чайт, мый быдöнлы колö вöчны сiдз, кызди гижöны классикьяс. Олöмыс вежсьö. Сöмын öтитор воö налөн сьöлöм вылö: эн пö сетчы окыштны мортлы, он кö радейтöй öта-мöдтö.

— Вернö. Дай ми ашшөр олысьяс нин,— бара мелиа босьтiс нывлысь кисö зон.— А ме сайö кö оз сет батыд, мунам татысь, овмöдчам центральной отделениеö. Директор кöсйысис патера...

— Бать менам абу шыбитана морт,— торкис Тюрнинöс Катя.— Сийöс ме радейта. Дерт, мукöд дырйи овлö тешкодöн жö-а... И сьöлöмöй менам танi, чужан сиктын. Немтор вылö ог веж сийöс.

Найö пукалисны танi кыа öзйытöдз. Сёрнитисны быдтор йылысь сьöлöм бурмытöдзыс. Гөгөрвоисны, мый öнисянь налы не овны öта-мöдтөг. Но сэк жö чашкасö, кöни вöли радейтчöмыс, кутисны сiдз, медым кадысь водз сэтысь эз солькнитчы ни öти войт.

Сэсся найö кутисны аддзысьлыны быд рыт. Йöзысь повтөг ветлöдлисны сиктöд, гуляйтисны ва дорын, йöктисны том йöзкöд клуб дорын. И некод найöс эз дивит, ни эз вöйп. Сöмын нимкодясисны быдөн, быттö пö öта-мöдыслы и чужлöмаöсь да быдмылöмаöсь: ёнöсь, статяöсь, сöстөм чужöмаöсь, гажаöсь, варовöсь, йöз дорö сибалысьöсь.

Татшöм рытъясысь öтиö, кор найö пукалисны асланыс радейтана местаын, Степан шуис:

— Дыр-ö ещö овны торйөн? Ми öд абу челядь, а верстьö йöз.

— А мый шуасны бать-мам?— юалис Катя.

— Мамыд тэнад сөглас,— вочавидзис зон.— А батыдлы висьталам, мый тэ менö аслад сямнад да мичлуннад босьтiн пленö, кызди коркö Икучев босьтлöма Тюрнинöс...

— Ещō мый шуан? Сералан?— шмонитōмōн ныв кучкис мышкас зонлы.

Но ōзйысь синъяса зон эз лэдз нывлы помавны кывъяссō, сывйыштис да чорыда окыштис сийōс. Тайō медводдза окыштōмыс лигышмунōдлис Катяōс, но медым лишнōйыс немтор эз ло, сийō кежōдис сёрнисō мōд вожō. Бур, мый помкаыс вōли, сийōс сетис ачыс Степан.

— А кызди Икучевыс Тюрнинсō босьтлōма пле-нас? Ме мыйкō эг кывлы,— шуис ныв.

— Дивō!— серōктис зон.— Став сиктыс тōдō тайō историясō... Кывзы инōсь.

Кōть эськō Катя и тōдис та йылысь бура, но том Тюрнин висьтысь сы син водзō сувтис ёна интереснōй-джык серпас.

...Шымыртис пражданскōй войналōн бушколыс и Тереньōс. 1919 воын лыжнōй отрядса боец Икучев тышкасис белогвардеецъяскōд Нёбдин дорын, 1920 воын штурмуйтис Аныб нōрыс. Тайō кадся тышъясысь ōтиын и лоис сэтшōмтор, мый йылысь весиг эз куж мōвпыштыны.

Ōтчид лыжникъяслысь взвод мōдōдисны белогвардеецъяс тылō, медым орийōдлыны связь, сюрас кō, босьтны пленнōйōс. Накōд тшōтш вōли и Терень. Белōйяс пукалисны сиктын, код гōгōр вōли вōчōма окопъяс, блиндажъяс. Разведчикъяс ыли кытшовтисны сиктсō да петисны белōйяс мышкō, туй вылō, кодi йитис Аныб Кулōмдинкōд, кōни вōли белōйяслōн полкса штаб. Кулōмдинсянь воывлисны белогвардеецъяс вежны ассыныс мудзōм подразделенияяс.

Засадасō вōчисны лōсьыдинō. Туй чукыльō, кытысянь тыдалис зев ылō ōтарō и мōдарō. Югдис. Лунтыр туй вылын эз тыдовтчыв ловъя лов. Белогвардеецъяс сиктысь эз лэдзлывыны некодōс. Тōвся лун дженъыд, со нин заводитис рōмдыны. И сәки Кулōмдинладорсянь, засадаō ылō дзевсьōм секретсянь юōр-тисны: локтōны куим вōла-даддя, белогвардеецъяс.

Со и тыдовтчисны асыныс. Быд доддын ямщик да куим салдат. Кынмōмабсь дыр локтигад, чеччисны рōзвальясысь да мōдисны ставōн ōтлаын ямщикъяс бōрся. Ичōтик тушаа белогвардеец мыйкō висьтавлис, а ōстальнōйыс гōрдлисны-сералисны.

Взводса командирлөн шутётвтом бõрын туй отар-мõдар боксянь чечыштисны лыжникаяс.

— Лэптõй киньтõ, гадьяс!

Унтер да куим салдат шыбитчисны толаõ, а õти чепõсийс бõрвыв, веськыда туй кузя. Терень куйлис цепын медся дорас. Сийõ вермис лезьдõдны курокасõ, но эз вõч тайõс. Окота лоис кутны тайõ салдатсõ ловйõн. Равõстис:

— Сувт, вõльнõй светыс кõ жаль!

Тэрмасигад Икучев горõдис комиõн, кõсийс равõстны рочõн, но котõртысь салдат сувтис, шыбитис винтовкасõ, повзьõмысла весиг эз путьмы кыпõдны киясõ, сэсся пидзõсчаниясис да чилõстис:

— Терень! Прõстит! Ме абу мыжа, абу мыжа...

Икучевлы юрас быттõ камõбтисны нõшкõн, весиг ружьеыс кисьыс усис. Сидзи и сулалисны найõ, быттõ кынмисны места вылас. Медбõрын Икучев вежõртис, мый сы водзын белõй салдат паськõма Тюрнин, вõвлõм другыс, кодi згинитлис-вошлис Печораõ.

Икучев босьтис винтовкасõ, кватитис шошаõдыс Тюрнинõс, кыпõдис кок йылас.

— Эн тõд, али мый, чирук?— кын чужõмыс Тюрнинлõн заводитлис пычкыны мыйкõ нюм модааõс.

— Быд юдакõд меным абу быть сёрнитны.

— Тэ õд ачыл мыжа... Мыйла Печораас колин? Тõкõтõ эг пропадит,— лõвтис Тюрнин.— Бур йõзыс мездисны. Эн кõ сэтчõ эновт менõ, то эськõ õниõtлаын тэкõд босьтим пленõ этийõ белõй сволочьясõ.

Тайõ нин вõли вывти. Икучев шеныштис кинас, быттõ эз и ёна кучкы, а Ондраян бускысис лымйõ.

— Икучев!— горõдис взводнõй.— Трибунал ковмис?

— Ми суседьяс, командир ёрт, асыным разберитчам.— Терень пыдди лымйысь чеччиг вочавидзис Тюрнин.— Суд ни рад оз ков.

Тайõ тешкодь сценаыс кыпõдис нюм весиг смерть виччысьысь салдатгьяслысь. Нюжмасыны вõли некор. Унтерõс да ещõ õти салдатõс взводнõй тшõктис босьтны сьõрсьыс, а мукõдсõ лэдзны. Ямщикьяс тшын-бусуйысисны нин портланьыс, налõн и бõжыс эз тыдав.

Сэки Икучев кыскис шошаõдыс Тюрнинõс командир дорõ:

— Тайõ юдасõ ог коль. Кõть мыш вылын кыска,

а вайёда гортёдз. Мед нимкодясьыштасны мамыс да пёлыс, кутшөм мортос быдтөмаось. Янөдіс став сиктнымөс: өтнас служитө белөй гадьяслы...

Терень эз вештыв синсө водзын пелька мунысь Тюрнин мыш вылысь. Вель дыр мысти сувтисны шойччыштны.

— Терень, сьөкыд тэныд,— шыасис Öндрейн.— Ас-сьым ружьесө көть вай. Патронташсө и. Öні менө тиян табунысь орсөн он вөтлы.

Икучев чөв оліс. Вөрзисны водзө. Пемыд вөрті писькөдчыны сьөкыд. Лызь туйыс выль, небыд. Крукасьлөны сьыліө өшөдөм винтовка ствольяс, корсюрө пу вожьяс доймытөдз сөглөны чужөмсө.

Мөдысь шойччигөн Терень шыбитіс Тюрнинлы патронташьяссө. Öндрейн ородіс папаха вывсьыс кокардасө, нетшыштис погоньяссө.

— Мун дай төдмав, коді ме. Чирук гөгөрвоас, красной али белөй. Вай ружьесө. Тэно жө, чирукөс, жалита. Сувтөм вөв вылысь моз руыс петө, куим воськов сайөдз жарыс өвтө. Полан кө, затворсө перый. Сэки ружьеыд сөмын гормөдчан вылө туяс.

Воча кыв ни джын.

Югдандорыс матыстчисны асланыс позицияяс дорө. Төдлытөг зурасисны секрет вылө. Дженъыдика эрыштчис пулемёт. Ставөн бускысисны лымыө. Лыжникаьяс ёрччисны, видісны секретса красноармеецьясөс. И колө жө лоны сідзи, мый ас пулемёт ствольысь петөм некымын пуля пиысь өти веськаліс Митрей Öндрейнлы кокас, кок шепсыс неуна вылөджык. Но Тюрнин весиг эз ымөст, сөмын сөдзөдіс пинь пырыс:

— Вөчтөм мыжөс мыськи аслам вирөн. Рөщөтынөсь, Терень.

Мөдыс кыв шутөг төбис бинтөн Тюрнинлысь коксө.

Тадзи янсалисны найө, кык вөвлөм друг. И өнөдз оз вермыны бурасыны.

— Таысь мыжаыс менам тять,— серөктіс Катя.

Төдліс кө эськө Кузнеч Терень, то, дерт, нылыслы петкөдліс гаж. Но та вылө видзөдтөг, радейтчөмөн тырөм рытьяс да войяс шывгисны водзө и водзө. Степанлы да Катялы найө кутісны кажитчыны пыр дженъыдджыкөсь и дженъыдджыкөсь, эз удитлыны пөпгөдз сёрнитны. Колө вөлі мыйкө вөчны, медым пуктыны талы пом.

Сулалісны жар лунъяс. Ныр улын вöлі страда кад, ещö лун-мöд — ковмас заптыны көрым. Но öні сикт-са механизаторъяслөн да специалистъяслөн прöст кадыс вöлі унджык. Оз ков быд лун водз асывсянь петны му вылö, позьö лишнöй час коллявны вольпась вылын. А страда заводитчöм бöрын лоö вунöдны та йылысь.

Но начальстволөн и öні вöлі пöсь кад. Совхозса директорлөн машинаыс эз öшйыв инас, шуръяліс-ветліс муяс вывті, фермаяс дорті, кежавліс неылын куйлысь видзьяс вылö. Отделениеяс да бригадаяс кытшовтöм бöрын Турьевлөн сьölöмыс кутіс веськыда нюкыртчыны. Öткымын выль культураяс кольöм воын моз жö сконъялісны найöс. Мыйта пöсь кисьтісны, медся бур муяссö торйöдісны, эз жалитны и удобрениеяс, ставсö вöчисны агротехника серти, а найö оз көсйыны быдмыны, көть сэсся мый вöч. Кытчö петöма, кытчö абу. Муяс вылын тыдалісны кушинъяс, быттьö лишайöн висьыслөн юрын. Быдмöны нэриник петасьяс, кельыдлöз, коньöр кодьöсь. А коді мыжа? Ачыс. Мырдөн тшöктіс. А позьö öмöй мöд ног? Учёнöйяс тшöктöны. Весьшöрö вошис муыс. А мыйта көрым позис босьтны тайö участокьяссыс, көдзöма кө вöлі сэтчö мöд сикас кормövöй культураяс, кодьяс бура быдмöны тані. Прав, вөлöмкö, том Тюрнин. Эз öд весьшöрö сійö институтъястö помавлы. Кыдз шуасны, матын гыррдзаыд, да он курччы. Мöд во Турьевöс он нин бöбөд. Пöрысь выжив! Ок и видіс жö асьсö Турьев. Немтор он вöч: киссьöм ватö, збылысь, куравны сьöкыд нин. Но, вөлöмкö, абу на став ваыс киссьöма, горшсö веськөдны кольöма на. Тайöс Турьев гөгөрвоис, кор воис отделениеö, көні управляющöйнас вöлі Чучин.

— Никанор Михайлович, — стрöга шуис директор, — тулыснас тэ зэв ёна ошйысин радио пыр. Видзöдлам, торъялöны оз кывъясыд делöяскөд.

Чучин мудера читкыртіс синъяссö, эз вермы кутчысыны нюмдöмысь:

— Ми öд вöдитам сöмын перспективнöйясöс, кодьяс вылö эм надея.

Директор шамыртіс кияссö, мөдіс ветлөдлыны

контора джоджті ётарё-мёдарё. Сэссия сувтіс да друг заводитіс серавны.

— Чучин, грекё вёйтысь,— шуис сійё,— водзджык кё, тэныд не новлёдлыны юртё. Республика пасьта радио пыр ошйысин...

— Верман прёверитны,— бара читкыртіс синъяссё Чучин.— Кёдзёма медся выгёднёй культураяс. Миян лоё, мый сетны мёсьяслы лясниас. Ачыд на кутан корны кёрымтё менсьым мукёд отделениеясё...

— Шуам, кёть нин сэтшёмё, кодён веськёдлё Чуманов,— нуёдіс Чучинлысь мёвпсё директор.

— Он сэтысь урсё увт,— шуис Никанор Михайлович.— Чумановлён делёясыс меысь абу жё лёкджыкось. Эн шогсы. Таын медся ыджыд «мыжыс» том агроном Тюрнинлён, кодёс ёткымынъяс пёсь петтёдзыс гёняйтёдёны, оз сетны уджавны сёлём тшёктём серти. Не кё Степан Андреевич, то Чумановыдлы тёвнас ковмас мегырён ытшкыны петны.

— Мыжа, мыжа,— неуна весиг гёрдёдыштіс Турьев.— Но кызди мойдын висьтавьсё: каитчысь мортлысь юрсё пё и сабля оз керав. Вот мый, Михайлович. Шувкнитлам Чуманов епархияё, видзёдлам, мый найё оз омольджыка кужны бёбйёдлыны ассыныс директорсё.

— Мукёд дырйиыс пё святой лёж правдасыс вынаджык, Иван Николаевич,— вочавидзис управляющой.— Отчётъяснад да учёнойяслён советъяснад «тайтёйдлысь» рушкусё он тырт. Сідзкё, миян вылё эн ёбижайтчы, директор ёрт.

«Чуманов епархияёдз» вёлі верст квайт. Регыд мысти воисны сиктё. Вёлі кёкъямыс час рыт нин. Чумановлён кёзаякаыс, косіник тушаа пёрысь нывбаба, броткигыр висьталіс, мый сылён патерантыс кёнкё муяс вылын. Кыскис пё сэтчё агроном Тюрнин.

Сэки директорлён машинаыс веськёдчис сикт сайё. Кара мылык улын сулаліс совхозса главной агроном Патовлён машина. «Селиверст Николаевичлы оз жё узьсы»,— сёмын и удитіс мёвпыштны Турьев, кызди кустьяс пёвстысь мыччысис ачыс Патов, а сы бёрся Тюрнин да Чуманов. Директорлён машинаыс тран сувтіс на весьтё. Турьев пелька петіс сэтысь, здоровайтчис.

— Кутшём шог суис, вокъяс?— гора юаліс сійё.—

Кыдзи тышкасыд озыр корым база вöсна? Вайöдi тiянлы отсöг вылö, дерт, колö кө быттьö, ещö öти вои- нöс,— директор индiс Чучин вылö.— Правда, сийö вöт- лöма кутшöмсюрö гöстьясöс аслас епархиясьыс-а... Кык синмад уна-ö яндзимыд тöрас? Мед көть аслас директорсьыс вежавидзыштіс. Отчётъясын — ставыс тырбур. А кор вои, аддзи мөдджык серпас. Но видны сийöс таысь менам оз бергöдчы кывйöй. Мый кутам вöчны, вокъяс, эдатшöм Аника-воиыскöд? Гашкö, тi босътчылад петшöравны сийöс?

— Тайöс, ме думысь, Иван Николаевич, вöчас ачыс ар нима сар,— нюмдiс Патов.— Сийö бөръяс, кодлы ветлыны зöлитысь задйөн...

— Со мый! Вöлöмкö, муяслөн главнöй докторным тiян дор жö,— нарошнö зiлис чуймыны Турьев.— Со, вöлöмкö, кутшöмөсь заговорщикъясыс, а жуглöм гырничьяссьыд ковмас кыв кутны сöмын меным. Бырö- дiн клевертö?— сэсся юалис сийö Тюрнинлысь.— Мукöд отделениясы, Чумановысь кындзи, гöрисны нин...

— Мөвпалам тай со,— Тюрнин пыдди нурбыльтіс воча Чуманов.— Правда, участокыс абу и ыджыд. Гаш- кö, колям... Öнi öд көдзныд виль культураястö сёр нин...

— Сöглас. Но таын заслугаыс, Чуманов ёрт, абу тiян, а Тюрнинлөн,— быттьö вундыштіс директор.— Ме тöдi, мый сийö оз кывзысь. Оз паськöд сэтшöм быд- мөгъяс, кодъяс оз ковны. Татшöм нин Тюрнинъяслөн рöдыс. А писыменнöй приказсö,— директор мудера көсöйтчыліс Патов вылö,— ми главнöй агрономкöд эг и сетлöй.

Ставөн гөгөрвоана нюммунисны.

— Кынөмöй нюкыртчö-сюмалö,— друг шуис Турь- ев.— Асывсяныыс вомын крошки эз вöв, а со нин шон- дыс лэччö.

— Директор ёрт,— нимкодя шыасис Чуманов,— менö корис свежöй чери сёйны Кузнеч Терень. Евтыысь тöрыт быдса куль вайис. Тырмас ставнымлы.

— Вот тайö козин,— ниртыштіс кыз да небыд ки пыдöсьяссö Турьев да бергöдчис Тюрнинлань.— Сте- пан Андреянович, арнас эштас специалистъяслы керка. Сетам дзонь патера. Гöтрась! Сöмын моныным миян медым вöлі настöящöй королева. Тайö, другö, тэныд абу клевертö да тимофеевкатö «бырöдöмыд».

Бус лэптигыр машинаяс мөдөдчисны сиктлань.

— Бур моньтө, Иван Николаевич, важөн өткодьявлісны юм кенькөд, а эз быдмөгъяскөд,— серөктіс пырджык чөв овны радейтысь Патов.— Мыйла? Миян сиктын важөн, революцияөдз на, вөвлөма гөль мужик. Тшыг кынөмсө чөсмөдлывлөма сөмын юмөн. А өд кенъыс сълөн медся юмов. Паньыштас пө юмсө, нюлыштас вом доръяссө да шуас: «Вөлі кө эськө ме сарместаын, то юм кеньтө быд лун рушку тыртөдз сөйи».

Сералігыр и воисны Кузнеч Терень керка весьтө.

Да, Икучев, збыльысь, корис Чумановөс талун рытнас сөйны свежөй черинянь. Но тайө сөрниыс вөлі төрыт. А талун Кузнеч Тереньлы вөлі не Чумановөдз ни свежөй чериөдз. Сійө кампужитчис гортас.

Медматысса мортыд пө медбөрын кывлө аслас семьяын лөмтор йывсыд. Тадзи лоис и Икучевкөд. Төрыт сійө керис кыйөм черисө да солаліс. Талун асывнас, кыдзи и век, муніс аслас кузнечаө. Час-мөд мысти воис бөр. Парасковья ылісянь на казяліс, мый верөсыс абу ас кодъыс. Абу-ө нин юма? Весиг посводз плакаяс мөдісны гораа дзуртны, быттө көсийсны дорйыны эня-нылаөс.

Көзяин уна эз сөрнит. Шыбитіс няйтысла лөстались курткасө джодж шөрө, юаліс:

— Көні нылыд?

Тадзи Терень некор на эз шыасьлыв гөтырыс дінас. Катя либө Катюш. А өні: «Көні нылыд?». Парасковьялөн повзьөмысла синъясыс жольчаяс кодь лоины, а вомас быттө ва кынмис. «Отсав, енмөй...»—сөмын и удигіс мөвпыштны сійө. Батыслысь скөр гөлөссө кылөм бөрын Катя петіс аслас вежөсысь. Мамыс уськөдчис да сувтіс сы водзө, быттө көсийс дорйыны нывсө ярмөмысла пөшти вежөрсө воштөм верөссыс.

Терень кык воськов и вөчис на дінөдз, ырыштчис тасмаөн, но весьөпөрөм гөтырыс сылы шашаритчис юрсиас да тошкас. Виччысьтөмысла да доймөмысла Икучев ош улө весыкалөм кыйсысь моз ружөктіс. Нэм чөж олісны, гөтырыс век вөвлі шыр кодь, и на тэныд, каньө пөрис. Икучев шыбитіс тасмасө, мурөстіс:

Лэдз, Парась, ог киөс пежав, эн пов.

Гөтырыс лэдзчысис да видзчысьөмөн мөдіс кыскыны нывсө аслас вежөсө. Но Катя быттө эз казяв тайөс, сумаліс да видзөдіс батыслөн сайксявны заводи-

тѳм синъясѳ. Батгыс эз вермы терпитны нылыслысь видзѳдлассѳ, петіс кухняѳ, пуксис кѳтшасѳ да индіс нылыслы ѳдзѳс вылас.

— Тэ абу ныв менам. Со енмыс, со ѳдзѳсыс. Тэр-мась, а то запреки, рѳк вермас суны. Ачыд тѳдан ас-сьыд мыжтѳ. Янѳдін, эн жалит дзор юрѳс, йѳз серам вылѳ петкѳдін. Менам вѳрѳглѳн пикѳд...

Икучев водіс кымыньѳн паськыд лабичѳ, кодѳс вѳч-ліс ачыс уна вояс сайын, да заводитіс гораа ымзыны. Сѳжи Парасковья вѳлисти бѳрддзис. Первой синва тусьяс бѳрын, кодъяс визувтісны чуқыръястыс, измѳм сьѳлѳмыслы лоис долыдджык. Сылы жаль лоис и верѳсыс. Нѳмыс олісны шыч ни рач, ѳнасѳ эз зычитлыны, йѳз сѳрнивыв эз волыны... И со мый артмис. Мыждіс, тыдалѳ, енмыс.

А Катя сѳк кості тѳчис медся коланаторъяссѳ не-ыджыд чемоданѳ да петіс гортсьыс. Мамыс видліс кольѳдны, но Катя сѳмын оқыштіс сійѳс кымѳсас да топыда кутыштлис. Ывлаын Парасковья пернапасалис ылыстчысь нылыслысь мышсѳ да карта сайтыс тірликтіс-муніс Тюрниньяс ордѳ. ѳпрѳсинья буретш мудийс картофель.

А недыр мысти найѳ кыкнанныс, быттѳ пиянѳ воштѳм курѳгьяс, клуксіг да котсігтыр, тімбыльтісны сельсѳветлань.

Эня-ныла мунѳм бѳрын Икучев дыр куйліс. Сѳсся ружѳктіс да сьѳкыда кыпѳдчис. Синъясыс сьлѳн тайѳ недыр каднас гырдемѳмаѳсь, тошкыс ещѳ нин дзор-джык лѳѳма. Ньѳжійѳник варгыльтіс сундук дорѳ, кыс-кис сѳтысь вина сулея, кисьтіс эмалированной круж-каѳ да лолыштлытѳг юис. Вина дозсѳ пуктіс местаас, пѳрччис коксьыс сапѳгьяссѳ, кайис пѳлатяс да водіс.

Сьѳкыд думъясысь да аскѳдыс вензьѳмысь мудзис юрыс, эз и тѳдлы, кызди сурсмуніс-унмовсис.

И явѳын моз сійѳ аддзис интереснѳй вѳг.

Икучев — том, збодер, ѳн. Сиктса бурлакъяскѳд локтіс гажѳдчыны войпукѳ. Пѳлать сѳр вылын ломты-сьѳ трѳхлинейнѳй карасин лампа, сійѳ ѳдва югдѳдѳ керка пытшкѳссѳ, а кодъяс веськалісны пукавны кыв-тѳ, то налѳн чужѳмьясыс пѳшти оз и тыдавны, сорлас-сьѳмаѳсь рѳмыдыскѳд. Нывьяс пукалѳны лабичьясын, коді печкана, коді кысяна, коді вурсяна — быдѳнлѳн кипом удж. Луныс прѳстѳй, абу празник ни вѳскре-

сенньо, лэдзасны өмөй мамъяс весьшөрө пайявны. Мукөдыс нөшта урчитасны быдгасыслы, мыйта колө сымы вөчны тайө рытас. И нывъяс уджалёны сьыліг да гажөдчигмоз. Тайө сөмын первойсө, кор найө өтнанныс, а зонъяс эз на удитны воны. Серпасыс дзикөдз вежсьө бурлак зонъяс воөм бөрын, торійөн нин на пөвстын кө эм гудөка.

Сэжи первой медся збойясыс асьыныс печкансө либө кысянсө бруткөны-шыбитөны паччөр сэрөгө, пөлатьө либө гөбөч вылө. А татшөмъяс бөрсяыс вөтчөны и мукөдъяс. Видзөдан да нывъяс да зонъяс ставыс нин пукалөны гозійөн-гозійөн. И кипом уджөн ноксьөны сөмын сэтшөмъяс, кодъяслөн абу мусукуыс либө сійө том на, а гашкө и пөрысь ныв.

Буретш татшөм здукас и некымын тшөтшъякөд быттьөкө Терень пырис войпукө. Сійө вөлі сэтшөм ыджыд, мый пөлать улас сулалігөн лоис синсьыны. Быть лоис воськовтны пачводзлань. Терень быттьө эз и казяв войпукса том йөзөс, эз кыв налысь варгөмсө, шмонитөмсө да сералөмсө, сійө корсис видзөдласнас өти мортөс — Парасковьяөс. Лөниник оласнога, раминик, но визув да тэрыб вөрасьяса. Тушаыс косіник жө. И пасьтасьө оз озыра. А коді сійө сьөкыд кадас бура-сө пасьтасьліс, вөччанторъяс лөсьөдавліс, көть эськө и том йөз мөвпавлісны та йылысь. Том олөмыд да том гажыд өд өгчыд тай и овлө морт нәмнад, кыз нө сэсса оз көсийысьы лоны мичаөн, авъяөн, быдөнлы сьөлөм вылас воысьөн.

Тереньлөн кодзавліс нин морөс кудйыс, кор казяліс, мый Парасковья абу тані. Керка пытшкыс лоис нөшта нин пемыдөн, гажтөмөн, а стеньясыс веськыда сьөдасисны... Тыдалө, эз лэдзны бать-мамыс. Найө өд асьныс оз жө зэв йөз дорад сибаवны да, көть куласны, водзөсасьны оз петны, но и налысь төвнад лымтө он жө кор... Татшөмөн жө көсийөны вөчны и асьыныс нывнысө. Мыйла и кывзысьө налысь! Босьтін да мунін дай. Мед видчөны, таысь өд госыд оз чин ни оз сод. Да. Одвакө лысьтас Парасковья локны войпукө юасьтөг да висьтасьтөг, көть и кылө сьөлөмнас, мый сійөс сәні виччысьөны.

Терень дзикөдз жугыльмис. Сы син водзын шуда өртъясыс важөн нин пуксялісны асланыс сьөлөм косьтысьяс дінас, дурөны, сералөны, төрасьөны. Регыд за-

водитасны ворсны, сьывны, йёктыны... Сійё вешийис ылёдзык йёз син водзысь пемыд кывтё, мёвпаліс, кыдзи утыштны бёр портас. Терень мукёд зонъяс моз эз вермы сибёдчыны мёд ныв либё том дёва дорё, коть тані и эз вёв сьёлём косьтысьыс, сійё эськё нинём эз тёдлы ни казявлы. Мукёдъяс оз зэв зевайтны, а вот Терень оз вермы тадзисё вёчны, сылы вежёрас пырёма Парасковья. Терень тёдё, мый нылыслён батыс оз зэв радейт сійёс, торийён нин Печораё вузасыны ветлём бёрын, веськыда печорскёй зимёгорён гымгё, эльтывлё на и, кытчё пё Наста Ивансё да Митрей Ёндреянсё вузалін, кутшём печорскёй купечьяслы, а сэсся пё ачыд пёшти гачтёгыд воин. Ок, и скёрмывліс жё Икучев; эз кё эськё вёв сійё Парасковьялён батыён, то Терень важён нин петкёдліс сылы пуж. А ёні быть терпит.

Терень воськовтис нин ёдзёслань, но сэки сійё гурйыв воссис и тэрыба пёдлассис. И керкаас быттё пырис шонді, гёгёр югзис, лои быдсён жар, зон весиг разяліс кос пасылысь кизьяссё, пёрччис юрсьыс коч ку шапкасё, чышкыштіс кымёссьыс нылёмсё. Тайё шондыс вёлі Парасковья...

Тайё мича серпассьыс ли мый ли Терень садьмис.

Быдсён жаль лоис орём вётыс, окота вёлі, мед эськё сійё кинофильм моз кыссис водзё. Икучев шемёсмис: тайё абу вёт, олёмас тадзи и вёлі, эз ёд ётчид сійё виччысьыв Парасковьяёс войпукын либё нёшта кёнкё...

— Мый водзын бара тайё-а? — броткыштіс вомгоулас, кывзысьыштіс, но керказын некод эз вёв. Окота вёлі юыштны кёдзыд ва, но кесйёдныс некодёс, а аслыс лэччывны ва пельса дорас дыш.

Бергёдчис мёдар бок вылас да ойбыртіс.

И пыр жё кутіс бара вётасыны.

Сиктысь сиктё нюждёчём туй кузя тёвзёны вёла додьяс. Мегыръясын зёлыгёны кёлёкёльчикьяс, дёлалёны уна рёма лентаяс, найёс гартлёмаёсь и вёвъяслён бурысьясё, сэтчё жё сутшкалёмаёсь дзоридзьяс. Пуклёс вымын — пельпом вомёныс вольсалём кузьчышъяна дружка, ськёд орччён пукалысь ямщик ётарё бергёдлё орессё юр весьтас, а вёвъяс тёвзёны и тёвзёны...

Икучев паськёдчёма телегаё, ськёд орччён — вёч-

чөм Парасковья. А на бөрвылын төвзёны нёшта некымын вёла.

Икучев син бёжнас видзёдывлө радысла банийом чужёма невеста вылө, и нимкодъысла аслас гөррдзас-сьё горшыс. Эз весьшөрө мучитчыв сійё войпукъясын, эз весьшөрө колльодлыв Парасковьяёс горгас... Батьыс дыр тешитчис Терень вылын, серавліс сійёс йёз водзын, а сёсса тшөкмуніс. Оні коть эськө гыррдзасё курччас да ылын... Икучев вылісянь видзөдө аслас тесь вылө, шпыннялө, косөдө водзёс, но вөчө сідзи, мед йёзыс эз казьявны. Гашкө, эськө и Парасковьяёс эз сетны Терень сайё, но налөн мусукасьёма неуна крепыдджыка, чорыдджыка, и оні торйөдчөм йылысь эз вермы лоны некутшөм сёрни.

Со мыйла Терень кыліс асьё збыльсь кёзяинөн и Парасковья вылын и сымён стрөг батьыс вылын, коді сиктын лыддысис эз гөль, а шөркодь олысьён.

А со и Вичкодор. Керка вевтъяс вывті тыдалёны зарнийөн краситөм крестъяс, на гөгөр лэбалысь чавканъяс. Вөвъяс нёшта содтісны воськовсё... И друг тран сувтісны. Мый тайё? Терень повзис быдсөн. Туй вомён челядь вомёналёмаось кер: корёны козинъяс, а мөд ног кёлысьёс оз лэдэны водзё.

— Сет налы, мый жуйялан!— скёрысь горөдіс дружкалы Икучев. И горөдөмсьыс садьмис. Садьмис рытгорулын нин. Первойсё эз гөгөрво, мыйла сійё абу сарайса ыркыд вонйын, а жар пөлатьын. Сулик пёсявсьёма. Кёсийс чукөстны гөтырсё, но сэки кыліс горничасьыс йёзлысь сёрни. Ставыс усис дум вылас. Лои сэтшөм яндзим, коть му пырыс мун. Мурч курччис некор висьлытөм пиньяссё. Со мый вөчис сьлөн, аслас Тереньлөн өтка нылыс, радейтана быдтасыс.

Лэдэчысис узьом улө, заводитіс кывзысьны. Шумитіс самөвар, гөстьяс лөня, тыдалө, медым не садьмөдны сійёс, варовитісны. Семокасьт! Горничаян, вөлөмкө, и сельсөветса, и женсөветса председательяс. Ок, и лэчюд кыла бабаяс. Катялөн пөдругаыс, учительница Нина Николаевна, бригадир Мальцев Илья, весиг сельпоса председатель Макаф Олюксан. Но и компания Парась чукөртөма!

Сёрниыс муніс радейтчөм да гозъя кост олөм йылысь. Кыдзи артмыліс тайё важөн, кыдзи оні. Төлкуйтісны сиктса олөмө вель обрядъяс, обывайяс да празд-

никъяс пыртём йылысь, вöйписны тёлктём верöсьясöс, батъясöс. Икучевöс некод эз казътышт. Но ставсö тайöс колö вöли гөгөрвоны со кызди: «Кузнеч Терень выжывмöма, ассьыс öтка нывсö кедзовтö, вöтлöма гортсьыс. Но ми татшöм бур специалистöс öбидитны ог сётöй». Ставыс эськö мед, но Тереньлысь сьölöмсö парскис со мый: Мальцев Илья, кодкөд найö кыскывлисны Ёвтыысь эз öти тöня, тшöтш жö вöйпис да дивитис сийöс. Пельöдз воис машинаяслөн жургöм шы. Шумыс орис буретш налөн öшинь улын.

— Видзöдлöй, кодъяс локтöны татчö!—нимкодпырысь горöдис сельсöветса председатель.

— Совхозса директор, главнöй агроном, миян Чумановным,— повзьöмөн лыддьöдлис Мальцев Илья.

Терень көсийс лэччыны пöлатысьыс, но эз вевъяв. Керкаын юралисны нин гөлöсьяс.

— Чолöм-здорово!

— Көнi главнöй чери кыйысьыс?

— Кортём гөстъяс эськö да — кожным кузь на вöлöма: веськыда самöвар сайö.

— Патератö зептад он новлöдлы...

Видзаасьöмъяс, киасьöмъяс, серам, зык-шум. Терень öни вежалис төрöканъяслы. Позис кө мойдын моз пöртсьыны төрöканö, эськö дзевсис щельö... Öни мый вöчан?

— Терентий Евлампьевичыс нö Ёвтыын бара?— юалис Турьев.— Али висьöдчö?

Пуксис тешкодъ чöv-лөнъ. Сэсся Илья Мальцев висьталис, кутшöм притча суöма Икучевъяслысь да Тюрнинъяслысь семьяяссö. Сылысь висьтсö орöдис Турьевлөн пора серам. Кутисны гигзыны, а сэсся вак-вакөн серавны ставөн. Тереньлөн и то öдва серамыс эз пет, но шуис виччысьны помöдз, мый лöб.

Зык лөнъём бöрын Турьев шуис, мый сийö некор эз чайтлы Икучевöс татшöмөн. А нöшта активист. Ми пö ог көсийöй торйöдчыны сэтшöм бур специалистъяскöд, кызди Степан Андриянович да Екатерина Терентьевна. Локтан вöскресеннйöжö жö пö гымöбтам свадьба совхоз тшöт весьтö, и патератö пö адзам, специалистъяслөн выль керка регыд пö лоас дась.

Тайö нин вöли вывтi: мырддыны Тереньлысь вирьяйсö, нетшыштны борд улысь Катяös? Овмöдны кытчöкө бокö?

Здук мысти Икучев сулаліс горнича шөрүн, стрёга видзёдліс гөтыр вылас:

— Куш пөсь ваён гөститөдан? Янөдан юрөс. Петав өдйө кумө да көзөд вылө!

Ачыс кыскис сундукуыс кык вина сулея.

— Вот тайө мяян ног, Терентий Евлампьевич,— серөктіс Турьев.

А арнас гымөбтіс свадьба. Став сиктыс гажөдчис куим лун чөж. Дыр сэсся казътывлісны та йылысь: «Тайө вөлі сэк, кор Кузнеч Терень ныв свадьба вылас кыйис Евтыысь став черисө, весиг рөд вылас эз коль», либө: «Помнитан, сійө арнас Митрей Ондреян пиыслөн свадьба кежлас начкис ассыс квайт пудъя порсысө, а аски кежлас и кило яй абу кольөма».

И ещө отитор: свадьба вылас гажмөм сватъяс первойсө окасисны, а сэсся бара воисны зыкө. Казътыштілім нин тай, сиктсөветө депутатъясөн бөрйылісны Кузнеч Тереньөс да Ондреянөс. Но кодкө Тюрнинлысь нимсө киритөма, а Икучевлысь некод абу. Та йылысь и казътыштіс Ондреян. А Терень скөрысь мурөстіс:

— Тэ вөсна ме гөлөсуйтны ог жө кут!

И заводитчис. Одва и өлөдісны выль сватъясөс. Но, век он скөрав. Бурасисны найө.

## ЮРИНДАЛЫСЬ

Пармаса баллада. Висьт . . . . .	3
Куслытём олём. Висьт . . . . .	23
Фронтёвйй блокнотысь. Серпасторъяс . . . . .	37
Морт оз сетчы. Висьт . . . . .	45
Эн вунёдйй найёс. Висьт . . . . .	55
Друглы письмё. Висьт . . . . .	69
Сьёлёмйй менам тани. Повесть . . . . .	74

Александр Алексеевич Лыюров

### НЕ ЗАБУДЬТЕ ИХ

Рассказы, повесть

На коми языке

Художник С. А. Холопов

Редактор В. А. Попов. Художественный редактор А. В. Мошев.  
Технический редактор А. Н. Вишнева. Корректор Э. С. Греггер.  
Сдано в набор 10/IV-1974 г. Подписано к печати 10/VII-1974 г. Формат  
84×108<sup>1/32</sup>. Бум. л. 5,0; печ. л. 8,4; уч.-изд. л. 8,2. Заказ № 3263. Ц01960.  
Тираж 2500. Цена 27 коп. Коми книжное издательство.  
Сыктывхар. Дом печати.

г. Сыктывкар, Республиканская типография Управления по делам  
издательств, полиграфии и книжной торговли Совета Министров  
Коми АССР.

27 кӧп.

КОМИ КНИЖНОӢ ИЗДАТЕЛЬСТВО · 1974